


რ. სავანაძე

ქართუ ვერტოვოვიკი
განათლება XIX სუუკუნის
საქართველო



გამოცემლობა „ცოცხალი“
თბილისი—1958

წ ი ნ ა ს ი ტ ყ ვ ა ო ბ ა

ჩვენი შრომის მიზანია მე-19 საუკუნის საქართველოს ქალთა პედაგოგიური განათლების აღმოცენების პირობების გარკვევა, მისი შინაარსის მოკლე დახასიათება და იმ ადგილის განსაზღვრა, რომელიც მას ეჭირა აღნიშნული პერიოდის საქართველოს პედაგოგიური განათლების სისტემაში საერთოდ. ამის მიხედვით ჩვენ განვიხილავთ მე-19 საუკუნის მეორე ნახევრის ქალთა პედაგოგიურ სასწავლებელთა ორგანიზაციის, მათი სასწავლო გეგმების, პროგრამების, სახელმძღვანელოების და ამ სასწავლებლებში მომზადებულ მასწავლებელ ქალთა კვალიფიკაციის ძირითად საკითხებს.

ამთავითვე საჭიროა აღვნიშნოთ, რომ ქალთა პედაგოგიურ სასწავლებელთა პარალელურად, ჩვენ ვეხებით ყველა იმ სააღმზრდელო და საგანმანათლებლო დაწესებულებას, სადაც კი ფაქტიურად მზადდებოდნენ მომავალი პედაგოგი ქალები მიუხედავად ამ დაწესებულებათა ძირითადი პროფილისა და, წინასწარგანსაზღვრული მიზანდასახულობისა. ასე, მაგალითად, მე-19 საუკუნის პირველ ნახევარში და ნაწილობრივ მეორე ნახევარშიც, საქართველოში არსებობდა საშინაო და საეკლესიო-სამონასტრო სკოლები, კერძო სასწავლებლები და პანსიონები, კურსები და სხვა ორგანიზაციები, რომლებიც არ იყო მოწოდებული აღეზარდა საბალხო სკოლების მასწავლებლები და საშინაო აღმზრდელები, მაგრამ ამ დაწესებულებებში სწავლადასრულებული პირების უმრავლესობა ხანგრძლივად ეწეოდა მასწავლებლობას ან ასრულებდა კერძო მასწავლებლისა თუ დამრიგებლის ფუნქციებს და ამიტომ მათი როლი და ადგილი მასწავლებელ ქალთა მომზადების საქმეში არ შეიძლებოდა უყურადღებოდ დაგვეტოვებინა.

ჩვენი შრომა, მართალია, ეხება მე-19 საუკუნის მეორე ნახევარს, რადგანაც სწორედ 60-იანი წლებიდან იწყება საქართველოში პედაგოგიური, კერძოდ, ქალთა პედაგოგიური განათლება, მაგრამ ამ პერიოდის ზოგიერთი დაწესებულება, რომელიც ამზადებდა პედაგოგებს დაწყებითი სკოლებისათვის, აღმოცენებული იყო მე-19 საუკუნის პირველი ნახევრის დამლევს, 40—50 წლებში, და, ამდენად, უფრო მიზანშეწონილად დავინახეთ ცალკე ნაწილად გამოგვეყო ასეთ დაწესებულებათა მუშაობა. 60—70 წლებში ქალთა პედაგოგიური განათლების მიმოხილვისას ჩვენ აღარ ვუბრუნდებით მათ, თუმცა კი ისინი კვლავ აგრძელებდნენ ბავის მუშაობას, როგორც ამ პერიოდში, ისე მის შემდეგაც.

დაწყებითი სკოლის მასწავლებელთა შერჩევის საქმეში მე-19 საუკუნის მეორე ნახევრის მთელს მანძილზე გარკვეულ როლს თამაშობდნენ აგრეთვე ქალთა წრეები და საქველმოქმედო საზოგადოებანი. ისინი არა მარტო სკოლებსა და პანსიონებს აარსებდნენ, არამედ აწარმოებდნენ მათ მასწავლებელთა და აღმზრდელთა შერჩევასაც. ამ წრეებსა და საზოგადოებებს არ გააჩნდათ რაიმე ეთექტიანი საშუალება მიეცათ მათთვის შესაფერისი პედაგოგიური განათლება და კმაყოფილებოდნენ მხოლოდ იმით, რომ მომავალ მასწავლებლებს აცნობდნენ ერთგვარ პედაგოგიურ პრაქტიკას გამოცდილ მასწავლებელთა გაკვეთილების მოსმენით. ასეთი პრიმიტიული წესით მომზადებული მასწავლებლები მაინც მნიშვნელოვან ძალას წარმოადგენდნენ მე-19 საუკუნის მეორე ნახევრის პედაგოგიურ ფრონტზე, მაგრამ მათი აღრიცხვა არსად არ ხდებოდა, ხოლო საერთო ცნობები მათ შესახებ არ გვაძლევდა საშუალებას რამდენადმე მაინც აგვესახა ამ წიგნში მათი ნაყოფიერი და უეჭველად პატივსაცემი შრომა.

* * *

პედაგოგიური განათლების ისტორია საქართველოში ჯერ კიდევ არ არის შესწავლილი ჯეროვანი სისრულით; ქალთა პედაგოგიური განათლება მით უფრო სავალალო მდგო-

მარეობაშია და ეს იმ დროს, როცა მასწავლებელ ქალთა მომზადებას თავისი მასშტაბით ქართული პედაგოგიური განათლების დარგში მუდამ მთავარი ადგილი ეჭირა. სამეცნიერო-კვლევით მუშაობას ქართული პედაგოგიკის ისტორიაში დიდი ხანი არ არის, რაც საფუძველი ჩაეყარა და ამიტომ გასაგებია, რომ ქალთა პედაგოგიური განათლების ისტორიის შესახებ სპეციალური გამოკვლევა ან რაიმე სისტემატიური ნაშრომი არ მოგვეპოვება. ამ თემაზე არსებული ცალკეული ეპიზოდური ცნობები გაფანტულია სხვა პრობლემებისადმი მიძღვნილ გამოკვლევებსა და ნარკვევებში¹ და სრულებითაც არაა საკმარისი მე-19 ს. მეორე ნახევრის ქალთა პედაგოგიური განათლების მთლიანი სურათის დადგენისათვის. ამის გამო აუცილებელი იყო მიგვემართა ისეთი პირველადი წყაროებისათვის, როგორცაა: არქივის ფონდები, პერიოდული პრესა, კავკასიის სასწავლო ოლქის ოფიციალური ანგარიშები და ცირკულიარები, მოგონებები და სხვა მასალა, რომელიც მითითებული გვაქვს მათი გამოყენების ყველა შემთხვევაში.

ჩვენს თემის წყაროების სიმცირეს მიეწერება ის გარემოება, რომ ზოგიერთი საკითხი არ არის დამუშავებული საჭირო სიღრმითა და სრული სახით. ეს, პირველ ყოვლისა, იტქმის ქალთა პედაგოგიურ სასწავლებელთა სასწავლო საგნების პროგრამებზე და სახელმძღვანელოებზე, რომლებიც ჩვენ დრომდე არ შემონახულა. საკმაო მასალა არ აღმოჩნდა არც ამ პედაგოგიურ სასწავლებელთა კურსდამთავრებულ მასწავ-

¹ Л. Н. Модзалевский — Очерк истории воспитания и обучения, ч. II. (приложение) 1899; Е. К. (ეპისკოპოსი კირიონი)—Краткий очерк истории Грузинской церкви и экзархата за XIX столетие, 1901; С. Эсадзе—Историческая записка об управлении Кавказом, 1907; კრებული — სწავლა-აღზრდის ისტორია საქართველოში, I, 1937; III. Чхетია—Тбилиси в XIX столетии, 1942; გ. თავიშვილი—სახალხო განათლებისა და პედაგოგიური აზროვნების ისტორია საქართველოში, II, 1948; ტ. ხუნდაძე—ნარკვევები მე-19 ს. სახალხო განათლების ისტორიიდან საქართველოში, 1951; ვ. ქაჯაია—ქართველი პედაგოგები, 1955; ვ. ზამბახიძე, ნ. ნიკოლაძის პედაგოგიური იდეები

ლებელ ქალთა კონტიგენტების მოძრაობის შესახებ, რომ შესაძლებელი ყოფილიყო მათი რიცხვის ზრდისა და სოციალურ-ნაციონალური შემადგენლობის სტატისტიკური ცნობების წარმოდგენა.

მიუხედავად ამ ნაკლისა, რომელიც გამოწვეულია ჩვენგან დამოუკიდებელი მიზნებით, ვფიქრობთ, ეს ნაშრომი მაინც არ იქნება უსარგებლო საკითხით დაინტერესებული მკითხველისათვის და, პირველ ყოვლისა, მე-19 საუკუნის მეორე ნახევრის საქართველოს სახალხო განათლების ისტორიის შემსწავლელ პირთათვის.

ავტორი

ნაწილი პირველი

მასწავლებელ ქალთა მომზადების პირობები და წესები მე-19 საუკუნის პირველ ნახევარში

მე-19 საუკუნის პირველი ნახევარი საქართველოში ცნობილია, როგორც ფეოდალური წყობისა და ურთიერთობის რღვევის პერიოდი.

ნატურალური მეურნეობის კრიზისი საქართველოში მე-18 საუკუნის უკანასკნელ მეოთხედში დაიწყო, მაგრამ მე-19 საუკუნის დასაწყისში შინამრეწველობისა და უცხოეთის ქვეყნებთან ვაჭრობის გაფართოებამ დააჩქარა ეს პროცესი. განსაკუთრებული მნიშვნელობა ამ მხრივ ჰქონდა რუსეთთან შეერთებას.

რუსეთ-საქართველოს ურთიერთობის ხანგრძლივი ისტორია დაგვირგვინდა მე-18 საუკუნის დამლევს „გეორგიევსკის სამეგობრო ტრაქტატით“, ხოლო 1801 წელს „საქართველო შეუერთდა მოძმე სახელმწიფოს“.

მართალია, მძიმე იყო საქართველოსათვის დამოუკიდებლობის დაკარგვა და რუსეთთან შეერთება, რომელსაც მაშინ სათავეში ედგნენ მეფე და მემამულეები, მაგრამ შეერთებას მაინც პროგრესული მნიშვნელობა ჰქონდა ჩვენი ქვეყნის ეკონომიური, პოლიტიკური და კულტურული განვითარებისათვის¹.

რუსეთთან შეერთებისას საქართველო გამოირჩეოდა თავისი სახელმწიფოებრივი წესწყობილებითა და კულტურით. ცნობილი ისტორიკოსი პლატონ იოსელიანი ამის შესახებ

¹ თეზისები რუსეთთან უკრაინის შეერთების 300 წლისთავის შესახებ, მოწონებული საბჭოთა კავშირის კომუნისტური პარტიის ცენტრალური კომიტეტის მიერ, 1954 წ.

წერდა: „ესრეთ კეთილად დაწესებული სამეფო, ვითარცა საქართველოსა, სარწმუნოებითა, ეკლესიებითა, მონასტრებითა მღვიანებეგობითა, სწავლითა და ხელოვნებითა, გუთნითა და ხენითა, თესვითა და მკითა, პატიოსნებითა და ზრდილობით აღსავსე, ესრეთ ბრწყინვალე სამეფოისა ტახტითა და თავადაზნაურობითა, საღვდელთა წესითა და საეროსა სიმდიდრითა, თოფითა, ზარბაზნითა და ხალხისა სიმხნითა და ვაჟაკობითა ჩაბარდა სადმე დიდსა რუსეთისა იმპერიასა“¹.

საქართველოს შეერთება რუსეთთან ქართველი ხალხის ერთსულლოვანი მისწრაფება იყო და იგი ამ ფაქტს კმაყოფილებით შეხვდა. სახელოვანი ქართველი პოეტი ალექსანდრე ჭავჭავაძე, რომლის სიტყვების გულწრფელობაში დაეკვივება შეუძლებელია, წერდა:

„ალა-მაჰმად-ხანის უკანასკნელმა შემოსევამ და ტფილისის აოხრებამ 1795 წელს გადასწყვიტა საქართველოს ბედი. საქართველომ თვალნი თვისნი მიაპყრო ერთ მორწმუნე რუსეთს, რომლშიაც იგი წინადაც ჰპოებდა დასაყრდენს... და მას დახმარების ხელი გამოუწოდეს... ხალხი, აღტაცებული მომავალი კეთილდღეობის იმედით... თავის სიხარულს ხანგრძლივი ღხინით გამოხატავდა“².

მე-19 საუკუნის 30-იანი წლებიდან კაპიტალისტური წარმოებისა და ბურჟუაზიული კულტურის საწყისები ინტენსივობით იჭრებოდა საქართველოს ეკონომიკურ და კულტურულ ურთიერთობაში, მაგრამ საუკუნეების მანძილზე განმტკიცებული ფეოდალური ინსტიტუტის დაშლის პროცესი საქართველოში მე-19 საუკუნის მეორე ნახევარშიც გრძელდებოდა.

საზოგადოებრივი ყოფა-ცხოვრება და განათლება უფრო ნელი ტემპით ეთხოვებოდა ძველ, ფეოდალურ საფუძვლებს. თავადაზნაურული იდეოლოგია კვლავ ინარჩუნებდა თავის გაბატონებულ მდგომარეობას. მთელი აღნიშნული პერიოდის განმავლობაში. აღზრდა-განათლების და სწავლების ძველი წესები კიდევ დიდხანს რჩებოდა ძალაში. წერა-კითხვის პრიმი-

¹ პ. იოსელიანი, ცხოვრება გიორგი მეცამეტისა, 1926 წ.

² ა. ჭავჭავაძე, თხზულებანი, 1940 წ., გვ. 243—245.

ტიული მეთოდებიც განაგრძობდნენ არსებობას, მაგრამ სოციალური ურთიერთობის გაშლა, ცხოვრების განვითარების კანონები, გადაჭრით მოითხოვდა ხალხის განათლების აუცილებლობას, კულტურის კერებისა და მასწავლებელთა გამრავლებას.

ქართველი ქალი მე-19 საუკუნის პირველ ნახევარში კვლავ რჩებოდა, ძველი ტრადიციის მიხედვით, ხალხში წიგნიერების გავრცელების მთავარ ძალად და იმისათვის, რომ უფრო ნათელი გახდეს მისი როლი ამ პერიოდის სახალხო განათლების დარგში, საჭიროდ მიგვაჩნია მკითხველს გავახსენოთ ზოგიერთი დამახასიათებელი ეპიზოდი ქალთა კულტურულ-საგანმანათლებლო მუშაობისა ძველ საქართველოში.

1. ქალთა კულტურულ-საგანმანათლებლო მუშაობა ძველ საქართველოში

საქართველოს ისტორიის მრავალსაუკუნოვან მანძილზე ქართველი ქალები ენერგიულად იღვწოდნენ ქართული მწიგნობრობის განვითარებისა და კულტურის სხვა სფეროებში.

ქართული მწერლობის უძველესი ძეგლი, მეხუთე საუკუნის თხზულება—იაკობ ცურტაველის „წამებაი წმინდისა შუშანიკისი დედოფლისაი“ გვამცნობს, რომ შუშანიკმა „თანა წარიტანა ევანგელი თვისი და წმინდანი იგი მოწამეთანი“ და პატიმრობისას „მოუწყინებლად ჰკითხულობდა წიგნებს“.¹

მარიამ დედოფლისეული „ქართლის ცხოვრება“ გადმოგვცენს, რომ ვახტანგ გორგასალის დედას, საგდუხტს, „ქმარმან მისმან მოგუარნა სჯულის მეცნიერნი და უთარგმნეს სახარება“².

საქართველოში განათლების ქსელის წინწაწევის საქმეში მნიშვნელოვანი როლი შეასრულეს ქართველ ქალთა კულტურულმა კერებმა, რომლებიც არსებობდა როგორც ჩვენში, ისე უცხოეთშიც. პროფ. კ. კეკელიძე წერს: „მეხუთე საუკუნე“

¹ იაკობ ცურტაველი, წამება წმინდისა შუშანიკისა, 1917 წ., გვ. 7

² ქართლის ცხოვრება, მარიამ დედოფლისეული ვარიანტი, გვ. 120.

ნიდან მოყოლებული პალესტინა ერთ-ერთი მნიშვნელოვანი ცენტრი იყო ქართული კულტურული შექმნებებისა საზღვარგარეთ, მეთავე საუკუნემდე „საბას ლავრა“, ხოლო მეთერთმეტიდან „ჯვარის მონასტერი“—აი ორი მთავარი პუნქტი, სადაც ღვივოდა ნაპერწკალი ჩვენი ძველი ლიტერატურისა და სადაც ჩვენი წინაპრები ეცნობოდნენ მოწინავე კულტურის მიღწევებს საშუალო საუკუნეთა მანძილზე. საყურადღებოა, რომ ამ კულტურულ საქმიანობასა და მოძრაობაში მამაკაცებს დედაკაცებიც არ ჩამორჩებოდნენ და ე. წ. „წმინდა ქვეყნის“ სხვადასხვა პუნქტში ისინიც ქმნიდნენ კულტურულ-საგანმანათლებლო კერებს¹.

პროტესორ კ. კეკელიძეს დადგენილი აქვს სამი ასეთი ცენტრის არსებობა: „კაპპათა“ აშენებული დედოფლების მართა და ბორენას ზიერ, „დელტავი“ და „დერთუთა“. კაპპათა დაარსებულა მეთერთმეტე საუკუნის სამოცდაათიან წლებში, ამავე-საუკუნეში უნდა იყოს დაარსებული დანარჩენი ორიც.

როგორც ირკვევა, პალესტინის ქართველ „დედათა“ სავანეებში ისეთსავე კულტურულ-საგანმანათლებლო საქმიანობას ეწეოდნენ, როგორც მამათა მონასტერში: წიგნების შეკრება, კითხვა, გადაწერა, გავრცელება, ბიბლიოთეკის შედგენა, მწიგნობართა კადრების მოწაზადება აქაც ჩვეულებრივი მოვლენა ყოფილა. „დედათა“ და „მამათა“ მონასტრებს ურთიერთობა ჰქონიათ წიგნების სარგებლობის ხაზითაც; დედათა სამონასტრო ბიბლიოთეკებიდან წიგნები საკითხავად და სასარგებლოდ მიჰქონდათ მამათა მონასტრებში, ანდა პირიქით მამათა მონასტრებიდან დედათა სავანეებში².

მაღალი იყო ქართველი ქალის ავტორიტეტი ძველი საქართველოს საზოგადოებრივ-კულტურულ ცხოვრებაში, რადგან ის ბავშვობიდანვე სერიოზულ აღზრდა-განათლებას ღებულობდა. მეთერთმეტე საუკუნის პირველი ნახევრის ქართველი საეკლესიო მოღვაწისა და მწიგნობრის გიორგი ათონელის „დედმამამ პირველი ქალი, თეკლა, შვიდი წლის როცა შეიქ-

¹ აკად. ნ. მარის სახელობის ენიმკის მონაბე, 1913 წ., ტ. 13, გვ. 106.

² იქვე.

მნა, მონასტერში წაიყვანეს, წინამძღვარმა აიყვანა ის და „ვითარცა შვილი თვისი“ კეთილად აღზარდა. ეს თეკლა მონაზვნად იყო შეწირული, რომ იდეალური მონაზონი ყოფილიყო, ბავშვს თავიდანვე—შვიდი წლიდან მონასტერში აღმეფედნ აღსაზრდელად. ცხადია, უნდა არსებულიყო სამონაზვნოდ აღზრდა განსაზღვრებული საერო აღზრდისაგან. მონასტერში შეიძლებოდა სამონაზვნოდ „კეთილად აღზრდა“, ე. ი. უნდა არსებულიყო სწავლასა და სისტემა აღზრდისა საერო და სამონაზვნო¹.

საშუალო საუკუნეებში, წერს პროფ. კ. კეკელიძე—„როდესაც დასავლეთ-ევროპაში, კერძოდ გერმანიაში, ქალი ბოროტ საწყისად იყო აღიარებული და მას როგორც ასეთს, ხშირად ცეცხლის კოცონზე სწვავდნენ, საქართველოში ნიკოლოზ გულაბერიძის მიერ ქალი „ღირსებისა და პატივის“ შესახებ ტრაქტატი იწერებოდა, ხოლო უკვდავი რუსთაველი კი პოეტური აფორიზმით აღიარებდა მის თანასწორობას მამაკაცთან: „ლეკვი ლომისა სწორია, ძუ იყოს, თუნდა ხვადია“.

ქალს არამც თუ მამაკაცის მსგავს არსებად აღიარებდნენ, უფრო მაღლაც კი აყენებდნენ: „ცხელდავ ძალსა შენსა, ვითარცა ძალსა ლომისა ძუებისა, რომელი იძახის ყოველსავე ზედა ოთხფერხისა, განა ვითარცა ორბი დედალი; რომელი აღვიდის სიმალლესა ჰაერისასა, უფროას მანლისა“.

და ეს არ იყო ლიტონი სიტყვა, ეს თანარის ბრწყინვალე მეფობით გამართლებული ფაქტი იყო. ეს გამართლებული იყო ქალების აქტიური მონაწილეობით კულტურისა და განათლების ისტორიაში².

კულტურის არც ერთი სფერო უცხო არ იყო ქართველი ქალისათვის. ჩვენ გვყავდა საზოგადო მოღვაწე და პოლიტიკოსი ქალები, პოეტი-ჰიმნოგრაფები, ხალხური მთქმელები, გადამწერ-კალიგრაფები, მთარგმნელები, ბიბლიოფილები და კულტურის სხვა დარგის მუშაკები.

დავას არ იწვევს ის გარემოება, რომ ძველად ანბანს,

¹ კრებული, სწავლა-აღზრდის ისტორია საქართველოში, 1937, გვ. 97.

² აკად. ნ. მარის სახელობის ენიმკის მოამბე, 1913, ტ. 13, გვ. 119.

წერა-კითხვასა და პირველდაწყებით განათლებას ჩვენში უმთავრესად ქალების თაოსნობით იძენდნენ.

მე-17 ს. პირველი ნახევრის მოგზაური არქანჯელო ლამბერტი საქართველოში წერა-კითხვის მდგომარეობის შესახებ აღნიშნავდა: „ქართული წერა-კითხვა დღეს სულ მოსპობილი იქნებოდა აქ, რომ ქალებს არ შეენახათ იგი. თუ ვისმე უნდა კითხვა შეისწავლოს უნდა რომელსამე ქალს მიებაროს სასწავლებლად“¹.

მე-18 საუკუნის 70 წლებში რუსეთის ელჩი საქართველოში კაპიტანი იაზიკოვი ქართველი ქალების წიგნიერების შესახებ წერდა: „რაც შეეხება კეთილშობილ ქალებს,—ყველა წერა-კითხვის მცოდნეა, წარჩინებული ოჯახები თავიანთ ქალებს უსათუოდ ასწავლიდნენ წერა-კითხვას“².

მართლაც, მრავალი საბუთი არსებობს იმის დასამტკიცებლად, რომ ქართველ ქალს, როცა იგი შვიდი წლისა გახდებოდა, წერა-კითხვას ასწავლიდნენ ან კერძოდ, ინდივიდუალური სწავლების წესით, ან საშინაო, ანდა სამონასტრო სკოლაში მიბარებით.

ზოგიერთი მკვლევარი აღნიშნავდა, რომ თითქოს პირველი „ანბანთ ქება“ საქართველოში მე-16 - 17 საუკუნის მგოსანს თეიმურაზ პირველს ეკუთვნის³. ამჟამად უკვე ცნობილია, რომ ჩვენამდე მოღწეულ „ანბანთ ქებებიდან“ პირველი თეიმურაზ პირველის დედას ქეთევანს ეკუთვნის.

ლევან ასათიანი თავის გამოკვლევაში „ძველი საქართველოს პოეტი ქალები“ ქეთევანის (1573—1624) შესახებ ამბობს: „ქართულმა ლიტერატურამ საკმარისად აღნიშნა მისი სახელი. დიდმა ქართველმა მწერალმა სულხან-საბა ორბელიანმა პოეტური სტრიქონები უძღვნა მის ხსოვნას. შემდეგი დროის პიიტიკოსებმა შეთხზეს ჰიმნები მის სადიდებლად, რიტორებმა და სქოლასტებმა დაწერეს წიგნები.

დაბოლოს, ქართული პოეზიის ისტორიას შერჩა ერთი

¹ არქანჯელო ლამბერტი, სამეგრელოს აღწერა, 1938, გვ. 151.

² А. Цагарели, Свед. о груз. письм., I, გვ. 11.

³ კრებ. სწავლა-აღზრდის ისტორია საქართველოში, 1937, გვ. 71.

ელეგორი ლექსი, „ანბანთ ქება“ ცნობილი ქეთევანიზ „ფისტიკაურად“.

იმის გასათვალისწინებლად, თუ როგორ იზრდებოდნენ მე-18 საუკუნეში ქართველი ქალები ინდივიდუალური წესით, გავეცნოთ მამია გურიელის ასულის ეკატერინეს აღზრდის წესებს.

„აღზრდა მისი იყო ამგვარი, ვითარცა მიიღებენ ანუ მიიღებდნენ ოდესმე საზოგადო ყოველნი ქალები თავადთა და კეთილშობილთაგანი ყოველთა კავკასიის აქეთ მდებარეთა საქრისტიანოთა...“

რატამს ოდენ წარმოსდგებოდა პირველი ღონისძიება სწავლების დაწყებინებისა, მაშინვე მოაყოლებდნენ დავითნს, შემდგომად დაუჯდომელს, სამოციქულოს, სახარებას, დაბადებას და სხვათა საღმრთოთა წიგნებთა, რომელთაც ქალნი კეთილშობილნი სწავლობდნენ აქამომდე, რომელ ხშირად გაუძნელდებოდათ ბაასი მათთანა თითქმის ღვდელთაცა კარგად მცოდნეთა, ხოლო საეროსა აღზრდასა მათსა დააბოლავებდნენ ხელთსაქმენი, განწყობილება მოკითხვის წიგნისა, ნათესაეთა და მოკეთილეთა მიმართ, მოთხრობითი აღწერა მამისა ანუ ნათესაეისა ვისიმე მოქმედებათა, კითხვაი საგმიროთა პოემათა და სხვათა ამ გვართა თბულებათა, რომელნიცა აღაწაღლებდნენ გრძობათა მათთა ყოვლითა კეთილობითა და წარბართვაი შინაურთა საქმეთა სასიამოვნოდ. ერთი სიტყვით წიგნობრივი აღზრდა ქალთა მრავალით აღემატებოდა აღზრდასა კაცთასა, რომელნიცა მიმომოქცეოდნენ უმეტესად საქმეთა შინა სიმარდისა და მხნეობისათა¹.

მწერალი ალექსანდრე ორბელიანი კი (1801—1869) ასე აგვაწერს ქართველი ქალების აღზრდას:

„იმ ჩვენ დედაკაცებს ჯერ ყმაწვილობაში საღმრთო წერილს ასწავლიდნენ, შემდეგ ქცევას, ზიზოპერას, თავის უმანკოების სიწრფელის სიმართლითა, თან ცდილობდნენ ყოველი წმინდა და პატიოსანი ხასიათი ჩაეწვეთათ, თავის მოთმინებით, იმათ ბუნებაში, და როდესაც ღრო მოვიდოდა, გაათ-

¹ გურიის ამბები, 1916. გვ. 62--63.

ხოვებდნენ. — და ეს ხასიათები ქალს განძად და საუნჯედ გაჰყვებოდა თავის ქნრისა და იმის სახლის გასაბედნიერებლად.

მე თამამად ვიტყვი, რომ ჩემი გული იმათთან ყოფნით ყოვლის კეთილის ზადლით განათლებული იყო ხოლმე. რა არა ჰქონდათ იმათ კარგი თვისებანი. დარბაისლური, მართებულის ლაპარაკი თუ ზრდილობიანი გაბუნრებით მხიარულება. მე ჩენს დღეში არ მახსოვს, რომ იმათ ერთი ბეწვა წინააღმდეგობა და ზალალი სიტყვა ეთქვათ ერთმანეთისათვის რამა. ყოველთვის ნწვიდობიანად და გონივრულად ლაპარაკობდნენ და ნწვიდობიანათ თავის აზრებს უნტკიცებდნენ ერთმანეთს, და ამასთან ყოველი იმათი ლაპარაკი კარგ საგნებზედ იყო; მიწის მოსაგებზე, თუ ვენახზედ, სახლის მეურნეობაზედ და სხვანი, ასე რომ იმათში თავის დღეში ჰგორო არ ითქმოდა თორემ, ტყუილი და სიცრუე როგორ შეიძლებოდა.¹

სახელმძღვანელო წიგნებად სხვადასხვა სახის სასულიერო და საერო ხასიათის თხზულებანი იხზარებოდა და, საბეჭდი დაზვის უქონლობის გამო, ხელნაწერთა გადაწერა, დაკაზმისა და რესტავრაციის საქმეში მანაკაცებთან ერთად შრომობდნენ ქართველი ქალებიც.

ურყევ წესად იყო დადებული, რომ ქალს დაბადების დღიდანვე სსვა მზითევთა შორის შინაურ ბიბლიოთეკასაც ატანდნენ, რონელშიაც პირველი ადგილი „ნეფხასტყაოსანს“ ეკირა.

ხშირად „მზითვის სიებში“ „ვეფხისტყაოსნის“ გარდა მოხსენებულთა: „ქართლის ცხოვრება“, „სიტყვისა კონა“, „ქილილა და დამანა“, „ზილიხანიანი“, „ვარდბუღბულიანი“, „შამი თარვანიანი“, „ვაზაფბულისა და შემოდგონის გაბაასება“, „ანბანთ ქება“, „მაჯამა“, „ღრამატიკა“, „რიტორიკა“, „დილექტიკა“, „ქატელორია“, „სიბრძნე სიცრუე“, „ვისრამიანი“, „ჩარდავრიშანი“, „ნიროანიანი“, „დაფნის ქალაქი“, „ყარამანიანი“.²

მეთვრამეტე საუკუნის მეორე ნახევრიდან ქართველთა შორის იზრდება ინტერესი რუსეთისა და რუსული კულტუ-

¹ ალ. ორბელიანი, ნაწერი, 1876, გვ. 150—151.

² ი. გრიშაშვილი, ძველი ტფილისის ლიტერატურული ბოქემა, 1921, გვ. 68—95.

რისადმი. ასე მაგალითად: მეფე ერეკლე მეორის დები თანა-
რი და ეკატერინე ბატონიშვილები 1778—1791 წლებში თანა-
მშრომლობდნენ რუსულ ჟურნალებში: „Покоящееся трудолю-
бие“ და „Чтение для вкуса“.

ეკატერინე ბატონიშვილს (გრუზინსკაიას) 1785 წელს, მოსკოვში ჟურნალ „Покоящееся трудолюбие“-ში (Периодическое издание с.ужащее продолжением „Вечерние Зоры“. Часть 4, стр. 210—213) მოუთავსებია თარგმანი დიდაქტიკური ხასიათის თხზულებიდან, სათაურით: „Наказанная важность“.¹ ამრიგად, ძველ საქართველოში ქალები მნიშვნელოვან ძალას წარმოადგენდნენ წიგნიერების გავრცელების საქმეში.

2. საეკლესიო-სამონასტრო და საშინაო სკოლები

მეცხრამეტე საუკუნის პირველ ნახევარში საქართველოს სხვადასხვა კუთხეში არსებობდა ძველი, ხალხური წესით მომუშავე სკოლები, როგორც ეკლესია-მონასტრებთან, ისე სხვადასხვა კერძო ოჯახებში.

ეს სკოლები არა მარტო ელემენტარულ წიგნიერებას აერეულებდა მოსახლეობაში. არამედ აწავდიდა აგრეთვე თვით ასეთი სკოლების მომავალ დასწავლებლებს.

იზიანათვის, რომ სათანადო წარმოდგენა ვიქონიოთ მათი ეკლესიის მარაგზე, საჭიროდ მიგვაჩნია ზოგადად მაინც შევეხოთ ამ სკოლების მუშაობას.

ცნობილია, რომ „XIX ს. პირველ ნახევარში არსებობდა ქალთა მონასტრები კარგად მოწყობილი ქალთა სკოლებით (ბოდბის, მცხეთის, თეკლათის, ჯრუჭის. საჩხერის, ზღვიძისა და სხვ.). ამ სკოლებში წერა-კითხვის, ლოცვებისა და გალობის, ხოლო ზოგიერთ მათგანში (ბოდბე) სანეცნიერო საგნების გარდა. ასწავლიდნენ კრა-კერვას და სივა სადიასაბლისო საქმეებს“.²

¹ Неустроев, Указатель к русским поверенным изданиям и сборникам за 1703—1802 и к историческому розысканию оных. С. Петербург, 1893, стр. 164.

² პროფ. გ. თავეზიშვილი, სახალხო განათლებისა და პედაგოგიური აზროვნების ისტორია საქართველოში, 1918, ტ. II, გვ. 114.

თუ ეკლესია-მონასტრებთან არსებულ სკოლათა რიცხვი მცირე იყო, სამაგიეროდ, საერო ხასიათის საშინაო სკოლათა რაოდენობა საკმაოდ დიდი ყოფილა.

საშინაო სკოლები მოწყობილი იყო კერძო ბინებზე, სადაც რამდენიმე ბავშვს ასწავლიდნენ წერა-კითხვას, ანგარიშს, ლოცვებს, ხოლო გოგონებს ამის გარდა—ხელსაქმეს. მასწავლებლებად უმეტეს შემთხვევაში იყვნენ დაბალი განათლების მქონე ქალები, იშვიათად—მამაკაცები.

საშინაო სკოლებში, როგორც წესი, ღებულობდნენ 9 წლის ასაკგადაცილებულ ბავშვებს. „მიღება“ უმთავრესად შემოდგომის მიწურულში ხდებოდა. სწავლა გაზაფხულამდე გრძელდებოდა. სწავლება უმეტეს შემთხვევაში სადილობიდან სამხრობამდის წარმოებდა და ამით ბავშვებს შესაძლებლობა ეძლეოდათ საოჯახო მეურნეობაშიაც მიეღოთ მონაწილეობა დილას და საღამოს.

სწავლა გულისხმობდა წერა-კითხვის შესწავლასა და ანგარიშს ასის ფარგლებში. ამის გარდა ქალებს ასწავლიდნენ დიასახლისობას, ხელსაქმეს, დაკრას, სიმღერასა და ცეკვას.

საშინაო სკოლები, როგორც წესი, ატარებდნენ თავიანთი მასწავლებლის ან იმ ოჯახის უფროსის სახელს, სადაც „სკოლა“ იყო გამართული.

ცნობილი მწერალი სოფრომ მგალობლიშვილი თავის მოგონებებში ასე აღწერს ქართველი გოგონების საშინაო სკოლებში სწავლას:

„... სისტემა სწავლებისა ქალებისათვისაც ისეთივე იყო, როგორც ვაჟებისათვის, მაგრამ ოსტატ ქალებს რადგან პლატონ იოსელიანის გრამატიკა არ მოეძეებოდათ, —ან-ბანს უწერდნენ თავის შეგირდებს ქალაღზე, ნაბარათევის ნაგლეჯ ნაფბრეწზე, ხშირად კი ისინიც ბეჭს მიმართავდნენ ხოლმე (როგორც ვაჟები). სწავლების დროს იდგა ერთი გნიასი, ყველა თავისთვის სწავლობდა. ხმამალა ამბობდა ასოების სახელებსა, ასე: ანუ, ბანუ, განუ .. ოსტატს, ასე უწოდებდნენ მასწავლებელს, ისე გამახვილებული ჰქონდა ყურთა სმენა, რომ ხმით ყველას იცნობდა, განსაკუთრებით ოსტატი ქალები, ხოლო

თითონ გაკვეთილების დროს ქარგვას ჩაუჯდებოდა, თავსაკრავს ჰკერავდა, ან ჩიხტიკოპს აკეთებდა, ან კიდევ ჰქსოვდა რასმესა, მაგრამ თუ შეეშლებოდა ვისმეს ამ არეულ-დარეულს ხმაურობის დროს, თავაულებლივ თავის საკუთარ სამუშაოდან, დაუძახებდა: კაკატო, შეგეშალა, ბანის შენდევ დონი კი არა, განია. ახლა სხვას გაუსწორებდა, ახლა სხვასა.

შეგირდები ტახტზე ისბდენ მოკეცილები, ნაბარათევის ნაფხრეწი მუხლზე ედოთ და საჩვენებელი თითით ასდევ-ჩასდევდნენ ასოებსა. როცა კითხვა გათავდებოდა, ხელსაქმეს ასწავლიდა: ჯერ წინდა-პაიჭის ქსოვას, შენდევ ჩიხტიკოპის გამოჭრა-გამოწყობასა, მერე ოქრომკედით ანუ აბრეშუმის ჭაფით ქარგვასა, თავსაკრავების კერვასა, სხვადასხვა სახეების გამოყვანასა, შემდეგ ჭრა-კერვასა. ამითი თავდებოდა სწავლება. შენდევ ბავშვები დაუკრავდნენ დაირას, ჩამოუვლიდნენ ლეკურსა და სამაიას, ითამაშებდნენ „ძერა-ძერაობასა“, რომ მოიღლებოდნენ, თავისით გამოეთხოვებოდნენ გოგოები ოსტატსა და კოწიაწით გასწევდნენ სახლში“.¹

საშინაო სკოლები როგორც საქართველოს დაბა ქალაქებში, ისე სოფლებშიც არსებობდა.

სოფრომ მგალობლიშვილს თავის ავტობიოგრაფიულ მოთხრობაში — „წარსულიდან“ — აღწერილი აქვს ეფროსინეს ქალთა საშინაო სკოლა.

„ეფროსინე, ანუ მისი სკოლა, იყო გამაგრებული წერა-კითხვისა, ჭრა-კერვისა, საბეების კერვისა და ქარგვისა...

ეფროსინეს ჰყავდა ექვსი-შვიდი შეგირდი, სოფლის გოგოები, ზოგი მოჰყავდა თერთმეტ-თორმეტი წლისა, ათის წლისაზე პატარას არასდროს არ მიიღებდა სოლმე.

რადგან ქალაღლი იმ დროში, რომელსაც ჩვენი ანბავი შეეხება, ძვირი იყო, იქნება არც ძვირი იყო, მაგრამ ბაზარს დაშორებულ სერში, აბა ქალაღდს ვინ მიიტანდა... ამიტომ ბეჭზედ ასწავლიდნენ წერასა, საკითხავად კი ეფროსინეს ბევრი ძველი ხელთნაწერი წიგნი ჰქონდა. წიითებნი მოყოლილი

¹ ს. მგალობლიშვილი, მაგონებანი, 1938, გვ. 31.

„ვეფხისტყაოსანი“, „დავითიანი“, სიბრძნე-სიკრუეს არაკე-
ბი, ამას გარდა საეკლესიო წიგნები ხომ სულ ყველა ჰქონდა“.¹

წერა-კითხვისა და ხელსაქმის გარდა ეფროსინე თავის
შეგირდ გოგონებს ასწავლიდა მოკითხვის ბარათების წერას,
ზრდილობის ნორმებს, სიტყვა-პასუხს და სხვ. გოგონები
უმეტესად გათხოვებამდის რჩებოდნენ თავის მასწავლებელთან.

„ეფროსინეს, წერს ს. მგალობლიშვილი, წესად დადგენი-
ლი ჰქონდა, რომ იმ ქალიშვილს, რომელსაც იმასთან ჰქონ-
და სწავლა გათავებული, უიმისოდ ვერ გაათხოვებდნენ, ჯერ
იმისთვის უნდა მიეტანათ საოსტატო და შემდეგ დალოცავ-
და და ჯვარს დასწერდნენ. გლებეჯაცობა, განსაკუთრებით შე-
ძლებული გლებეჯაცობა, ეტანებოდა ამისთანა ნასწავლ ქალი-
შვილებსა, რომლებსაც ამასთან მზითვევში უთუოდ ქარგა უნ-
და გაჰყოლოდათ. ქორწინების წლოვანებამდის სწავლობდნენ
ეფროსინესთან გოგონები, სწავლაში არას აძლევდნენ, მხო-
ლოდ ძღვენს მიაართმევდნენ ხოლმე, ეს იყო მაგისი სასყიდე-
ლი სწავლებისათვის“.²

მეცხრამეტე საუკუნის ოცდაათიან წლებში ქალთა საწი-
ნაო სკოლა ჰქონია გორში, პროკურორის მეუღლეს—მაგდანას.
მაგდანა, როგორც მწერალი ეკ. გაბაშვილი გადმოგვცემს, მე-
ტად სასტიკი და შეუბრალებელი ყოფილა. შეგირდები დიდ
ტანჯვა-წამებაში ჰყოლია. „მე კარგად მახსოვს და არც რო-
დისმე დამვიწყებია ვინმე პროკურორის ცოლი მაგდანი და
იმისი სამი დარბაისელი ხნის გასათხოვარი ქალიშვილები,
რომლებთანაც მთელი ზამთარი გაგრძელდა დაუსრულებელი
ჩემი წამება და ტანჯვა-ვაგლახი.

ჩვენი სახლი გორის შუა ალაგას, ციხის მიახლოვებით
იყო და პროკურორის ცოლი კი „პოსელენის“ თითქმის ბო-
ლოში იდგა, ლიახვის და ფშანის პირას, ერისთვისშვილების
ცნობილ წისკვილების მიახლოვებით და მაშინდელი გორის
ქუჩები კი, მეტადრე ზამთარში და გაზაფხულზე გაუვალ ტა-

¹ ს. მგალობლიშვილი, რჩეული მოთხრობები, 1951, გვ. 83—90.

² იქვე, გვ. 92—93.

ლახების გუბეებს წარმოადგენდნენ. ამიტომ ორშაბათობით წივილ-კივილით სოსიკა ბიჭი ამოიყვანდა ხოლმე ხელში და მეორე მთარეზედ ჩემის კვირის საზრდოთი, გატენილ ხურჯინით, გადაკიდებული მიმავლებდა პროკურორიანთ კარებზე და შაბათამდე ვეგდე იმ ჯურღმულში, რომელშიაც ქვრივი იდგა და ვეწეოდი დაუმსახურებელ საშინელ სასჯელს, რომელსაც მაშინდელ ენახე სწავლა-წკრთნა ერქვა.

ჩემთან ერთად სწავლობდნენ კიდევ ორი ჩემი ხნის ბაღლი და ეს სამი უბედური არსება, მთელის საათობით ვიზებირებდით დიდი წიგნის „ხის კახმიანი „დავითის“ ფსალმუნებს. საღამოობით, დედა მაგდანის ქალიშვილებით „ლოტოზედ“ მიდიოდნენ და ჩვენ გვეტოვებდნენ გამოყრუებულ ბებერ ბებთასთან. ნახევარზედ მშვივრები ნოტიო და ბნელ ოთახში. ფშნის, ლიხავის და წისქვილის გუგუნით დაფრთხალნი, ერთმანეთს ვეყუებოდით და ტირილით დაოსებულთ, მიგვეძინებოდა“.¹

დასახურებული მასწავლებლის გიორგი ნათაძის მიერ შეკრებილ ცნობებში აღწერილია მეცხრამეტე საუკუნის ორმოცდაათიანი წლების დასასრულისა და სამოციანი წლების დასაწყისში საქართველოში არსებული საშინაო სკოლები: მართა ნათაძის სკოლა სოფელ მერეთში, ანა ამილახვრისა—ცხინვალში, კურდღელაშვილისა—თელავში, ანა წერეთლისა—საჩხერეში, გვიტია მაჭავარიანისა—ს. ჩორვალში, ფურცელაძისა—ს. ტყისთავში, მაგდა რცხილაძისა—ს. შანშიანში, სოფიო ჯანაშვილისა—ს. ბოდბეში, პეტრე ხელაშვილისა—ს. ვაქირში, ჯავახიშვილისა—ს. ხოვლეში, მძინარაშვილის და სხვებისა².

გიორგი ნათაძე თავის მოგონებაში მისი დედის—მართა ნათაძის საშინაო სკოლის მოსწავლე გოგონების შესახებ ამბობს:

¹ საქართ. სახელმწიფო ლიტერატურული მუზეუმის ხელნაწერი № 2053.

² პროფ. გ. თ ა ვ ზ ი შ ვ ი ლ ი, სახალხო განათლებისა და პედაგოგიური აზროვნების ისტორია საქართველოში, ტ. II, გვ. 116.

როცა დაიღვებოდნენ კითხვით და წერით, ცოტას შეასვენებდა. მერე ატარებდა, სიარულს ასწავლიდა, რომ ტლანქად არ ებიჯებიათ და სიარულში სინაზე და სინარნარე ჰქონოდათ, მერე ასწავლიდა უფროსებთან სიტყვა-პასუხს, ზრდილობიან ლაპარაკს: მობრძანდი, დაბრძანდი, მიირთვი, ბრძანე, მადლობას მოგახსენებთ.

სახლში წასვლის წინ აალაგებდნენ ყველაფერს, სახლს დაგვიდნენ, წყალს მოიტანდნენ, შინ წასვლისას: მშვიდობით ბრძანდებოდეთ ოსტატ¹.

ცნობილი მსახიობის კოტე დიმიტრის-ძე ყიფიანის მეუღლე ნინო ყიფიანი თავის მოგონებაში აღწერს გორის ზაზრის სოფელ ძვიმღეთში არსებულ „ძალუა ერმონიას“ (ანტონ ტატიშვილის ქვრივის) საშინაო სკოლას.²

მეცხრამეტე საუკუნის პირველ ნახევრიდან კარდანახში დიდი პოპულარობით სარგებლობდა „ბერიძის ქალის“ საშინაო სკოლა. თ. ა. მთავრიშვილი იგონებს: „დედაჩემი გაზრდილი იყო სოფლის ოსტატ დედაკაცთან, რომლისაგანაც შესწავლილი ჰქონდა მცირეოდენი ქართული წერა-კითხვა და საფუძვლიანად ხელსაქმე, რაიცა მაშინდელ დროს ჩვეულებად იყო ყოველი შეძლებული ოჯახის ქალისათვის. დედა ჩემმა კარგად იცოდა კრა-კერვა, ჩარსაკრავების და ქრელი წინდების მიქსოვა, ყაჯრის, იერიშის და სუფრის მოქარვა და სხვ. მაშინდელ დროს იგი ნასწავლ ქალად ითვლებოდა, ამიტომაც ჩვენი სოფლის შეძლებული ოჯახის პატარა ქალების ოსტატობას კისრულობდა.

ჩვენს ოჯახში ყოველწლობით ხუთი-ექვსი და ხშირად მეტიც ქალი გათხოვების დრომდის განუწყვეტლივ იყვნენ ხოლმე, ისინი მოდიოდნენ დილით, თან მოჰქონდათ თავიანთი სამყოფი საჭმელი, იღებდნენ მონაწილეობას ჩვენი ოჯახის დასუფთავება-დალაგებაში და თან სწავლობდნენ იმას. რაც დედა ჩემმა იცოდა. კარგად მახსოვს დედი ჩემის დარიგება,

¹ პროფ. გ. თ ა ვ ზ ი შ ვ ი ლ ი, სახალხო განათლებისა და პედაგოგიური აზროვნების ისტორია საქართველოში, ტ. II, გვ. 223.

² ი ქ ვ ე, გვ. 116.

რომლითაც ის მიმართავდა ხოლმე ახლად შემოსულ მოსწავლეს: „გახსოვდეს, ცოტა ილაპარაკე და მეტი გააკეთე, თორემ ბევრი ლაპარაკით პირი გაგიდიდდება და ლაშინი შეიქნებიო“. ხანდახან როცა რომელიმე ყბედს შეატყობდა, რომ ცულლუტობას იწყობდა, ე. ი. საქმეს ცოტას აკეთებდა და ბევრს ლაპარაკობდა, პირს დილითაც გაუზომავდა და საღამოთიც და ეტყოდა: „აი მეტის ლაპარაკით შენი პირი როგორ გაგანიერებულა“. ამ დროს დანარჩენი ამხანაგები გაშტერებით შეცქეროდნენ შერცხვენილ ამხანაგს და ფუჭუნით ერთმანეთს ეუბნოდნენ „მართალს ამბობს ოსტატი, დღეს მაგის ყბა არ შეჩერებულაო“.

ასე ასწავლიდა წერა-კითხვას და ხელსაქმეს დედა ჩემი, ვიდრე მოსწავლე ქალები სრული წლოვანი შეიქნებოდნენ. ამ შრომისათვის დედა ჩემი მცირე ჯილდოთი კმაყოფილდებოდა: როცა მის მიერ გაწვრთნილი ქალი გათხოვდებოდა და ჯვარის საწერად მოემზადებოდა, საქმრო უეჭველად დედა ჩემთან მოვიდოდა, მადლობას გადაუხდიდა და საოსტატოზე გაურიგდებოდა. თუ სასიძო ღარიბი კაცი იყო, დედაჩემი ხუთ მანეთს ზევით არ მოსთხოვდა, თუ მდიდარი იყო თუმანს¹.

მე-19 ს. 60-იან წლებში საშინაო სკოლა არსებობდა აგრეთვე სოფ. თამარაშენში, ივ. მაჩაბლის პაპისდის ელ. მაჩაბელი-დიასამიძის ხელმძღვანელობით.

საშინაო სკოლების გვერდით მეცხრამეტე საუკუნის პირველ ნახევარში. როგორც თბილისში. ისე სხვა ქალაქებსა და დაბა სოფლებში ფეხს იკიდებდნენ ე. წ. მოხეტიალე მასწავლებლები, რომლებსაც კირაობდნენ ორი-სამი თვით ან მეტი ხნით. მათ აძლევდნენ ბინას, უზრუნველყოფდნენ კვებით. გარდა ამისა, მეცხრამეტე საუკუნის პირველ ნახევარში მრავალ ქართულ ოჯახში ბავშვებისათვის ჰყავდათ რუსული და ევროპული ენების მასწავლებლები. ასე, მაგალითად დიმიტრი

¹ ავტობიოგრაფიის დედანი ინაბება პრაფ. ტროფიმე ხუნდაძესთან, რომელსაც აღნიშნული მასალით სარგებლობის ნებართვისათვის უღრმეს მადლობას მოვასხენებთ—რ. ს.

ორბელიანი მე-19 საუკ. ოცდაათიან წლებში თბილისიდან სწერდა ნწერალ ალექსანდრე ორბელიანს: „მაიკოსთვისა, შენი ქალისთვის და ლიზასთვის ოსტატი მიჭირავს რუსის ქალი და წიგნსა სწავლობენ. ასე ლამაზად კითხულობენ და სწერენ რაც შეეფერება და ლაპარაკობენ რუსულად“¹.

ზემოაღნიშნული საშინაო და საეკლესიო-სამონასტრო სკოლების სასწავლო მუშაობის გათვალისწინებით შეიძლება დავასკვნათ, რომ ამ სკოლებში ისწავლებოდა ქართული ენა; არითმეტიკა, ქართული ლიტერატურა, გეოგრაფია, ისტორია და ხელგარჯილობა. სხვადასხვაგვარი იყო ცოდნის მოცულობა, რასაც ამ საგნების სწავლის დროს იძენდნენ აღნიშნული სკოლების მოსწავლეები, მაგრამ, უდავოა, რომ ამ საგნების სწავლება უმეტეს შემთხვევაში მათი საწყისებით იფარგლებოდა.

ასეთი იყო ზოგადად სწავლების შინაარსი ყველა საშინაო სკოლასა და ეკლესია-მონასტრებთან არსებულ სკოლებში მე-19 ს. პირველი ნახევრის საქართველოში. ასე იყო იმ ცოდნა-ჩვევების ჯამი, რასაც სოფლის ქალიშვილები იძენდნენ აღნიშნულ სკოლებში. ამ ცოდნით შედიოდნენ ისინი ცხოვრებაში და ბევრი მათგანი, თავისი ხანგრძლივი შრომისა და გამოცდილების პროცესში ამდიდრებდა მას იმდენად, რომ ხანდაზმულობის ეამს თვით იწყებდნენ სოფლის საშინაო სკოლებში მასწავლებლობას.

სოფლის საშინაო სკოლების მასწავლებელთა ასეთი ელემენტარული მომზადების პრაქტიკა გრძელდებოდა მე-19 ს. მეორე ნახევრის დასაწყისშიც, მაგრამ სახელმწიფო, საზოგადოებათა და სასულიერო სასწავლებელთა კვალიფიციური პედაგოგების რიცხვის ზრდა თანდათან აძვირებდა საშინაო სკოლებსა და მათ მასწავლებელთა რიცხვს და მე-19 საუკუნის უკანასკნელ მეოთხედში საბოლოოდ შეწყდა მისი არსებობა საქართველოში.

¹ საქართვე. სახელმწიფო ლიტერატურული მუზეუმი, ხელნაწერი № 328.

3. ქალთა კერძო პანსიონები მე-19 საუკუნის პირველი ნახევრის საქართველოში

მე-19 საუკუნის პირველ ნახევარში ქალთა პედაგოგიური განათლების გავრცელებისა და სამასწავლებლო მოღვაწეობისათვის მათი მომზადების საქმეში მნიშვნელოვან როლს თამაშობდა ქალთა კერძო პანსიონები, რომლებიც უმთავრესად ქ. თბილისში არსებობდა.

ამ პანსიონების უმრავლესობა სრულ საშუალო განათლებას არ აძლევდა თავის მოსწავლეებს. არც სპეციალურ პედაგოგიურ დისციპლინებს ასწავლიდნენ ამ დაწესებულებებში, მაგრამ ზოგადი განათლების მინიმუმი. რომელსაც იძენდნენ კერძო პანსიონების მოსწავლე ქალები და ე. წ. „პედაგოგიური საუბრები“, რომლებსაც ისინი ისმენდნენ სწავლის უკანასკნელ წლებში, საკმაოდ იყო მიჩნეული იმისათვის, რომ მათ პანსიონის კურსის დასრულების შემდეგ დაწყებითი სკოლების მასწავლებლობა ეკისრათ, ან საშინაო მასწავლებლობა დაეწყოთ.

ერთგვარ წარმოდგენას აღნიშნული ზოგადი განათლების მინიმუმზე გვაძლევს ქალთა კერძო პანსიონების სასწავლო გეგმები და პროგრამები, რომლებიც კი ჩვენს დრომდე შემონახულა. რაც შეეხება „პედაგოგიურ საუბრებს“, უნდა აღვნიშნოთ, რომ მათ არ ჰქონია სავალდებულო ხასიათი და, მაშასადამე, ყველგან და ყოველთვის ეს საუბრები არ ტარდებოდა. მათი შინაარსის შესახებ არ შეგვიძლია ვთქვათ რაიმე არსებითი, ვინაიდან ასეთი საუბრების არც პროგრამა, არც ნიმუში არ დარჩენილა, მხოლოდ მოგონებებით ვიცით, რომ ასეთ საუბრებს ადგილი ჰქონდა ზოგერთ კერძო პანსიონში და შეიძლება ვივარაუდოთ, რომ ისინი უმეტეს შემთხვევაში ეთიკურ და მეთოდოლოგიურ ხასიათს ატარებდა.

მეცხრამეტე საუკუნის პირველი ნახევრის საქართველოში, კერძოდ, ქ. თბილისში არსებული ქალთა კერძო პანსიონების მუშაობის შინაარსის გარკვევის საქმეში შეიძლება ბევრი რამ იყოს სადავო და შესამოწმებელი, მაგრამ არავის არ შეუძლია იმ ფაქტის უარყოფა, რომ ამ პანსიონებში აღზრდი-

ლი ქალიშვილების უმრავლესობა პედაგოგიურ მუშაობას ეწეოდა დაწყებით სკოლებში ან კერძო მასწავლებლობის სახით. ამიტომ საკიროდ მაგვარჩნია გავეცნოთ რამდენიმე კერძო პანსიონს, რომლებშიც მომავალი პედაგოგი ქალები იზრდებოდნენ.

* * *

რუსეთთან საქართველოს შეერთების შემდეგ მრეწველობისა და საზოგადოებრივ-ეკონომიური ურთიერთობის განვითარებასთან დაკავშირებით, განვითარებას იწყებს სახალხო განათლება. სწავლისადმი მისწრაფება ფებს იკიდებს როგორც ვაჟთა, ისე ქალთა შორის. ქალთა მოღვაწეობის ასპარეზს უფრო მეტად სახალხო განათლება წარმოადგენდა.

მოწინავე ქართველი საზოგადო მოღვაწეები ერთსულვნად მოუწოდებდნენ ქართველ მოსახლეობას — აღეზარდათ თავიანთი ქალწულები დროის მოთხოვნილებათა მიხედვით და, პირველ ყოვლისა, მიეცათ მათთვის ჯეროკანი ზოგადი განათლება: მეცნიერებათა საწყისები, რუსული და ფრანგული ენები, ხელოვნება, კერძოდ, მუსიკა, ევროპული ცეკვები, სიმღერა და სსვ.

სახელოვანი ქართველი პოეტი გრიგოლ ორბელიანი პოლონეთში ყოფნის დროსაც კი არ იფიქრებდა ქართველ ქალწულთა ევროპული განათლების აუცილებლობას და 1834 წელს პოლონელ ქალთა კულტურული ყოფაცხოვრების განხორციელების შედეგად თავის ნათესავ ქალს, მანანა ორბელიანს სწერდა:

„როდის იქნება ჩუენც ასე ვიცხოვროთ კაცურად... მარამა ჯერ უშკოლონი და უბიბლიოტეკონი ვართ, მანანავ!... შენ ქალს კარგი ზრდილობა მიეცი. ვიცი ბევრნი დაგძრახამენ, რომ შენმა ქალმა სიმღერა ისწავლოს, მარამ ნურას დასდევ. წავიდა ის დრო, როდესაც ჩუმათ ყოფნა და კნავილით ლაპარაკი დიდ ზრდილობათ მიაჩნდათ“¹.

¹ გრ. ორბელიანი, წერილები, 1936 წ., ტ. I, გვ. 22

მაგრამ ამ დროს საქართველოში ქალთა ოფიციალური სკოლები არ არსებობდა და მათ მაგიერობას ქალთა კერძო პანსიონები ასრულებდა. ასეთები იყო: პრასკოვია ახვერდოვას, მათილდა კასტელას, ევგენია ფაერის, ფლორენცინა იანსკაიას, ეფ. ამბარდანოვას¹, ფელიქსის, დანილევეჩ-მორდვინოვას, პერეირასა და სხვა პანსიონები.

გავეცნოთ ზოგიერთ მათგანს:

ა) ახვერდოვას პანსიონი

1807 წლიდან 1811 წლამდე საქართველოს მმართველის თანამდებობა ეკავა გენერალ-მაიორ თევდორე იასის-ძე ახვერდოვს. ცხოვრობდა იგი თბილისში ზაშინ „მტკვრის პირად იმ ადგილას, სადაც იყო როსტომ მეფის მიერ აზიურ სტილზე აგებული დიდებული სასახლე“².

1812 წელს თევდორე ახვერდოვმა ქალაქ პეტერბურგში შეირთო მეორე ცოლი პრასკოვია ნიკოლოზის ასული არსენიევა.

„პრასკოვია არსენიევა,—გვიამბობს მისი ქალიშვილი. -- მამით ეკუთვნოდა ძველი დროიდანვე იმ სახელგანთქმულ არსენიევების გვარს, რომელმაც რუსეთს არაერთი და ორი ცნობილი მოღვაწე მისცა და მათ შორის მ. ი. ლერმონტოვიც“³.

პრასკოვია ნიკოლოზის ასულს პეტერბურგში ბრწყინვალე განათლება ჰქონდა მიღებული, იგი კარგად ხატავდა. უყვარდა მუსიკა და ლიტერატურა.

1816 წელს, როცა ა. პ. ერმოლოვი „საქართველოს პროკონსულად“ დანიშნეს, თევდორე ახვერდოვიც წამოვიდა საქართველოში, ცალკე ქართული პოლკის არტილერიის უფროსად.

¹ ცხსა, ფ. 422, აღწ. 1. არქ. № 125.

² პროფ. მ. პოლიევეტოვი და პროფ. გ. ნათაძე. ძველი ტფილისი, 1930, გვ. 69.

³ ჟურ. „Исторический Вестник“, 1910. № 6.

პრასკოვია ნიკოლოზის ასული თან წამოჰყვა ქმარს თბილისში. მალე „დასაელეთის ხევში, ნაკადულ სოლოლაკთან“ ახვერდოვებმა ძვირფასბალიანი სახლი ააგეს. ალექსანდრე ჭავჭავაძე და თევდორე ახვერდოვი ნათესავეები იყვნენ. მეცხრამეტე საუკუნის ოციან წლებში ჭავჭავაძენი ახვერდოვების სახლის ფლიგელში იდგნენ.

დარია თევდორეს ასული ახვერდოვა - ხარლამოვისა წერს: „თავად ალექსანდრე გარსევანის-ძე ჭავჭავაძეს, რომელიც დედაჩემთან ერთად ჩემი დის სოფიოს და ძმის ეგორუშკას აპეკუნო იყო. ეჭირა არც ისე დიდი ფლიგელი ჩვენი სახლის გვერდით. აქ ცხოვრობდნენ თავადის დედა, მეუღლე სალომე და შვილები ნინო, კატინკა და დავით. ბავშვები ზთელი დღეობით იყვნენ ხოლმე ჩვენთან. ხოლო კატინკა კიდევაც ცხოვრობდა ჩვენსა“¹.

1820 წლის აპრილში პრასკოვია ნიკოლოზის ასული დაქვრივდა. გულის გადასაყოლებლად და მატერიალური პირობების გასაუმჯობესებლად მან პატარა პანსიონი გახსნა.

ალექსანდრე ჭავჭავაძემ თავისი შვილები პატარა ნინო, შემდეგ ეკატერინე და დავითიც ახვერდოვას ქალს შიბარა აღსაზრდელად.

ამავე პანსიონში იზრდებოდნენ: პრასკოვიას გერები სოფიო და ეგორი, ანა ანდრიას ასული ახვერდოვა, მარიამ ივანეს ასული ორბელიანი, სოფიო ივანეს ასული ორბელიანი. ბარბარე გიორგის ასული თუმანიშვილი, პანსიონის გამგებლის ქალიშვილი დარია და სხვები“².

დარია თევდორეს ასული ახვერდოვა - ხარლამოვისა შემდეგს წერს ამ პანსიონზე:

„არ ვიცი სად მასწავლებლობდნენ, ან რა გვარისანი იყვნენ, ვიცი რომ ერთს აკაკი კონდრატიევიჩ ერქვა, მეორეს

¹ ი. ანდრთნიკაშვილი საქართველო მ. ლერმონტოვის შემოქმედებაში, 1953, გვ. 214.

² იქვე.

აქვსენტი ტრიფონოვიჩ და სხვა აფანასი ივანოვიჩ გოაცინტოვი.

მუსიკას კაპელმეისტერი სოკოლოვსკი გვასწავლიდა. ფერწერას თვითონ დედა გვასწავლიდა, პორტრეტისტი და მინიატურების ჩინებული მხატვარი.

პატარა დავით ჭავჭავაძეს ჰყავდა გუვერნიორი მ. რავერეი. იმ ფლიგელის სივიწროვის გამო, რომელიც ჭავჭავაძეებს ეჭირათ, გუვერნიორი და მისი ქალი ეოზეთინა ჩვენთან ცხოვრობდნენ და თეორიულად და პრაქტიკულად გვაზაცადინებდნენ ფრანგულ ენაში.

ამასთანავე დაახლოვებით 1826 წელს თბილისში ბევრი ფრანგი ჩამოვიდა, რომელთაც აბრეშუნსაქსოვი ფაბრიკის საპაიო ამხანაგობა დააარსეს. მთავარი კამპანიონი მ. დიულო ჩვენს სახლში იდგა, ხშირად შემოდისოდა ჩვენსა და ამით ხელს უწყობდა ჩვენს წარმატებას ფრანგულ ენაში.

ცეკვას მშვენიერი ქალბატონი კასტელა გვასწავლიდა, ერთ-ერთ მსხვილი მეპაიეს მეუღლე. ცხენოსნობას წთელი უფროსი ასაკი მისდევდა. ჩვენი, პატარების განკარგულებაში ცხენები მიოლოდ კავალკადის დაბრუნების შემდეგ გადმოდიოდა, ცოტა ხნით ეზოში გასასეირნებლად¹.

პანსიონერებთან მეტად დაახლოებული იყო ახვერდოვების ოჯახის ძველი მეგობარი, დიდი რუსი მწერალი ალექსანდრე სერგის-ძე გრიბოედოვი. დარია ახვერდოვა - ხარლამოვისა გვიამბობს: „ჩვენთვის უმცროსი თაობისათვის უკრავდა გრიბოედოვი ცეკვებს... თუ უცხო სტუმრები არ იყვნენ, სადილის შემდეგ სადარბაზო ოთახში გავიდოდა და იტყოდა: „აბა ბავშვებო, იცეკვეთ“. იქ ისე დაჯდებოდა, რომ ჩვენი მოუხეშავი ცეკვისათვის ეცქირნა. ცეკვები ყოველთვის მისი შეთხზული იყო... ეს ცეკვები ძალიან სასიამოვნო და რთული იყო. შემდეგ სხვა იმაროვიჩაციაზე გადადიოდა და ზოგჯერ მთელი საღამო არ მოშორდებოდა როიალს².

¹ ი. ანდრთნიკაშვილი, საქართველო მ. ლერმონტოვის შემოქმედებაში, 1953, გვ. 246.

² იქვე, გვ. 245.

1830 წელს პრასკოვია ახვერდოვას საქართველოდან წასვლის გამო პანსიონი დაიხურა.

**ბ) კასტელას, ფელიქსის, დანილევჩიჩ-მორდვინოვას
და პერეირას პანსიონები**

პრასკოვია ნიკოლოზის ასულ ახვერდოვას საქართველოდან წასვლის შემდეგ ახვერდოვების ქვის სახლი და მის გარშემო მყოფი ხეხილის ვრცელი ბაღი ლატარიით ერგო კომერსანტ კასტელას მეუღლეს მატილდას.

1830 წლის 11 ივლისს საქართველოს მთავარმართებელმა პასკევიჩმა შუამდგომლობა აღძრა თბილისში „მცირეწლოვან კეთილშობილ ქალიშვილებისათვის“ პანსიონის გახსნის ნებართვის შესახებ. იგი თხოულობდა, რომ ამ მიზნისათვის ყოველწლიურად გაღებულიყო 2500 მანეთი.

სათანადო განკარგულებას არ დაუგვიანებია და იმავე წელს გაიხსნა პანსიონი. მის სათავეში დანიშნულ იქნა მატილდა კასტელა, რომელსაც დამთავრებული ჰქონდა პეტერბურგის ეკატერინეს სახელობის კეთილშობილ ქალთა ინსტიტუტი.

„მატილდა კასტელას პანსიონში იზრდებოდნენ ეკატერინე ჭავჭავაძე, ელენე და მარიამ ორბელიანები, მარიამ ფრისტაფი, სოფიო ორბელიანი, ჩემი მეუღლე—და მიხეილ სუშბათაშვილისა“.¹

პანსიონმა ორი წელი იარსება. 1832 წელს კასტელას ქვრივი გათხოვდა და თბილისიდან წავიდა.

1832 წლის პირველ თვეებში, ახვერდოვების სასლშივე, მატილდა კასტელას შემდეგ პანსიონს ხსნის თბილისის გიმნაზიის ფრანგული ენის მასწავლებლის მეუღლე ეკატერინე ფელიქსი.

1832 წლის „თბილისის უწყებებში“ ვკითხულობთ: „ცოლსა ფრანციულის ენის უჩიტლისა ტფილისის გიმნაზიასა შინა ტიტულიარნის სოვეტნიცასა ეკატერინე ფელიქსა, რომელიც მოვიდა ეხლახან ქალაქსა ამას შინა, აქვს პატივი განუცხა-

¹ Из архива К. Е. Андреевского, Одесса, 1913, გვ. 110.

დოს საზოგადოებას, რომელ ამ მომავალს თვეებში გაიხსნება მის ზიერ სწავლების კლასები დილით 9 საათიდან საღამოს 4 საათამდე კეთილშობილთა ქალთათვის და ასწავლის ენებს, აგრეთვე საგნებსაცა, რუსულად, ფრანციულად და ნემეცურად და მუხიკასაცა. უკეთუ ჰსურთ ვისმე ქართულსა ან სომხურსა, ამ ენებსაც, როდესაც რიცხვი მოწაფეთა იქნება თორმეტი, მაშინ მოუმატებს ტანკაობის კლასსაცა კვირაში ერთხელ. ვისაცა ჰსურდეს მიცემა შეილთა თვისთა აღსაზრდელად, მას ძალუძს ნახოს იგი სახლსა შინა ახვერდოვისა.¹ ეკ. ფელიქსის პანსიონმა რამოდენიმე თვე იარსება.

* * *

ეკატერინე ფელიქსის პანსიონს 1832 წელსავე შეენაცვლა დანილევჟი-მორდვინოვას პანსიონი.

როგორც მთავარმართებელ როზენის მიერ 1832 წლის 2 ივლისს წარდგენილი მოასენებიდან ჩანს. აღნიშნული პანსიონი სუბსიდირებული ყოფილა წლიურად 2,500 მანეთით (ვერცხლით). ამ თანხით პანსიონის გამგეს უნდა აღეზარდა მთავრობის მიერ შერჩეული ექვსი ქალი ადგილობრივ რუს მოხელეთა და თავადაზნაურთაგან.²

დანილევჟი-მორდვინოვას პანსიონში პირველ წელს რვა მასწავლებელი და 21 მოსწავლე გოგონა იყო. საბაზინო ხარჯით სწავლობდა ერთი ქართველი, ორი სომეხი და სამი რუსი. თავიანთი ხარჯით კი სწავლობდნენ ქართველი — 1. სომეხი — 8, რუსი — 6. შემდეგ წლებში მოსწავლე გოგონების რიცხვა იმატა.

პანსიონში ისწავლებოდა: საღვთო სჯული, რუსული ენა, არითმეტიკა, გეოგრაფია, საერთო და რუსეთის ისტორია და ფრანგული ენა.

დანილევჟი-მორდვინოვას პანსიონში ჰყავდა ნიბარებული მანანა ორბელიანი (1808—1870) თავისა ქალიშვილი — ანასტასია. 1835 წელს მანანა ამის განზო თბილისიდან სწერდა

¹ ტფილისის უწყებანი, 1832, № 5.

² „Акты“, IV ტ., გვ. 96.

გრიგოლ ორბელიანს: „ჩემი შეილები პირს გკოცნიან, ივანე პანსიონში მყავს და სწავლობს. ფრანციცულს კი ლაპარაკობს ცოტად და სჭერს. კითხვითაც კითხულობს, ქალიც მაღამ დანელოვიჩთან მყავს წელიწადში 25 მანეთს მართმევს თეთრს ფულს, ისაც სწავლობს, მაგრამ ივანეს გონება კარგი აქვს, ვინემ ტასოს“.¹

დანილევჩი-მორდენოვა პანსიონს მართავდა 1838 წლამდე. 1838 წელს მთავარმართებელმა გოლოვინმა თბილისის ქალთა პანსიონის გაშვებლად დანიშნა ფრანგული ენის მასწავლებლის მეუღლე -- ანა პერიერა. იმის გამო, რომ სახელმწიფო ხარჯზე მყოფ პანსიონერ ქალთა რიცხვი 14-მდე გაიზარდა, ანა პერიერა თხოულაობდა სუბსიდიის მომატებას სამიათას მანეთამდე, ნაცვლად აქამდე დადგენილი 2.500 მანეთისა. სუბსიდიის გაზრდასთან ერთად გათვალისწინებული იყო პანსიონერთა რიცხვის გაზრდა სამოც მოსწავლემდე. ახალი სასწავლო დაწესებულებისათვის სათანადო პროექტი შედგა და ორიოდ წლის შემდეგ პერიერას პანსიონის ბაზაზე ანიერკაევკისის კეთილშობილ ქალთა ინსტიტუტი აღმოცენდა.

გ) ფავრის პანსიონი

მე-19 საუკუნის 50-იანი წლების თბილისის ქალთა კერძო პანსიონებს შორის ყველაზე უფრო დიდ როლს თამაშობდა მაღამ ფავრის პანსიონი.

ოდესის კეთილშობილ ქალთა ინსტიტუტის დასრულების შეწყვეტე ევგენია იაკობის ასული მარი² შემდეგში ფავრზე

¹ აკად. ს. ჯანაშიას სახელობის საქართველოს სახელმწიფო მუზეუმის ხელნაწერი ფონდი 155 (ბ).

² 1864 წლის გაზეთ „დროების“ № 421-ში მოთავსებულია ნეკროლოგი აკად. ნიკო მარის მამის შესახებ, რომელშიაც ვკითხულობთ, რომ „იაკობ პატრიკის-ძე წარმოშვებით ინგლისელი (შოტლანდიელი) გახლდათ მამა მაღამ ფავრისა, რომელიც ვორონცოვის დროს საქალბო ზვედენის გამგებელი იყო თბილისში“.

მკვლევარ სოლომონ ცაიშვილის მიერ პირადად გადმოცემული ცნობით, ევგენია იაკობის ასული მარის (ფავრის) დედა ფავუსტა ყოფილა ტონით უსახნელი, რომელიც 1822 წელს ჩამოაყალიბა საქართველოში მის ქმარს იაკობ პატრიკის-ძე მარს, მამია გურიელის აგრონომს. მას მარისაგან ევგენიას გარდა აყალიბა კიდევ ერთი ვაჟი ივანე. ფავუსტას გარდაცვალების შემდეგ, იაკობ პატრიკის ძე მარს შეურთავს მეორე ცოლი გურული ქალი, რომლისაგანაც ჰყავდა ვაჟი ნიკო — შემდეგში ცნობილი მეცნიერი.

გათხოვილი, 1847 წ. დანიშნულ იქნა თბილისში ამიერკავკასიის ქალთა ინსტიტუტის კლასის დამრიგებლად.

ამ თანამდებობაზე მან 1854 წლამდე დაჰყო.

ქმრის გარდაცვალების შემდეგ ოჯახური პირობების გამო ევეგენია ფავერა 1854 წლის სექტემბერში ითხოვა აღნიშნული ინსტიტუტიდან განთავისუფლება.

კავკასიის სასწავლო ოლქის მზრუნველისადმი განთავისუფლების შესახებ მირთმეულ თხოვნაში ევეგენია ფავერა აღნიშნავდა, რომ მატერიალური პირობები აიძულებს წას გახსნას თბილისის ქალთა კერძო პანსიონი. თხოვნას თან დართული ჰქონია ევეგენია იაკობის ასულ ფავერის ზიერ შედგენილი სასწავლო პროგრამა, რომელსაც ჩვენამდე არ მოუღწევია.

კავკასიის სასწავლო ოლქის მზრუნველის შუამდგომლობის საფუძველზე, 1854 წლის 1 სექტემბერს კავკასიის სამოქალაქო ნაწილის უფროსის გენერალ რიადის განკარგულებით, ტიტ. სოვეტნიცას ევეგენია ფავერს დაერთო ნება გაეისნა თბილისში ქალთა კერძო პანსიონი.

პანსიონის ბინად ფავერს აურჩევია კუკია, მტკვრის ნაპირზე, ბელიაევის სახლი. 1854 წლის 1 ოქტომბერს მოხდა ხსენებული პანსიონის გახსნა.

გაზეთი „კავკაზი“ აღნიშნული პანსიონის გახსნის გამო წერდა: „ქალბატონი ფავერი, ცნობილი თავის განათლებით, ამიერკავკასიის კეთილშობილ ქალთა ინსტიტუტის ყოფ. დამრიგებელია... მან პანსიონის გახსნა განიზრახა, რომლის ნებაართვა უკვე მიიღო. ოფიციალური გახსნა 1 ოქტომბერს მოხდა. უკვე თავმოყრილი იყო 15 გოგონა. წლიური გადასახადი 210 მან. ვერცხლით. მოთავსებულია კუკიაში, მტკვრის ნაპირზე, ბელიაევის სახლში. ისწავლება: საღეთო სჯული, არითმეტიკა, გეოგრაფია, ისტორია, რუკული, ფრანგული, ქართული, სომხური, სუფთა წერა, ცეკვა, მუსიკა, ხელსაქმე. გამგეს განზრახვა აქვს აგრეთვე შეასწავლოს დიასახლისობა მომავალ დედებს“.¹

¹ გაზ. „Кавказ“, 1854.

მოსწავლეთა რიცხვი უმაღლეს 47-მდე ასულა. პანსიონი ნაშან ორკლასიანი იყო.

ორიოდე წლის შემდეგ ევგენია ფავრის ბინა გამოუცვლია და პანსიონი გადაუტანია გოლოვინის (ეხლა რუსთაველის) პროსპექტზე ვინმე მოხელე სტელეცკის სახლში. პანსიონში სწავლება შემდეგ შეიდწლიანი გამხდარა.

1858 წლის 16 თებერვალს ანასტასია მიხეილის ასულ თუმანიშვილი-წერეთლისა, შემდეგში ცნობილი საბავშვო მწერალი და საზოგადო მოღვაწე, ამ პანსიონში იქნა მიბარებული. 1862 წლიდან 1868 წლამდის ამ პანსიონში სწავლობდა აგრეთვე გამოჩენილი ქართველი მწერალი ქალი ეკატერინე გაბაშვილი.

ეკატერინე გაბაშვილი თავის მოგონებებში ასე აგვიწერს მის მიყვანას ფავრის პანსიონში: „მამაჩემმა ვერ გამიმეტა დახურულ პანსიონში მისაბარებლად, სადაც წლის წლამდე ბავშვები ტუსაღებივით დამწყვდეულები იყვნენ და კერძო პანსიონში მომათესა.

მადამ ფავრის პანსიონი მოთავსებული იყო... საუკეთესო დიდ სახლში. მადამ ფავრმა ზემო სართულში მიგვიღო, სადაც გაგვაკვირვა მშვენიერმა მორთულობამ. ამისი კაბინეტი ხომ შეფუთი სიმდიდრითა და გასაოცარი გემოვნებით იყო მოწყობილი.

მე მთლად სოფლელი ტინგიცა. ვიყავი, თავისუფლად აღზრდილი, ყოველ დისციპლინას მოკლებული, არ ვიცოდი რუსული ლაპარაკი. დაქარგულივით ვგრძნობდი თავს და პირდაღებული ვათვალთვლებდი ამ მშვენიერ ოთახს: იატაკზე გაშლილ ძვირფას ხალს, აქა-იქ მოწყობილ ნაკერ მუთაქა-ბალიშებს და დიდრონ მცენარეებს, რომლებიც ოთახის კუთხეებში იყო მოთავსებული და მალალ ჭერში ჩამოკიდებულ ბროლის ხომლის გარშემო მწვანე თალსა ჰკრავდნენ.

გამეგმ გულთბილად მიგვიღო, ალერსითა და დიდის ზრდილობით ელაპარაკებოდა მამაჩემს და არწმუნებდა, რომ იმისი ხეპრე გოგონა პანსიონში ისე იქნებოდა, როგორც თავის სახლში და აუარებელ კეთილშობილ ქალს შორის ნექ-

ნებოდა გართობა და ვარჯიშობა, რომ ჩინებული მასწავლებელი და აღმზრდელი მეყოლებოდა და ათასი სხვა დაპირება... შემოსულ მორთულ მოახლეს ჩამაბარა. „წაიყვანე ეს ბალი და სულ ქვემო სართულში, პირველ ოთახში, პირველ განყოფილებაში ჩააბარე მადმაზელ ლუკინას, უთხარი, რომ შე უბრძანებ გამოსცადოს და თავისი ადგილი მიუჩინოს.¹

ფაერის პანსიონში პედაგოგებად მუშაობდნენ განათლებული მოწინავე მასწავლებლები. რომელთა შორის იყვნენ პოლონეთის აჯანყების გამო საქართველოში გადმოსახლებული პოლონელები. ე. გაბაშვილი გვიამბობს:

„მადამ ფაერის პანსიონი ძვირფას ნავთ-საყურად აღმომიჩნდა, იქ ვიპოვე საუკეთესო მეგობრები—აღმზრდელი ქალები და ფრიად განათლებული და ცნობილი მეცნიერნი; მასწავლებელი.“²

...შესაძლებელია რომ ფაერის სურვილი იყო, აღეზარდა ქალიშვილები ამ დროინდელი ფრანგულის მეთოდით: „გრაცია, ტანცაობა, ფრანგული ლიკლიკი და ცოტა რამ თვალსაჩვენებლად, მეცნიერების ნაგლეჯებიც, მაგრამ დრომ და გარემოებამ სულ სხვა მიმართულება მისცა იმის აყვანილ ბარტყებს“.³

ე. გაბაშვილის დაუბეჭდავ მემუარებში მოთბრობილია ფაერის პანსიონის მოწინავე მასწავლებელთა შესახებ. მწერალი ქალი იძლევა პროგრესულ პედაგოგთა მოკლე, მაგრამ მკვეთრ დახასიათებას:

„ჩემი სწავლა ფაერის პანსიონში მიმდინარეობდა 1862-დან 1868-მდინ, სწორედ იმ დროს, როდესაც რუსეთი ახალი ცხოვრების ხანას განიცდიდა ბატონ-ყმობის განთავისუფლების შემდეგ. კავკასია, თუ ტფილისი უფრო, სავსე იყო გადმოსახლებულ მალაროსთა და პოლშელ ინტელიგენტებით და ეს გადმოსახლებულნი, როგორც გაჭირვებულნი, მატერიალურად იათად და საჩქაროდ სთანხმდებოდნენ ყოველ სამუშა-

¹ ჟურ. „მნათობი“, 1938. № 8.

² საქართველოს სახ. ლიტ. მუზეუმის ხელნაწერი № 2053
4

ოხედ და ფაერიც, როგორც დედაკაცი გამოცდილი და ეკონომიის მიმდევარი. უთუოდ სიამოვნებით ჰპატივებდა ამ იაფფასიან პედაგოგებს.

მე მახსოვს რომ ფაერმა რუსული ენის მასწავლებლად მოიწვია ვინმე ყმაწვილი, სამშობლოდან განდევნილი სილიტრენკო...

გარდა ამ სილიტრენკოსი, ამ მაშინდელ ცნობილ გონებამახვილი მწერლისა, პანსიონში თითქმის ყველა საგნის მასწავლებელნი, პოლშიდან გადმოსახლებული პროფესორები იყვნენ. გეოგრაფიისა სოსეისკი, ისტორიისა მსტისლავსკი. გულაკი,¹ ივანენკო და სხვები. გულაკი ცნობილი მეცნიერი

¹ ნიკოლოზ ივანეს ძე გულაკი დერპტის უნივერსიტეტის დამთავრების შემდეგ 1846 წლის დასაწყისში ნ. ი. კოსტომაროვთან (შემდეგში ცნობილ ისტორიკოსთან) და ჟურნალ „ოსნოვიას“ რედაქტორთან ე. მ. ელოხერსკისთან ერთად აარსებს ბატონეშობის საწინააღმდეგო კრილე-მელოდეს პოლიტიკურ ორგანიზაციას. ამ საზოგადოების წევრი უშალე გახდა გენიალური უკრაინელი მწერალი ტარას გრიგოლის ძე შევჩენკო.

1817 წლის მარტში საზოგადოება იქნა გაყვმილი, ხოლო საზოგადოების წევრები დაპატიმრებული. პეტერბურგში შეპყრობილი გულაკი პეტრუ-პავლეს ციხეში მოათავსეს. გამოძიების დასრულების შემდეგ 1817 წლის 31 მაისს იგი 3 წლით შლისენბურგის ციხეში მოათავსეს და სასჯელის მოხდის შემდეგ პოლიციის მკაცრი მეთვალყურეობის ქვეშ პერმში გადასახლეს.

მხოლოდ რამდენიმე წლის შემდეგ მოახერხა გულაკმა მიეღო ნებართვა სამსახურში შესვლისა. ოთხი წლის განმავლობაში იგი მუშაობდა: ოდესაში, ქერჩში, სტავროპოლში, 1863 წლიდან მასწავლებლობდა ქუთაისში და მერე კი თბილისში.

საქართველოში ყოფნისას გულაკმა გამოაქვეყნა რამდენიმე შრომა და თარგმანები ევროპულიდან. 1877 წ. თბილისში გამოვიდა მისი წიგნი „Опыт Геометрии о четырех измерениях“ (საქართველოს სახელმწიფო ლიტერ. მუზეუმის ხელნაწერი № 2051).

4

1884 წელს კრებულში „Сборник материалов по описанию местности и племен Кавказа“. т. IV. 1881 г. მან მოათავსა შრომა „ევფხისტუაოსნი“-ს შესახებ, 1886 წელს გულაკმა. თავი დაანება რა სამსახურს, დასტოვა თბილისი და დღევანდელ კიროვაბადში გადასახლდა, სადაც სამი წლის შემდეგ გარდაიცვალა. (გაზ. „Заря Востока“, 1951, № 23).

იყო და ქართულ ცხოვრებას და ლიტერატურას დიდის და-
კვირვებით სწავლობდა, თუ არ ვცდები 1866 წ. გიმნაზიის
დარბაზში წაიკითხა ლექცია ვეფხის ტყაოსანზედ და მთელი
ქართული საზოგადოების ყურადღებ, მიიზიდა. სხვათა შო-
რის იმან თურმე სთქვა:—„მოვა დრო, როდესაც კაცობრი-
ობა ამ უკვდავების წყაროს დიდის წყურვილით დაეწაფება
და სანწუხაროა, რომ თვით ქართველი ახალგაზრდობა ნაკ-
ლებად სწავლობს თავის ფასდაუღებელ და იშვიათის სიმშვე-
ნიერით აღსავსე ძეგლს. ამ აზრის გამოთქმისათვის გულაკს
კინალამ აუკრძალეს მასწავლებლობა“.

ეკატერინე გაბაშვილის მიერ მოხსენებული უცხოელი პე-
დაგოგების გარდა ფაერის პანსიონში ასწავლიდნენ შემდეგში
ცნობილი მწერლები, მეცნიერები და საზოგადო მოღვაწეები:
ალექსანდრე ცაგარელი, ნიკო ინაშვილი, ნიკო დედაბრიშვი-
ლი, პ. მელიქიშვილი და სხვები.

პანსიონს ეხმარებოდა ქველმოქმედი და ვით სარაჯიშვი-
ლი, რომელიც რჩევა-დარიგებას აძლევდა ევგენია ფაერს და
ყოველნაირად ცდილობდა აემალლებინა პანსიონში სწავლე-
ბის დონე და ავტორიტეტი. ეკ. გაბაშვილი გვიამბობს:

„დავით სარაჯიშვილი, როგორც კარგი ნაცნობი და
მეზობელი ჩვენი პანსიონის პირდაპირ იდგა, ურჩევდა ფაერს
ამა თუ იმ მასწავლებლის მოწვევას და თვითონაც ხშირად
ესწრებოდა გაკვეთილებს. ერთხელ იაკობ გოგებაშვილიც მოი-
ყვანა ეგზამენებზე დასასწრებლად და მან დავეერიგა უმცროს
მოწაფეებს თავისი ახალი მეთოდით გამოცემული, პირველ
დაწყებითი წიგნი, რომლითაც შემდეგში ეხელმძღვანელობდი
გორში მასწავლებლობის დროს და დიდი სამსახურიც გა-
მიწია“¹.

ქართული ენის მასწავლებლის — ნიკო ინაშვილის შესა-
ხებ ეკატერინე გაბაშვილი აღფრთოვანებით წერს თავის მე-
მუარებში:

¹ საქართველოს სახელმწიფო ლიტ. მუზეუმის ხელნაწერი № $\frac{2054}{4}$.

თავისდღეში არ დამავიწყდება ნ. ინაშვილის უკანასკნელი, გამოთხოვების გაკვეთილის სიტყვები, წარმოთქმულა ყმაწვილურის სიწრფელით. სასოებით: -ქართველი ქალი უნდა გახდეს ქვაკუთხედად, რომელზედაც უნდა აშენდეს. აყვავდეს და გამობრწყინდეს მომავალი ქართველის ერისა, ქართველმა ქალმა უნდა შვას, გააახლოს ის ნეტარი დრო, როდესაც დედაკაცის მოწყალებით, ჩვენის დიდი თამარის დროს, როდესაც სამშობლოს ქედი მოუხრელი იყო და გაბრწყინებული მთელ აზიაში და რომელ დროსაც ნეტარებით შეჭხარის ყოველი ქართველის გული¹.

ცნობილი ქართველი პროფესორი პეტრე მელიქიშვილი, რომელმაც 1872 წ. დაასრულა ოდესის უნივერსიტეტის ფიზიკა-მათემატიკური ფაკულტეტის საბუნებისმეტყველო განყოფილება. დაბრუნდა რა საქართველოში კანდიდატის ხარისხით, ერთი წლის განმავლობაში ბოტანიკას ასწავლიდა ფავრის პანსიონში.

ვეგენია ფავრის პანსიონის დამსახურება საკმაოდ დიდია. ქართველი მწერლები, პედაგოგები და პუბლიცისტები ყოველთვის დადებით შეფასებას აძლევენ მას. სახელოვანი ქართველი პედაგოგი, მწერალი და საზოგადო მოღვაწე იაკობ გოგებაშვილი წერდა: „მადამ ფავრის პანსიონმა, მოკლე ხნის არსებობაში, ქართული ენისა და ლიტერატურის გვარიანი სწავლის მეოხებით, გამოუზარდა ჩვენს ქვეყანას იმისთანა ნიჭიერი და თავისი სამშობლოს მკოდნე და მოყვარე პირი, როგორიც არის ეკატ. გაბაშვილისა“².

ფავრის პანსიონში ეკ. გაბაშვილის გარდა განათლება მიიღო ქართველმა მწერალმა და საზოგადო მოღვაწემ ანასტასია მიხეილის ასულმა თუმანიშვილ-წერეთლისამ.

* * *

კერძო პანსიონები საქართველოს სხვა ქალაქებშიც არსებობდა (გორი, ქუთაისი, სოხუმი). კერძო პანსიონები,

¹ საქართველოს სახელმწიფო ლიტ. მუზეუმის ხელნაწერი № 2151.

² ი. გოგებაშვილი, თბულებანი, ტ. 1, 1952, გვ 270.

ისე როგორც სხვა სკოლები, 1848 წლამდე საქართველოს (შემდეგ ამიერკავკასიის) მთავარმართებელის საბჭოს სასწავლო ნაწილს ექვემდებარებოდა, ხოლო 1848 წელს, როდესაც შეიქმნა კავკასიის სასწავლო ოლქი, მის გამგებლობაში გადავიდა.

კავკასიის სასწავლო ოლქის დაარსებამდე ქალთა კერძო პანსიონები უმეტეს შემთხვევაში დამოუკიდებელი სასწავლო გეგმითა და პროგრამებით მუშაობდა და მათ შორის არ იყო რაიმე თანამიმდევრობა. კავკასიის სასწავლო ოლქის ქვემდებარე სასწავლებელთა დებულებისა და თვით სასწავლო ოლქის დამტკიცების (1848) შემდეგ კერძო პანსიონებისა და სასწავლებლების მუშაობაში ერთგვარი სისტემა შეიქმნა: ზოგი მათგანი (ხელძღვანელთა სურვილისა და საზოგადოებრივი მოთხოვნის მიხედვით) 4-წლიან დაწესებულებად გადაკეთდა და უმთავრესად გიმნაზიების პირველი ოთხი კლასის (პროგინაზიის) სასწავლო გეგმით და პროგრამებით მუშაობდა, ხოლო ზოგი კი 7—8-წლიან სასწავლო-სააღმზრდელი დაწესებულებად იქნა გადაკეთებული და უმთავრესად გიმნაზიების სასწავლო გეგმებისა და პროგრამების საფუძველზე აგებდა თავის მუშაობას. ამის შედეგად, სოფიერთი 7-8-წლიანი კურსის კერძო პანსიონი კერძო გიმნაზიად გადაკეთდა (მაგალითად, ფავრის პანსიონი ჯერ იყო 4-წლიანი, შემდეგ 6-წლიანი, ხოლო 1875 წელს ის გადაკეთდა ქალთა კერძო გიმნაზიად).

ქალთა კერძო პანსიონები, მიუხედავად მათი უსისტემო და პედაგოგიურად მოუწესრიგებელი სააღმზრდელი და საგანმანათლებლო მუშაობისა, მაინც მნიშვნელოვან როლს თამაშობდა დაწყებითი სკოლების პედაგოგთა და კერძო მასწავლებელთა მომზადების საქმეში. განსაკუთრებით უნდა აღინიშნოს, რომ მაღალი ტიპის ანუ 7—8-წლიანი კურსის მქონე კერძო პანსიონები რუსული და ფრანგული ენების ჩინებულ ცოდნას აძლევდნენ თავიანთ მოსწავლეებს, რომლებიც შემდეგ წარმატებით ეწეოდნენ ამ საგნების მასწავლებლობას დაწყებით სკოლებში, პროგინაზიებსა და კერძო სასწავლებლებში.

4. ამიერკავკასიის კეთილშობილ ქალთა ინსტიტუტი

მეცხრამეტე საუკუნის ორმოციან წლებში რუსეთის მსხვილი საგუბერნიო ქალაქების მსგავსად თბილისში დაარსდა კეთილშობილ ქალთა ინსტიტუტი, შინამასწავლებელ პერიერას მეუღლის თაოსნობით არსებული ქალთა პანსიონის ბაზაზე. 1840 წლის 23 მარტს დამტკიცებულ იქნა ამ ინსტიტუტის წესდება¹. პანსიონისათვის ყოველწლიურად განკუთვნილ 2.500 მანეთის გარდა, 1841 წლიდან ინსტიტუტს ყოველწლიურად დაემატა 21.500 მანეთის კრედიტი, შენობის გადასაკეთებლად კი ერთდროულად მიეცა 15.365 მანეთი ვერცხლით.

ინსტიტუტი განკუთვნილი იყო 80 მოსწავლისათვის, აქედან 60 მოსწავლე სახაზინო და 20 საკუთარ ხარჯზე. 60 ადგილიდან—40 ეთმობოდა ადგილობრივ უმაღლეს არისტოკრატიას, 20—კი სამოქალაქო და სამხედრო სამსახურში მყოფ მოხელეთა შვილებს.

საკუთარ ხარჯზე მყოფი მოსწავლისათვის წლიური გადასახადი იყო 150 მანეთი ვერცხლით.

ინსტიტუტი 6-წლიანი იყო და 3 კლასად იყოფოდა. თითო კლასი ორ-ორი წლის კურსს შეიცავდა.

თბილისის კეთილშობილ ქალთა ინსტიტუტი ფაქტიურად 1842 წლის იანვარს გაიხსნა. პირველად ინსტიტუტში ისწავლებოდა: საღეთო სჯული, არითმეტიკა, ისტორია და გეოგრაფია ზოგადი (განსაკუთრებით რუსეთის), ბუნებისმეტყველებიდან და ფიზიკიდან საჭირო ცნობები, რუსული ენა და ლიტერატურა, ფრანგული ენა და ლიტერატურა, ქართული ან სომხური ენა (სურვილისამებრ), სუფთა წერა, ხატვა, ხელსაქმე და ცეკვა.

ინსტიტუტს სათავეში ედგა ინსტიტუტის საბჭო, რომლის შემადგენლობაშიც შედიოდა თავმჯდომარე, საბჭოს წევრები, მოლარე, კლასის დამრიგებლები, ავადმყოფების მეთ-

¹ „Акты“, т. IX. •

ვალყურე, ღვთისმეტყველების მასწავლებელი, ინსტიტუტის ეკლესიისა მღვდელი და მასწავლებლები.

1845 წლის „კავკაზსკი კალენდარის“ მიხედვით ამიერკავკასიის ქალთა ინსტიტუტის საბჭოს თავმჯდომარედ არჩეულ იქნა საქართველო-იმერეთის თავადაზნაურობის წინამძღოლი, გენერალ-მაიორი თავადი დიმიტრი თომას-ძე ჯამბაკურ-ობელიანი. წევრები: ინსტიტუტის გამგე — ეკატერინე ივანეს ასული გრაბარჩი, თბილისის მაზრის თავადაზნაურობის წინამძღოლი, გადამდგარი შტაბსკაპიტანი თავადი მიხეილ პავლეს-ძე არლუთინელი-დოღგორუკოვი. ამიერკავკასიის სასწავლებელთა დირექტორი ნადვორნი სოვეტნიკი ივანე გრიგოლის-ძე კულჯანსკი (იგივე ინსტიტუტის კლასთა ინსპექტორი), მღვდელმთავარი ლაზარე დავიდოვი. მასწავლებლები: ფილადელფინი, ფილიპინი, ზონასტირსკი, ზაქარია სტეფანეს-ძე ყორღანაშვილი და სხვ.

1852 წლის 12 თებერვალს სასწავლო საბჭოს შემადგენლობაში შეყვანილ იქნა კავკასიის სასწავლო ოლქის მზრუნველი სტატსკი სოვეტნიკი კამერგერი ბარონი ნიკოლაი.

1852 წელს თბილისის კეთილშობილ ქალთა ინსტიტუტის სრული კურსი დაასრულა 15 მოსწავლე ქალმა, აქედან — 11-მა სახელმწიფო და 4-მა საკუთარი ხარჯით.

1865 წლიდან ამიერკავკასიის კეთილშობილ ქალთა ინსტიტუტის ზემოჩამოთვლილ საგნებს დაემატა პედაგოგია. ამიერიდან ინსტიტუტის კურსდამთავრებულებს საშინაო დამრიგებლისა და მასწავლებლის წოდება ენიჭებოდა.

1866 წლის 1 ივნისისათვის გამოწვევის კანდიდატები იყვნენ შემდეგი მოსწავლე ქალები: სახელმწიფო ხარჯზე მყოფნი: 1) ასტაფიევა ლიდა, 2) არლუთინელი-დოღგორუკოვა მარა, 3) გარტეიხი ლიდა, 4) ნიკიტოროვი ლიუბა, 5) თუმანიშვილი ნინა. საკუთარ ხარჯზე მყოფნი: 1) არლუთინელი-დოღგორუკოვა ელისაბედი. 2) ბაგრატიონ-მუხრანელი სოფიო, 3) ბეჟანოვი სოფიო, 4) ბენეცკაია ზარიაში, 5) ბენეტი ზარიაში, 6) ვრიონილი ლიუდმილა, 7) გარტეიხი ეკატერინე, 8) გალუმბოვა ნინო, 9) გასნეესკაია იულია, 10) ყორღანაშვილი

სოფიო, 11) ლიპინსკაია იზაბელა, 12) მორიცი ადელაიდა, 13) გასევიჩი იულია, 14) ნიკოლაევა ლილია, 15) პოუარსკაია ლიუბა, 16) ხაპროვა ელისაბედი“¹.

1870 წელს ინსტიტუტის საბჭოს შემადგენლობამ კვლავ განიცადა ცვლილება. საბჭოს თავმჯდომარედ არჩეულ იქნა ცნობილი ქართველი მწერალი გრიგოლ დიმიტრის-ძე ორბელიანი, საბჭოს წევრების შემადგენლობაში კი შევიდნენ: ინსტიტუტის უფროსი ალექსანდრა თედორეს ასული ჟულცინსკაია, კავკასიის მთავარმართებლის საბჭოს წევრი გენერალ-ლეიტენანტი ისაკ თუშანიშვილი, თბილისის გუბერნიის თავდაზნაურობის წინამძღოლი დიმიტრი ივანეს-ძე ყიფიანი, კავკასიის სასწავლო ოლქის მზრუნველი იანუარიი შიხეილის-ძე ნევეროვი და სხვ.²

სასწავლო ნაწილის გამგედ და კლასების ინსპექტორად დანიშნულ იქნა ქართული ენისა და პედაგოგიკის მასწავლებელბ, პეტერბურგის უნივერსიტეტის კანდიდატი, „ჩერნიშევსკის ერთგული მოწაფე“³ ბესარიონ ლევანის-ძე ლოლობერიძე (1833—1879).

ბესარიონ ლოლობერიძის დამსახურებას უნდა მიეწეროს ის, რომ 1874 წელს თბილისში ამიერკავკასიის კეთილშობილ ქალთა ინსტიტუტში ისტორიის, გეოგრაფიისა და პედაგოგიკის მასწავლებლად დანიშნულ იქნა ცნობილი ქართველი პედაგოგი ნიკო ზებედეს-ძე ცხვედაძე (1845—1911).

„ცხვედაძემ, თავისი ჩვეული ენერგიული და ფართო ცოდნა-განათლებლაზე დამყარებული პედაგოგიური მუშაობით არა ერთ ქართველ ქალს ჩაუნერგა ქალის მაღალი საზოგადოებრივი დანიშნულების იდეა, შეაგნებინა ნამდვილი საფუძვლიანი ცოდნის მნიშვნელობა, გაუღვიძა და განუმტკიცა ცოდნის შეძენისა და შრომის წყურვილი და ამიტომაც ყველა მოსწავლისათვის საყვარელ მასწავლებლად იქცა.

¹ გაზ. „Кавказ“, 1866, № 21.

² „Кавказский календар“, 1870

³ В. Баскаков, Мирозрение Чернышевского, 1956, გვ. 245.

ნიკო ცხვედაძის ცოცხალმა, მიმზიდველმა და შინაარსიანმა გაკვეთილებმა იმდენად დააინტერესა მოსწავლეები, რომ მათ შეუყვარდათ ისტორია, გეოგრაფია და პედაგოგია და მათი მომზადება ამ საგნებში ყოველთვის მაღალი შეფასების ღირსი ხდებოდა¹.

ამ ინსტიტუტში ნიკო ცხვედაძემ სრული 23 წელი (1874—1897 წ. წ.) იმუშავა და ღირსეულად დამსახურებული პენსიის მიღების შემდეგ თავი დაანება სახელმწიფო სკოლებში მასწავლებლობას.

ბესარიონ ლოლობერიძე ინსტიტუტში სხვა მუშაობასაც ეწეოდა:

თბილისის კეთილშობილ ქალთა ინსტიტუტს 1869 წლამდე არ ჰყავდა საკუთარი პედაგოგიური პერსონალი. მისი მასწავლებლები რეგულარულად ვერ ატარებდნენ ინსტიტუტში გაკვეთილებს, რადგან ისინი ძირითადად ვაჟთა გიმნაზიებში ან კერძო პანსიონებში მუშაობდნენ. ინსტიტუტის სწორ და ნორმალურ მუშაობას ძალიან აფერხებდა ეს გარემოება და თუ სასწავლებელმა ასეთ პირობებში მაინც შეძლო არსებობა, ეს მიეწერება კეთილშობილ ქალთა ინსტიტუტის სათავეში მდგომი უფროსი ზედამხედველი ქალის ლეაწლს და ამჟვე სასწავლებლის კლასების ინსპექტორის - ბესარიონ ლევანის-ძე ლოლობერიძის ენერგიულ შრომას. ბესარიონ ლოლობერიძე ინსტიტუტში, როცა სასწავლებლის დაბალ კლასებს „პეპინიორკები“² არ ჰყოფნიდათ, სცლიდა მათ და სანიმუშო გაკვეთილებს ატარებდა.

კეთილშობილ ქალთა ინსტიტუტში 1869 წელს გატარდა რეფორმა, რომელმაც გაუზარდა მას ბიუჯეტი და საშუალება მისცა ჰყოლოდა საკუთარი პედაგოგის პერსონალი.

ამიერკავკასიის (თბილისის) კეთილშობილ ქალთა ინსტიტუტი, როგორც აღვნიშნეთ, იყო დახურული ტიპის კარ-

¹ ვ. ქაჯაია, ქართული პედაგოგები, 1955. გვ 19—21.

² „Пепиньерка“-ს მეფის რუსეთში ეძახდნენ ქალთა დახურულ ინსტიტუტში კურსდასრულებულს, რომელიც იქვე იყო დატოვებული პედაგოგიური პრაქტიკისათვის.

ჩაკეტილი სასწავლებელი. იქ გამეფებულ იყო სასტიკი რეჟიმი. ადგილი ჰქონდა გოგონების ფიზიკურ დასჯასაც.

ხშირად ინსტიტუტის „კაზიონურ“, სულისშემძნულთა რეჟიმს ზოგიერთი მოსწავლე პროტესტით პასუხობდა. ერთ-ერთი ასეთი თავისებური პროტესტის შესახებ 1875 წლის 2 მაისს ანასტასია თუმანიშვილი შემდეგს წერდა თავის ძმას. მწერალ გიორგი წერეთელს:

„ჩვენში მხოლოდ იმაზე-ლა ლაპარაკობენ, ინსტიტუტში რომ პატარა ხანძარი მოხდა. ერთმა, თითქმის პაწია გოგონამ, ვინმე შენგერტმა, ცეცხლი წაუკიდა და თვითონ კი მადავითისაქენ გაიქცა. რათა იქიდან ეყურებინა (როგორც თვითვე თქვა) როგორ აგზიზგიზდება საძაგელი ინსტიტუტით. ჯერ აპირებდნენ ავადმყოფად გამოეცხადებინათ იგი, მაგრამ, როგორც ამბობენ, თურმე ისე ჰკვიანურად უპასუხებდა, რომ საქმე გამომძიებლისათვის გადაუციათ.

ბარონესაც (გახსოვს, კოჯორში ჩვენს გვერდით რომ გაიარა) ჩარეულია. თუმცა ცეცხლი მალე ჩააქრეს, მაგრამ ცეცხლის წაკიდების საბაბი ყველას აინტერესებს. ამბობენ. უფროსს¹ შემოუღია სასტიკი დასჯა და ამ ამბის წინ ეს გოგონა მეტად ბარბაროსულად დაუსჯია: თავი გაუპარსენებია. რალაც ბლუზა ჩაუცმევინებია ისე, როგორც პაპმა გრიგოლმა პენრიხი დასაჯა და სამი თუ ოთხი დღით პატარა მყრალ საკუჭნაოში დაუმწყვდევიათ ცარიელ პურსა და წყალზე. თუ ამ საქმეს არ მიაფუჩეჩებენ და მართლა საოლქო სასამართლოს გადასცემენ, ალბათ, მოსალოდნელია ინსტიტუტის რეფორმა, რადგანაც ეს საკითხი ყველას უნდა გულსხმობდეს.“²

ეს საქმე მართლაც „მიაფუჩეჩეს“, ინსტიტუტის რეჟიმი კვლავინდებური დარჩა.

სასწავლო საგნების სწავლება თბილისის კეთილშობილ

¹ 1875 წელს ინსტიტუტის უფროსი იყო ქვრივი მარიამ ვასილის ასული კოლუბიაკინა.

² მ. ხ ე ლ თ უ ბ ნ ე ლ ი, საბავშვო ლიტერატურის მოამბე, 1941, გვ. 9—10.

ქალთა ინსტიტუტში მისი დაარსების პირველ წლებში არ იდგა ჯეროვან სიმალეზე. მხოლოდ ფრანგული ენა წარმოადგენდა გამონაკლისს.

1843 წელს ინსტიტუტი ინახულა გერმანელმა მოგზაურმა ავეუსტ ჰაკსტჰაუზენმა. თავისი მოგზაურობის წიგნში იგი წერს: „თბილისში ამჟამად უკვე არსებობს დიდი პანსიონი, სადაც ქართველი ქალიშვილები ფრანგულად ლაპარაკობენ და ორიგინალში კითხულობენ ბალზაჰის რომანებს“.¹

1844 წელს ინსტიტუტის მუშაობა შეამოწმა საგანგებო დავალებათა უწყების მოხელემ—ვანლიარლიანსკიმ.

შემოწმების შედეგად გამოიკვა, რომ საგნების სწავლება არ იყო დაყენებული დამაკმაყოფილებლად. განსაკუთრებით კი რუსული ენისა. საგნები წვრილმანებით იყო გადატვირთული და ზათი სწავლება არასწორი მეთოდებით ხდებოდა. ამის გამო სასწავლებელში დაქვეითებული იყო მოსწავლეთა განათლების დონე. ამის ერთ-ერთი მიზეზი ის იყო, რომ მოსწავლეებს ინსტიტუტში შესვლისას არ ჰქონდათ რაიმე ცოდნა, მოუმზადებელი იყვნენ. ვანლიარლიანსკიმ საკიროდ სცნო: ინსტიტუტთან გახსნილიყო მოსამზადებელი კლასები, გაძლიერებულიყო ადგილობრივ ენათა შესწავლა, გაუმჯობესებულიყო სწავლების მეთოდები. მან შეადგინა აგრეთვე ინსტიტუტის მასწავლებელთა ახალი შტატის პროექტი 160 აღსაზრდელისათვის.

ვანლიარლიანსკის მიერ შედგენილი პროექტი მთლიანად ვერ იქნა განხორციელებული. ცვლილება შეეხო უმთავრესად ინსტიტუტის საბჭოს შემადგენლობასა და მისი მართვის სისტემას, ინსტიტუტში ჩასარიცხ კანდიდატთა მიღების წესებსა და მისაღებათ ასაკის განსაზღვრას.

ინსტიტუტში მოსწავლე ქალების საკმაო ნაწილი ან სრულიად ვერ ფლობდა რუსულ ენას. ან—ძალიან სუსტად, სასწავლებელს კი აღნიშნული მოსამზადებელი კლასი არ გაუხსნეს. ამის გამო 1854 წელს თბილისის კეთილშობილ ქალთა ინს-

¹ „Закавказский край“, т. 1, გვ. 77,

ტიტუტის სასწავლო ნაწილის საბჭოში წარდგენილ იქნა პროექტი, რომლითაც სწავლების კურსი უნდა დაყვანილიყო პროგრამის კურსამდე, მაგრამ ეს მოსაზრება არ იქნა გაზიარებული, რადგან თბილისის კეთილშობილ ქალთა ინსტიტუტი მოწოდებული იყო გაეგრძელებინა ქალთა საშუალო განათლება ამიერკავკასიაში.

საბჭომ მიიღო ქალთა მეორე თანრიგის სასწავლებლებისათვის განკუთვნილი სასწავლო პროგრამა და გააძლიერა რუსული ენის სწავლება. ამ ღონისძიებათა გატარების შემდეგ ინსტიტუტის მოსწავლეთა კონტინგენტი თანდათან იზრდებოდა და თუ მისი დაარსების წელს მასში 59 მოსწავლე ქალი ირიცხებოდა, 1876 წელს მათი რიცხვი 150-მდე გაიზარდა.

მოსწავლეთა კონტინგენტის გაზრდას ხელი შეუწყო აგრეთვე ინსტიტუტის გადასვლამ უფრო დიდ შენობაში (ძველი შადინოვის სახლიდან ინსტიტუტი გადავიდა თუმანიშვილის უფრო დიდ სახლში),

1862 წლის 17 ნოემბერს უმაღლესად დამტკიცებული განკარგულების თანახმად, 1863 წლის იანვარში ინსტიტუტი გადაკეთდა შეიდეკლასიან სასწავლებლად. მოსწავლეებისა და „პეპინიორკების“ რიცხვი გაიზარდა. სასწავლო დისციპლინებს 1865 წლიდან პედაგოგიკასთან ერთად დაემატა ბუნებისმეტყველება. ქართული ენა სავალდებულო საგნად გამოცხადდა ადგილობრივ მცხოვრებთათვის. ხოლო სასწავლებელში მოსწავლეთა ახალი კონტინგენტის მიღება და კურსდასრულებულთა გამოშვება ორ წელიწადში ერთხელ კი აღარ ხდებოდა, არაშედეგოვანი იყო. ახალმა განრიგმა სასწავლებელი უფრო სწორ გზაზე დააყენა და საშუალება მისცა უფრო მეტად გაეცა პასუხი ცხოვრების მზარდი მოთხოვნილებებისათვის.

1866 წლის 16 დეკემბერს უმაღლესად დამტკიცებულ იქნა ახალი შტატები ქალთა სასწავლებლებისა, რომელიც გაეგრძელდა ამიერკავკასიის კეთილშობილ ქალთა ინსტიტუტზე. სწავლის ქირა წინათ არსებული 150 მანეთის ნაცვლად

200 მანეთამდე გაიზარდა. გადიდდა ინსტიტუტის სასწავლო ნაწილის დაფინანსება.

თუმანიშვილის სახლი 70-იანი წლების დასაწყისიდან მოსწავლეთა რიცხვის ზრდის გამო ვერ აკმაყოფილებდა ინსტიტუტის მოთხოვნილებას. დაიწყო ზრუნვა სასწავლებლისათვის შესაფერისი შენობის ასაგებად.

განზრახვის სისრულეში მოყვანამ საკმაოდ დაიგვიანა. სახელმწიფო ხარჯზე ინსტიტუტის შენობის აგება 225 მოსწავლისათვის დაიწყო მხოლოდ 1888 წელს.

1890 წლის 7 ოქტომბერს საზეიმო ვითარებაში აკურთხეს ამიერკავკასიის კეთილშობილ ქალთა ინსტიტუტის ახალი შენობა (ამჟამად საქართველოს კომუნისტური პარტიის ცენტრალურ კომიტეტთან არსებული პარტიული სკოლა). ეს შენობა როგორც ფასადით, ისე შიდა მოწყობილობით: საკლასო ოთახები, საწოლი. სამასწავლებლო, სამლოცველო და სხვა სამეურნეო სათავსოებით, აგებული იყო ტექნიკის უკანასკნელი სიტყვის მიხედვით. 12 ოთახი დათმობილი ჰქონდა სამუსიკო კლასებს, თითოულ მათგანში თითო ფორტეპიანო იდგა და ოთახიდან ოთახში ხმა რომ აზრ გასულიყო, კედლები ქეჩით იყო აკრული.

ამიერკავკასიის კეთილშობილ ქალთა ინსტიტუტმა ამ შენობაში ოქტომბრის სოციალისტურ რევოლუციამდე იარსება.

5. წმიდა ნინოს სახელობის ქალთა სასწავლებლები

ქალთა პედაგოგიური კადრების მომზადების საქმეში სათანადო ადგილი ეკირა თბილისის, ქუთაისისა და თელავის წმიდა ნინოს სახელობის ქალთა სასწავლებლებს. ეს სასწავლებლები „წმიდა ნინოს სახელობის ქალთა საქველმოქმედო საზოგადოებას“ ეკუთვნოდა, რომელიც ქ. თბილისში 1846 წელს დაარსდა. საზოგადოების მიზანი იყო ხელმოკლე ოჯახის ქალიშვილთა გასათვითცნობიერებლად ამიერკავკასიის სხვადასხვა ქალაქებში სასწავლებლების დაარსება.

1846 წლის 17 დეკემბერს დამტკიცებული წესდებით¹ წმინდა ნინოს სახელობის ქალთა საქველმოქმედო საზოგადოებას უფლება ეძლეოდა გაეხსნა ქალთა სასწავლებლები. საქართველოს ტერიტორიაზე 40-იან წლებში მან, მართლაც გახსნა 3 სასწავლებელი თბილისსა და ქუთაისში, ხოლო 1865 წელს—თელავში.

საზოგადოების გამგეობაში შედიოდნენ: თავმჯდომარე ელისაბედ ქსავრის ასული ვორონცოვა, ვიცე თავმჯდომარე თამარ იულონის ასული ბატონიშვილი. გამგეობის წევრები: სალომე ივანეს ასული ჭავჭავაძე, ელისაბედ ქრისტეფორეს ასული კოხანოვა, ბარბაღე ბაგრატიის ასული ჯამბაქურ-ორბელიანი, ევრედიაკა გრიგოლის ასული საფაროვა და სხვ.

ა) თბილისის წმინდა ნინოს სახელობის ქალთა სასწავლებელი

1846 წლის 5 მაისს, ქ. თბილისში, ამჟამად შიო ჩიტაძის ქუჩაზე, საზეიმო ვითარებაში გაიხსნა თბილისის წმინდა ნინოს სახელობის ქალთა სასწავლებელი.

ამ სასწავლებელში სწავლის უფლება ეძლეოდა ყველა წოდების ქალს.

სასწავლებელი 6-წლიანი იყო. შეიცავდა 2 კლასს, თითოეულს სამ-სამი განყოფილებით. ამგვარად, თითო განყოფილებაში სწავლა ერთ წელს გრძელდებოდა. შემდგომში ეს განყოფილებები დამოუკიდებელ კლასებად გადაკეთდა.

თბილისის წმინდა ნინოს სახელობის სასწავლებლის მოსწავლე ქალები შედგებოდნენ პანსიონერებისა და ნახევრად პანსიონერებისაგან, პირველნი წლიურად 80 მანეთს იხდიდნენ ვერცხლით, რომელიც შეტანილი უნდა ყოფილიყო ორ წილად პირველ მაისს და პირველ ნოემბერს. მეორენი, რომელნიც მთელ დღეს სასწავლებელში ატარებდნენ და მხოლოდ დასაძინებლად მიდიოდნენ შინ, წელიწადში იხდიდნენ 40 მანეთს ვერცხლით.

წმინდა ნინოს სახელობის თბილისის ქალთა სასწავლებლის პირველ კლასში შემდეგი საგნები ისწავლებოდა: კატე-

¹ გახ. „Кавказ“, 1847. № 24.

ხიზისი და საღეთო სჯული, ისტორია, რუსული, სომხური და ქართული ენები, სუფთა წერა. გრამატიკა და არითმეტიკა, ხოლო მეორე კლასში — საღეთო სჯული, ისტორია, გრამატიკა, გეოგრაფია, საზოგადო და რუსეთის ისტორია. სწავლების უკანასკნელ წელს ისწავლებოდა ცეკვა და საოჯახო საქმე. თბილისის წმიდა ნინოს ქალთა სასწავლებლის მუშაობაში სპორადულად მონაწილეობდა ქართველი მწერალი გ. ერისთავი.

სასწავლებლის ერთი დამაარსებელთაგანი, კავკასიაში მეფის შოადგილის მ. ვორონცოვის მეუღლე ელისაბედი, 1850 წლის 18 დეკემბერს სწერდა გიორგი ერისთავს:

„დღეს 2 $\frac{1}{2}$ საათზე, იქნება წმიდა ნინოს საქალებო სასწავლებელში ქართული ენის ეკზამენი. ჩემი დასწრება ამ ეკზამენზედ სრულიად უსარგებლო იქნება და რადგანაც მინდა შევიტყო როგორ შეისწავლეს ქალებმა თავისი სამშობლო ენა, ამიტომ გთხოვთ, პატივცემულო კნიაზო, გიორგი დაფითის-ძევ, თქვენ დაესწროთ ამ ეკზამენზედ — ორშაბათი, 18 დეკ. 1850 წ.“¹

1851 წელს. როცა გ. ერისთავმა ჟურნალ „ციცკრის“ გამოცემა განიზარა. „ფორმალურად საქმე ისე იყო მოგვარებული, რომ „ციცკარი“ წმიდა ნინოს „ზავედენიის“ სასარგებლოდ გამოდიოდა (ასე იყო აღნიშნული „ციცკრის“ გამოცემის განცხადებებში), მაგრამ ეს ისევე და ისევე „ციცკრის“ გამოცემის სასურველად დამთავრებისათვის იყო მოფიქრებული. ვინაიდან ასეთ შემთხვევაში ჟურნალის გამოცემაზე ნებართვის მიღება უფრო ადვილი იყო...

მაშინ, თბილისში სავა სასწავლებლებიც არსებობდა, მაგრამ ისინი „ციცკრისათვის“ არ გამოდგებოდა. ამ სასწავლებლებს საკუთარი სახსრები არ გააჩნდა. წმიდა ნინოს სახელობის სასწავლებელს კი ასეთი სახსრები ჰქონდა და. ცხადია, ჟურნალს მისი გამოყენება შეეძლო. მართლაც, როცა „ციცკარი“ გამოვიდა, ამ სასწავლებლისათვის ვორონცოვის საშუალებით 100 ცალი ჟურნალი იქნა გამოწერი-

¹ იონა მეუნარგია, ქართველი მწერლები. 1954, წიგნი 1. გვ. 266.

ლი. ხოლო ერთბაშად 100 ხელმომწერის შოვნა, ეს ქართული ჟურნალისათვის დიდი ბედნიერება იყო, რადგანაც ამით ჟურნალის არსებობა თითქმის უზრუნველყოფილი ხდებოდა.¹

1852 წელს სასწავლებელს 100 პანსიონერი და ნახევრად პანსიონერი ჰყავდა. ამ წელს მოხდა სრულკურსდამთავრებულთა პირველი გამოშვება 5 კალის რაოდენობით. მათ შორის იყო ერთი ქართველი (სოფიო ჯაფარიძე).

მომდევნო წლების განმავლობაში თბილისის წმიდა ნინოს სახელობის კალთა სასწავლებლის კონტინგენტი სწრაფად გაიზარდა. მოსწავლეთა რიცხვის მხრივ ზან პირველი ადგილი დაიკავა მთელ კავკასიაში. ასე, მაგალითად, 1853, 1857, 1858 და 1871-72 წლებში კავკასიაში არსებული წმ. ნინოს სახელობის 4 სასწავლებელში მოსწავლეთა რიცხვი უდრიდა:²

	1853 წ.	1857 წ.	1858 წ.	1872 წ.
1. თბილისის წმ. ნინოს სახ. კალთა სასწავლებელში	117	136	142	235
2. ქუთაისის " " " "	33	30	30	80
3. ერევნის " " " "	30	35	—	40
4. სტავროპოლის " " "	106	100	113	195

1864 წელს თბილისის წმიდა ნინოს სახელობის კალთა სასწავლებელს დაემატა მე-7 სპეციალური პედაგოგიური კლასი. პედაგოგიკისა და დიდაქტიკის კურსს ასწავლიდა ამავე სასწავლებლის სასწავლო ნაწილის უფროსი ვლადიმერ ჯელიხოვსკი. მე-7 კლასის ჩამოყალიბებით სასწავლებლის მიზანიც შეიცვალა თუ ის ამ წლამდე „ამზადებდა კეთილ ცოლებსა და ოჯახის კარგ დედებს“, ამიერიდან მის მიზანს შეადგენდა დაწყებითი სკოლების მასწავლებელთა და შინამასწავლებლების მომზადება.³

¹ მ. გ. ოცაძე, ქართული ჟურნალისტიკის ისტორია, I, 1954, გვ. 21—322.

² „Кавказ“, 1872, № 127.

³ „Кавказ“, 1866, № 35.

მე-7 პედაგოგიურ კლასში განსაკუთრებული ყურადღება ექცეოდა რუსული ენისა და ზათემატიკური საგნების სწავლებას, რადგანაც ეს კლასი სწორედ ამ საგნების მასწავლებლებს ამზადებდა. ამ კლასში მოსწავლე ქალები თავიანთი სურვილით აგრძელებდნენ სწავლას და ამით მათი შრომა და ცოდნა უფრო სრულყოფილი და კვალიფიცირებული ხდებოდა. ისინი კურსის დამთავრებისას ლებულობდნენ დაწყებითი სკოლის მასწავლებლის წოდებას.

მე-7 პედაგოგიურ კლასში ევლიხოვსკის უშუალო ხელმძღვანელობით მოსწავლე გოგონები ვარჯიშობდნენ ცალკეულ საგანთა სწავლების მეთოდებში. ძირითადი ყურადღება ექცეოდა თვალსაჩინო სწავლების პრინციპს. გოგონები დაბალ კლასებში აძლევდნენ საცდელ გაკვეთილებს რუსულ ენასა და ზათემატიკურ საგნებში.

მე-7 პედაგოგიური კლასის დაარსებამ მეტად სასურველი შედეგი გამოიღო. „კავკაზ“-ის კორესპონდენტი ამის გამო შენიშნავს: „ეს კლასი საუკეთესოდ ასრულყოფილებს ამ სკოლის სწავლების კურსს. პედაგოგიურ კლასს სარგებლობა მოაქვს თვით ამ მასწავლებლისათვისაც, მასწავლებელთა პერსონალს უჩნდება შრომის მოყვარული დამამარე ძალა, რომელნიც ასწავლიან დაწყებით 1—2 კლასებში... პედაგოგიური კურსის დამთავრების შედეგად მოსწავლე ქალიშვილებს გარკვეული ადგილი ეთმობა საზოგადოებაში, ისინი დამოუკიდებელი და უზრუნველყოფილი ხდებიან, რადგან მოსწავლე ქალიშვილები გარკვეულ პროფესიას დაეუფლენ და ვინ არ იცის, რომ რა ძლიერ საჭიროა ესლა ჩვენთვის გამოცდილი მასწავლებელი ქალები“.¹

1866 წელს ევლიხოვსკი თბილისის კლასიკური გიმნაზიის დირექტორად დანიშნეს, რის გამოც იგი იძულებული შეიქმნა დაეტოვებინა თბილისის ქალთა წმიდა ნანოს სახელობის სასწავლებელი. ამის გამო მე-7 პედაგოგიურ

¹ გაზ. „Кавказ“, 1866, №35.

კლასში შეწყდა პედაგოგიური დისციპლინების სწავლება, რამაც ამ კლასის დახურვა გამოიწვია.

სასწავლებლის ადმინისტრაციამ ნება დართო მოსწავლე ქალებს მე-6 კლასიდან სწავლა განეგრძოთ თბილისის ქალთა I თანრიგის სასწავლებლის მე-3 განყოფილებაზე—სპეციალური პედაგოგიური განათლების მისაღებად. ეს გარემოება ავტორიტეტს უკარგავდა თბილისის წმიდა ნინოს სასწავლებელს და ამცირებდა მის მოსწავლეთა კონტიგენტს. ამ მიზეზით თბილისის წმ. ნინოს სახელობის სასწავლებლის დამაარსებელმა საქველმოქმედო საზოგადოებამ 1870 წელს სთხოვა დედოფალს ოლლა თევდორეს ასულს, რომლის გამგებლობაშიაც იმყოფებოდა იმპერიის I თანრიგის ქალთა სასწავლებლები. წმიდა ნინოს სასწავლებელთან მე-7 პედაგოგიური კლასის გახსნა და ძველი უფლებების აღდგენა. საზოგადოების საბჭომ შემდეგი ხასიათის დადებითი პასუხი მიიღო: „გაიხსნას ძველებურად წმ. ნინოს სახელობის თბილისის სასწავლებელში უფროსი კლასი და შემდეგში არ გაიგზავნოს მოსწავლეები თბილისის ქალთა პირველი თანრიგის სასწავლებელში“.¹

ამის საფუძველზე 1871 წელს წმიდა ნინოს სახელობის სასწავლებელში აღდგენილ იქნა მე-7 პედაგოგიური კლასი.

მე-7 პედაგოგიურ კლასში შემდეგი ზოგადი და პედაგოგიური საგნები ისწავლებოდა:

- 1) პედაგოგიკა;
- 2) დიდაქტიკა (რუსული ენის, არითმეტიკის, ბუნებისმეტყველებისა და ხაზვის სწავლების კერძო მეთოდებით),
- 3) ბუნებისმეტყველება,
- 4) ხაზვა.

მე-7 კლასის მოსწავლეები პედაგოგიურ პრაქტიკას (გაკვეთილების გადაცემას) აწარმოებდნენ იმავე სასწავლებლის დაბალ კლასებში.

თბილისის წმიდა ნინოს სახ. ქალთა სასწავლებლის მე-7 პედაგოგიური კლასის პირველი გამოშვება 1865 წელს მოხდა.

¹ ცსა, ფონდი 107, საქმე 322, გვ 1—2.

ამ წელს აღნიშნული კლასი დაამთავრა 9 ქალიშვილმა.¹ 1866 წელს გამოშვებულ იქნა 7 ქალიშვილი, 1867 წელს—9, 1868 წელს 3, 1869 წელს—11, 1870 წელს—3, 1872 წელს—7, 1873 წელს—5 ქალიშვილი.²

1865-1873 წლებში, თბილისის წმიდა ნინოს სახ. ქალთა სასწავლებლის მე-7 პედაგოგიური კლასი დაამთავრა 54 ქალიშვილმა, რაც ცხადია, ძალიან მცირეა. მაგრამ 1882 წლიდან, როდესაც თბილისის წმიდა ნინოს სახელობის ქალთა სასწავლებელი გიმნაზიად გადაკეთდა მე-8 პედაგოგიური კლასით, ამ კლასის კონტინგენტი საგრძნობლად გაიზარდა.

წმიდა ნინოს სახელობის სასწავლებელთა კურსდამთავრებულ ქალებს მე-7 პედაგოგიური კლასის აღდგენის შემდეგ, ისევ ეძლეოდათ დაწყებით სკოლებში მასწავლებლობის უფლება.

1874 წლიდან საქართველოში არსებული წმიდა ნინოს სახელობის სასწავლებლები, სწავლების კურსით გაუთანაბრდნენ იმპერიაში არსებულ ქალთა პროგიმნაზიებს.

„მისი იმპერატორობით უდიდესებულების, დედოფლის დიდი მთავრის ოლღა თეოდორეს ასულის მდივანმა, მიმდინარე წლის 14 მარტის №1213 მომართვაში აცნობა საზოგადოების საბჭოს მისი იმპერატორობითი უდიდესებულების ოლღა თეოდორეს ასულის განკარგულება წმ. ნინოს სახელობის თბილისის, ქუთაისის, თელავის და წმ. რიფსიძეს სახელობის ერევნის სასწავლებლების სასწავლო ნაწილის გარდაქმნის შესახებ. მომავალი 1874—75 სასწავლო წლიდან შემოღებული იქნეს კლასების განაწილება და მეცნიერების სწავლება სახალ-

¹ ამ წელს უკანასკნელ, გამოსაშვებ კლასში სწავლობდნენ შემდეგი ქართველი ქალიშვილები: ეკატერინე ალხაზიშვილი, არჯვეანიძე, ბარბარე ბაგრატიონ-მუხრანელი, ანა ბებუთოვი, მარიამ მაღალაშვილი, ნინო სარაჯიშვილი, ანასტასია თუმანიშვილი და მარიამ თუმანიშვილი („Кавказ“, 1865, № 18)

² ცსსა, ფ. 422, ს. 511, ფ. 457.

ხო განათლების სამინისტროს უწყების ქალთა პროგიმნაზიების მაგალითის მიხედვით“.¹

აღნიშნული განკარგულება ძალაში შევიდა 1874 75 სასწავლო წელს.

1874 წლიდან 1897 წლამდე ამ სასწავლებელში ისტორიას, გეოგრაფიას და პედაგოგიკას ასწავლიდა თბილისის კეთილშობილ ქალთა ინსტიტუტის მასწავლებელი ნიკო ცხველაძე.

1882 წელს თბილისის წმიდა ნინოს სახელობის ქალთა სასწავლებელი, რომელიც აქამდე საზოგადოების ანგარიშზე იმყოფებოდა, განათლების სამინისტროს ქალთა 7-კლასიან გიმნაზიად გადაკეთდა. რადგან აღნიშნული სასწავლებელი ოცდათექვსმეტ წელზე მეტ ხანს ატარებდა წმიდა ნინოს სახელობის სასწავლებლის სახელს, სათანადო შუამდგომლობის საფუძველზე, აღნიშნულ გიმნაზიას, დარჩა სახელწოდება წმიდა ნინოს თბილისის ქალთა სასწავლებლისა, რომელიც სარგებლობდა ქალთა 7-კლასიანი გიმნაზიის უფლებებით.²

ბ) წმიდა ნინოს სახელობის ქუთაისის და თელავის ქალთა სასწავლებლები

1847 წ. 14 მაისს ქუთაისში, დღევანდელ 1905 წ. რევოლუციის ქუჩაზე №1 სახლში, გაიხსნა წმიდა ნინოს სახელობის ქალთა სასწავლებელი. აღნიშნული სასწავლებელი იმავე ტიპისა და სტრუქტურისა იყო და სარგებლობდა იმავე უფლებებით, როგორც თბილისის წმ. ნინოს სახ. ქალთა სასწავლებელი.

წმიდა ნინოს სახელობის ქალთა საქველმოქმედო საზოგადოების ქუთაისის განყოფილების წევრები იყვნენ: ეკატერინე ალექსანდრეს ასული დადიანი, ტერეზია მამიას ასული დადიანი, დ. ა. დობრაჟანსკაია, ანა პავლეს ასული კალაშნიკოვა, ალექსანდრა ანდრიას ასული კოლუბიაკინა, მ. კ. კოცებუ, თუმანიშვილი, მაკა წულუკიძე, ელენე ერისთავი და სხვ.

¹ ცსსა, ფონდი 107, საქმე 626, ფურ. 1.

² ცსსა, განათ. დეპარტ. საქმე №89, 1952, (ქალთა სასწ. თანრიგი).

სასწავლებელს დაარსების პირველ წელს ჰყავდა 22 პანსიონერი და 2 ნახევრად პანსიონერი.

ქუთაისის წმინდა ნინოს ქალთა სასწავლებლის ბაზაზე 1877 წელს დაარსდა ქუთაისის ქალთა გიმნაზია, სადაც 1881 წელს გაიხსნა მე-8 სპეციალური პედაგოგიური კლასი. სახელწოდება სასწავლებელს წინანდელი დარჩა.

თელავის წმინდა ნინოს სახელობის ქალთა სასწავლებელი გაიხსნა 1865 წელს. მის დაარსებას წინ უსწრებდა პატარა მოსამზადებელი პერიოდი.

ჯერ კიდევ 1860 წელს თელავის ნაზრის თავადაზნაურობის ერთ-ერთმა წარმომადგენელმა ანა ილიას ასულმა ქავეკავეძემ, რომელიც წინანდალში ცხოვრობდა, იკისრა ქ. თელავში ქალთა სასწავლებლის დაარსება. მას დახმარებას უწყევდა პოეტი გრიგოლ ორბელიანი. ანა ქავეკავეძემ გამოითხოვა ნებართვა წმინდა ნინოს სახელობის ქალთა საზოგადოებას გადასცემოდა თელავის სასახლე. რომელშიც ნავარაუდევად იყო ამჟამად საზოგადოების სახელობის ქალთა სასწავლებლის გახსნა. მოსახლეობის ერთსულოვანი თხოვნისა და დაინტერესებულ პირთა დაუცხრომელი ღვაწლის შედეგად, 1860 წელს თელავის სასახლე გადაეცა წმინდა ნინოს სახელობის ქალთა საქველმოქმედო საზოგადოებას, ხოლო შემოწირულებათა თანხა 50.000 მანეთამდე გაიზარდა.

1865 წლის მარტში, თელავში, ერეკლეს სასახლეში გაიხსნა წმინდა ნინოს სახელობის ქალთა ორკლასიანი სასწავლებელი (თითო კლასი ორწლიანი სწავლების კურსით) და ორი მოსამზადებელი კლასი — სულ სწავლების ექვსწლიანი ვადით, წმინდა ნინოს სახელობის ქალთა სასწავლებლებისათვის დამტკიცებული სასწავლო პროგრამით. სწავლის ქირად დაწესებული იყო 100 მანეთი წელიწადში, პირველი წლის გამოკლებით. პირველ წელს აღნიშნული 100 მანეთის გარდა, ერთდროულ გადასახადად დაწესებული იყო პანსიონერთათვის 30 მან., გარედან მოსიარულეთათვის კი 15 მან.

1865—1866 წლებში მოსწავლეთა საერთო რიცხვი 34 უდრიდა. აქედან 18 პანსიონერი, 2—ნახევრად პანსიონერი და 14 გარედან მოსიარულე. თელავის ქალთა სასწავლებლის მოსწავლეთა კონტიგენტი სწრაფად იზრდებოდა. ასე ზეგალითად:

წელი	წელს სწავლობდა	32	მოსწავლე	ქალი
1867	წელს სწავლობდა	32	მოსწავლე	ქალი
1868	"	39	"	"
1869	"	37	"	"
1870	"	42	"	"
1872	"	49	"	"
1873	"	59	"	"
1876	"	63	"	"

1875 წელს თელავის წმიდა ნინოს სახელობის ქალთა სასწავლებელი უსახსრობის გამო პროვინზიად გადაკეთდა.

თელავის წმიდა ნინოს სახელობის ქალთა სასწავლებლის პირველი სრული გამოშვება მოხდა 1870 წლის 11 ივნისს საზეიმო აქტით. სასწავლებელი დაასრულა: ანასტასია ანდრონიკაშვილმა, სოფიო ვახვახიშვილმა, ეკატერინე ვაჩნაძემ, ბარბარე რუსიშვილმა და სიდონია სულხანიშვილმა.

თელავის წმიდა ნინოს სახელობის ქალთა სასწავლებელმა თავისი არსებობის მანძილზე არაერთი მასწავლებელი ქალი გამოზარდა. თითქმის ყველა კახელ ქალს, რომელთაც საშუალო განათლება ჰქონდათ მიღებული, თელავის წმიდა ნინოს სახელობის სასწავლებელი ჰქონდათ დამთავრებული.

1900 წელს თელავის წმიდა ნინოს სახელობის ქალთა სასწავლებელში მომუშავე ხუთი მასწავლებელი, კლასის დამრიგებელი ქალი აღნიშნული სასწავლებლის კურსდამთავრებული იყო. ამ სასწავლებელში სწავლამიღებული ქალები ყოველთვის კარგი წარმატებით განაგრძობდნენ სწავლას თბილისის სასწავლებლებში.

* * *

წმიდა ნინოს სახელობის ქალთა საქველმოქმედო საზოგადოებას თბილისის, ქუთაისისა და თელავის ქალთა სასწავლებლებმა მრავალი ათეული მასწავლებელი ქალი შესძინეს

საქართველოს დაწყებით სკოლებს. მაგრამ, როგორც საესე-
ბით სამართლიანად წერდა 1881 წელს იაკობ გოგებაშვილი,
„წმიდა ნინოს ზვედენიები თბილისს და თელავში მაღალი
მიზნის მისახწევად იქმნენ დაარსებულნი. მათ უნდა მოე-
მზადებინათ ნამდვილად განათლებულნი ქალნი დემოკრატი-
ული მიზართულებისანი, დემოკრატიული ყოფა-ქცევისანი, წი-
ნააღმდეგ ქალთა ინსტიტუტისა, რომელიც არისტოკრატიის
შვილთა ზრდიდა არისტოკრატიული მიმართულებით. მათ უნ-
და აღეზარდნათ გონიერნი დედანი, მოქმედნი პირნი საზო-
გადო ასპარეზზე, მაგრამ ყველა ეს მოლოდინი ფუჟად დარ-
ჩა... უმთავრესი მიზეზი ამ უნაყოფობისა გახლავთ ის გარე-
მოება, რომ ამ სასწავლებლებს ფეხი არ უდგიათ გამაცხო-
ველებელს ნიადაგზედ...“¹ ასეთ გამაცხოველებელ ნიადაგად
იაკობი თვლიდა ქართული კულტურის, ქართული ენისა და
ლიტერატურის, საქართველოს ისტორიისა და გეოგრაფიის
შესწავლას. ამ საგნების ცოდნას არ ღებულობდნენ წმიდა ნი-
ნოს სახელობის სასწავლებელთა მოსწავლე ქალები და ამი-
ტომ მათი სააღმზრდელო და საგანმანათლებლო მუშაობა, აღნი-
შნულ სასწავლებელთა კურსის დამთავრების შემდეგ, მართ-
ლაც მოკლებული იყო ეროვნულ ხასიაოს და ვერ უზრდიდა
ჩვენს ქვეყანას ხალხისათვის თავდადებულ მოქალაქეებს.

¹ ი. გოგებაშვილი, თხზულებანი. ტ. I. 1952, გვ. 269—270.

ნ ა ნ ი ლ ი მ ე ო რ ა

ქალთა კულტურული განათლება მე-19 საუკუნის მეორე ნახევარში

მე-19 საუკუნის 60-იანი წლებიდან საქართველოში იწყება კაპიტალიზმის განვითარების პერიოდი. კაპიტალისტური წარმოების წესის საბოლოო გამარჯვების შედეგად მოისპოვება ნატურალური მეურნეობა, გაუქმდა ბატონყნობა, დაიწყო რკინიგზების გაყვანა. 1861 წლიდან „კაპიტალიზმის განვითარება რუსეთში წავიდა ისეთი სისწრაფით, რომ რამდენიმე ათწლეულში ხდებოდა გარდაქმნები, რომელთაც ევროპის ზოგიერთ ძველ ქვეყანაში მთელი საუკუნეები დასჭირდათ“¹.

ამ ტემპებს არც საქართველო ჩამორჩებოდა.

მრეწველობის განვითარება მოითხოვდა საქართველოსა და ამიერკავკასიის ბუნების სიმდიდრეთა შესწავლასა და გამოყენებას, მისი ნედლეულის ბაზების მოპოებასა და ექსპლოატაციას, ფაბრიკა-ქარხნებისა და სახელოსნოების გამრავლებას, ტრანსპორტის გაუმჯობესებას. ყოველივე ამისათვის საჭირო იყო კულტურული მუშაკები, საჭირო იყო განათლების ქსელის გაფართოება.

60-იანი წლები საქართველოში აღინიშნება, როგორც მნიშვნელოვანი გონებრივი მოძრაობის პერიოდი. ქართული „აზროვნების ამ გამოცოცხლებას“, როგორც ამ პერიოდის აზროვნებას უწოდებენ, ხელი შეუწყო 60-იანი წლების რუსეთის მოწინავე ინტელიგენციამ, რომელიც რევოლუციურ-დემოკრატიულ იდეოლოგიაზე იყო აღზრდილი. განსაკუთრებით

¹ В. И. Ленин, Сочинения, т. 17, стр. 95—96

აღსანიშნავია ბელინსკისა და ჩერნიშევსკის გავლენა 60-იანი წლების ქართველ ინტელიგენციასზე. მათი იდეური გავლენით წარიმართა ქართული საზოგადოებრივი კულტურის განვითარება. ნ. გ. ჩერნიშევსკის პირადი ურთიერთობაც კქონდა რუსეთში მოსწავლე ქართველ ინტელიგენციასთან აღნიშნულ პერიოდში. შეიძლება გადაჭრით ითქვას, რომ ქართული კულტურისა და საზოგადოებრივი აზროვნების აღორძინებაზე, 60-იან წლებში ნ. გ. ჩერნიშევსკიმ და მისმა „სოფრემენიკმა“ დიდი გავლენა მოახდინა¹. ქართველ 60-იანელთა მოწინავე თაობა ილია ჭავჭავაძის მეთაურობით ენერგიულად ილაშქრებს ძველი წყობილების, ბატონყნური ურთიერთობის ნაშთებისა და სქოლასტიკური აზროვნების წინააღმდეგ. იწყება ნაციონალურ-განმათავისუფლებელი მოძრაობის ახალი პერიოდი.

1. შალთა აღზრდის ახალი მიზნები და ამოცანები

60-იანი წლების ახალი იდეები და ახალი დემოკრატიული მიმდინარეობანი დიდ გარდატეხას ახდენენ ახალგაზრდობის აღზრდა-განათლებაზეც. ძირფესვიანად იცვლება სწავლა-აღზრდის ამოცანები, ფორმები და მეთოდები. იცვლება აგრეთვე ქალთა აღზრდის მიზნები და ამოცანები. თუ წინათ ქალის ძოვალეობად მხოლოდ კარგი მეუღლეობა, ცეკვა, ფრანგული ენის ცოდნა, სასიამოვნო საუბარი და მიმზიდველი მანერები ითვლებოდა, ახლა ეს თვისებები სრულებით აღარ აკმაყოფილებენ მზარდ საზოგადოებრივ მოთხოვნილებებს. აუცილებელი და საჭირო ხდება ქალის საზოგადოებრივ ასპარეზზე გამოსვლა, მისი მონაწილეობა კულტურისა და საზოგადოებრივი შრომის სხვადასხვა დარგში.

60-იან წლებში ეურნალ „ცისკრის“ ფურცლებზე ქალთა აღზრდა-განათლების აუცილებლობის შესახებ საინტერესო

¹ ს. ხუნდაძე, მასალები ქართული ლიტერატურისა და საზოგადოებრივი აზროვნების ისტორიისათვის, 1939, გვ. 3.

აზრს გამოთქვამდა დაშინდელი საზოგადო მოღვაწე პეტრე ჩარეჭიშვილი.

..იმ დროში, რომელშიაც კაცის აზრნი და იდეანი სიჩქარით იცვლებიან და განიწმინდებიან ყოველთა საშუალო საუკუნეთა შეცდომილებითაგან, ამით გვაახლოვებენ ჩვენ ჭეშმარიტებისადმი, რომელშიაც მეცნიერება და განათლება იქმნიან დიდსა ნაბიჯსა წარმატებისა და განათლების გზაზედ და უკანასკნელ რომელშიც იბადებიან და დაბადებისთანავე თხოულობენ დაუყოვნებლივსა და გარდაწყვეტასა მრავალნი სხვადასხვა გვარნი კითხვანი შესახებელ საზოგადოებით და სახელმწიფო ცხოვრებით საგანთა, ხოლო ამათ რიცხვში პირველი უქირავს ქალის აღზრდასა“...¹

წერილის ავტორს ქალი მიაჩნია „აღზრდელად ახალის შთამომავლობისა, რომელიც გონიერთა სიყვარულითა გახსნის და განამტკიცებს შვილებში ყოველსა უძალღესთა სულიერთა ნიჭთა და თვისისა ცხოვრებისა მაგალითით წარუდგენს მათ მიმზიდველობითსა ყოველთა კეთილ მოქმედებათა მოძრაობათა და რწმუნებათა“.

..აქედან ცხადად ჰსჩანს თუ რა დიდი და უაღრესად არიან ზნეობითნი მოვალეობანი ქალისა და მაშასადამე აღსასრულებლად მათთა რაოდენათ მოუცილებელი საჭირო არს მისთვის მიღება კანონიერისა აღზრდისა. გინა განათლებისა. რომელიც აკმაყოფილებდეს ყოველთა მოთხოვნილებათა ამ ჩვენისა თანამედროულისა ცხოვრებისას“.²

3. ჩარეჭიშვილი ქალის აღზრდის უმთავრეს მომენტად თვლის მის გონებრივ განვითარებას: „გონებათა გახსნა ქალისათვის საჭიროა მარტო იმისათვის კი არა, რომ გონიერად და საადვილოთ მართოს და განაგოს თავისი, ოჯახებრივი მოვალეობა, არამედ იმისათვისაც, რათა პირველ დაწყებითს შვილის აღზრდაში გადასცეს იმათ ნამდვილი და უტყუარი ცნებანი სხვადასხვა ნივთებზედ, ამისათვის უსაჭიროესი არს,

¹ შურ. „ცისკარი“, 1863, № 2.

² იქვე.

რომ თვითონ მან წინათვე იქონიოს კანონიერი და სწორე შეხედვა ყოველ ქვეყნის საგანზედ, რომ ყოველ ნიეთს უწოდოს თავისი საკუთარი სახელი და მაშასადამე ყოველ ნიეთზე იქონიოს სწორე და შეუცდომელი სჯა. ხოლო ამაების შეძენა არ შეიძლება თუ კაცს არა აქვს გონება გახსნილი და ესრეთ გახსნა შეიძლება ხოლოთ სწავლისა და მეცნიერების გაცნობით და შესწავლით.¹

რაც შეეხება ფიზიკურ აღზრდას, ჩარექიშვილი ამასაც თვლიდა საჭიროდ და აუცილებლად, რათა ფიზიკური განვითარების შედეგად ქალებს ჰყოლოდათ ჯანსაღი შვილები და ჰქონოდათ დედობრივი მოვალებობის შესრულების ნეტი უნარი. ჩარექიშვილს ქართველი ქალის ზნეობრივი აღზრდაც არ ავიწყდება და მოითხოვს ქალის მაღალი მორალური თვისებებით, ხასიათის სიმტკიცითა და კეთილშობილებით აღჭურვას.

XIX საუკუნის პირველ ნახევარში, როგორც აღვნიშნეთ, საქართველოში სკოლების რიცხვი ძალზე მცირე იყო, მაგრამ მიუხედავად ამისა, არც ეს სკოლები იყო უზრუნველყოფილი სპეციალური პედაგოგიური განათლების მქონე პერსონალით, რადგან საქართველოში მაშინ არ იყო სპეციალური პედაგოგიური სასწავლებლები, სადაც შეიძლებოდა აღზრდილიყვნენ პროფესიონალური განათლების მქონე სპეციალისტი — პედაგოგები, მათ შორის პედაგოგი-ქალები.

60-იანი წლების დასაწყისიდან კავკასიის სასწავლო ოლქში ყურადღება მიექცა მასწავლებელთა სპეციალური პედაგოგიური განათლებისა და მომზადების საკითხს; ეს იმის შედეგიც იყო, რომ ამავე პერიოდში რუსეთის იმპერიაში ქალთა ზოგადი განათლების სასწავლებლების ქსელი იშლებოდა. საქართველოში კი ეს მნიშვნელოვანი საქმე იმ დროისათვის ჯერ კიდევ კერძო პირების ხელში იყო და მხოლოდ მათ ინიციატივაზე იყო დამოკიდებული ამ ფრიად სერიოზული წამოწყების წარმატება.

ყველა მოწინავე ადამიანისათვის ნათელი გახდა, რომ ქალთა განათლება, ისე როგორც განათლება საერთოდ, მო-

¹ ჟურ. „ცისკარი“, 1863, № 2.

წყვეტილი იყო ხალხის ინტერესებს, ჩამოშორებული იყო ცხოვრებას და რეალურ ვითარებას. მოწინავე - ადამიანები მოითხოვდნენ სკოლის მუშაობის გარდაქმნას, ახალ სასწავლო გეგმებს, ახალ პროგრამებს. 60-იანი წლების მოწინავე პედაგოგი და ლიტერატორი პეტრე უმიკაშვილი წერდა:

„რაც დარბაისლურ და დიდკაცურ გარემოებას. ეჭირება, იმგვარი ახალგაზრდის გაწვრთნა და აღზრდა ჰგონიათ. რასაკვირველია იმისათვის შკოლური აღზრდა, ესე იგი, ახალი ენების, ბუნების, საგნებისა და ისტორიის კილოკავად ცოდნა საკმაო იქნება; მაგრამ აღზრდას ამაზე უფრო დიდი ადგილი უნდა ეკიროს: საკუთრად აღზრდისაგან უნდა მოვითხოვოთ გონებითის და ზნეობითის ძალის გახსნა, მეცნიერების გამახვილება. გემოვნების გაუმჯობესებაში მოყვანა და იმისთანა თვისებები როგორიც არიან მოთმინება და მშვიდობიანობა. მოკლეთ ვსთქვათ, აღზრდამ უნდა - მოსწავლე ახალგაზრდა მტკიცე ხასიათის კაცი გამოიყვანოს და იმგვარი ნიჭი და შეძლება მისცეს, რომ პატიოსნურად მოეხმაროს მამულს, ქვეყანასა და მშრომელ საზოგადოებას. სახელიც მისცეს ბედმა და საზოგადოების დამამშვიდებელი იყოს“.¹

სახელმწიფო ხარჯზე მყოფ ოფიციალურ სასწავლებელთა რიცხვის ზრდასთან ერთად თანდათანობით კლებულობდა საშინაო სკოლებისა და კერძო პანსიონების რიცხვი. საშოციანი წლების მიწურულში თბილისში ქალთა პანსიონების რიცხვი უფრო მცირე იყო, ვიდრე მის დასაწყისში და ერთერთი მთავარი მიზეზი, რაზეც გამოიწვია მათი რიცხვის შემცირება, იყო საზოგადოებრივი აზრის მომწიფება ქალთა საფუძვლიანი და ცხოვრებაში პრაქტიკულად გამოსაყენებელი განათლების აუცილებლობის შესახებ, რასაც ეს პანსიონები ვერ აკმაყოფილებდნენ.

სამოციანი წლების მეორე ნახევარში, ბატონყმური ურთიერთობისაგან გლეხთა განთავისუფლებამ მოსწავლეთა რი-

¹ ურ. „ცისკარი“, 1862, № 8.

ცხვის სწრაფი ტემპით ზრდა და სასწავლებლების რიცხვის გადიდება გამოიწვია. ამ პერიოდისათვის საქართველოში 250-ზე მეტი სასწავლებელი იყო, რომელშიც 11000-მდე მოსწავლე ირიცხებოდა. მიუხედავად ამისა. მოთხოვნილება მაინც დიდი იყო და აღნიშნული სასწავლებლების რიცხვით არ კმაყოფილდებოდა სწავლა-განათლებას მოწყურებული საზოგადოება. სკოლის გარეთ დარჩენილი ბავშვების მშობლები მოუთმენლად ელოდნენ ახალი სკოლების გახსნას. ამის შესახებ 1866 წლის ჟურნალ „ცისკარში“ ვკითხულობთ: „ასობით არიან კანდიდატები ქალები და ვაჟები პანსიონებში მისაღებად. მოუთმენლივ მოელიან მშობლები გაიხსნება თუ არა ერთი ვაკანსია. ამ ერთს ვაკანსიას ორმოცი და სამოცი ჰყავს მაყურებელი. კლასებში აღარ არის ალაგი. სადაც შეიძლება დანწესებულის რიცხვზედ მეტის მოთავსება“.¹

ეს მდგომარეობა შემდეგაც გრძელდებოდა. 1879 წელს ი. ჭავჭავაძე სკოლების სიმცირის შესახებ წერდა:

„მარიამობისთვის უკანასკნელს რიცხვებში განკითხვის დღე დაუდგათ ჩვენებურს მოზარდ ყმაწვილებს. ამბობენ ათასხუთასი მეტი ყმაწვილი იყო აქაურს სასწავლებლის კარზედ მიყენებულიო და მარტო ორასიოდეს გაელო კაროო. სხვანი კი. რიცხვით ათას სამასი. გულზელ-დაკრეფილმა მშობლებმა წყევლა-კრულვით წაიყვანეს შინაო. ვაკანსიების უქონლობის გამოო. თუ ეს მართალია. ეს ამბავი ჭირადაც სამყოფია და ლხინადაც. ხუთუ ყოველწლივ ამოდენა უწევლებელი რიცხვი მოზარდის ყმაწვილებისა აგრე უნუგემოდ უნდა იყოს დარჩენილი? რასაკვირველია. უნდა დარჩეს. რადგანაც აქაურს სასწავლებლებში ტევა აღარ არის.“

ჩვენ არ ვიცით. მთავრობა ამ საგანზედ რასა ფიქრობს. მაგრამ დიდად საფრთხილო საფიქრებელი კია. ხუმრობა არის. ამოდენა ხალხს განათლების კარი დახშული ქონდეს“.² სკოლების სიმცირის ერთ-ერთი მთავარი მიზეზი მასწავლებელთა სიმცირე იყო.

¹ ჟურ. „ცისკარი“, 1866. № 3.

² ი. ჭავჭავაძე, ტ. III, 1952, გვ. 41.

მე-19 საუკუნის 60-იანი წლების დასაწყისში წამოიჭრა საკითხი სახალხო სკოლების მასწავლებელთა თანამდებობაზე ქალთა გამოყენების აუცილებლობის შესახებ. მასწავლებელ ქალთა ნაკლებობა მწვავედ იგრძნობოდა მთელი რუსეთის იმპერიაში. 1860 წელს გამოჩენილი რუსი პედაგოგი ნ. პიროგოვი, მოითხოვდა რა საყოველთაო სახალხო სკოლების ქსელის გაფართოებას და ამ ქსელისათვის აუცილებელ მასწავლებელთა მომზადებას, წერდა: „ჩვენში მასწავლებელთა სიმცირის გამო ქალებიც უნდა დაუშვათ მასწავლებლად როგორც ეს ამერიკაში ხდება“.¹

ასეთსავე მდგომარეობას ჰქონდა ადგილი საქართველოშიც. მართალია, თბილისის სასულიერო სემინარია, თბილისისა და ქუთაისის გიმნაზიები და წმიდა ნინოს სახელობის — თბილისის, ქუთაისის და თელავის ქალთა სასწავლებლები ამზადებდნენ მასწავლებლებს საშუალო სკოლებისათვის, სასულიერო და საერო სასწავლებლებისათვის, მაგრამ ზათ არ ჰქონდათ საკმაო პედაგოგიური მომზადება და ისინი ვერც რიცხობრივად აკმაყოფილებდნენ საქართველოს დაწყებითი სკოლების მზარდ მოთხოვნილებებს. ეს მოთხოვნილებები აყენებდნენ გარდაუვალ საკითხს ახალი სკოლების გახსნისა და განათლებულ სპეციალისტ-მასწავლებელთა მომზადების შესახებ.

სამოციანი წლების პრესაში, კერძოდ, ჟურნალ „ციცქარში“ და გაზეთ „კავკაზში“, გამოქვეყნებული წერილები კატეგორიულად უჭერენ მხარს ქართველი საზოგადოების სამართლიან მოთხოვნას ქალთა სამოქალაქო ტიპის სკოლებისა, გიმნაზიებისა და პედაგოგიური სასწავლებლების გახსნის აუცილებლობის შესახებ.

ქალთა სკოლების ქსელის გაშლის საქმეში პირველი ინიციატივა თვით ქალებს ეკუთვნის. ამ მხრივ აღსანიშნავია თბილისის „ქალთა საქველმოქმედო საზოგადოება“, რომელმაც 1862—1865 წლებში დბილისში გახსნა ქალთა 5 ელე-

¹ Н. И. П и р о г о в, Избранные педагогические сочинения, 1955, გვ. 219.

მენტარული სკოლა, სადაც 13-18 წლის ასაკის გოგონებს ლებულობდნენ. ამ სკოლებში 84 მოსწავლე გოგონა სწავლობდა, აქედან: 23 ქართველი, 26 რუსი, 31 — სომეხი, 3 — გერმანელი და 1 — პოლონელი.¹

ამავე საზოგადოების მიერ 1866-70 წლებში გახსნილ იქნა კიდევ ხუთი სკოლა. აქედან: 4 — ქალთა და ერთი — ვაჟთა, რომელთადაც 1870 წ. დაარსებულ იქნა ქალთა განყოფილება.

1870 წლისათვის „საქველმოქმედო საზოგადოების“ ქალთა ცხრა სკოლაში 380 მოსწავლე გოგონა ირიცხებოდა. ამ სკოლებში ისწავლებოდა: წერა-კითხვა ნშობლიურ და რუსულ ენაზე, საღვთო სჯული, არითმეტიკა და ხელსაქმე.

ქუთაისის ქალთა საქველმოქმედო საზოგადოებამ 1866 წლის სექტემბერში ქუთაისში სხვადასხვა პირთა მიერ შემოწირული თანხით, ობოლი და ღარიბი ქალებისათვის გახსნა ქალთა უფასო სკოლა. სკოლის მატერიალური პირობების გასაუმჯობესებლად და არსებობის შესანარჩუნებლად სოფიო იაკობის ასულმა ორბელიანმა (ქუთაისის გუბერნატორის დიმიტრი ივანეს-ძე სვიატოპოლ-მიროსკის მეუღლემ) ქუთაისში მყოფ სამხედრო და სამოქალაქო უწყების მოხელეთა და მათი ოჯახის წევრთაგან შეადგინა სცენისმოყვარეთა დასი. ამ დასმა დასახელებული სკოლის სასარგებლოდ ქუთაისის კეთილშობილთა საკრებულოს დარბაზში გამართა რამდენიმე წარმოდგენა. 1866 წლის დეკემბერში ადგილობრივი საზოგადოების მიერ იმავე მიზნით წარმოდგენილი იყო „გაყრა“, „შეშლილი“ და „ძალად ექიმი“.

გიორგი წერეთელი ამ სპექტაკლების მიზანდასახულების გამო შენიშნავდა: „ეს წარმოდგენები იყვნენ ქალების სასწავლებლის სასარგებლოთ, რომელიც გაიხსნა ქუთაისში ორი თვის წინეთ. დანიშნულება ამ სკოლისა ის არის. რომ აქაურს ღარიბი კაცების ახალგაზრდა ქალებს მიეცეს ღონისძიება, რომ უსასყიდლოთ ისწავლონ წერა-კითხვა და შეძლე-

¹ გაზ. „Кавказ“, 1862, №22.

ბის დაგვარად, სხვა უსაქიროესი ცნობაები და ხელსაქმობა, ამ შკოლის გახსნა დიდად სასიამოვნო და სანუგეშო ფაქტია. იმერეთი, როგორც საზოგადოდ მთელი საქართველო, ძლიერ ღარბია სასოფლო შკოლებით, მაგრამ რაც უნდა იყოს, ვაჟებისათვის კი ოთხი-ხუთიოდე სასწავლებელი მაინც არის, ქალებისათვის ძლიერ ნაკლები არიან საზოგადო სასწავლებლები.

მთელს დასავლეთ საქართველოს ერთად-ერთი ქალების სასწავლებელი აქვს ქუთაისში. მე ვამბობ წმიდა ნინოს სასწავლებელზე (ზავედენიაზე), ამოდენა მხარისათვის რას ნიშნავს ერთი ქალების სასწავლებელი? მერმე კიდევ ბევრს შეუძლიან იმაში შვილი გაზარდოს? ძალიან ცოტას. აი რისთვის არის დიდად სასიამოვნო ახალი შკოლის გახსნა,

ჯერ-ჯერობით 50 პატარა ქალები დადიან სასწავლებელში. როგორც ამბობენ, მსურველები სხვებიც ბევრნი არიან თურმე, მაგრამ სახლის სივიწროვის გამო, მეტს ვერ იღებენო. სახლის ქირას და სხვა შკოლის ხარჯს კერძო შეგროვებულ და შემოტანილი ფულებით იხდიან, სულით და გულით ვისურვებთ ამ სასარგებლო საქმისთვის სრულს წარმატებას¹.

თავდაპირველად სკოლაში გახსნილი იყო ერთი კლასი, რომელშიც ასწავლიდნენ ქართულ ენას, რუსულ ენას, არითმეტიკას, ხელგარჯილობასა და საღეთო რჯულს.

1867 წლიდან სკოლის მზრუნველობა გადავიდა ქუთაისას გუბერნატორის გრაფ ლევაშოვის მეუღლის ზედამხედველობის ქვეშ. ამავე წელს სკოლაში გახსნილ იქნა მეორე კლასი, სადაც განსაკუთრებული ყურადღება ექცეოდა ხელგარჯილობას.

1868 წლის მარტიდან ლევაშოვას წინადადებით დაწესდა: მოსწავლე გოგონებს გაკვეთილების შემდეგ უფასოდ ეძლეოდათ სადილი, ასევე უფასოდ ეძლეოდათ ფეხსაცმელი, საცვლები და ტანსაცმელი.

¹ გ. წერეთელი, თხზულებანი, ტ. 1. 1931, გვ. 74—75.

როდესაც გოგონები კერვასა და ხელსაქმეში დახელოვნდნენ, სკოლა სივადასხვა საკერავს იღებდა. ამ საქმეს ხელმძღვანელობდა ხელსაქმის მასწავლებელი გორჩაკოვა.

კერვითა და ხელსაქმით შეწოსული ფულის ერთი ნაწილი სკოლის სასარგებლოდ მიდიოდა, მეორე – სკოლის გამგის და მესამე ნაწილი კი მოსწავლე გოგონების სასარგებლოდ, რომელსაც მოსწავლე ქალები სასწავლებლის დასრულების შემდეგ ლებულობდნენ. ¹

სკოლა მოთავსებული იყო ზოქალაქე წულუკიძის ორსართულიან შენობაში, რომელსაც ჰქონდა ფართო ეზო, ქა და ბაღი.

1870 წელს პირველ კლასში იყო 32 ქართველი გოგონა, 4 – რუსი, 5 – სომეხი, მეორე კლასში: 10 – ქართველი, 1 – სომეხი-კათოლიკე.

1871 წლის 4 აპრილს ახალციხეშიც იქნა გახსნილი ანალოგიური ხასიათის ქალთა უფასო სკოლა ანა ბესარიონის ასულ ლოლობერიძე-მუსხელიაშვილის მზრუნველობით. 1872 წლის 30 მაისს შეზღაბრ სკოლის მზრუნველ წევრთა ყრილობაზე სასწავლებლის დამაარსებელმა ანა ბესარიონის ასულმა ლოლობერიძე-მუსხელიაშვილმა განაცხადა, რომ: „ზემოსენებულ სასწავლებელთან დაფუძნდეს საკერავისა და სივადასხვა ხელსაქმის საელოსნო იმ აზრით. რომ ლარიბ ქალებს, რომელნიც აქ ათავებენ სწავლას, მიეცეთ საშუალება თავის შრომით ცხოვრებნასა“.¹

ახალციხის ქალთა უფასო სკოლაში სწავლა კარგად ყოფილა დაყენებული. გაზეთ „დროებაში“ მოთავსებულ წერილში ბარბარე მამაცაშვილი, რომელიც 1872 წლის გაზაფხულზე სკოლის მუშაობას გასცნობია, წერდა: „ქართული კითხვა და წერა კარგად უსწავლიათ, არითმეტიკა და სივადასხვა გეომეტრული ფიგურებიც რიგიანათ იციან. უფროს განყოფილებას „ბუნების კარის“ გაუთავებია და საფუძვლიანათ უსწავლიათ. ჩვენდა საუბედუროთ „ბუნების კარის“ გარდა

¹ გაზ. „Кавказ“, 1872. №57.

სახელმძღვანელო ქართულ ენაზე სხვა არა გვაქვსრა, ასე, რომ დასწავლებელი იძულებულია რუსულის წიგნებიდან შეადგინოს საჭირო საგნები და ისე ზეპირად აუბნას ყმაწვილებს, რომლებიც იმასთანავე იძეორებენ და მერე სწერენ“.¹

რუსულ ენაშიც კარგი წარმატებები ჰქონდათ მოსწავლე ქალებს. ისანი თავისუფლად კითხულობდნენ უშინსკის „Ридише е.и.ѡи“-ს მეორე ნაწილს.

სამოცდაათიან წლებში ახალციხის ქალთა უფასო სკოლაში ასწავლიდნენ ილია აბაშიძე, თეოფილე კობეშავიძე, ანა გოპაძე, ბარბარე მესხიშვილი, მარიამ ხოჯევანიშვილი და მარიამ მეფისაშვილი.

ყველა ეს მასწავლებელი დიდი მონდომებითა და პედაგოგიური საქმის უანგარო სიყვარულით მუშაობდა, მაგრამ სასწავლებლის სულისჩამდგმელის, ანა ლოლობერიძე-მუსხელიაშვილის თავდადებული შრომა ამ სასწავლებელში ყოველგვარი ნოლოდინს აჭარბებდა.

ზედმეტი არ იქნება ჩვენს მკითხველს მივაწოდოთ ზოგიერთი ცნობა ამ შესანიშნავი ქართველი ქალის ბიოგრაფიიდან.

ანა ლოლობერიძე დაიბადა ქუთაისში, 1842 წელს. პირველდაწყებითი განათლება ოჯახში მიიღო. მისი აღზრდის საქმეში მნიშვნელოვანი წვლილი შეიტანეს ძმამ—ნიკო ლოლობერიძემ და ბიძაშვილმა—ბესარიონ ლოლობერიძემ—შემდეგში ცნობილმა საზოგადო მოღვაწეებმა.

ქუთაისის წმიდა ნინოს საელობის სასწავლებლის დამთავრების შემდეგ მუსხელიაშვილზე გათხოვილმა სრულიად ახალგაზრდა ანამ გადაწყვიტა ახალციხეში ქალთა დაწყებითი სასწავლებელი დაეარსებინა და განზრახვა, როგორც აღვნიშნეთ, 1870 წელს შეასრულა კიდევც.

გაზეთი „ივერია“ ასე აფასებდა ქართველი პედაგოგი ქალის ამ ინიციატივას:

¹ გაზ. „დროება“, 1872, № 25.

„ვინაც კი ბეჯითად თვალ-ყურის მდევნელია საქართველოში სწავლა-განათლების მოფენის საქმისა, უეჭველად იცნობს ანა მუსხელაშვილის მეუღლეს, როგორც პირველ საქმის დამწყებს და ქართველ ქალების განათლების და სწავლებისათვის მზრუნველსა...“

ეს საქმე ადვილი არ იყო იმ დროს და ისაც ისეთ მიყრუებულ ადგილას, როგორც ახალციხეა, საცა ქართველი საზოგადოება მეტად ღარიბია და ჭრელი. ღარიბ-ღატაკი ახალციხის მართველობა შესდგება მართ-ზადიდებელ და კათოლიკე სარწმუნოების საზოგადოებისაგან. ხანგრძლივის უსწავლელობით, უსკოლობით, სღარიბისა და მრავალი სავა მიზეზის გამო ხალხი გონება-დახშული იყო და სკოლას არამც თუ პირველ ხანებში, შემდგეაც მომირე და შენწეენელი იშვიათად ეპოვებოდა. ამისთანა გარემოებაში და ამისთანა დროს მსოლოდ უსაზღვრო სიყვარულს, ბეჯითს შრომას და ერთგულს მზნეობას შეეძლო დედათა სკოლის გამართვა და უზრუნველყოფა მისი“.¹

ანა ლოლობერიძე-მუსხელაშვილისა ახერხებდა, რომ ახალციხის ქალთა სკოლადამთავრებული წარჩინებული გოგონების ერთი ნაწილი სასწავლებლის ძარჯით გაეგზავნა საქართველოს ქალთა გიმნაზიებში სწავლის გასაგრძელებლად.

უდიდესი მადლიერების გრძნობას გამოხატავდა ამის გამო გაზეთი „ივერია“. სკოლამ იმდენი შეიძლო, რომ გაგზავნა თავისის ხარჯით ორი მოსწავლე სწავლის გასაგრძობად: ერთი ტფილისის დედათა გიმნაზიაში და მეორე ზეხეთის სანონატრო სასწავლებელში“.²

სიკვდილამდე ერთგულ გუშაგათ ედგა ანა ლოლობერიძე-მუსხელაშვილისა მის მიერ ფეხადგზულ ახალციხის ქალთა სკოლას.

ამიტომ იყო, რომ 1890 წლის 13 მაისს თბილისში ზისნა გარდაცვალებამ ქართველი საზოგადოების საერთო მწუხარება გამოიწვია.

¹ გაზ. „ივერია“, 1890, № 101.

² გაზ. „ივერია“, 1890, № 104.

გაზეთი „ივერია“ ნეკროლოგში წერდა: „დიდი უმრავ-
ლესობა ამ სკოლის მოსწავლე ქალთა ეკუთვნოდა ახალციხის
ულარობეს წრესა. ეს ღარიბი მოსწავლე ქალები თავისივე
ხელსაქმით ირჩენდნენ თავსა და ხშირად ეხმარებოდნენ თა-
ვის ღარიბ ოჯახსაც. გულის დამატკბობელს სანახავს წარ-
მოადგენდა მაშინდელი ღარიბ ქალთა სკოლა ახალციხისა,
დაფუძნებული ჰუმბარიტ სიყვარულზე და გონიერ შრომაზე.

ბსოვნა იმ ხანში იქ გატარებულის დროისა მთელს თა-
ვის სიცოცხლეში ცხოვრების მანათობელ სანთლად ენთება
თითოეულ იმ ღარიბ ქალთათვის, რომელნიც ანა მუსხელა-
შვილისამ გამოიყვანა სიბნელიდან და მისცა შეძლება სწავლა-
ცოდნის შეძენისა.

ასეთი სამაგალითო სკოლის დაარსება შეეძლო მხოლოდ
ისეთს იშვიათს ადამიანს. როგორც იყო განსვენებული ანე-
ტა, რომლისთვისაც კარ არსებობდა არაფერი კერძო. საკუ-
თარი ინტერესი. იმის ცხოვრება მთლად ეკუთვნოდა მის
სკოლას, რომლითაც განახორციელა თავისი საზოგადო მო-
ღვაწეობა.¹

ანა ლოლობერიძე-მუსხელაშვილისა მონაწილეობას ღე-
ბულობდა „ქართველთა შორის წერა-კითხვის გამავრცელებე-
ლი საზოგადოების“ დაარსებისა და მისი მუშაობის საქმეში.

ცნობილი პედაგოგი, მწერალი და საზოგადო პოლვაწე
იაკობ გოგებაშვილი წერდა. რომ „ამავე წრეს ამშვენებდა
ხანდისხან ახალციხიდან ჩამოსვლის დროს ანა ბესარიონის
ასული მუსხელაშვილისა, ღვიძლი და ნიკოლოზ ლოლობერი-
ძისა. ეს იმერეთის ასული მაშინ საუკეთესო მანდილოსნად
იყო მიჩნეული მთელს შეგნებულს საქართველოში თავისი იშ-
ვიათი ჰკუთით. მომხიბლავი გულკეთილობით. დარბაისლური
ხასიათით და მისურვალე მონაწილეობით ყველა საზოგადო
საქმეში“.²

ნაამაგარი სახალხო მასწავლებლისა და საზოგადო მო-

¹ გაზ. „ივერია“. 1890. № 112.

² შურ. „განათლება“, 1912, № 2.

ღვაწის ანა ლოლობერიძე-მუსხელიაშვილის ხსოვნისადმი მიძღვნილ ლექსში მწერალი ნინო ორბელიანი წერდა:

...შენ არ მოკვდები, იცოცხლებ ჩვენში.
შენს შრომას ვერვინ ვერ დაივიწყებს,
შთამომავლობა შენგან აღზრდილი
შენს წმინდა საფლავს გრძნობით აკურთხებს.

ზოიგონებენ მათი ნშობელნიც.
ვინც შენის შრომით კაცად ქცეულან,
ვინც ბნელში მყოფნი შენისა ღვაწლით
იმ სიბნელისგან გამორკვეულან.¹

1867 წელს ქალაქ გორში გაიხსნა ე. წ. „ნასადილევის კლასები ქალთათვის“.

ამ სკოლას ინიტომ ეწოდებოდა „ნასადილევის კლასები“, რომ იგი საკუთარი სასკოლო ბინისა და საკუთარი მასწავლებლების უყოლობის გამო, ვაჟთა გიმნაზიის შენობაში იყო მოთავსებული და მეცადინეობა ნასადილევის, ე. ი. მეორე ცვლაში წარმოებდა.

1881 წელს ამ სკოლას ეწოდა ანასტასიას სახელობის ქალთა გორის პროგიმნაზია, რომელმაც 1903 წლანდე იარსება (23 წლის განმავლობაში იგი 4-კლასიანი პროგიმნაზია იყო და მას შემდეგ, რაც სასწავლებელი მყარ ნიადაგზე დადგა, თანდათან დაიწყო საგიმნაზიო კლასების გახსნა).

დაწყებითი განათლების გაშლა ქალთა და ვაჟთა დაწყებითი სკოლების ქსელის გაფართოების საბით, რომელიც მე-19 ს. სამოციან წლებში დაიწყო, უეჭველია. უფრო სწრაფი ტემპით წარიმართებოდა, რომ მისთვის სხვა მიზეზებთან ერთად ხელი არ შეეშალა მასწავლებელთა კადრების დიდ სიმცირეს, რასაც ადგილი ჰქონდა მე-19 საუკუნის 60—70-იანი წლების საქართველოში.

2. პაღაბოგოუჩი განათლება 60-70-იან წლებში

დაწყებითი სკოლის მხარდი ქსელისათვის მასწავლებელთა მომზადების აუცილებლობის გამო. მე-19 საუკუნის 60-იანი

¹ გაზ. „ივერია“, 1941, № 104.

წლებიდან საქართველოში იწყება საშუალო პედაგოგიური განათლების დაწესებულებათა აღმოცენება.

იმისათვის, რომ წარმოდგენა ვიქონიოთ თუ რა ადგილი ეჭირა აღნიშნული პერიოდის პედაგოგიური განათლებიდან საერთო სისტემაში ჭალთა პედაგოგიურ განათლებას, საჭიროდ მიგვაჩნია მოკლედ შევებოთ ვაჟთა პედაგოგიური განათლების დაწესებულებებს ამავე პერიოდში.

* * *

პირველი ნაბიჯი მე-19 ს. 60-იანი წლების ვაჟთა პედაგოგიური განათლების დაწესებულებათა შექმნის მიმართულებით გადადგა „კავკასიაში მართლმადიდებელი ქრისტიანობის აღმდგენელმა საზოგადოებამ“, რომელიც კავკასიის მთიანეთის მოსაახლეობაში პირველდაწყებით სასწავლებელთა დაარსებას აწარმოებდა. 1865 წლისათვის ამ საზოგადოებას კავკასიაში ჰქონდა 58 სკოლა 1000-ზე მეტი მოსწავლით, აქედან საქართველოს ტერიტორიაზე 32 სკოლა 627 მოსწავლით. აღნიშნულ საზოგადოებას მასწავლებელთა კადრების სიმცირის გამო, არამც თუ ახალი სკოლების გახსნა აღარ შეეძლო, არამედ იმ სკოლების მოვლაც უჭირდა, რომლებიც უკვე არსებობდა.

საზოგადოების წესდება, თუმცა ითვალისწინებდა აღნიშნულ სკოლებში მასწავლებლებად საეკლესიო პირების გამოყენებას, მაგრამ მთიანეთის საზღვრელოება გამოუსადეგარი შეიქნა პედაგოგიური მოღვაწეობისათვის, როგორც სამსახურებრივი გადატვირთვისა, ისე მათი თეორიული მოუმზადებლობის გამო. „საზოგადოების“ მიერ აღნიშნული საკითხის შესახებ შედგენილ განმარტებით ბარათში ვკითხულობთ: „ჩაზოთვლილი ნაკლოვანებანი პირდაპირ მიუთითებენ, რომ აუცილებელია შეიქმნას დაწესებულება, რომელიც სპეციალურად მოაწოდებს მთიანი მხარის დაწყებითი სასწავლებლების მასწავლებლებს“.¹

1864 წლის 14 ოქტომბერს „კავკასიაში მართლმადიდებელ-

¹ ცსსა, ფონდი 141, საქმე № 48.

ლი ქრისტიანობის აღმდგენი საზოგადოების გამგეობამ მეფის მოადგილის მთავარსამმართველოში წარადგინა „თბილისის სამასწავლებლო სემინარიის წესდების“ პროექტი და ითხოვა მისი დამტკიცება.

თუმცა კავკასიის ქრისტიანობის აღმდგენი საზოგადოება“ საქმის დასაჩქარებლად ითვალისწინებდა სათანადო სახსრების გაღებას და კავკასიის და ამიერკავკასიის მხარის სასწავლებელთა მთავარი ინსპექტორი ნევეროვი ყოველნაირად ცდილობდა სამასწავლებლო სემინარიის დაარსების პროექტის დროულად განხილვას, ამ საქმის პრაქტიკულად განხორციელებამ მაინც რამდენიმე წელს დაიგვიანა. სამასწავლებლო სემინარია, ანუ როგორც მას ოფიციალურად ერქვა, „ალექსანდრეს საბელობის თბილისის სამასწავლებლო სკოლა“. გახსნილი იქნა 18რ წლის შემოდგომაზე.

ეს სკოლა შეიკავდა 3 კლასს სწავლების სამწლიანი კურსით. ლეზულობდნენ დაწყებითი სკოლის კურსდამთავრებულთ, მაგრამ არა ნაკლებ 16 წლის ასაკისა. მიღება შეიძლებოდა აგრეთვე დაწყებითი სკოლის კურსზე გამოცდების ჩაბარების შედეგად.

სკოლის გახსნისთანავე პირველ კლასში მიღებულ იქნა 23 მოსწავლე (აქედან 16 ქართველი), მაგრამ მსურველთა რიცხვი ბევრად მეტი იყო. ამის გამო მოწაფეთა რიცხვი აღმინისტრაციამ 40-მდე გაადიდა.

თბილისის სამასწავლებლო სკოლასთან არსებობდა პანსიონი, სადაც ცხოვრობდა მოწაფეთა უმრავლესობა.

აღმინისტრაციულად სკოლა ექვემდებარებოდა „ქრისტიანობის აღმდგენ საზოგადოებას“, ხოლო სასწავლო-პედაგოგიურ მუშაობაში—კავკასიის სასწავლო ოლქის სასწავლებელთა მთავარ ინსპექტორს.

თბილისის ალექსანდრეს სახელობის სამასწავლებლო სკოლაში ისწავლებოდა: 1) საღვთო სჯული, 2) რუსული ენა, 3) პედაგოგია, დაწყებითი სკოლის დისციპლინების კერძო მეთოდებით, 4) ისტორია, 5) გეოგრაფია, 6) არითმეტიკა, 7) გეო-

მეტრია, 8) ჰიგიენა, 9) პოპულარული მედიცინა, 10) ბუნების-მეტყველება (ზოგადი ცნობები), 11) სუფთა წერა, 12) ხაზვა-ხატვა, 13) გალობა, 14) გიმნასტიკა. მშობლიური ენა ისწავლებოდა სავალდებულო გაკვეთილების შემდეგ, კვირაში 4 საათს.

„ალექსანდრეს სახელობის თბილისის სამასწავლებლო სკოლა იზიდავდა ახალგაზრდობას იმით, რომ იგი ამზადებდა არა მარტო ქრისტიანობის აღმდგენელი საზოგადოების, არამედ, საერთოდ, საქართველოს ყველა დაწყებითი სკოლის მასწავლებლებს, წარმოადგენდა საერო ტიპის სასწავლებელს, რომელიც თავისუფალი უნდა ყოფილიყო სასულიერო სასწავლებელთა და გიმნაზიაში გამეფებული სქოლასტიკურ-დოგმატიკური მეთოდებისა და ადამიანის ღირსების დამამცირებელი რეჟიმისაგან“.¹

ალექსანდრეს სახელობის სამასწავლებლო სკოლა სპეციალური ინსტრუქციით ხელმძღვანელობდა („ინსტრუქცია ალექსანდრეს სახელობის სკოლის მასწავლებელ-აღმზრდელებს“).

1869 წელს სამასწავლებლო სკოლამ პირველი გამომშვებით 13 კვალიფიციური პედაგოგი მისცა საქართველოს დაწყებით სკოლებს.

1871 წელს „ქრისტიანობის აღმდგენი საზოგადოების“ გამგებლობიდან სამასწავლებლო სკოლა გადაეცა კავკასიის სასწავლო ოლქს და სახაზინო ხარჯზე გადავიდა.

70-იანი წლების დასაწყისში სახალხო სკოლებში სათანადო ცვლილებები ხდებოდა. სამაზრო სკოლებს დაემატა ერთი წელი. შეიქმნა ოთხკლასიანი (ოთიწლიანი) საქალაქო სკოლები, გადიდდა დაწყებითი სკოლების ქსელი. საჭირო შეიქმნა უფრო კვალიფიციური მასწავლებლების მომზადება. ამ აუცილებლობამ, სხვა ღონისძიებებთან ერთად, გაზოიწვია ალექსანდრეს სახელობის თბილისის სამასწავლებლო სკოლის

¹ პროფ. გ. თავხიშვილი, სახალხო განათლებისა და პედაგოგიურა აზროვნების ისტორია საქართველოში, გვ. 452.

გადაკეთება ალექსანდრეს სახელობის თბილისის სამასწავლენ-
ინსტიტუტად 1871 წელს.

* * *

გეცხრამეტე საუკუნის სამოცდაათიან წლებში საქართვე-
ლოში სახელმწიფო ხარჯზე მყოფ პირველდაწყებით სასწავ-
ლებელთა რიცხვი ზეტად მცირე იყო, სამაგიეროდ სოფ-
ლის საზოგადოებისა და კერძო პირთა თაოსნობით დაარსე-
ბული პირველდაწყებითი სკოლები კი თანდათან მრავლდე-
ბოდა.

1873 წელს კავკასიისა და ამიერკავკასიის სასწავლო ოლ-
ქის მზრუნველმა გამოთქვა აზრი ამიერკავკასიის თითოეულ
გუბერნიისაში სახალხო სკოლების თანდათანობით გახსნის შე-
სახება.

ამასთან ერთად 1874 წლის 6 მაისს სასწავლო ოლქის
მზრუნველმა დააყენა საკითხი ამიერკავკასიის ქართულ, სომ-
ხურ და ნაწილობრივ თათრულ (აზერბაიჯანულ) დაწყებით
სასწავლებელთა მასწავლებლების მოსამზადებლად შემდეგი
წლიდან გახსნილიყო ამიერკავკასიის სამასწავლებლო სემინა-
რია და ამ სასწავლებლებისათვის გამოითხოვა ყოველწლიუ-
რად 21.500 მანეთი.

განხილვისა და შესწორების შემდეგ 1874 წლის 11 იე-
ლისს ამიერკავკასიის სამასწავლებლო სემინარიის დებულება
და შტატი დასაბუთებლად პეტერბურგში გაიგზავნა. ერთი
წლის შემდეგ გადაწყდა ამიერკავკასიის მთავრის დაწყებითი
სასწავლებლების მასწავლებელთა მოსამზადებლად გახსნილი-
ყო სამასწავლებლო სემინარია, მაგრამ ფაქტობრივად აღნიშნუ-
ლი სემინარია გაიხსნა 1876 წელს ქ. გორში.

სემინარიისათვის დაქირავებულ იქნა ზუბალაშვილის სახ-
ლი. სწავლა 1876 წლის 12 სექტემბერს დაიწყო. სასწავლე-
ბელში 48 მოსწავლე ითვლებოდა, ამათგან 31 ქართველი იყო.
მასწავლებლებიდან სკოლაში იყო ორი ქართველი პედაგოგი:
საღეთო სჯულისა — ლაზარე ალექსის-ძე ტურიაშვილი, რომე-

ლიც ისტორიასაც ასწავლიდა და ფარნაოზ სიმონის-ძე ნათი-
შვილი, რომელიც ასწავლიდა ქართულს და ვასთან ერ-
თად სიმღერასა და გიმნასტიკას.

სემინარიის პირველი დირექტორი იყო სპირიდონ დი-
მიტრის-ძე დივარი, რომელიც მათემატიკას ასწავლიდა,

გორის სამასწავლებლო სემინარია პირველი პედაგოგიუ-
რი სასწავლებელი იყო ამიერკავკასიაში, რომელიც მიზნად
ისახავდა: „ამიერკავკასიის მკვიდრი ერების--ქართველების,
სომხების, აზერბაიჯანელების და აგრეთვე ამიერკავკასიაში
მუდმივად მცხოვრები რუსი ახალგაზრდების სახალხო მასწავ-
ლებლებად მომზადებას და დაწყებითი სკოლების რამდენა-
დმე მაინც კადრებით უზრუნველყოფას. ამ მხრივ გორის სე-
მინარიამ თავისი 42 წლის არსებობის მანძილზე მნიშვნელოვან-
ი მუშაობა ჩაატარა და საკმაოდ დახელოვნებული მასწავ-
ლებლები გამოუშვა, რომელთა რიცხვი 700-ს აღემატება“.¹

უნდა აღინიშნოს ის გარემოება, რომ გორის სამასწავ-
ლებლო სემინარია ყველა სემინარიისაგან იმით განსხვავდებო-
და, რომ იგი მრავალეროვანი იყო, ხანდახან ოცზე მეტ სხვა-
დასხვა ეროვნების მოსწავლეს ითვლიდა, მაგრამ მათ შორის
ყველაზე მეტი იყვნენ ქართველები, რუსები, სომხები და
აზერბაიჯანელები.

მიუხედავად ცარიზმის ცდისა, ჩამოეგდო შუილი სხვა-
დასხვა ეროვნებათა შორის, ისინი აქ ერთმანეთს უახლოვ-
დებოდნენ და უმეგობრდებოდნენ.

სემინარიაში ისწავლებოდა პედაგოგიკა, რუსული ენა
და ლიტერატურა, ადგილობრივი ენები (ქართული, სომხური,
აზერბაიჯანული), ფიზიკა, არითმეტიკა, გეომეტრია, ისტო-
რია, საღეთო სჯული, გეოგრაფია; სასკოლო ჰიგიენა, ბუნე-
ბისმეტყველება, სუფთა წერა, ხაზვა, ხატვა გიმნასტიკა; სიმ-
ღერა-მუსიკა. ამას გარდა ტარდებოდა პრაქტიკული გაკვე-
თილები პედაგოგიკაში და ისწავლებოდა სოფლის მეურნეო-
ბა და სახელოსნო საქმე.

¹ მ. კეკელიძე, გორის სამასწავლებლო სემინარია, 1955, გვ. 156.

გორის სამასწავლებლო სემინარიის ერთ-ერთი წამყვანი საგანი პედაგოგიკა იყო.

ამ საგანს გორის სემინარიაში, როგორც წესი, დირექტორები ასწავლიდნენ და პროგრამებსაც თითონვე ადგენდნენ, გამონაკლისი იყო მხოლოდ ს. დივარი, რომელიც როგორც ზემოთ აღვნიშნეთ, მათემატიკას ასწავლიდა.

პედაგოგიკის ზემოჩამოთვლილი მასწავლებლებიდან საუკეთესო იყო დ. სემიონოვის მიერ შედგენილი პროგრამა, რომელსაც წინ უძღვის მეტად საყურადღებო განმარტებითი ბარათი „საფუძვლები“ და პროგრამა სპეციალურ-პედაგოგიური განათლებისა ამიერკავკასიის საზღვარგარეთ სემინარიაში.

დ. სემიონოვი ანობდა, რომ „სამასწავლებლო სემინარიებში პედაგოგიკის სწავლების პრაქტიკული მიზანი იმაში მდგომარეობს, რომ მომავალ სახალხო მასწავლებლებს განუვითაროთ მასწავლება შეგნებულად დაიწყონ სასწავლო-სააღმზრდელი მოღვაწეობა და მივცეთ საშუალება გაიგონ პედაგოგიური თხზულებანი და ამით შემდეგში შეეფასონ თავისი პედაგოგიური განათლება, რასაც სემინარიაში მხოლოდ პირველი საფუძვლები ეყრება. მეორეც, ახალგაზრდა მასწავლებლებს უნდა მივცეთ საშუალება სასწავლო დაწესებულებებიდან გამოსვლისას, წარმატებით, დიდი წვალებისა და უხეში შეცდომების გარეშე, შეუდგნენ ბავშვების აღზრდას და პირველ დაწყებით სწავლებას“.¹

სემიონოვის აზრით, ამ მიზანს რომ მივალწიოთ, საჭიროა მონაველი სახალხო მასწავლებლები გაეაცნობიეროთ პედაგოგიკის თეორიაში, პედაგოგიკის მონათესავე მეცნიერებებში და გამოვიმუშაოთ მათში აუცილებლად საჭირო პედაგოგიური ჩვევები, რომლებიც მათ მომავალ პედაგოგიურ მუშაობაში გამოადგებათ.

ამის გამო დ. სემიონოვს პედაგოგიკის პროგრამაში შეტანილი აქვს: „საკუთრივ პედაგოგიკა, დიდაქტიკა, სპეციალური მეთოდოლოგია თითოეული საგნისა, აღზრდის ისტორია, ცნობები ფსიქოლოგიადან და ლოლიკიდან.

¹ მ. კეკელიძე, გორის სამასწავლებლო სემინარია, 1955, გვ. 45.

დ. სემიონოვმა პედაგოგიკის პროგრამა ააგო კონცენტრულ სისტემაზე, რადგან იგი მას განსაკუთრებით არჩევდა¹.

პედაგოგიკისათვის განკუთვნილი საათების სიმცირის გამო პედაგოგიკის ისტორია არ ისწავლებოდა. მის ნაცულად პედაგოგიკის მასწავლებელი მოსწავლეებს აცნობდა გამოჩენილ პედაგოგთა ცხოვრებასა და მოღვაწეობას.

ასეთ პედაგოგთაგან სემიონოვს თავის პროგრამაში შეტანილი აქვს: იან ამოს კომენსკი, ჰენრიხ პესტალოცი, ფრიდრიხ ფრებელი და ადოლფ დისტერვეგი. მისი აზრით ამ პედაგოგთა სამასწავლებლო მოღვაწეობა და პირადი ცხოვრება ბრწყინვალე მაგალითის მიმცემი იქნება ახალგაზრდა პედაგოგისათვის, თუ როგორ თავდადებათ და უანგაროდ უნდა ემსახუროს იგი თავის საქმეს ბავშვის. აღზრდისას.

როგორც უკვე აღვნიშნეთ, პედაგოგიკის სხვადასხვა მასწავლებელი სხვადასხვანაირად ადგენდა დასახელებული საგნის პროგრამას. ასე, მაგალითად, ზ. ა. მიროპიევემა პედაგოგიკის პროგრამიდან სრულიად ამოიღო პედაგოგიკის ისტორიის საკითხები და ცნობილ პედაგოგთა ცხოვრება-მოღვაწეობა, სამაგიეროდ სლოვინსკიმ პროგრამაში დატოვა ზემოდასაბელებული პედაგოგები და მათ ჟან-ჟაკ რუსოც დაუმატა და ზოგიერთ საკითხთა გადაჯგუფება მოახდინა.

გორის სამასწავლებლო სემინარიის პედაგოგიკის მასწავლებელთა შორის ყველაზე პროგრესული იყო კ. დ. უშინსკის მოწაფე და მეგობარი დ. სემიონოვი, რომლის დროსაც პედაგოგიკა და პედაგოგიური პრაქტიკა ყველაზე უფრო საფუძვლიანად ისწავლებოდა.

გორის სამასწავლებლო სემინარიამ თავისი არსებობის მანძილზე არა ერთი სახელოვანი სახალხო მასწავლებელი, ლიტერატორი და საზოგადო მოღვაწე გამოზარდა. მათ შორის შეგვიძლია დავასახელოთ: ვაჟა-ფშაველა, ლადო აღნიაშვილი, ალექსანდრე ნათაძე, ვანო ავალიშვილი, ნიკო რაზიკაშვილი (ბაჩანა), თედო რაზიკაშვილი, ვანო გიუნაშვილი,

¹ მ. კეკელიძე. გორის სამასწავლებლო სემინარია, 1955, გვ. 43-44

ტარასი მამალაძე, ნიკო ჯანაშია. თეოფილე ხუსკივაძე და სხვები.

გორის სამასწავლებლო სემინარიის მასწავლებელთაგან პირველ რიგში აღსანიშნავია: ვ. ნ. პაელოვი, არ. ქუთათელაძე, ნ. ნოვოსასკი, მ. ქ. ყიფიანი, ნ. ლომოური, კ. მ. ზალინინი, მ. ი. რაზუმოვსკი, პ. გ. პეტროვი და სხვ.

გორის სამასწავლებლო სემინარიის კურსდასრულებულთაგან ზოგმა პედაგოგიურ მოღვაწეობასთან ერთად ორაგინალური სახელმძღვანელოებიც კი დაბეჭდა.

გორის სამასწავლებლო სემინარიის გააძნის შემდეგ ასეთივე სემინარია დაარსდა ქ. ხონშიც. ქუთაისის საქველმოქმედო საზოგადოება პირველდაწყებით საააღბო სკოლების გახსნასთან ერთად 60-იანი წლებიდანვე ცდილობდა თავის გუბერნიაში სამასწავლებლო სემინარიის გახსნას.

ქუთაისის გუბერნიის საზოგადოების სწრაფვა განათლების მისაღებად დიდმა ქართველმა პედაგოგმა იაკობ გოგებაშვილმა ასე გამოხატა: „მთელ დედამიწის ზურგზედ ვერ მოსძებნით იმასთანა კუთხეს. სადაც ხალხსა ჰქონდეს იმაზედ მომეტებული წადილი სწავლისა და ცოდნისა. როგორც არსებობს დასავლეთ საქართველოში“¹

შეიძლება თამამად ითქვას. რომ მე-19 ს. 60-იანი წლებიდან. ქალაქ თბილისის შემდეგ, საქართველოს არც ერთ გუბერნიაში იზდენი პირველდაწყებითი სკოლები არ იხსნებოდა. როგორც ქუთაისის გუბერნიაში.

ქუთაისის გუბერნიის მოსააღებობის აღნიშნული ინიციატივა ჰქონდა მხედველობაში კავკასიის სასწავლო ოლქის მზრუნველს. როცა 1875 წელს ერთ თავის ანგარიშში წერდა: „ქუთაისის გუბერნიის თითქმის ყველა კუთხის მისწრაფება განათლების მიღებისაკენ ხვდება წინააღმდეგობას. უმთავრესად; იმის გამო, რომ არა ჰყავთ წესიერად მომზადებული მასწავლებლები“.²

¹ ი. გოგებაშვილი. პედაგოგიური თხზულებანი, 1911. ტ II. გვ. 77.

Циркуляр. 1875. № 5-6. გვ. 20.

ქუთაისის გუბერნიაში სამასწავლებლო სემინარიის დაარსება გადაუღებელ საქმედ გადაიქცა.

1880 წლის 20 ოქტომბერს უმაღლესად გადაწყდა ქუთაისის გუბერნიაში სამასწავლებლო სემინარიის დაარსების საკითხი.

გაიგო თუ არა ხონის საზოგადოებამ, რომ ნებადართულია ქუთაისის გუბერნიაში სამასწავლებლო სემინარიის გახსნა, მან მოითხოვა, რომ იგი გახსნილიყო დაბა ხონში, ქუთაისის საზოგადოება კი სემინარიის გახსნას ითხოვდა ქალაქ ქუთაისში.

დავამ ამ საკითხის შესახებ პრესაშიაც კაოვა გამოძახილი, მაგრამ ხონელებმა გაიმარჯვეს და სამასწავლებლო სემინარიამ მუშაობა დაიწყო ხონში 1881 წლიდან.

ხონის სამასწავლებლო სემინარიამ არა ერთი კვალიფიციური სახალხო მასწავლებელი გამოზარდა, რონელნიც პატოსან პედაგოგიურ მოღვაწეობას ეწეოდნენ.

ა) პედაგოგიური კურსები

მე-19 საუკუნის 60-იანი და 70-იანი წლებას ქართული პედაგოგიური განათლების სისტემაში აღნიშნულ დაწესებულებებთან ერთად მნიშვნელოვანი ადგილი ეჭირა პედაგოგიურ კურსებს, რომლებიც უმთავრესად სასწავლო დაწესებულებებთან არსებობდა, მაგრამ ეს კურსები ვერ აკმაყოფილებდა მოთხოვნილებას და, რა თქმა უნდა, მართალი იყო კავკასიის სასწავლო ოლქის მზრუნველი, როცა წერდა, რომ „დაწყებითი სკოლის მასწავლებლების მომზადების ეს საშუალება, მიუხედავად მიღწეული გამოცდილებისა, უნდა ჩაითვალოს მხოლოდ დროებით საშუალებად, რომლითაც მხოლოდ ცოტა თუ ბევრად მოფიქრებული პირველდაწყებითი სწავლების მწვავე მოთხოვნილების დაკმაყოფილება შეიძლება“.¹

მასწავლებელთა მომზადება-გადამზადებას საერო განათლების უწყებას გარდა აწარმოებდა სასულიერო ეპარქიაც.

ასე მაგალითად: 1866 წელს თბილისის სასულიერო სემი-

¹ Циркуляр, 1876, № 5—8 გვ. 20.

ნარიასთან ლეთისმეტყველების მაგისტრის მღვდელ გიორგი ხელაძის ინიციატივით დაარსებულ იქნა პედაგოგიური კურსები. ამ კურსებზე ლეზულობდნენ სემინარიადასრულებულებს, რომელთაც მასწავლებლობა უნდოდათ. კურსები ერთწლიანი იყო. რომელიც ამზადებდა მასწავლებლებს საეკლესიო-სამრევლო სკოლებისა და სასულიერო სასწავლებელთათვის.

* * *

60-იანი და 70-იანი წლების ვაგთა პედაგოგიური სასწავლებლები თავიანთი კადრების რიცხვითა და ხარისხით ზთავარ როლს თამაშობდნენ აღნიშნული პერიოდის დაწყებისათვის სკოლების მასწავლებელთა მომზადების საქმეში, მაგრამ ეს სასწავლებლები, როგორც სახელმწიფო დაწესებულებები, უმთავრესად სასწავლებელთა სკოლებისათვის ამზადებდა მასწავლებლებს, მათაც არასაკმაო რაოდენობით. რაც შეეხება კერძო და საქველმოქმედო საზოგადოებათა სკოლებისა და პანსიონების მასწავლებლებს, აგრეთვე საშინაო მასწავლებლებსა და აღმზრდელებს და სასულიერო წოდების ქალთა სკოლებისა და ქალთა პროფესიული სკოლების მასწავლებლებს, ისინი უმთავრესად ქალთა პედაგოგიურ სასწავლებლებში მზადდებოდნენ და, ამდენად, ამ უკანასკნელთა როლი მასწავლებელთა კადრების მომზადების საქმეში განუწყვეტლად იზრდებოდა როგორც 60—70-იან წლებში. ისე შენდგომ პერიოდში.

60—70-იანი წლების ქალთა პედაგოგიურ სასწავლებლებზე ლაპარაკის დროს ჩვენ მხედველობაში გვაქვს: 1) თბილისის ქალთა პირველი თანრიგის სასწავლებელი, 2) თბილისისა და ქუთაისის ქალთა გიმნაზიების მე-8 პედაგოგიური კლასები, 3) წმინდა ნინოს სააელობის თბილისის, ქუთაისისა და თელავის ქალთა სასწავლებლები, 4) თბილისისა და ქუთაისის ეპარქიალური სასწავლებლები. 5) თბილისის კეთილშობილ ქალთა ინსტიტუტი და 6) ქალთა პედაგოგიური კურსები.

ზოგიერთ ამ სასწავლებელთა მუშაობას ჩვენ უკვე ვიცნობთ, რამდენადაც ისინი მე-19 ს. პირველ ნახევარში წარ-

მოიშვენ და ამ შრომის პირველ ნაწილში უკვე გვქონდა ლა-
პარაკი მათ შესახებ.

გავეცნოთ დანარჩენებსაც.

3. თბილისის ძალთა პირველი თანრიგის სასწავლებელი

როგორც აღვნიშნეთ, მე-19 საუკუნის პირველ ნახევარ-
ში, საქართველოში არ იყო სპეციალური პედაგოგიური სას-
წავლებლები. ამიერკავკასიისა და კავკასიის სასწავლებელთა
იმ დროის დებულებებში ასეთი სასწავლებლები არ იყო ნა-
გულისხმევი. მართალია, ამიერკავკასიის კეთილშობილ ქალ-
თა ინსტიტუტი, წმინდა ნინოს სასწავლებლები და კერძო
პანსიონები ამზადებდნენ მასწავლებლებს, მაგრამ სპეციალუ-
რი განათლების გარეშე. აქისთან ამ სასწავლებლებში განათ-
ლების მიღების შესაძლებლობა ჰქონდათ მხოლოდ კეთილშო-
ბილ და შეძლებული ოჯახის ქალებს. ეს დახურული ტიპის
სასწავლებლები ვერ აკმაყოფილებდა პედაგოგების მზარდ მოთ-
ხოვნილებას, რის გამოც გადაწყდა თბილისში გაეხსნათ პირ-
ველი ღია ქალთა პედაგოგიური სასწავლებელი კავკასიის სკო-
ლების მთავარი ინსპექტორის წარდგენით.

1865 წლის 12 მარტს დამტკიცდა თბილისის ქალთა
პირველი თანრიგის სასწავლებლის პროექტი და მაშინვე შე-
უდგინენ მზადებას სასწავლებლის გახსნისათვის. სკოლის დი-
რექტორად დაინიშნა ნადვორნი სოვეტნიკი ვ. ი. ყელიხოვსკი,
და 1865 წლის ჟურნალ „ცისკარში“¹ გამოქვეყნებული იყო ამ
სასწავლებლის წესდება. წესდებაში, რომელიც ინახება საქარ-
თველოს ცენტრალურ არქივში, ვკითხულობთ:

„თბილისის ქალთა სასწავლებელი არსდება იმ მიზნით,
რომ ქალაქის მცხოვრებთ მიეცეთ საშუალება მიაღებინონ
თავიანთ ქალიშვილებს მათი მოთხოვნილების შესატყვისი გა-
ნათლება ოჯახიდან მოუწყვეტლად“.²

სასწავლებელი იმყოფებოდა დედოფალ ოლღა თედორეს
ასულის ხარჯზე და აგრეთვე, ერთდროულსა და მუდმივ შემო-

¹ ჟურ. „ცისკარი“, 1865, № 3.

² ცსსა, ფონდი 122, საქმე № 214.

წირულებებზე. ამას გარდა აღნიშნული სასწავლებელი ყოველწლიურად ღებულობდა სათანადო დოკატიას.

ქალთა პირველი თანროგის სასწავლებელი უშუალოდ ექვემდებარებოდა მზრუნველთა საბჭოს, რომელიც შედგებოდა: სასწავლებლის მზრუნველის, კავკასიის სასწავლებელთა მთავარი ინსპექტორის, თავადაზნაურთა სამაზრო წინამძღოლის, დირექტორის, ქალაქის თავისა და მთავარი ზედამხედველისაგან.

საბჭოს უფლებებსა და მოვალეობებში შედიოდა სასწავლებლის საარსებო წყაროების გამოწვანა, სასწავლო გეგმის დამტკიცება, საგნების განაწილება კლასების მიხედვით, პროგრამების შედგენა; ანგარიშებისა და საკლასო წიგნების შემოწმება (რევიზია), შინაგანაწესის დადგენა და ინსტრუქციები მომსახურე პერსონალისათვის, სასწავლო-საეალდებულო თანხის ოდენობის დადგენა, სასწავლო-საეალდებულო ხელმოკლე მოსწავლეების გადასაბადიდან განთავისუფლება იმ ანგარიშით, რომ განთავისუფლებულთა რიცხვი 10% არ აღმატებოდა, მზრუნველობა და საჩუქრები იმ მოსწავლეთათვის, რომელნიც გამოირჩეოდნენ კარგი სწავლითა და წესიერი ყოფაქცევით, მეთვალყურეობა მოსწავლეთა გონებრივ და ხნეობრივ განვითარებაზე.

მზრუნველთა საბჭო იკრიბებოდა ყოველი თვის დასაწყისში, აუცილებელ შემთხვევაში კი, რიგგარეშე.

სასწავლებლის მმართველობა დაკისრებული ჰქონდა დირექტორს, რომელიც ინიშნებოდა მზრუნველთა საბჭოს მიერ.

სასწავლებლის მმართველობაში შედიოდნენ მთავარი ზედამხედველი, დამრიგებელი (ქალები), ნათი დამამარცხი და მასწავლებლები.

უფროსი ზედამხედველი დირექტორის პირველ მოადგილედ ითვლებოდა.

მზრუნველთა საბჭოს ეკისრებოდა სასწავლო საგნების განაწილება კლასების შიდადვით, სასწავლო პროგრამების შედგენა, მასწავლებლების შერჩევა, გამოცდების მოწყობა, მოსწავლეთა მიღება, ერთი კლასიდან ნეორეში გადაყვანა, სასწავლებლიდან გარიცხვა და სხვა საკითხები.

მოსწავლეთა მიღება სასწავლებლის პირველ კლასში სას-

წავლო წლის დასაწყისში ხდებოდა, ხოლო სხვა კლასებში (გამოცდების ჩაბარებით) — მთელი სასწავლო წლის განმავლობაში. პირველ კლასში მიიღებოდნენ 8 წლის ასაკის გოგონები, გამონაკლის შემთხვევაში მზრუნველთა საბჭოს უფლება ჰქონდა მიეღო 7 წლის ასაკისა, უკეთეს ამ ასაკში გონებრივად მომწიფებული აღმოჩნდებოდნენ. პირველ კლასში შემსვლელთათვის წინასწარ მომზადება არ იყო საჭირო, ხოლო იმ შემთხვევაში თუ მოსწავლე სხვა კლასში შედიოდა, სავალდებულო იყო გამოცდები იმ კლასის პროგრამით ჩაებარებინა. რომელიმე უნდა ჩარიცხულიყო. საბჭო მოსწავლეთა მიერ კურსის დამთავრებას 18 წლის ასაკში ითვალისწინებდა.

სახალხო განათლების სამინისტროს უწყებაში მყოფ ქალთა სასწავლებლები 1860 წლის 10 ივნისის დებულების საფუძველზე ორ თანრიგად იყოფოდა: პირველი თანრიგის სასწავლებლები კურსით უთანაბრდებოდნენ ვაეთა გინნაზიებს, მეორე თანრიგის სასწავლებლები კი — სამაზრო სასწავლებლებს.

პირველი თანრიგის სასწავლებლებში სწავლის კურსი ექვსი წლით განისაზღვრებოდა, ხოლო მეორე თანრიგის სასწავლებელში სწავლება სამწლიანი იყო.

ზემოდასახელებული დებულების 26-ე პუნქტის საფუძველზე, როგორც პირველი, ისე მეორე თანრიგის სასწავლებლებში შესაძლებელი იყო მოსამზადებელი კლასის არსებობა. ამგვარად, პირველი თანრიგის სასწავლებლებში სწავლის ხანგრძლიობა შვიდ წელს გრძელდებოდა.

პირველი თანრიგის სასწავლო კურსი სამ ციკლად იყოფოდა:

1) ელემენტარული, ანუ პირველი საფეხურის სასწავლებელი, რომელიც შეიცავდა ორ კლასს (I და II კლასებს) სწავლების ორწლიანი კურსით;

2) ზოგადი განათლების, ანუ მეორე საფეხურის სასწავლებელი. რომელიც განისაზღვრებოდა ორი კლასით (III და IV კლასებით) სწავლების ორწლიანი კურსით და

3) სპეციალურ-პედაგოგიური ანუ მესამე საფეხურის სასწავლო

წავლებელი, რომელიც ორ კლასს შეიცავდა (V — VI კლასებს) (სწავლების ორწლიანი კურსით).

პირველ საფეხურზე შეზღვევი დისციპლინები ისწავლებოდა: 1) საღვთო სჯული, მოკლე კატეხიზმო, ძველი და ახალი აღთქმის ისტორია, 2) წერა-კითხვა რუსულ ენაზე; 3) წერა-კითხვა მშობლიურ ენაზე, 4) არითმეტიკა ოთხი მოქმედების ფარგლებში და აგრეთვე 5) ზოგიერთი დისციპლინის ელემენტარული კურსი, რომლის შერჩევა დამოკიდებული იყო სასწავლებლის ადმინისტრაციაზე. პირველი საფეხურის კლასებში ფაქულტატურული საგნებიდან ისწავლებოდა: ფრანგული და გერმანული ენები, ცეკვა და მუსიკა.

მეორე საფეხურზე ანუ ზოგადი განათლების კლასებში ისწავლებოდა: 1) საღვთო წერილი, ძველი და ახალი აღთქმის ვრცელი ისტორია, ლიტურგია და ქრისტიანული ეკლესიის ისტორია, 2) რუსული ენა და სიტყვიერება, 3) ზოგადი და რუსეთის ისტორია, 4) ზოგადი და რუსეთის გეოგრაფია, 5) არითმეტიკა და მათემატიკური განზომილების ელემენტები, 6) ფილოსოფიური პროპედევტიკა, 7) სუფთა წერა, 8) ბატვა, 9) ხელსაქმე, 10) ვალობა და 11) მშობლიური ენა. მეორე საფეხურის ციკლში ფაქულტატურულ საგნებად შედიოდა გერმანული, ფრანგული, ქართული, სომხური და თათრული ენები, ცეკვა და მუსიკა.

რაც შეეხება მესამე სპეციალურ პედაგოგიურ ციკლს, აქ ხდებოდა I და II საფეხურის სასწავლებელში გავლილი დისციპლინების ცოდნის გაღრმავება მათი განმეორების გზით, ახალ საგნებად კი ემატებოდა ზოგადი პედაგოგიკის საფუძვლები დიდაქტიკით, და პრაქტიკული გაკვეთილების გადამცემა დაბალ კლასებში.

არასავალდებულო საგნების (გერმანული, ფრანგული, ქართული, სომხური, თათრული ენების: ცეკვისა და მუსიკის) სწავლებისათვის დაწესებული იყო სწავლის ქირა მზრუნველთა საბჭოს მიერ დადგენილი ოდენობით.

ადგილობრივი ყველა მოსწავლე ქალი მშობლიურ ენას უფასოდ სწავლობდა.

თბილისის ქალთა პირველი თანრიგის სასწავლებლის სპეციალური. ანუ პედაგოგიური კლასის დამთავრების შემდეგ მოსწავლეებს ენიჭებოდა დაწყებითი სკოლის მასწავლებლის უფლება და „საშინაო მასწავლებლის“ წოდება.

სასწავლებლის დირექტორი წოდებით და ხელფასით უთანაბრდებოდა გიმნაზიის დირექტორებს. მასწავლებლები, რომელნიც არ იმყოფებოდნენ სახელმწიფო სამსახურში, სასწავლებლის ზედამხედველი, კლასის დამრიგებლები და მათი თანაშემწეები სარგებლობდნენ საშინაო მასწავლებლის უფლებებით.

თბილისის ქალთა პირველი თანრიგის სასწავლებლის 1860 წლის 12 მარტის დებულების საფუძველზე მზრუნველთა საბჭოს ყველა საპატიო წევრი, ვიდრე ისინი ამ საბჭოს წევრებად ითვლებოდნენ, ატარებდნენ სახალხო განათლების სამინისტროს უწყების მერვე თანრიგის მუნდირს ისეთივე სახისას, როგორსაც იმპერიის მსგავს სასწავლებელთა საბჭოების საპატიო წევრები.

თბილისის ქალთა პირველი თანრიგის სასწავლებელში სწავლის ქირა დაწესებული იყო წელიწადში 150 მან. რაოდენობით. სასწავლებელში მომსახურე პერსონალის ბავშვებს სწავლის ქირა არ ხდებოდათ.

სასწავლებლის მეურნეობის შემოწმება ევალებოდა მზრუნველთა საბჭოს, რომელსაც უფლება ჰქონდა დაენიშნა რევიზორი, როდესაც საჭიროდ სცნობდა.

თბილისის ქალთა პირველი თანრიგის სასწავლებლის გახსნის წელს სასწავლებელში მიღება წარმოებდა მხოლოდ პირველ ორ კლასში და მიღებულ იქნა 107 ქალიშვილი 7-9 წლის ასაკისა. თბილისის ქალთა პირველი თანრიგის სასწავლებელი, როგორც სასწავლო, ისე ხელმძღვანელობის მხრივ, სისტემატურად რეორგანიზაციას განიცდიდა, სანამ ის არ გადაკეთდა ქალთა გიმნაზიად, რაც მოხდა 1870 წლის ნოემბერში.

მიუხედავად იმისა, რომ სასწავლებლის მიზანი იყო მოემზადებინა მასწავლებელი ქალები, მან ვერ შეძლო სათანა-

დო სიმაღლეზე დაეყენებინა სპეციალური პედაგოგიური მომზადების საქმე.

როგორც წესდებიდან ჩანს, ღსმენელთა პედაგოგიური მომზადება სწავლების მე-5 წელს უნდა დაწყებულიყო, მაგრამ პირველი ოთხი წელი, რომელიც ზოგად განათლებას ჰქონდა დათმობილი, არ იყო საკმარისი. ამ დროის მონაკვეთში მსმენელები ვერ ასწრებდნენ იმ დისციპლინების ათვისებას, რომელიც განკუთვნილი იყო მათთვის და მე-5 სპეციალურ კლასში მოუმზადებლები გადადიოდნენ. ამიტომ კავკასიის სასწავლო ოლქის მზრუნველის ზიერ საბჭოს წინაშე დაისვა საკითხი სასწავლო კურსის 3 წლით გადადების შესახებ. განკუთვნილ ექვს წელს უნდა დამატებოდა კიდევ სამი წელი და, ამრიგად, 9-წლიან სასწავლებლად გადაკეთებულიყო. აქედან ორი წელი ეთმობოდა მოსამზადებელ კლასს. ნ წელი ზოგად განათლების და უკანასკნელი—სპეციალურ პედაგოგიურს. პროექტის გატარება იმ პერიოდში მოუხერხებელი აღმოჩნდა, რადგან ამისათვის არც მასწავლებელთა კადრები იყო და არც სათანადო სახსრები.¹

იმ განზრახვით, რომ I თანრიგის ქალთა სასწავლებელი გიმნაზიად გადაკეთებულიყო. სასწავლებელს 1870 წ. დაუმატეს მე-7, პედაგოგიური კლასი. მე-7 კლასის დამატებით იცვლებოდა სასწავლებლის მიზანი და უფლებებიც. ახლა უკვე ამ სასწავლებელმა დაიწყო „მოსწავლეთა მომზადება სამასწავლებლო მოღვაწეობისათვის სწავლა-აღზრდის საქმის თეორიული და პრაქტიკული გაცნობის საშუალებით. პედაგოგიკა-სა და დიდაქტიკას კითხულობდა ლ. პ. მოძალეცკი (კვირაში 2 ს.). მე-7 კლასის მოსწავლეები გაკვეთილებს ატარებდნენ იმავე სასწავლებლის დაწყებით კლასებში“.²

მე-7 კლასის დაბატებით იცვლება აგრეთვე მესამე საფეხურის კლასებში სასწავლო გეგმა. ამ საფეხურის ციკლს ზოგადი ხასიათი ეძლევა, რაც შემდეგში გამოიხატება: იგი გადაკეთდა V—VI კლასების გეგმის მიხედვით. მე-7 კლასის შემოღე-

¹ ცსსა, ფონდი 107, საქმე 218. ფურ. 143-147.

² იქვე, გვ. 148

ბას შეზღვევ I თანრიგის ქალთა სასწავლებელი 1870 წელს „უმაღლესი ბრძანებით“ გადაკეთდა ქალთა გიმნაზიად, 7 კლასით. ეს იყო ქალთა პირველი გიმნაზია. მთელ აზიერკავკასიაში, რომელიც სპეციალურ პედაგოგიურ განათლებას აძლევდა მოსწავლე ქალებს.

4. თბილისის ძალთა პედაგოგიური კურსები

1869 წელს ცნობილი პედაგოგების ბეს. ლოლობერიძის, ლ. მოძალევსკის, ვ. ჟელიბოვსკის, რ. შენგერის თაოსნობით ქ. თბილისში, პირველი თანრიგის ქალთა სასწავლებლის შენობაში, მოწყობა ქალთა პედაგოგიური კურსები. სწავლების ვადა განისაზღვრებოდა 1 წლით.

1869 წლის ქართული გაზეთი „დროება“ წერილში „ქალების კურსებზე“ იუწყებოდა:

„თბილისის სასწავლებლის ზოგიერთთა დასწავლებელთა ნოემბრის თვეში მისცეს კავკასიის სამასწავლებლო მაზრის (ოლქის—რ. ს.) უფროსს (პოპეჩიტელს) შეზღვევი ქალაქი:

„პირველ დაწყებით სწავლებაში ქალების შრომას წლითი წლობამდე უფრო დიდი მნიშვნელობა ეძლევა თბილისში.

პირველ დაწყებით საქალბო შკოლებში და საქალბო სასწავლებელთა მდაბალს კლასებში ასწავლიან ქალები და ანას გარდა კერძო სახლებშიაც ბევრგან ასწავლიან ისინი. კარგათ მომზადებულს ქალებს ძალიან ითხოვენ და იმდენი კი არაფინ არის. ანისთვის მიუცილებელად საჭირო გახდა სამოსწავლო (პედაგოგიური) კურსების დაარსება ქალებისათვის.

აქა მოთხოვნილებას სრულებით დააკმაყოფილებს, სამოსწავლო პედაგოგიური კლასი, რომლის დაარსებასაც ფიქრობენ პირველი თანრიგის ქალთა სასწავლებელთან, თუ გარეშე წმენელთაც ნება ექნებათ ამ კლასში სიარულისა—დასწავლებლად მონაზადებისათვის.

ჩვენს საქალბო შკოლებში ეძლევა ისეთი საზოგადო სწავლა, რომელიც საკმარისი არ არის, რომ ზოგიერთი საგნები ასწავლოს შკოლაში განათლებულმა ქალმა...

ამისათვის ისეთი ქალების კურსის გახსნა, რომელიც ეხ-

ზარებოდეს კურს შესრულებულს ქალებს თავის სწავლის შეფსებაში, მიუცილებლად საჭიროა ზემოთ მოხსენებულ სამოსწავლო კლასთან.

რადგან ამ კურსებიდან უფრო მეტი მეცნიერება უნდა გამოიტანონ ქალებმა, ვინემც ყველა საქალბო შკოლებიდან, რომელნიც თბილისში არსებობდენ, ამისათვის, რომელთაც ზემოხსენებულს შკოლებში გაუთავებიათ სწავლა, ისინიც სარგებლობას გამოიტანენ აქედგან და საზოგადოთ სხვა ქალებიც, რომელნიც კი ისურვებენ თავის სწავლის შეფსებას...

ქვემოთ ხელის მომწერნი მასწავლებლნი სთხოვენ კავკასიის სამოსწავლო მახრის უფროსს, ნება მისცეს მან ამისთანა კურსების გახსნისა, რადგანაც თავი აზრი ამ საქმეში ეკუთვნის თვითონ სამოსწავლო მახრის უფროსს, რომელმაც ამ წლის თებერვალს გამოაცხადა ამაზე¹.

კურსებზე თავდაპირველად ჩარიცხულ იქნა 106 ქალი. კონტიგენტის ძირითად ნაწილს თბილისის 1-ლი თანრიგის ქალთა სასწავლებელში კურსდასრულებული ქალები შეადგენდნენ. მეორე ნაწილს-- სხვა ქალთა სასწავლებლებში კურსდასრულებულნი, მესამეს-- საშინაო განათლების მქონენი

კურსებზე ისწავლებოდა: რუსული ენა და სიტყვიერება, ისტორია, გეოგრაფია, მათემატიკა, ფიზიკა და ბუნებისმეტყველება.

მსმენელები ესწრებოდნენ იმ საგანს. რომლის სწავლებაც მათ სურდათ კურსების დამთავრების შემდეგ.

1870 წელს კურსებზე 106 ქალიდან ფიზიკას სწავლობდა 39 ქალი, მათემატიკას - 35, ბუნებისმეტყველებას-- 33.

გახსნის პირველ წელს ამ კურსებზე არ ისწავლებოდა პედაგოგია და სხვა ისეთი საგნები. რომლებიც გარკვეულ ცოდნას მისცემდნენ ქალებს მოზარდი თაობის საერთო განვითარებისა და მისი აღზრდის საქმეში, იგნორირებული იყო მომავალ დედებისათვის საჭირო და აუცილებელი ინსტრუქტაჟი. სწორედ ეს ჰქონდა მხედველობაში გაზეთ „დროების“ კორესპონდენტს, რომელიც ამის გამო წერდა:

¹ გაზ. „დროება“, 1869, № 51.

„როგორც ვაგვიგია, კურსების პროგრამა არ ეთანხმება იმათ დანიშნულებას: იქ ასწავლიან: საზოგადო ისტორიას, მათემატიკას, ბუნებით საგნებსა, რუსულ ენას (სამ საგნად არის გაყოფილი) და გეოგრაფიას. ვინ არ იცის, რომ ყოველი აღმზრდელისათვის და განსაკუთრებით დედისათვის აუცილებელი საჭიროა ჰიგიენის ცოდნა, ე. ი. ისეთი მეცნიერებისა, რომელიც ასწავლის სიმრთელის მოვლას. ყველაზე გასაკვირველი ის არის, რომ ამ პედაგოგიურ კურსებში პედაგოგიას არ ასწავლიან, ე. ი. არ ასწავლიან იმ საგანს, რომელიც ყველაზე უფრო საჭიროა ყოველ აღმზრდელისათვის“.¹

ეს სამართლიანი შენიშვნა მაშინვე მხედველობაში ყოფილა მიღებული და უნალევე კურსებზე კვირაში ორი საათი დათმობია პედაგოგიკასა და დიდაქტიკას, რომელსაც კითხულობდა კ. დ. უშინსკის მოწაფე — ლ. მოძალევესკი. გარდა ამისა თბილისის ქალთა კურსებზე ტარდებოდა:

1. ლექცია - საუბრები პირველდაწყებით სწავლების თეორიულ საკითხებზე, 2. განათლების სამინისტროს უწყებაში მყოფი დაწყებითი სასწავლებლების სასწავლო პროგრამისა და საბელწდგანელოების გაცნობა და შესწავლა, 3. დაკვირვება პირველდაწყებითი სასწავლებლების მუშაობაზე და მისი პრაქტიკულად შესწავლა, 4. საცდელი გაკვეთილების გადაცემა, 5. დაწყებითი სკოლების სამუშაო პროგრამების შედგენა.

საშინაო მასწავლებლის წოდებისათვის გამოცდებზე დაიშვებოდნენ ის ქალები, რომელთაც დამთავრებული ჰქონდათ განათლების სამინისტროს უწყების ქალთა პროგინაზია, ან ანალოგიური სახის სასწავლებელი.

მოსწავლე ქალებს, რომლებსაც დამთავრებული ჰქონდათ პროგინაზიის სრული კურსი და სურდათ მიეღოთ საშინაო მასწავლებლის წოდება, უნდა ჩაებარებინათ სპეციალური პედაგოგიური კლასის ყველა სავალდებულო საგანი და გადაეცათ ერთი სანიმუშო გაკვეთილი.

გამოცდა ტარდებოდა როგორც ზეპირი, ისე წერითი

¹ გაზ. „დროება“, 1870, № 58.

სახით. ჯერ ზეპირი გამოცდა წარმოებდა საღეთო სჯულში. ვინც ამ გამოცდას ჩააბარებდა, ნება ეძლეოდა წერთი გამოცდისა იმ საგნებში, რომელსაც სპეციალობად აირჩევდა შემდეგი საგნებიდან: რუსული ენა და სიტყვიერება, არითმეტიკა, გეოგრაფია და ისტორია.

წერთი ნაწუშევრის მოწონების შემდეგ აბიტურიენტი დაიშვებოდა ამ საგნის ზეპირ გამოცდაზე, რის შემდეგ იგი ვალდებული იყო ჩაეტარებინა ერთი სანიმუშო გაკვეთილი რუსული ენიდან და არითმეტიკიდან.

შეფასება სდებოდა ბუთნიშნიანი სისტემით: 5—ნიშნავდა წარჩინებულ წარმატებას, 4—„კარგს“, 3—„დამაკმაყოფილებელს“, 2—„სუსტს“ და 1—„ცუდს“.

ისინი, რომლებიც გამოცდას ჩააბარებდნენ „წარჩინებულზე“, „კარგზე“, ან „დამაკმაყოფილებელზე“, მიიღებდნენ სათანადო საბის მოწმობას.

მასწავლებლის წოდებაზე ჩაბარებელი ის მოსწავლე ქალები, რომლებიც გამოცდაზე ჩაიჭრებოდნენ, ხელწეორედ დაიშვებოდნენ არანაკლებ ექვსი თვის გავლის შემდეგ.¹

კურსებდამთავრებულთ ენიჭებოდათ საშინაო მასწავლებლისა და დამრიგებლის წოდება. ისინი სარგებლობდნენ ყველა იმ უფლებით, რომლითაც აღჭურვილნი იყვნენ განათლების საინსტრუქტორს უწყებაში მყოფი ქალთა გინნაზიების მერვე პედაგოგიურ კლასდასრულებულნი. კურსდასრულებულთ ეძლეოდათ ისეთივე საბის ატესტატი, როგორსაც იღებდნენ დასასრულებული სასწავლებლების მერვე პედაგოგიურ კლასდამთავრებულნი.

თბილისის ქალთა პედაგოგიური კურსები სრულიად ახალი საქმე იყო კავკასიის სასწავლო ოლქის პრაქტიკაში და ამიტომ მას განსაკუთრებულ ყურადღებას აქცევდნენ. კავკასიის და ანიერკავკასიის სასწავლებლების მთავარი ინსპექტორი ნევეროვი თითონ ამტკიცებდა კურსების სამუშაო პროგრამებს. ზოგჯერ ნევეროვი პირადად ესწრებოდა კურსების მსმე-

¹ ცხსა, ფ. 422, საქ. 5400. ფ. 2—3.

ნელთა მიერ გადაცემულ გაკვეთილებს და მონაწილეობას იღებდა გადაცემული გაკვეთილების გარჩევა-შეფასებაში.

კურსების ხელმძღვანელები ეელიზოვსკი და ბეს. ლოლო-ბერიძე დიდი სიყვარულით და მონდომებით უძღვებოდნენ ნაკისრ ვალდებულებას და თითონ აძლევდნენ სანიმუშო გაკვეთილებს დაწყებით კლასებში, რომლებსაც კურსების მსმენელნი ესწრებოდნენ. ისინი ლექციებს უკითხავდნენ მსმენელებს სწავლების ორგანიზაციული საფუძვლებისა და პრინციპების შესახებ. მათი უშუალო ხელმძღვანელობით და მონაწილეობით ტარდებოდა კურსების მსმენელთა მიერ საცდელი გაკვეთილების გადაცემა და გარჩევა.

5. ქალთა გიმნაზიუმის მე-8, პედაგოგიური კლასები

მე-19 საუკუნის 70-იანი წლებიდან ქალთა პედაგოგიური განათლების ქსელი გაფართოვდა. დაწყებითი და სახალხო სკოლებისათვის პედაგოგიური კადრების მოთხოვნილების ზრდამ გამოიწვია საშუალო განათლების მქონე პირთა გამოყენების აუცილებლობა მასწავლებელთა თანამდებობაზე, მაგრამ იმის გამო, რომ მათ არ ჰქონდათ პედაგოგიური მომზადება, ღირსეულად ვერ ასრულებდნენ ნაკისრ მოვალეობას. 1870—71 სასწავლო წლიდან ერთერთ ღონისძიებად საშუალო სასწავლებლების მოწაფეთა პედაგოგიური ცოდნით შეიარაღებისათვის, 1870 წლის 24 მაისის დებულების საფუძველზე, ქალთა გიმნაზიუმთან შეიქმნა მე-8, პედაგოგიური კლასები.

მე-8, პედაგოგიურ კლასებს ამ დებულების მიხედვით უნდა მოემზადებინა მასწავლებლები საშინაო მასწავლებლისა და პირველდაწყებითი სკოლის მასწავლებლის წოდებაზე.

სპეციალურ პედაგოგიურ კლასში სწავლის უფლება ენიჭებოდა ამავე გიმნაზიუმში შეიდკლასდამთავრებულებს, ქალთა ინსტიტუტდამთავრებულებს და ქალთა სხვა გიმნაზიუმში კურსდამთავრებულებს. განზრახული იყო შეეღობათ აგრეთვე ის ქალები, რომლებსაც სპეციალური პედაგოგიური კურსები ჰქონდათ დამთავრებული.

აღნიშნული დებულების 43-ე და 44-ე მუხლების საფუ-

ძველზე მე-8, დამატებით კლასში უგამოცდოდ ლეზულობდნენ იმ ქალიშვილებს, რომლებსაც ქალთა გიმნაზიის დამთავრების დანაკმაყოფილებელი ატესტატი ჰქონდა და, აგრეთვე, განათლების სამინისტროს უწყებაში მყოფ ქალთა სხვა გიმნაზიის კურსდამთავრებულებს, ხოლო „ყველა სხვა პირი, რომელსაც დამთავრებული არა აქვს ქალთა გიმნაზია ან ქალთა გიმნაზიის კურსის თანაბარი სასწავლებელი, მიიღება მე-8 დამატებით კლასში მხოლოდ იმ შემთხვევაში თუ ჩააბარებს განათლების სამინისტროს უწყებაში მყოფ ქალთა გიმნაზიის გეგმით გათვალისწინებულ ყველა სავალდებულო საგანს“.¹

მე-8 დამატებით კლასში სწავლება განისაზღვრებოდა ერთი წლით, ხოლო იმ მოსწავლეებს, რომლებიც ერთი წლის განმავლობაში ვერ აითვისებდნენ პროგრამით გათვალისწინებულ მასალას, პედაგოგიური საბჭოს დადგენილების საფუძველზე, უფლება ეძლეოდათ კიდევ ერთი წლით გაეგრძელებინათ სწავლა.

ამავე პედსაბჭოს დადგენილებით მე-8 დამატებითი კლასის მოსწავლეები გაირიცხებოდნენ სასწავლებლიდან იმ შემთხვევაში, თუ დაარღვევდნენ გიმნაზიაში დაწესებულ სავალდებულო წესებს ან სწავლაში ვერ გამოიჩენდნენ სათანადო წარმატებას.

პედაგოგიურ კლასში ისწავლებოდა პედაგოგიკა დიდაქტიკით, რუსული ენა, ძველი სლავური და სიტყვიერება, ფრანგული და გერმანული ენები, მათემატიკა, ისტორია და გეოგრაფია.

იმ შემთხვევაში კი, თუ გიმნაზიაში შემოღებული იქნებოდა ბერძნული ან ლათინური ენის სწავლება, ეს საგნები უნდა ესწავლებინათ მე-8 დამატებით კლასშიაც.

„მე-8 კლასის ყველა მოსწავლეთათვის სავალდებულო იყო პედაგოგიური თეორიული კურსის გავლა, ხოლო დიდაქტიკის პრაქტიკულად შესწავლის მიზნით ისინი ეცნობოდნენ

¹ Д. Кузменько, Сборник постановлений и распоряжений по женск. гимназ. и прогим. Т. I. 1905, стр. 146.

გამოცდილი მასწავლებლის გაკვეთილის გადაცემის ნიმუშებს რუსულ ენასა და არითმეტიკის სწავლების პროცესში.

ყოველ მოსწავლე ქალს ევალეზობდა წინასწარ ამოერჩია სურვილის მიხედვით, ის საგანი, რომელშიაც აპირებდა პედაგოგიურ მოღვაწეობას და შეესწავლა ეს საგანი განათლების სამინისტროს უწყებაში ნყოფ ვაჟთა გინნაზიების პროკრამის მიხედვით“.¹

ქალთა გინნაზიების მე-8, პედაგოგიური კლასის მოსწავლეებს არ გააჩნდათ რაიმე სეროიზული წინასწარი განათლება პედაგოგიკაში! ეს არ იყო შემთხვევითი მოვლენა.

მეცხრამეტე საუკუნის 70-იან წლებში არამც თუ საქართველოში, არამედ რუსეთშიაც კი არ არსებობდა რაიმე პედაგოგიური დაწესებულება საშუალო სკოლის მასწავლებელთა მოსამზადებლად .. პედაგოგიკისა და დიდაქტიკის მასწავლებელთა მომზადება კი სულ უიმედო მდგომარეობაში იყო. დიდი რუსი პედაგოგი კ. დ. უშინსკი 1867 წელს ნწუბარებით აღნიშნავდა:

„უკეთუ პედაგოგიკას სურს, აღზარდოს ადანიანი ყოველმხრივ, მან უპირველეს ყოვლისა, უნდა გაიგოს იგი აგრეთვე ყოველმხრივ. მაგრამ, გვეტყვიან, რომ ასეთ შემთხვევაში საჭირო გახდება ცალკე და ფართო ფაკულტეტი პედაგოგიკისათვის. მართლაც, რატომ არ უნდა იყოს პედაგოგიური ფაკულტეტი. უკეთუ უნივერსიტეტში არსებობს არა მარტო მედიკური, არამედ კამერალური ფაკულტეტებიც კი და რა არის პედაგოგიური—ეს მხოლოდ იმის მაჩვენებელია, რომ ადამიანი ჯერჯერობით უფრო უფროთხილდება თავისი სხეულისა და მოღვმის ჯანმრთელობას, ვიდრე თავის ზნეობრივ სისალეს და უფრო მეტად ზრუნავს მომავალი თაობის სიმდიდრეზე, ვიდრე მის კარგად აღზრდაზე. საზოგადოებრივი აღზრდა არ არის ისე პატარა საქმე, რომ არ ღირდეს მისთვის ცალკე ფაკულტეტის დაარსება. ხოლო ჩვენ თუ დღემდის ვამზადებდით აღმზრდელებს—არ უნდა გვიკვირდეს, რომ აღზრდის საქმე

¹ Д. Кузменько, Сборник постановлений и распоряжений по женск. гимназ. и прогим. Т. I. 1905, стр 147.

მიდის ცუდათ, რომ თანამედროვე საზოგადოების ზნეობრივი მდგომარეობა სრულებით არ შეეფერება მის მშენიერ ბირეებს, გზებს. ფაბრიკებს, მის ზეცნიერებას, ვაჭრობასა და მრეწველობას.

პრაქტიკული მნიშვნელობა ასეთი პედაგოგიური, საერთოდ, ანთროპოლოგიული ფაქულტეტისა მეტად დიდი იქნებოდა. პედაგოგები რიცხვით მედიკებზე უფრო მეტად არიან საჭირო და უკეთეს ჩვენ მედიკებს ვანდობთ ჩვენს ჯანმრთელობას, სამაგიეროდ აღმზრდელებს ვანდობთ ჩვენი ბავშვების ზნეობრიობასა და ქცუა-გონებას, ვანდობთ მათ სულსა და მასთან ერთად ჩვენი სამშობლოს მომავალსაც¹.

პედაგოგიური განათლების ნქონე მასწავლებელთა იშვიათობის გამო ქალთა გიმნაზიების მე-8, პედაგოგიური კლასების პედაგოგიკა-დიდაქტიკის მასწავლებელთა თანამდებობას შემთხვევითი ხალხი, არასპეციალისტები იპერდნენ, მაგრამ არც ისინი იყვნენ სახარბიელო მდგომარეობაში.

1878 წლამდე ქალთა გიმნაზიებში პედაგოგიკის მასწავლებლები შტატის მასწავლებლებად არ ითვლებოდნენ იმის გამო, რომ პროგრამის მიხედვით ღათ საგანს კვირაში მიოლოდ 2 ან 4 საათი ჰქონდა დათმობილი. ეს გარემოება კი პედაგოგიკის. როგორც მეცნიერების, უკეთ დანერგვის საქმეს დიდად აბრკოლებდა. მიოლოდ 1878 წელს საზ. განათლების მინისტრის ბრძანებით (№ 12963) დაწესდა პედაგოგიკის მასწავლებლის სპეციალური შტატი.

ბრძანებაში აღნიშნული იყო, რომ სააელწიფლო სამსახურის უფლებით სარგებლობისათვის გადამწვეტი მნიშვნელობა ჰქონდა არა გაკვეთილების რაოდენობას, არამედ იმას, რომ ყოველი მასწავლო საგნის სწავლებისათვის ერთნაირად საჭირო იყო დიპლომი, სპეციალური მომზადება და გამოცდილება. მაშასადამე, ქალთა გიმნაზიის პედაგოგიკის მასწავლებლებიც, დატვირთვის მიუხედავად, უნდა ჩათვლილიყვნენ

¹ К. Д. Ушинский. Человек как предмет воспитания, I, гл. XI XII.

შტატის მასწავლებლად და ესარგებლათ იმავე უფლებებით, რა უფლებებითაც სარგებლობდნენ საჯარო საგნის მასწავლებლები.

ამ მდგომარეობამ ერთგვარად გააუმჯობესა ქალთა გიმნაზიების მე-8 კლასების მომარაგება მასწავლებელთა პერსონალით, მაგრამ სპეციალური პედაგოგიკური განათლების მქონე მასწავლებლები მაშინ ძნელად მოიძებნებოდა.

მე-19 ს. 70-იან წლების დასაწყისში თბილისის ქალთა გიმნაზიის ინსპექტორის თანაზღვრებას ასრულებდა უშინსკის მოწაფე, ცნობილი პედაგოგი ლ. ნ. მოძალესკი, რომელიც ამავე დროს ასწავლიდა პედაგოგიკას მე-8 კლასში. მან საგრძნობლად გააუმჯობესა არა მარტო სასწავლებლის მუშაობა, არამედ ბევრი რამ კარგი გააკეთა იმდროინდელი საქართველოს ქალთა განათლებისათვის. მოძალესკიმ გარკვეული რეჟიმი შექმნა ქალთა გიმნაზიის კლასების მუშაობისათვის, გააუმჯობესა სასწავლო გეგმები და პროგრამები, გარდაქმნა მე-8 კლასის მოსწავლეთა პედაგოგიური პრაქტიკის ფორმა, შემოიღო საჯარო ლექციების კითხვა პედაგოგიკიდან და ხელს უწყობდა პედაგოგიური კურსების გახსნა-გამრავლების საქმეს. მაგრამ ერთეულების ცოდნასა და კეთილსინდისიერ შრომას არ შეეძლო პედაგოგიკის სწავლების საერთო, სავალალო მდგომარეობის გამოსწორება. მართალია, ქალთა გიმნაზიების მე-7 კლასში ასწავლიდნენ პედაგოგიკის ელემენტარულ კურსს (კვირაში 2 საათი), მაგრამ ძალიან ღირებულ იყო ეს კურსი თავისი შინაარსით, მაგალითად, მე-7 კლასის პედაგოგიკის კურსის ე. წ. სასწავლო გეგმა პედაგოგიკის კურსში შემდეგ საკითხებს ითვალისწინებდა „1) ზოგადი პედაგოგიკიდან: გონებრივი აღზრდა, ფიზიკური აღზრდა, ზნეობრივი და რელიგიური აღზრდა, 2) დიდაქტიკიდან: ზოგადმეცნიერული მეთოდები და სპეციალურ პედაგოგიური მეთოდები: 3) მეთოდებიდან: კითხვა-წერის, საღეთო სჯულის, მშობლიური ენის, არითმეტიკის, ელემენტარული ხაზვისა და ელემენტარული გეოგრაფიის სწავლების ხერხები“.¹

¹ Д. Кузменько, Сборник постановлений и распоряжений по женск. гимназ. и проч. т. 1. 1905. стр. 145.

ფიზიკურ აღზრდაში შედიოდა: ჰიგიენის წესები, რომელიც მოსწავლე ქალებს უნდა გამოეყენებინათ თავიანთი მომავალი პედაგოგიური მოღვაწეობის დროს. ამასთან მთავარი ყურადღება უნდა მიქცეოდა ჩვილ ბავშვთა და მოზრდილთა კვების საკითხის, სუფთა ჰაერის მნიშვნელობას ბავშვის ჯანმრთელობისათვის, ბავშვის კანის მოვლას, მის მოსვენებას, მოძრაობას და ბავშვთა ჩვეულებრივ დაავადებებს.

გონებრივ აღზრდაში შედიოდა: ფართო მასშტაბით ცნებები ფსიქოლოგიიდან და ლოგიკიდან, როგორც ეს მიღებული იყო პედაგოგიკის სახელმძღვანელოებში. რაც შეეებება ზნეობრივსა და რელიგიურ აღზრდას, აქ საჭიროდ იყო მიჩნეული მისი განმტკიცება: ა) მაგალითებით, როგორც თანამედროვე, ისე ძველი კლასიკური ხალხების აღმზრდელობითი პრაქტიკიდან, ბ) გამოჩენილი ძველი და ახალი პედაგოგების შეხედულებებით.

პედაგოგიკის სწავლების დროს გამახვილებული იყო ყურადღება რუსული ენისა და არითმეტიკის სწავლების ხერხების გარკვევაზე, ხოლო წერა-კითხვის სწავლების ხერხების გაცნობის დროს კი საჭიროდ იყო მიჩნეული იმის განზარტება, თუ რა მეთოდებით იყო შედგენილი ჩვენში გავრცელებული საანბანო სახელმძღვანელოები უშინსკისა, პაულსონისა, ბარონ კორფისა, გლავინსკისა და ნიკოლსკისა.

მოსწავლეთა სახელმძღვანელო წიგნად მითითებული იყო როშინის — „ნარკვევები პედაგოგიკის, დიდაქტიკისა და მეთოდის უმთავრეს პრაქტიკულ დებულებათა შესახებ“, მე-2 შესწორებული გამოცემა, მოსკოვი, 1873 წ.

ამგვარად, ძალიან დაბალი იყო პედაგოგიური განათლების დონე მე-8. პედაგოგიურ კლასში გადასული მოსწავლე ქალებისა. მაგრამ თუ იმასაც გავითვალისწინებთ, რომ მე-7 კლასში პედაგოგიკის სწავლა არ იყო ყველასათვის სავალდებულო და მისი არცოდნა მსურველებს ხელს არ უშლიდა მე-8 კლასში ჩასარიცხად, ნათელი გახდება, თუ რაძენად აუცილებელი იყო პედაგოგიკა-დიდაქტიკისა და კერძო მეთოდის თავიდან დაწყება მე-8. პედაგოგიურ კლასში.

ა) თბილისის ქალთა გიმნაზიის მე-8, პედაგოგიური კლასი

თბილისის ქალთა გიმნაზიასთან მე-8, პედაგოგიური კლასი გაიხსნა 1870-71 სასწავლო წელს.

მსმენელთა უმრავლესობას შეადგენდნენ ამავე გიმნაზიაში 7-კლასდამთავრებულნი და იმის გამო, რომ ამ პედაგოგიურ კლასებში არ ზოხვედრილაყვნენ მოუზადებელი მოსწავლეები, დაინიშნა მისაღები გამოცდები, როგორც ეს დებულებით იყო გათვალისწინებული. აქის შედეგად მიღების პირველ წელს თბილისის ქალთა გიმნაზიის მე-8, პედაგოგიური კლასში მხოლოდ 6 მოსწავლე ჩაირიცხა.

პედაგოგიკაში თეორიული კურსისა და აგრეთვე ნაწილობრივ პრაქტიკული საათების ჩატარება ითავა ლ. ნ. მოძალევსკიმ.

პედაგოგიკის სახელმძღვანელოდ ერთხანს იხმარებოდა დიტეისის „Очеркъ практической педагогики“. მოსწავლეებს თანაზიზღვერობით ეძლეოდა გარკვეული ადგილები ამ სახელმძღვანელოდან, რომელსაც იწერდნენ და ამზადებდნენ მონავალი გაკვეთილისათვის.

მასწავლებელი დავალების მიცემისას აძლევდა ახსნა-განმარტებას და მითითებებს. გარდა ამისა, პედაგოგიკასა და დიდუპტიკაში მოსწავლეებს ეძლეოდათ თემები წერიითი სამუშაოებისათვის, რასაც მოსწავლე ქალები დანოუკიდებლად ასრულებდნენ და გაკვეთილებზე არჩევდნენ.

რაც შეეხება პრაქტიკულ მუშაობას, მას შემდეგი ხასიათი ჰქონდა: პირველ ეტაპზე, წლის პირველ ნახევარში, ყველა მოსწავლე ქალი მე-8, დამატებითი კლასისა ესწრებოდა მოსამზადებელ და დაწყებით კლასებში იმ საგნის გაკვეთილებს, რომლებსაც ისინი ირჩევდნენ სპეციალურ საგნად მონავალი პედაგოგიური მოღვაწეობისათვის (რუსული ენა, არითმეტიკა, გეოგრაფია, ისტორია და სხვ.) ამასთან ყოველწეობით ვალდებული იყო წარედგინა იმ გაკვეთილის ანალიზი, რომელსაც ესწრებოდა. ამ ანალიზს მოსწავლე კითხულობდა სათანადო კომისიის წინაშე და ხელმძღვანელი მეთოდისტი აძლევდა მითითებებს კონსპექტის ირგვლივ.

მეორე ეტაპზე, წლის მეორე ნახევარში, მოსწავლე ქალიშვილები ემზადებოდნენ გაკვეთილის დანოჟკიდებლად გადაცემისათვის.

ისინი ვალდებული იყვნენ ჩაეტარებინათ საცდელი გაკვეთილები დაწყებით წერა-კითხვაში, რუსულ ენასა და არითმეტიკაში და სხვ. ადგენდნენ კონსპექტს პირველი ორი გაკვეთილისათვის იმ საგანში, რომელშიც უნდა გადაეცათ გაკვეთილი. გაკვეთილის კონსპექტი მოწმდებოდა ხელმძღვანელი მასწავლებლის მიერ. კონსპექტის მოწონების შემდეგ მოსწავლე ქალები აძლევდნენ საცდელ გაკვეთილებს.

საცდელ გაკვეთილებს ესწრებოდნენ: გიმნაზიის დირექტორი, ხელმძღვანელი მასწავლებელი და ის მოსწავლე ქალები, რომელთაც იმავე საგანში უნდა გადაეცათ გაკვეთილი. გადაცემულ საცდელ გაკვეთილს არჩევდნენ კომისიის წინაშე, სადაც პირველად აზრს გამოსთქვამდნენ ჩატარებულ გაკვეთილზე დამსწრე მოსწავლე ქალები, საბოლოო სიტყვას ამბობდა ხელმძღვანელი-მასწავლებელი, რომელიც სათანადო შეფასებას აძლევდა მოსწავლის მიერ ჩატარებულ საცდელ გაკვეთილს.

1873 სასწ. წელს წარმატებით კურსდასრულებულთაგან გიმნაზიაში პეპინიორკებლად დატოვებულ იქნა ორი ქალი. პროგიმნაზიაში მასწავლებლებად განწესებულ იქნა აგრეთვე ორი, რადგან სპეციალურ-პედაგოგიური განათლების ექონე მასწავლებელთა ნაკლოვანება მწვავედ იგრძნობოდა იმ ხანად თბილისში, დანარჩენი კურსდამთავრებულნიც მაშინვე მოეწყვნენ სხვა სასწავლებლებში და კერძო ოჯახებში.

ამავე სასწავლო წელს პედაგოგიკისა და საღვთო სჯულის გამოცდას, აგრეთვე საცდელი გაკვეთილების გადაცემას დაესწრო სასწავლო ოლქის მზრუნველი. საცდელი გაკვეთილების გადაცემაზე დასწრების შედეგად სასწავლო ოლქის მზრუნველი მისულა იმ დასკვნამდე, რომ „მოსწავლე ქალები კარგად ფლობენ მათ მიერ აღებული საგნის მასალას, თუმცა

ჯერ კიდევ ვერ მოუსწრიათ შეეძინათ ის გამოცდილება სწავლებისა. რომელიც მოდის დროთა მანძილზე".¹ ზართლაც და, 5 ან 6 საცდელი ვაკვეთილის გადაცემას რა დიდი ეფექტი უნდა. გამოეწვია ან რა გამოცდილება უნდა მიეცა მოსწავლე ქალებისათვის. ხოლო მეტი ვაკვეთილების გადაცემის საშუალება კი არ იყო.

ოთხი წლის განმავლობაში სპეციალური პედაგოგიური კლასი დაამთავრა 31 ქალმა, რომელთგან 12 ამავე გიმნაზიის დაბალ კლასებში იქნა გამოყენებული მასწავლებლებად. დანარჩენთა უმრავლესობა კი მასწავლებლობდა სხვა სკოლებს, და კერძო ოჯახებში.

გიმნაზიაში მე-8 სპეციალური კლასის გახსნის დღიდან 1874/5 სასწ. წლამდე ყოველი მოსწავლე, საღვთო სჯულის, პედაგოგიკისა და დიდაქტიკის გარდა. რომელიც ყველასათვის სავალდებულო იყო. ირჩევდა ერთ ან ორ საგანს, რომელიც მას უნდა ესწავლებინა მომავალში. ამ საგნებს ის სწავლობდა სპეციალურად დამატებითი ლიტერატურის გამოყენებით და ვარჯიშობდა ამ დისციპლინების საცდელი ვაკვეთილების გადაცემაში.

1874/5 სასწავლო წელს მდგომარეობა იცვლება. ვინც მე-8 სპეციალურ კლასს ამთავრებდა, ვალდებული იყო თანაბრად ესწავლა ყველა საგანი და ყველა სასწავლო დისციპლინაში ჩაეტარებინა საცდელი ვაკვეთილები, როგორც ეს მიღებული იყო სამასწავლებლო სემინარიებში. ასე რომ, მოსწავლე ქალის სწავლების არე ფართოვდებოდა. საცდელი ვაკვეთილების გადაცემის რიცხვიც 5—6-ჯერ დიდდებოდა, რაც ხშირად ცუდ გავლენას ახდენდა პრაქტიკანტების მომზადებაზე. თეორიული და პრაქტიკული კურსის დასრულების შემდეგ მოსწავლე ქალები აბარებდნენ გამოცდებს სათანადო ინსტრუქციის საფუძველზე. 1873/4 სასწ. წელს 12 მოსწავლიდან, რომელთაც დაამთავრეს საერთო განათლების კურსი, მხოლოდ 7 მოსწავლემ მიიღო ატესტატი.

მოგვეყავს ატესტატის ნიმუში:

¹ Отчет по управлению Тифлисскому женскими Великою Княгини Ольги Федоровны гимназ. и прогимназ. за 1873 год.

ა ტ ე ს ტ ა ტ ი

წარმომდგენელი ამისა ოლთა თევდორეს ასულის სახელობის თბილისის პირველი ქალთა გიმნაზიის მე-8 დაბატებითი კლასის მოსწავლე ბადრიძე ოლთა ალექსანდრეს ასული, აზნაური, მართლწადილებელი სარწმუნოებისა, დაბადებიდან 20 წლისა, დაასრულა კურსი თბილისის მეორე გიმნაზიაში 1898 წელსა და შევიდა მეორე დაბატებით ორწლიან კლასში, აირჩია სპეციალურ საგნად ისტორია და გეოგრაფია, რომლებშიც გამოიჩინა დამაკმაყოფილებელი წარმატება. ამის გარდა კარგი წარმატებით სწავლობდა პედაგოგიკასა და დიდაქტიკას, გაეცნო ღვთის მეტყველების, მშობლიური ენის და არითმეტიკის დასაწყის სწავლების ხერხებს. იმის გამო რომ ქალბატონმა ბადრიძემ ორი სასწავლო წლის განმავლობაში, სრულიად დამაკმაყოფილებლად შეასრულა ყველა თეორიული და პრაქტიკული სამუშაოები, პედაგოგიური საბჭო, ხელმძღვანელობს რა განათლების სამინისტროს მიერ 1870 წლის 24 მაისს უმაღლესად დამტკიცებულ „ქალთა გიმნაზიების და პროგიმნაზიების დებულების“ 44 მუხლით, თავის სხდომაზე 1900 წლის 9 ივლისს ანიჭებს მას, ბადრიძეს, საშინაო დასწავლებლის წოდებას, და ამ წოდების ყველა უფლებებსა და უპირატესობებს.

აღნიშნულის დასადასტურებლად ეძლევა მას, ბადრიძეს, ეს ატესტატი. 12 ივნისი 1900 წ.¹

კავკასიის სასწავლო ოლქის მზრუნველი გარეგნულად დიდი თანაგრძნობით შეხვდა თბილისის ქალთა გიმნაზიასთან პედაგოგიური კლასის დაარსებას და იმედსაც გამოსთქვამდა, რომ ეს კლასი კარგ შედეგებს მოგვცემდა. მაგრამ ფაქტიურად ბევრი არაფერი გაკეთებულა ამ მიმართულებით. ოლქის მზრუნველი და ოუციალური წრეები ხელს არ უწყობდნენ თბილისის ქალთა გიმნაზიის მე-8, პედაგოგიური კლასის კონტიგენტის ზრდას, ასე, ნაგალითად, ათი წლის მანძილზე 1871-1881 წ. წ. თბილისის ქალთა გიმნაზიის მე-8. პედაგოგი-

¹ ცსსა, 453, საქმე 269, ფურ. 2.

ური კლასი მასწავლებლის სხვადასხვა წოდებით მხოლოდ 125 ქალმა დაამთავრა.

1887 წელს მოხდა ქალთა გიმნაზიის მე-7 კლასის მე-18 სრული გამოშვება, აქედან მე-7 კლასის სრული კურსი დაამთავრა ატესტატზე 43 მოსწავლე ქალმა. მათგან სამი დაჯილდოებული იყო ოქროსა და ვერცხლის მედლით. სულ კი 18 გამოშვების მანძილზე სრული საერთო „საგანმანათლებლო“ კურსი დაამთავრა 595 ქალმა. აქედან ოქროს მედლით — 57, ვერცხლის მედლით — 58. მერვე, დამატებითი პედაგოგიური კლასი დაასრულა 53 მოსწავლე ქალმა, რომელთაგან 12 მიიღო საშინაო დამრიგებლის წოდება და 41 — საშინაო მასწავლებლის წოდება.

რაც შეეხება პროგიმნაზიის კურსს. მათი აღრიცხვა არ წარმოებდა, რადგან თითქმის ყველა პროგიმნაზიადამთავრებული განაგრძობდა გიმნაზიაში სწავლას. უნდა აღინიშნოს ისიც, რომ პროგიმნაზიაში კლასების რაოდენობა ზუღამ ცვალებადი იყო.

პროგიმნაზია 1874 წლამდე ოთხკლასიანი იყო, ხოლო 1884 წელს მას დაემატა მეხუთე კლასი, 1885 წელს — მეექვსე კლასი, 1886 წელს მეექვსე კლასი დაიხურა და 1887 წლისათვის პროგიმნაზია ხუთკლასიანი იყო.¹

1888 წლისათვის გიმნაზიას ჰქონდა 21 კლასი. მოსამზადებელი კლასი (უმცროსი და ორი უფროსი განყოფილებით), 7 ნორმალური ანუ ძირითადი კლასი და 8 პარალელური, მერვე დამატებითი პედაგოგიური კლასით (სამი სპეციალური განყოფილებით). პროგიმნაზიაში კი სულ 8 კლასი იყო, აქედან 1 მოსამზადებელი კლასი, 5 ნორმალური, ე. ი. ძირითადი კლასი და 2 — პარალელური.

* *

თბილისის ქალთა გიმნაზიის მე-8, პედაგოგიური კლასის კურსდამთავრებულ ქალთა ხვედრითი წონა საქართველოს დაწყებითი სკოლის მასწავლებელთა და საშინაო მასწავლებელთა შორის საკმაოდ დიდი იყო. გიმნაზიის მოსწავლეთა რიცხვი ყოველწლიურად იზრდებოდა. მისი არსებობის 20 წლის თავ-

¹ ცსსა, ფ. 153. საქ 27

ზე, ე. ი. 1890 წელს, გიმნაზიის მე-8 პედაგოგიური კლასი, როგორც აღენიშნეთ, 3 განყოფილებას შეიცავდა; 1) რუსულ ენისას, 2) მათემატიკისას, 3) ისტორია-გეოგრაფიისას. ამის მიხედვით თბილისის ქალთა გიმნაზიის მე-8, პედაგოგიური კლასი დაწყებითი სკოლისა და პროგიმნაზიების რუსული ენის, მათემატიკური საგნებისა და ისტორია-გეოგრაფიის მასწავლებლებს ამზადებდა.

1890 წელს მოხდა ოცდამეერთე გამოშვება საერთო საგანმანათლებლო მეწვიდე კლასისა და მეოცე გამოშვება მერვე პედაგოგიური კლასისა. 21 გამოშვებიდან შეიდწლიანი კურსი 751 მოსწავლე ქალმა დაამთავრა, რომელთაგან ოქროს მედლით დასრულებული აქვს 65-ს, ხოლო ვერცხლის მედლით 67 -ს.

მერვე, პედაგოგიური კლასი 1890 წელს დაასრულა 56 ქალმა, რომელთაგან 11-მა მიიღო საშინაო დამრიგებლობის წოდება და 45-მა — საშინაო მასწავლებლისა. ისე კი, გიმნაზიის არსებობის მთელი 20 წლის მანძილზე მე-8 პედაგოგიური კლასი 591 ქალმა დაასრულა. მათგან რუსული ენის განყოფილება — 233, მათემატიკის — 253 და ისტორია-გეოგრაფიისა — 93 ქალმა. დანარჩენმა 12 ქალმა უცხო ენების მასწავლებლის წოდება მიიღო.

გარდა ამისა, თბილისის ქალთა გიმნაზიამ 1890 წლისათვის, ე. ი. თავისი არსებობის 20 წლის მანძილზე, მე-7 კლასებიდან საშინაო დამრიგებლისა და საშინაო მასწავლებლის წოდებით გამოუშვა 427 ქალი (მათ კერძო პანსიონებსა და ოჯახებში აღმზრდელ-მასწავლებლობის უფლება ეძლეოდათ), შეეძლოთ ჰყოლოდათ მოსწავლეთა კერძო ჯგუფი საკუთარ ოჯახებშიც.

მერვე, პედაგოგიური კლასის მოსწავლეთა მოძრაობა ამ კლასის გახსნიდან 20 წლის განმავლობაში გვიჩვენებს, რომ მათი რიცხვის ზრდა სრულიად უნძიშენელოა. მაგალითად. 1871 წელს გიმნაზიას გამოუშვია 10 მასწავლებელი ქალი. 1876 წელს — 12, 1881 წელს — 40, 1886 წელს — 31, 1890 წელს — 56. საშუალოდ წელიწადში მოდის 29 მასწავლებელი. მტკიცება არ უნდა, რომ გასული საუკუნის 80-იანი წლების საქართველოში დაწყებითი სკოლებისა და საშუალო სკოლების დაბალი კლასების მასწავლებელთა კადრების მოთხოვნილებას ეს რიცხვი ოდნავადაც ვერ დააკმაყოფილებდა.

წლების მიხედვით (1870—1890) ეს. ცხრილი შემდეგნაირად არის განაწილებული

წლები	მეშვიდე კლასი						მერვე კლასი					
	ოქროს მედალზე	ვერცხ. მედალზე	აქტიუ- ტი	სულ	საშინაო დაბრძო- ლებებზე	საშინაო მასწავ- ლებლის წოდებებზე	სულ	რუსული ენა	მათე- ტიკა	ისტორია	და გეო- გრაფია	უცხო ენები
1870	1	1	2	4	—	—	—	—	—	—	—	—
1871	2	2	6	10	2	3	5	3	1	—	—	—
1872	2	1	9	12	4	6	10	3	5	2	—	—
1873	2	2	3	7	2	6	8	1	2	3	—	—
1874	2	3	14	19	1	3	4	2	2	—	—	—
1875	2	3	12	17	4	5	9	4	5	—	—	—
1876	2	3	16	21	4	8	12	3	7	2	—	—
1877	2	3	24	29	7	10	17	7	9	—	—	—
1878	2	3	19	24	13	9	22	8	11	3	—	—
1879	3	5	31	39	7	13	20	12	8	—	—	—
1880	4	6	50	60	5	13	18	5	13	—	—	—
1881	4	6	51	61	18	22	40	17	23	—	—	—
1882	6	3	40	49	17	20	37	14	24	9	—	—
1883	3	3	33	39	7	30	37	11	23	3	—	—
1884	5	2	54	61	9	27	36	15	16	5	—	—
1885	4	4	29	37	12	50	62	26	26	10	—	—
1886	8	2	53	63	10	29	39	11	20	8	—	—
1887	3	9	34	46	12	41	53	24	15	14	—	—
1888	3	2	43	48	15	32	47	25	12	10	—	—
1889	1	3	57	61	9	45	54	23	15	11	5	—
1890	4	4	43	51	11	45	56	19	21	12	4	—
სულ	65	70	619	758	169	417	586	283	258	93	12	1)

(II ა) ქუთაისის ქალთა გიმნაზიის მე-8, პედაგოგიური კლასი

ქუთაისის ქალთა გიმნაზია, როგორც აღვნიშნეთ, 1877 წელს ქუთაისის წმიდა ნინოს სახელობის ქალთა სასწავლებლის ბაზაზე დაარსდა.

1881 წლის 19 მაისს ქუთაისის ქალთა გიმნაზიის პედაგოგიური საბჭოს სხდომაზე გადაწყდა საკითხი ამ გიმნაზიაში

¹ ცსსა, ფ. 367, საქ. 27.

მერვე პედაგოგიური კლასის გახსნის შესახებ. პედაგოგიური საბჭოს თავმჯდომარის მიერ წაკითხული იქნა წესები, რომელიც ეხებოდა ქალთა გიმნაზიასთან არსებულ პედაგოგიურ კლასებს. შემდეგ განხილულ იქნა სამი საკითხი:

„1) საკმაოდ მომზადებულნი იყვნენ, თუ-არა უკანასკნელი მე-7 კლასის მოსწავლეები პედაგოგიური კურსის მოსასმენად.

2) შესაძლებელი იყო, თუ-არა იმედის დამყარება იმაზე, რომ აღნიშნული მე-8 დამატებითი კლასისათვის აღმოჩნდებოდა მუდმივი კონტიგენტი, როგორც გიმნაზიის მოსწავლეთაგან, ისე გარეშე პირთაგან და

3) აღმოჩნდებოდა, თუ-არა საკმაო სახსრები (მატერიალური საშუალებანი) მე-8 პედაგოგიური კლასის გახსნისათვის“!

პირველი საკითხის განხილვის დროს ყურადღება გამახვილებული იყო იმაზე, რომ ქუთაისის ქალთა გიმნაზიის მოსწავლე ქალები საკმარისად არ იყვნენ დაუფლებული რუსულ ენას, მათ არ შეეძლოთ თანმიმდევრულად გადაეკათ თავიანთი აზრი ამ ენაზე. ამასთან მე-7 კლასის მოსწავლე ქალებს სწორად არ ჰქონდათ გავლილი გიმნაზიის კურსით გათვალისწინებული სავალდებულო საგნები, რადგანაც მე-5 კლასამდე ისინი ითვლებოდნენ წმიდა ნინოს სახელობის სასწავლებლის მოსწავლეებად, სადაც სწავლების სულ სხვა პროგრამა არსებობდა. მიუხედავად ყველა ამ დაბრკოლებისა. ის მოსწავლე ქალები, რომელთაც კურსი დაამთავრეს 1881 წელს, სავსებით მომზადებულად იყვნენ ცნობილი იმისათვის, რომ მათ უფლება მისცემოდათ მე-8, პედაგოგიურ კლასში კურსის მოსმენისა.

მეორე საკითხის შესახებ, რომელიც მერვე, დამატებითი კლასის მუდმივ კონტიგენტს შეეხებოდა, გიმნაზიის ინსპექტორმა აღნიშნა, რომ „მრავალი კერძო პირი, რომელ-

1 ქუთაისის საქალაქო საბელწიფო არქივი. ფონდი 15. „ქუთაისის წმიდა ნინოს სახელობის ქალთა სასწავლებლის პედაგოგიური საბჭოს ოქმი“.

თაც უფლება ჰქონდათ აღნიშნულ მე-8, დამატებით კლასში შესვლისა, მოუთმენლად ელოდა პედაგოგიური კლასის გახსნას. საზოგადოებაც დიდ ინტერესს იჩენდა ამ კლასის გახსნისადმი. ყოველივე ეს საკმაო საფუძველს იძლეოდა იმისათვის, რომ მომავალში მე-8, დამატებითი კლასი, უზრუნველყოფილი იქნებოდა მულმივი კონტიგენტი. მე-7 კლასის მოსწავლე ქალები ყოველთვის ხალისით გააგრძელებდნენ თავიანთ განათლებას მე-8 კლასში, ვინაიდან პედაგოგიური ცოდნის შეძენა ერთნაირად აუცილებელია თითოეულ ქალისათვის იმის მიუხედავად მასწავლებლად წავიდოდა ის თუ არა“.¹

ქუთაისის ქალთა გიმნაზიის მასწავლებელთა საბჭომ გაიღო 400 მანეთი, პირველი სამი თვის მანძილზე პედაგოგიური კლასის შენახვისათვის. შემდეგ პედაგოგიური საბჭო, თავმჯდომარის წინადადებით, შეუდგა მე-8, პედაგოგიური კლასის სასწავლო საგნების საკითხის განხილვას. პირველად დაისვა საკითხი საღვთო სჯულის სწავლების შესახებ, რამდენადაც საღვთო სჯულის სრული კურსის შესწავლა დასრულებული ყოფილა გიმნაზიის მე-7 კლასში, დირექტორის წინადადება იყო მე-8 დამატებით კლასში ამ საგნის სწავლება აღარ განეგრძობოთ; ასევე ისტორიისა და გეოგრაფიის გაკვეთილებიც. მათ ნაცვლად უნდა წარმოებულყო ისტორიულ-ეთნოგრაფიული და ფიზიკურ-ქიმიური შინაარსის სტატიების კითხვა. რუსული ენის სწავლებას მე-8, დამატებით კლასში დირექტორი აუცილებლად მიიჩნევდა, მხოლოდ მას უნდა ჰქონოდა არა მარტო ფილოლოგიური ხასიათი, არამედ დიდაქტიკურიც. რაც შეეხებოდა პედაგოგიკის სწავლებას, დირექტორის აზრით, ეს უნდა წარმოებულყო მოსწავლეთათვის მისაწვდომ ფორმებში. მისივე აზრით პედაგოგიკას მოსწავლე ქალებისათვის უნდა მიეცა შემდეგი ცოდნა: „ა) ადამიანის ორგანიზმის აგებულება, ბ) ადამიანის სულიერი განვითარება, გ) ჰიგიენის მთავარი პირობები, დ) გონებრივი, ზნეობრივი და ფიზიკური აღზრდის საფუძვლები. დიდაქტიკის სწავლება

¹ ქუთაისის საქალაქო სახ. არქივი, ფონდი 15, „ქუთ. წმიდა ნინოს სახელობის ქალთა სასწავლებლების პედაგოგიური საბჭოს ოქმი“

უნდა ჩატარებულიყო უნთავრესად რუსული ენისა და არით-
მეტიკის სწავლების მეთოდებთან დაკავშირებით.“¹

ქუთაისის ქალთა გიმნაზიის საბჭომ მიიღო დირექტო-
რის წინადადება, რომელიც მე-8, დამატებით კლასის მოწ-
ყობას ეხებოდა. ამ კლასის მუშაობის გეგმის უფრო დაწერი-
ლებით განხილვისათვის გამოიყო კომისია გიმნაზიის მასწავ-
ლებელთაგან სტარიცკის თავმჯდომარეობით. ამ კომისიის
მოხსენება მოსმენილ იქნა გიმნაზიის პედაგოგიურ საბჭოზე
1881 წლის 5 სექტემბერს. განხილულ იქნა პროგრამები,
რომლებიც წარმოდგენილი იყო მასწავლებლების პეტროვისა
და ზგურსკის მიერ და შეტანილ იქნა პროგრამებში საჭირო
შესწორებები.²

მე-8, პედაგოგიურ კლასში მეცადინეობა დაწყებულია 15
სექტემბერს. კლასში ირიცხებოდა რვა მოსწავლე ქალი (ბე-
თანნიშვილი, ვარფომოლევა, გურიანა 1-ლი, გურიანა მე-2, სინ-
ცოვა, ყაუთმაზოვა, იურკოვსკაია). მასწავლებლებად იყვნენ:
ნ. ლოლობერიძე, პეტროვი, შატრანოვი, ზგურსკი და გროზ-
დოვი. ასწავლიდნენ რუსულ სიტყვიერებას, მათემატიკას, ბუ-
ნებისმეტყველებასა და პედაგოგიკას დიდაქტიკით. იმ საგნებს
რომელსაც მოსწავლეები ირჩევდნენ, როგორც სპეციალურ სა-
განს, რაც მათ უნდა ესწავლებინათ, ე. ი. რომელშიც მათ
უნდა მიეღოთ მასწავლებლის წოდება.

გიმნაზიის ადმინისტრაციისა და მასწავლებლების მთა-
ვარი ყურადღება მიპყრობილი იყო იმისკენ, რომ მოსწავლე-
ებს კარგად შეესწავლათ დაწყებით სკოლაში სწავლების წე-
სები და შეეძინათ მათი პრაქტიკულად გამოყენების ჩვევები:

თეორიული მეცადინეობა პედაგოგიკასა და დიდაქტი-
კაში მე-8 კლასში იმაში მდგომარეობდა, რომ მოსწავლეებს
შეესწავლათ შერჩეული ადგილები სპენსერის თხზულებებიდან:
„გონებრივი, ზნეობრივი და ფიზიკური აღზრდა“, ერისმანის

¹ ქუთაისის საქალაქო სახ. არქივი, ფონდი 15, „ქუთ. წმიდა ნინოს
სახელობის ქალთა სასწავლებლების პედაგოგიური საბჭოს ოქმი“.

² იქვე

„სასკოლო ჰიგიენა“, ფოსტერის „ფიზიოლოგია“, ჯექსონის „ლოგიკის საფუძვლები“, ელნიცკის — „დიდაქტიკა“.

განვლილი მასალის უკეთ შეთვისებისათვის და დამოუკიდებელი გონებრივი მუშაობის ჩვევების შემუშავებისათვის, მოსწავლეებს ეძლეოდა წერითი სამუშაოები. მოგვეყავს ნუსხა წერითი სამუშაოებისა, რომელიც შესრულებული იყო მე-8 კლასის მოსწავლე ქალების მიერ დამოუკიდებლად: 1) ფიზიკური აღზრდა, 2) სასკოლო ჰიგიენა, 3) მეხსიერება, 4) იდეების ასოციაცია, 5) აღქმა, 6) თანაგრძნობის თეორია, 7) ხასიათი, 8) ადამიანის ზნეობრივი განვითარება. 9) ესთეტიკური გრძნობები, 10) ცოდნის მოყვარეობა, 11) სწავლების ფორმები, 12) სასწავლო მასალის განაწილება, 13) მასწავლებლის პიროვნება, 14) არითმეტიკის სწავლება და სხვ. ყველა ასეთი საბუთაოები მოსწავლე ქალს აიძულებდა წაეკითხა ამ თემის გარშემო რამოდენიმე წიგნი. ჩაკვირებოდა წაკითხულს და დალაგებით გადმოეცა მისი მოკლე შინაარსი.

არითმეტიკის სწავლების მეთოდისას ასწავლიდნენ გიმნაზიის მასწავლებლები პეტროვა და ზგურსკი. პეტროვა აცნობდა საგნის თეორიას და აძლევდა საჩვენებელ გაკვეთილებს; ზგურსკი კი უმთავრესად პრაქტიკულ მეცადინეობას ხელმძღვანელობდა. რუსული ენის მეთოდისას ასწავლიდნენ მასწავლებლები გროზდოვა და პეტროვა.

მთელი წლის მანძილზე მე-8, პედაგოგიური კლასის მოსწავლე ქალები ესწრებოდნენ გიმნაზიის მასწავლებელთა გაკვეთილებს და ამ გზით ეცნობოდნენ პირველი საფეხურის სკოლის რეჟიმსა და სწავლების მეთოდებს. ამავე მიზნით ესწრებოდნენ პროგიმნაზიის მოსამზადებელი კლასის გაკვეთილებს ქუთაისის ვაჟთა გიმნაზიაში და ზოგჯერ სათავადაზნაურო სკოლაშიც.

სასწავლო წლის მეორე ნახევარში ქუთაისის ქალთა გიმნაზიის მე-8, პედაგოგიური კლასის მოსწავლეები რიგრიგობით გადასცემდნენ გაკვეთილებს რუსულ ენასა და არითმეტიკაში ქალთა გიმნაზიის მოსამზადებელ და სამ დაბალ კლას-

ში. თითოეულ გაკვეთილს წინ უძღოდა მოსწავლე ქალის მიერ სათანადო გაკვეთილის კონსპექტის შედგენა. ეწყობოდა ამ კონსპექტის კითხვა და გარჩევა მოსწავლე პრაქტიკანტებისა და ხელმძღვანელი მასწავლებლების მიერ და კონსპექტის მოწონების შემდეგ ეძლეოდა მის ავტორს გაკვეთილის გადაცემის უფლება. გაკვეთილის გადაცემის შემდეგ მოსწავლეს ეძლეოდა მითითებები ჩატარებული გაკვეთილის ნაკლზე და მისი გამოსწორების საშუალებებზე.

ქუთაისის ქალთა გიმნაზიის მე-8, პედაგოგიური კლასის მოსწავლენი სათანადო პრაქტიკას იღებდნენ აგრეთვე აღმზრდელობითი მუშაობის დარგშიც. ისინი ეხმარებოდნენ გიმნაზიასთან არსებულ პანსიონის უმცროსი კლასის ბავშვებს გაკვეთილების დანაზიდებაში. კლასგარეშე კითხვაში და შესვენების დროს ყურადღებას აქცევდნენ მათ თამაშს, თუ ყოფაქცევას. ყველა ეს სამუშაო იყო ნებაყოფლობითი ხასიათისა, მოსწავლე ქალები არ იყვნენ ვალდებული აღერიცხათ ის.

„1882 წლის მაისის დამლევის, ქუთაისის ქალთა გიმნაზიის მე-8 კლასის მოსწავლეთა მიერ, გადაცემული იყო რამდენიმე საცდელი გაკვეთილი რუსულ ენასა და არითმეტიკაში. გაკვეთილების გადაცემას ესწრებოდნენ გიმნაზიის უფროსი, გიმნაზიის ინსპექტორი და მეთოდისტი მასწავლებლები. გადაცემულ გაკვეთილების გარჩევის შემდეგ მოწყობილ იქნა ორი „კოლოქვიუმი“ მე-8 კლასის მოსწავლეთა ზოგადი განათლების შესამოწმებლად.“¹

6. მასწავლებელთა მომზადება ქალთა სასწავლო ბანათლების სისტემაში

მე-19 საუკუნის 80-იანი წლებიდან ქალთა პედაგოგიური განათლება საქართველოში არსებით ცვლილებებს განიცდის. რამდენადაც ეს ცვლილებები უმთავრესად დაკავშირებულია 80-იან წლებში დაწყებულ რეაქციასთან მთელ რუსეთის იმპერიაში, იმდენად მათი ხასიათიც რეაქციულია.

¹ ქუთაისის საქალაქო სახელმწიფო არქივი, ფონდი 15, „ქუთაისის წმიდა ნინოს სახელობის ქალთა სასწავლებლების პედაგოგიური საბჭოს ოქმი“.

საქართველოში კოლონიური რეჟიმის გაძლიერებამ მეტად მძიმე მდგომარეობაში ჩააყენა მთელი სახალხო განათლება, კერძოდ, ქალთა განათლება. შეიზღუდა მოწინავე კერძო ინიციატივა ქალთა განათლების დარგში, დაიხურა კერძო ქალთა სკოლებისა და პანსიონების აბსოლუტური უმრავლესობა, პირველ რიგში იმ სკოლებისა და პანსიონებისა, რომლებსაც ადგილობრივი ელემენტები ინახავდნენ: მრავალი ხელოვნური დაბრკოლება შეიქმნა საშინაო მასწავლებლის (ალმზრდელის) წოდების მიღებისა და კერძო სკოლის ან პანსიონის გახსნისათვის, დაწესდა სასტიკი სახელმწიფო კონტროლი ადგილობრივ ქალთა საქველმოქმედო წრეების საგანმანათლებლო მუშაობაზე საერთოდ.

მიუხედავად პოლიტიკური რეაქციისა, საზოგადოებრივი ცხოვრების განვითარების ობიექტური პირობები, მრეწველობისა და სოფლის მეურნეობის განვითარება და ამით გამოწვეული წერა-კითხვისა და ელემენტარული განათლების გავრცელების აუცილებლობა, მოითხოვდა დაწყებითი სკოლების ქსელის დაუყოვნებლივ გაფართოებას. მეფის ხელისუფლებამ ეს საქმე უმთავრესად დააკისრა საეკლესიო უწყებას, ე. წ. უწმინდეს სინოდს, რომელიც მის (მეფის ხელისუფლების) იდეოლოგიურ დასაყრდენს წარმოადგენდა.

1884 წელს სინოდმა მეფეს წარუდგინა „საეკლესიო სამრევლო სკოლების წესდება,“ რომელიც მეფემ დაამტკიცა იმავე წლის 23 ივნისს. „ამ წესდების“ მიხედვით იმპერიის მართლმადიდებელ სასულიერო წოდებას ანუ სამღვდელოებას ეკისრებოდა ყოველი ეპარქიის მრევლისათვის გაეხსნა ერთი და ორკლასიანი სკოლები ხალხში მართლმადიდებლური სარწმუნოებისა და პირველდაწყებითი ცოდნის გასაფრცხვლებლად.

საეკლესიო სამრევლო სკოლების გახსნას იმპერიის მთელი ადგილებში წინ უსწრებდა სასულიერო წოდების ქალთა სასწავლებლების დაარსება დედათა სავეანებთან.

საქართველოში ასეთი სასწავლებელი დაარსდა 1866

წლის 5 სექტემბერს მცხეთაში, სამთავროს დედათა მონასტერთან.¹

მცხეთის სასულიერო წოდების ქალთა სასწავლებლის ამოცანა იყო „მტკიცე მართლმადიდებელ ქრისტიან ქალთა აღზრდა, რომლებიც მართლმარწმუნებლათ უნდა ემსახურონ ეკლესიას და ოჯახს“.²

სასწავლებელში საღვთო სჯულის გარდა ისწავლებოდა: არითმეტიკა, გეოგრაფია. სუფთა წერა, ხელგარჯილობა და სხვ. სწავლა წარმოებდა როგორც ქართულ, ისე რუსულ ენაზე.

ამ სკოლაში ასწავლიდნენ მცხეთის სობოროს საკრებულოს წევრნი, აღმზრდელებად კი იყვნენ აღნიშნული მონასტრის მონაზონი ქალები.

1878 წელს მცხეთის სამთავროს ქალთა სკოლაში 28 მოსწავლე ირიცხებოდა. აქედან 21 იმყოფებოდა საქართველოს სასულიერო ეპარქიის ხარჯზე, დანარჩენები კი — თავიანთ ხარჯზე.

მოსწავლე გოგონების უმრავლესობა სასულიერო წოდებიდან იყო გამოსული. სამთავროს დედათა მონასტერთან გახსნეს ქალთა ოთხწლიანი სკოლა პროგიმნაზიული კურსით, სადაც ასწავლიდნენ სობოროს მღვდელი და ქალთა საშუალო სკოლის კურსდამთავრებული ქალიშვილები. სკოლა იმყოფებოდა მონასტრის მონაზონის ნინო ამილახვრის უშუალო ხელმძღვანელობის ქვეშ.

ნიკო ბაგრატიონი (1868—1933) თავის მოგონებებში ასე აღწერს ამ სკოლას:

„...გავეშურეთ წმინდა ნინოს დედათა მონასტრის—სამთავროს წინამძღვრის სანახავედ და ზისგან დალოცვის მისაღებად. წინამძღვარი ნინო, ცხოვრებაში კნეინა ამილახვარისა, კმრით დედაჩემს ენათესავებოდა. ის მეტად ჭკვიანი, განათლებული ქალი იყო და დაქვრივების შემდეგ მკაცრ, ასკეტურ

¹ Е. епископъ Кирпичи, — Краткий очерк истории Грузинской церкви и экзархата за XIX столетие, 1901.

² „საქართველოს საეკლესიო მახარობელი, 1866, № 15“.

ცხოვრებას ეწეოდა. მონასტრის საქმეებს შესანიშნავად განაგებდა, დიდი პატივისცემა და სიყვარული ჰქონდა მოხვეჭილი, როგორც მონაზონებში, აგრეთვე მცხეთის ირგვლივ მდებარე სოფელთა მცხოვრებლებში.

მონასტერთან არსებობდა წმინდა ქართულ საწყისებზე დაფუძნებული ქალთა სკოლა, სადაც ქალიშვილები, განურჩევლად მათი წოდებისა და მდგომარეობისა, ღებულობდნენ განათლებას, აღზრდას და ემზადებოდნენ ღირსეული დედები ყოფილიყვნენ¹.

ამ სასწავლებელმა რამდენიმე წელიწადს იარსება.

1889 წლის 1 ოქტომბერს მცხეთაში კვლავ იქნა გახსნილი ქალთა სასულიერო სასწავლებელი. გაზეთი „ივერია“ ამის გამო წერდა:

„1 ოქტომბერს, სოფ. მცხეთაში, მისმა მაღალყოვლად-უსამღვდელოესობამ ეგზარხოხსნა პალადიმ აკურთხა დედათა მონასტერში ქალების სასწავლებელი.

წირვის შემდეგ მცხეთის ტაძარში მისი მაღალყოვლად-უსამღვდელოესობა, თანაწირველებით გორის ეპისკოპოსის ალექსანდრესი და უმაღლესის სამღვდელოებისა, შემოსილი გაემგზავრა ლიტანიით დედათა მონასტრისკენ.

მისმა მაღალყოვლადუსამღვდელოესობამ გადაიხადა პარაკლისი სასწავლებელში და შემდეგ მიუბრუნდა დედა ილუმენიას, უბოძა ხატი, დალოცა მის მიერ გამართული ახალი სკოლა და მოწაფენი...

შემდეგ ამისა დაიარა ოთახები სასწავლებლისა და ძალიან მადლობელი დარჩა ნანახით. „მე მიკვირსო, ბრძანა მისმა მაღალყოვლადუსამღვდელოესობამ, ასე მალე როგორ მოასწარით ასე სუფთად სკოლის მოწყობაო“. მართლაც საწოლს ოთახში იდგა. თერთმეტი საწოლი ძალიან სუფთა ლოჯინით. მისმა მაღალყოვლადუსამღვდელოესობამ აღუთქვა სკოლას 300 მან. შეწირულება, თავის მიწით ყოველ წლივ და ერთხანად ასი მანეთი უბოძა ილუმენიას. ბავშვებსაც დაურა-

¹ ნ. ბ ა გ რ ა ტ ი ო ნ ი, ბურბთან, 1951, გვ. 7—8.

გა ჯერები, წიგნები და ათი მანეთი უბოძა ხილისთვის. პარაკლისის გადახდის დროს გალობდა ხორო აღნიაშვილისა ქართულად. .

შემდეგ პარაკლისისა დედა ილუმენიამ მიიწვია სამღვდელ-ლოება და სხვა წარჩინებულნი დამსწრენი საუბმეზედ და იქაც შეგროვდა 100 მანეთამდე შეწირულება.

სკოლა მოთავსებულია 6 ოთახში სწორედ იმ შენობაში; სადაც წინადაც იყო სკოლა... სულ ამ პირველ ხანში 22 მოწაფეა. იმათში 12 შიგ სკოლაშივეა ბინად და დანარჩენი კი გარედან მოსიარულენი არიან. ამ 22 შეგირდში 18 ქართველია, 3 რუსი და 1 ბერძენი. რამდენიმე გლახ-კაცის ქალიც ურევია. მასწავლებლად მოწვეულია ჯერ მარტო ქ-ნი კოლიევისა, მღვდელი პეტრე ბარისოვი და მღვდელი დედათა მონასტრისა კარიჭაშვილი¹.

1890 წლის 5 ივნისს ჩატარებული გამოცდების შესახებ გაზეთ „ივერიის“ კორესპონდენტი წერდა: „მცხეთა. 5 ივნისის დანიშნული იყო ეგზამენი მცხეთის დედათა მონასტერში, დედათავე სასწავლებელში.

დიდი ხანი არ არის რაც მცხეთის დედათა მონასტერში სასწავლებელი დააარსეს. აქ პირველად სწავლება დაიწყო წარსული წლის ოქტომბრიდან. ამ წლის განმავლობაში სწავლობდა 28 ქალი. ამათში 7 პირველ ნორმალურ კლასში იყვნენ და დანარჩენნი მოსამზადებელ კლასებში. არაკის ეგონა, თუ ასე ცოტა ხნის სწავლებით მოსწავლენი შეისწავლიდნენ რასმე, მაგრამ ეგზამენმა წინააღმდეგი აღმოაჩინა. მოსწავლეთ ეტყობოდათ კარგი ცოდნა და შესაუერო განეითარება: მკაფიოდ კითხულობდნენ რუსულად და ქართულად და მშვენიერად ამბობდნენ წაკითხულის შინაარსს.

არა მგონია თუ სადმე ტფილისის სასწავლებლის ამისთანავე კლასებში ისე იყო წარმოებული ქართული ენის სწავლება, როგორც მცხეთის საქალაქო სასწავლებელში ყოფილა. ერთ-ორი რუსის ქალი სწავლობს აქ და ისინიც კი მშვენიერ-

¹ გახ. „ივერია“, 1889. № 204.

რად კითხულობენ და სწერენ ქართულად. ზეპირად თითქმის ხელოვნურად კითხულობდნენ, ნამეტნავად კარგად წაიკითხეს დეკანოზიშვილის ქალმა „სამშობლო ხევსურისა“, ციციშვილის ქალმა „ვაზის ჭირიმე, ვაზისა“ და ლაშაურის ქალმა „გუთან“—რ. ერისთავისა. მოსწავლენი უფრო სუსტობდნენ არითმეტიკაში და გეოგრაფიაში.

დასასრულს ვიტყვი, რომ კარგი იქნება არითმეტიკისა და გეოგრაფიის მასწავლებლობაც ამ ზემოხსენებულ ქალებს აკისრებინონ, ან კიდევ ამ საგნებისათვის ცალკე მასწავლებელი დანიშნონ, რათა სწავლების საქმე სრულიად კარგად წავიდეს სასწავლებელში“.¹

კორესპონდენტს საჭიროდ მიაჩნდა ამ ღონისძიების ჩატარება კიდევ უფრო იმიტომ, რომ 'მემდევმი წლიდან მცხეთის ქალთა სასულიერო სასწავლებელს მეორე ნორმალური კლასი უნდა დამატებოდა.

ა) თბილისის ქალთა ეპარქიალური სასწავლებელი

მცხეთის ქალთა სასულიერო სასწავლებელი, მართალია, თავისი პროგრამით ეთანაბრებოდა პროგიმნაზიებს, მაგრამ დროთა ვითარებაში საჭირო გახდა მისი რეორგანიზაცია.

მცხეთის ქალთა სასულიერო სასწავლებელი განსაზღვრული კონტინგენტისათვის იყო განკუთვნილი, იგი მზარდ მოთხოვნილებას ვეღარ აკმაყოფილებდა, — მრავალი გოგონა სკოლაში ვეღარ ხვდებოდა.

1884 წლიდან, როგორც აღვნიშნეთ, „საეკლესიო სამრევლო სკოლების წესების“ მიხედვით იმპერიის ყველა ეპარქიაში დაიწყო ქალ-ვაჟთა საეკლესიო სამრევლო სკოლების გახსნა. ეს სკოლები პირველად დაწყებითი ტიპის ერთკლასიანი (საბგანყოფილებიანი და, ზაშასადამე, სამწლიანი) და ორკლასიანი (ხუთგანყოფილებიანი, ბოლო ხანებში კი 6-განყოფილებიანი, 6-წლიანი) იყო.

ეპარქიების დაწყებითი სკოლებისათვის მასწავლებელთა

¹ გაზ. „ივერია“, 1897, № 119.

მოსამზადებლად 70-იანი წლების დაპლევს იმპერიაში დაიწყო საშუალო ტიპის ქალთა ეპარქიალური სასწავლებლების გაასნა.

თბილისში ქალთა ეპარქიალური სასწავლებელი პანსიონით გაიხსნა 1879 წლის 21 სექტემბერს.

სასწავლებლის კონტინგენტი 100 მოსწავლე გოგონასათვის იყო განკუთვნილი. იგი შეიცავდა მოსამზადებელ განყოფილებას და სამ კლასს; თითოეული კლასი ორი წლის სწავლების კურსით.

სწავლისა და პანსიონის ქირად სასულიერო პირთა შეილები წელიწადში 15 მანეთს იხდიდნენ, საეროსი—40 მანეთს. სასწავლებლის თითოეულ კლასში მოწაუფთა რიცხვი 45-ს არ უნდა აღმატებოდა. მოსამზადებელ განყოფილებაში არ იღებდნენ რვა წლის ასაკზე ქვემოთ და ათი წლის ასაკგადაცილილებულ ბავშვებს.

თბილისის ეპარქიალური სასწავლებლის უფროსად დანიშნული იქნა ამიერკავკასიის ქალთა ინსტიტუტში კურსდამთავრებული ეფროსინე მოროზოცსკაია, რომელიც ამ თანამდებობაზე 1880 წლამდე იყო, საბჭოს წევრად—მღვდელი გრ. მღებრიშვილი, კლასების ინსპექტორად—ღვთისმეტყველების კანდიდატი ტატიშვილი.

თბილისის ეპარქიალური სასწავლებელი თავდაპირველად მოთავსებული იყო ანჩისბატის ეკლესიის სახლის მეორე სართულის რვა ოთახში. რადგან ეს შენობა ვიწრო იყო, მალე სკოლა ავჭალის ქუჩაზე კერძო სახლში გადაიტანეს. 1884 წელს სასწავლებელმა ანდრეევის ქუჩაზე შეიძინა უფრო შესაფერისი ბინა.

ქალთა ეპარქიალურ სასწავლებელში ისწავლებოდა:

1) საღვთო სჯული: ახალი და ძველი აღთქმის ისტორია, კატეხიზისი, ღვთის მსაწურება, საეკლესიო ისტორია—საერთო და რუსეთისა.

2) რუსული ენა საეკლესიო-სლავიანურით, სიტყვიერების თეორია და რუსული ლიტერატურის ისტორია.

3) არითმეტიკა და გეომეტრიის საერთო საფუძვლები.

4) გეოგრაფია საერთო და რუსეთისა.

5) სამოქალაქო ისტორია — საერთო და რუსეთისა.

6) ფიზიკა, 7) პედაგოგიკა, 8) მართლწერა, 9) საეკლესიო გალობა, 10) ხელგარჯილობა, 11) ქართული ენა და სიტყვიერება.

სასწავლებლის სრულკურსდამთავრებულნი ღებულობდნენ საშინაო მასწავლებლის წოდებას და უფლება ეძლეოდათ ესწავლებინათ ის საგნები, რომლებშიც წარმატება ჰქონდათ გაძრწენილი.¹

სკოლის ხარჯს: მასწავლებელთა და მოსამსახურეთა ხელფასს, შენობის რემონტის, გათბობისა და განათების ფულს სასწავლებელი იხდიდა იმ სუბსიდიიდან, რომელსაც იგი იღებდა თბილისის სანთლის ქარანის შემოსავლიდან.

ეპარქიალური სასწავლებლის უფროსი კლასების მასწავლებლებად უმთავრესად იყვნენ უმაღლეს სასწავლებელთა კურსდასრულებული პირები, რომელთაც განათლება სასულიერო აკადემიებსა და უნივერსიტეტებში ზიელოთ.

მასწავლებელ ქალებსა და აღმზრდელებს, რომელთაც დასრულებული ჰქონდათ ქალთა საშუალო სასწავლებლები და მინიჭებული საშინაო მასწავლებლისა და დამრიგებლის წოდება, შეეძლოთ ესწავლებინათ დაბალ კლასებში.

მასწავლებელ ქალთა და აღმზრდელთა შორის იყვნენ ისეთებიც, რომლებსაც თვით ეს სასწავლებელი დაემთავრებინათ.

1884 წელს მოხდა თბილისის ეპარქიალური სასწავლებლის კურსდასრულებულთა პირველი გამოშვება. კურსი დაამთავრა 8 მოსწავლემ.²

1886 წელს მოხდა ამ სასწავლებლის კურსდამთავრებულთა მეორე გამოშვება — კურსი დაასრულა 15 მოსწავლემ.

1888 წელს თბილისის ეპარქიალურ სასწავლებელში ირიცხებოდა 136 მოსწავლე. ქართველი იყო 106, რუსი — 21, ოსი — 7, ბერძენი — 1, სომეხი — 1.³ მათ შორის სასულიერო წოდებიდან გამოსული — 101, მოხელეთა წოდებიდან — 8, აზნაურების. მოქალაქეთა და გლეხებიდან — 24, სამხედრო წოდებიდან — 3.

¹ ცსსა. ფ. 107. საქმე № 218.

² იქვე.

³ იქვე.

თბილისის ქალთა ეპარქიალურ სასწავლებელში სასწავლო წელი 1 სექტემბერს იწყებოდა და მაისამდე გრძელდებოდა. გაკვეთილები 8 საათსა და 10 წუთზე იწყებოდა და მთავრდებოდა ძირითად კლასებში 2 საათსა და 10 წუთზე, ზოსამზადებელში—პირველ საათზე, მეორე და მესამე გაკვეთილის შემდეგ შუალედის შესვენება 35 წუთს გრძელდებოდა. ეს დრო განკუთვნილი იყო საუზმისა და დასვენებისათვის. მეათე გაკვეთილი, რომელაც 1 ს. 10 წუთიდან 2 ს. 10 წუთამდე გრძელდებოდა, ხელგარჯილობასა და სინდერას ჰქონდა დათმობილი.

სადილის შემდეგ მოსწავლე გოგონები ექვსის ნახევრამდე ისვენებდნენ, 5 საათსა და 30 წუთზე იწყებოდა სალამოს მეცადინეობა და ძირითად კლასებში ცბრა საათამდე გრძელდებოდა, მოსამზადებელში—ცბრის ნახევრამდე. დრო 7 საათიდან 8 ის ნახევრამდე დათმობილი ჰქონდა ჩაისა და დასვენებას. 9—საათზე აღსაზრდელები მიდიოდნენ სალოცავად და დასაძინებლად.

მოსწავლეთა დისციპლინასა და წარმატებას ხელს უწყობდა სასწავლებლის კარგი პედაგოგიური პერსონალი და მოსამსახურეთა შერჩეული შტატი,

იმ მიზნით, რომ მოსწავლეებს გაადვილებოდათ რუსული ენის შესწავლა, 1888.—89 სასწავლო წელს მოსამზადებელ კლასში აღნიშნულ საგანს (4 საათს) დაემატა ორი საათი და მოსამზადებელ კლასში (4 საათს)—ერთი საათი.

უფროსი კლასების მოსწავლე გოგონებს რომ გაადვილებოდათ პედაგოგიური მუშაობა მოსამზადებელ კლასებში, ისინი მეტოდიკის მასწავლებლის ხელმძღვანელობით აწარმოებდნენ გაკვეთილებს გადაცემას რუსულ ენასა და არითმეტიკაში. თითოეული მოსწავლე აძლევდა ორ-სამ პრაქტიკულ გაკვეთილს, ესწრებოდა ამხანაგების მიერ ჩატარებულ გაკვეთილებს და მათ გარჩევას.

1889 წლის 21 ნოემბერს თბილისის ქალთა ეპარქიალურმა სასწავლებელმა არსებობის ათი წლისთავი აღნიშნა. გაზ. „ივერია“ წერდა:

„სამზაბათს, 21 ნოემბერს, იყო წლიური აქტი და ათი

წლის იუბილეს დღესასწაული ტფილისის საეპარქიო დედა-
თა-სასწავლებლისა. წირვისა და პარაკლისის გადახდის შემ-
დეგ დაიწყო თვით აქტივ. საქართველოს ეგზარხოზმა რამოდენ-
იმე სიტყვა თქვა სკოლის ათი წლის იუბილეს შესახებ. სა-
ინტერესო იყო სასწავლებლის ანგარიში, რომელიც წაიკითხა
სკოლის ინსპექტორმა ალბოვმა. მან აღნიშნა, რომ: წინათ ძა-
ლიან ცოტა იყო სკოლაში შეგირდები, ათობით ძლივს ითვ-
ლებოდა მათი რიცხვი. ეხლა კი ასზე მეტიც არის. წელს სკო-
ლაში სწავლობს 136 შეგირდი... სკოლასთან დაარსებულია
თავმესაფარი ობოლ შეგირდებისათვის, ამ თავშესაჯარში 50
შეგირდია სასწავლებლის ხარჯით...

ანგარიშებიდან სჩანდა, რომ ეპარქიალური სკოლის
პროგრამა ბევრით არაფრით იყო ნაკლები დედანთა გიმნაზიის
პროგრამაზე.

ამ აქტზევე სკოლის მასწავლებელმა ბ-მა იაროსლავმა
წაიკითხა თავისი წერილი „დედაკაცის მდგომარეობასა და
შოქმედების შესახებ კერპთ-თაყვანის მცემლობასა და ქრის-
ტიანობაში“. აქტს დაესწრო, სხვათაშორის, კავკასიის სწავლა-
განათლების მზრუნველი ბ-ნი იანოვსკი, ბოლოს მოწვეულმა
ხალხმა დაათვალიერა და ძალიანაც მოიწონა შეგირდი ქალე-
ბის ხელ-საქმე.¹

თბილისის ეპარქიალური სასწავლებლას რეორგანიზაცია
1900 — 1901 სასწავლო წელს მოხდა სკოლა ექვსკლასი-
ნად იქნა გადაკეთებული. ხოლო 1908 წელს გაიხსნა მეშვიდე
და მერვე პედაგოგიური კლასები.

თბილისის ქალთა ეპარქიალური სასწავლებლის კურს-
დამთავრებულნი შემდეგი ფორმის ატესტატს ღებულობდნენ:

ა ტ ე ს ტ ა ტ ი № 255

თბილისის ეპარქიალური ქალთა სასწავლებლის საბჭო
ამით ადასტურებს, რომ ამ სასწავლებელში აღზრდილმა ანა
კობიაშვილმა, ასულმა აზნაურ სეფეონ კობიაშვილისამ, ყოფა-

¹ გაზ. „ივერია“, 1889. № 244.

ქცევაში წარჩინებული ნიშნის (5) მქონემ. გამოიჩინა წარმატება.

საღმთო სჯულში	(5)
რუსულ ენასა და	
სიტყვიერებაში	(5)
მათემატიკაში	(5)
ფიზიკაში	(5)
ისტორიაში	(5)
პედაგოგიაში	(5)
გეოგრაფიაში	(5)
ქართულ ენაში	(5)
სიმღერაში	(4)
სუფთა წერაში	(4)
ხელსაქმეში	(5)

ეპარქიალური სასწავლებელთა წესდების პარაგრაფ III საფუძველზე, მას ახალი გამოცდების გარეშე ენიჭება უფლება შინაური მასწავლებლისა.

„ამის დამადასტურებლად მიეცა მას ეს ატესტატი სათანადო ხელისწოწერიტა და თბილისის ეპარქიალური ქალთა სასწავლებლის ბეჭდის დასმით. ქ. თბილისი, 13 ივნისი 1885 წ.“¹

ატესტატი ხელწოწერილია საბჭოს თავმჯდომარის და წევრების მიერ.

ცარიზმი და ეკლესია ყოველნაირად ცდილობდა, რომ სკოლაში არ შეპარულიყო მონარქიისა და სასულიერო იერარქიის საწინააღმდეგო იდეები, მაგრამ ეს არ ხერხდებოდა. რუსეთის ეკლესიის სინოდის ობერ-პროკურორი პობედონოსცევი 1887 წლის იანვარში საქართველოს ეგზარხოსს სწერდა:

„ყოვლად სამღვდლო მეუფეო. მოწყალეო ხელმწიფე და მწყემსმთავარო. უკანასკნელ ხანებში მოწაფეთა შორის ვრცელდება გრაფ. ლ. ტოლსტოას ცნობილი თხზულების „В чем моя вера“-ს ჰექტოგრაფზე დაბეჭდილი ეგზემპლიარები. ამ თხზულებას, რომელიც საკსეა მავნე აზრებით, გამსქვეალლია ურწმუნოების იდეებით, რომლებიც არყევენ არა მარტო

¹ ცსსა, 481, საქმე № 501.

ეკლესიას, არამედ სამოქალაქო საზოგადოებრიობის ძირითად საფუძვლებს, შეუძლიან ზეტისშეტად ღავენე გავლენა ზოახდინოს ააალგაზრდა ჳზროვნებაზე და ხელი შეუწყოს ზათი აზრების და გრძნობების სავსებით გარყვნას. ამნსაძვის ზოვალეთ ვთვლი ჩენს თავს უზორჩილესად გთხოვოთ. თქვენ, მოწყალეო ხელიწიფევე და მწყენსმთავარო, დაავალოთ თქვენდაში რწმუნებულ სასულიერო სასწავლებლების უფროსებს, ინსპექციის წევრებს და მასწავლებლებს, რათა თვალყური ადევნონ, რომ ხსენებული თხზულება არამც და არამც არ ჩაუვარდეთ მოწათფებს ხელში. თუ ვინიცობაა გაზოირკვა, რომ ხსენებულ თხზულებას უკვე იცნობენ მოწათფები, სასურველი იქნება მასწავლებლებზე ან დამრიგებლებზე, რომელნიც კარგად იცნობენ ამ საგანს, განუძარტოს ახალგაზრდობას ხსენებულ თხზულების შინაარსი და ყოველგვარი გაუგებრობა, რასაც იწვევს ეს წიგნი ახალგაზრდებში¹.

მონარქიისა და ეკლესიის წინააღმდეგ მიზართული წიგნების კითხვის აკრძალვასთან ერთად სასტიკად იდევნებოდა ყოველგვარი ცდა რაინე საზოგადოებრივი ორგანიზაციისა და წრის დაარსებისა. იგევე ჰობედონოსცევი 1867 წლის 14 მარტით დათარიღებულ ცირკულიარში წერდა:

„ვიღებთ რა მხედველობაში, რომ სასულიერო სასწავლებლის მოწათფეთა შორისაც, განსაკუთრებით კერძო ბინებზე მცხოვრებელთა შორის, ხშირად ეწყობა სასწავლებლის ინსპექციის ნებადაურთველად სხვადასავა ეგრეთწოდებული თვითგანვითარების წრეები, სადაც იკითხება პედაგოგიური ცენზურის მიერ ნებადაურთველი, ანდა პირდაპირ აკრძალული წიგნები, სადაც ვითარდება სასულიერო განათლების მიზნებთან და ამოცანებთან შეუფერებელი აზრები, რომლებიც ზოუნწიფებელ ახალგაზრდობაში აღვივებენ სასულიერო სასწავლებლის სააღმზრდელო სასწავლო წყობილების საწინააღმდეგო აზრებს, რომლებიც შენდგომ განვითარებაში ხშირად არსებულ წესწყობილებს წინააღმდეგ საბრძოლო ხასიათს იღებენ

¹ კრებ. სწავლა-აღზრდის ისტორიკ საქართველოში, 1837, გვ. 226—227.

–საჭიროდ ვცნობ უმორჩილესად ვთხოვო თქვენ უსამღვდელოეობას. დაუდასტურო თქვენდამი რწმუნებულ სასულიერო სასწავლებლის უფროსებს, თვალყური ადევნონ ამ მხრივ მათდამი რწმუნებულ სასწავლებელთა მოწათფებს, ხოლო დამნაშავეთა წინააღმდეგ იგივე ზომები გამოიყენონ. რაც მიღებულია საბალზო განათლების სამინისტროს უწყებაში“.¹

რამდენსაც არ ცდილობდნენ თბილისის ვაჟთა სასულიერო სემინარიისა და ქალთა ეპარქიალურ სასწავლებელთა მესვეურნი „თვალყური ედევნებიათ მოსწავლეებისათვის“, აკრძალული ლიტერატურა მაინც ვრცელდებოდა, არსდებოდა წრეები, ეწყობოდა გაფიცვები და დემონსტრაციები.

თბილისის ქალთა ეპარქიალური სასწავლებელი გამოეხმაურა 1905 წლის რევოლუციასაც.

მოსწავლე ქალებმა მოაწყვეს გაფიცვა. როგორც გამოცხადილი 1905 წლის რევოლუციისა. ეს მოხდა 28 იანვარს. გაფიცვის მიზეზი სასწავლებელში გამეტებული სასტიკი რეჟიმი და ქართული ენის დევნა იყო. გაფიცვის გამომრკვევი კომისიის მიერ დაკითხული სასწავლებლის უფროსი ქალი ტროფიმოვა აჩვენებდა:

„27 იანვარს საღამოთი გვიან შემატყობინეს. რომ III კლასის მოწათფე შარვაშიძემ დღეს სასწავლებელში მოიტანა მთელი ტომარა პროკლამაციები და დაურთა ჯერ თავის ამხანაგებს. შემდეგ ჩამოიარა სხვა კლასები და იქაც დაართა პროკლამაციები. ამ ფაქტს მე მაინც და მაინც დიდი ყურადღება არ მივაქციე. 28 იანვარს დილით დაუძახე შარვაშიძეს, მაგრამ მან თავი დამნაშავეთ არა სცნო და ტირილი დაიწყო. დიდი დასვენების შემდეგ დაიწყო ბუნტი. ბავშვებთან მე არ ვავსულვარ, მიუხედავად იმისა. რომ ისინი მირახუნებდნენ და მიმტვრევდნენ კარებს. გარკვევით მესმოდა მათი ყვირილი „ძირს სასწავლებლის უფროსი ქალიო“.“²

მასწავლებელი იპოლიტოვი თავის მხრივ უჩვენებდა: „დიდ დასვენებაზე გაისწა ხმაურობა და ყვირილი. ავედი ზე-

¹ კრებ. სწავლა-აღზრდის ისტორია საქართველოში, 1937, გვ. 225.

² იქვე, გვ. 231.

ვით სართულში და დავინახე, რომ მოწაფეები იკრიფებოდნენ სასწავლებლის დარბაზში და ყვიროდნენ: „ძირს უფროსი ქალი“. მე მინდოდა ისინი დამეწყნარებინა, მაგრამ ვერ მოვახერხე. ისინი ხელში მაჩეჩებდნენ პროკლამაციებს. მე მოწაფეების დაწყნარების იმედი დავკარაქე, გამოველ გარეთ და გავენართე სახლისაკენ. ვერცკი მოვასწარ სასწავლებლის ტროტუარის გავლა, რომ გაისმა ზრიალი და დარბაზის ფანჯრებიდან დამტვრეული შუშები ჩამოცვივდა ტროტუარზე. მე უკანვე გამოვიქეცი. ვნახე, უფროსი ქალის ოთახში შეცვივდნენ მოწაფეები. სამასწავლებლო ოთახის კარებთან იდგნენ ოკოლოდიჩნი ნადზირატელი და გოროდოვეები, ერთი ოკოლოდიჩნი ყვიროდა: „მე გამიშვით, ხელად დავაწყნარებ მათ, რამოდენიმე მათგანს ვტყიცავ სილას და გათავდა ყველაფერი“, მე ვთხოვე პოლიციელებს არ ჩარეულიყვნენ საქმეში, ვიდრე მათ არა სთხოვდნენ ამის შესახებ. როდესაც პოლიციელები წავიდნენ მოვიდა მამა სერგი, რომელმაც მალე დააწყნარა მოწაფეები“.¹

სასწავლებელში განეფებული იეზუიტური რეჟიმი, საწინააღმდეგოდ მოსწავლეებმა სათანადო მოთხოვნილებანი წაუყენეს სასწავლებლის ადმინისტრაციასა და ხელმძღვანელებს:

„აღარ ძალგვიძს ავიტანოთ ის პოლიციური რეჟიმი, რომელიც თანდათან გაბატონდა ჩვენს სასწავლებელში. ეს რეჟიმი ყველგან საგრძნობია, მაგრამ უფრო ძლიერად მოსჩანს ეკლესიაში, სადაც ჩვენ გადაგვაქციეს უსულო ავტომატებათ და გვალოცებენ უფროსი ქალის ბრძანებით.“

ამიტომ ვთხოულობთ: 1) უფროსი ქალის გაძევებას, 2) თანაბარ მოპყრობას ყველა ეროვნების მოწაფეებთან და თავისუფალ ლაპარაკს ნშობლიურ ენაზე, 3) სასწავლებლის მთავრობის ჩაურევლობას მოწაფეთა კერძო ცხოვრებაში, 4) ზოგიერთ შემთხვევაში, მაგ. პირჯვრის წერაში ძალდატანების მოსპობას, 5) მარხვის შენახვა მხოლოდ დიდი მარხვის პირველ და უკანასკნელ კვირებში“.²

¹ კრებ. სწავლა-აღზრდის ისტორია საქართველოში, 1937, გვ. 292.

² იქვე, გვ. 293.

იმხანად თბილისში მცხოვრები გამოჩენილი უკრაინელი ქალი ლესია უკრაინკა 1905 წლის 6 თებერვალს სწერდა თავის დედას: „Здесь были бунты во всех средних школах, в том числе и в женских, в Институте благородных девиц, епархиальном училище... в институте женском бунт был за то, что—одну ученицу перевели из старшего класса в младший, чтоб сделать вакансию для дочки начальника Края, а учителя, за протестовавшего против того, погнали в отставку. Барышни подняли бучу и за подругу и за учителя, побили окна в знак протеста, а начальнику пришедшую им умиротворять, забросали туплями, избили и прогнали прочь, она подала в отставку, а институт пока что закрыт. Епархиальные сделали антирелигиозный бунт и есть слухи о каких-то неистовых вошпнствах и безчинствах в той школе: как бы там ни было, школа прикрыта. Вот каковы дела“.¹

მსგავსი ხასიათის მღელვარება-გაფიცვები შემდეგშია ცეცობოდა თბილისის ქალთა ეპარქიალურ სასწავლებლებში.

ბ) ქუთაისის ქალთა ეპარქიალური სასწავლებელი

თბილისში ქალთა ეპარქიალური სასწავლებლის გახსნის შემდეგ ქუთაისშიაც განიზრახეს ანალოგიური ხასიათის სკოლის გახსნა.

განზრახვის შესრულებამ ათ წელიწადზე მეტს დაიგვიანა: ფაქტიურად მზადება აღნიშნული სასწავლებლის გასახსნელად 1889 წელს დაიწყო. სკოლის დასაარსებლად ზრუნვა და პროგრამის შედგენა დაეკალა სათანადო კომიტეტს გაბრიელ ცაგარეიშვილის თავმჯდომარეობით.

ქუთაისის ქალთა ეპარქიალური სასწავლებლის გახსნა ნავარაუდევია იყო ბალახვანზე სტრუქსიკების მამულში, სადაც სამრევლო სკოლა და სანთლის ქარხანა იყო მოთავსებული.

1892 წლის 10 ოქტომბერს საზეიმო ვითარებაში მოხდა ქუთაისის ქალთა ეპარქიალური სასწავლებლის გახსნა.

¹ О. Б а б ы ш к и н, Леся Украинка в Грузии, 1953, გვ. 28—29.

ქუთაისის ეპარქიალური სასწავლებელი, მგაკსად თბილისისა, თავდაპირველად ერთი მოსამზადებელი და სამი კლასისაგან შედგებოდა: თითოეული კლასი 2 წლის კურსით. მოსამზადებელი კლასის ყველა საგნის მასწავლებლად დაინიშნა იულია ფარსადანის ასული ასათიანი, რომელსაც დასრულებული ჰქონდა ქუთაისის გიმნაზია და უკანასკნელ დროს ხონის ორკლასიანი ქალთა სკოლის გამგევე მუშაობდა.

კლასის ზედამხედველად და ბიბლიოთეკის გამგედ დანიშნულ იქნა თბილისის ქალთა ეპარქიალურ სასწავლებელში კურსდასრულებული ქეთევან ჩიქოვანი. სასწავლებლის ექიმად დანიშნეს სიმონ ნიკოლოზჩხ-ძე ლორთქიფანიძე. სასწავლებლის შენობაშივე მარიამ ვარდოსანიძის მიერ გახსნილ იქნა მოწაფე გოგონებისათვის პანსიონი, რომელიც თითოეულისაგან თვიურად ათ მანეთს იღებდა.

1899 წელს ქუთაისის ქალთა ეპარქიალური სასწავლებელი სრულ ექვსკლასიან სკოლად გადაკეთდა.

ცხრაას ხუთი წლის რევოლუციას აღფრთოვანებით შეეგებენ ქუთაისელი მოწაფე გოგონებიც. ისინი ხარბად ეწაფებოდნენ ლეგალურ და არალეგალურ ლიტერატურას.

დიდი საბჭოთა პოეტის ვლადიმერ მაიაკოვსკის და ოღლა, რომელიც თავის ძმასთან ერთად იმხანად ქუთაისში სწავლობდა, მოსკოვში სწერდა თავის დას ლიუბას:

„Я теперь читаю очень интересные книги. Я купила себе книги: „Положение женщины в настоящем и будущем“, „Долой социалдемократов“, „Социализм в Японии“, „О программе работников“, „Что такое рабочий день“, „Идея Марксизма в германской рабочей партии“, „Буржуазия“, „Пролетариат и коммунизм“, „Среди людей мозга“. Подобных книг купила себе и Володя 10 штук“.¹

რევოლუციური პროპაგანდის ერთ-ერთი ცენტრი ქუთაისში იყო თეატრი, რომელსაც სათავეში ედგა დიდი ქართველი მსახიობი ლადო მესხიშვილი. ქუთაისელი მოსწავლე-

¹ В. Катанян, Маяковский, 1948, стр. 21.

ებიც გარს ეხვეოდნენ თეატრს, სადაც იმ დროს სიტყვით გამოდიოდა ხოლმე იოსებ სტალინი. მსახიობი ი. ზარდალიშვილი ამის გამო იგონებს:

„ქუთაისში თანდათან დაიწყო გაფიცვები, ვითომდა ეკონომიურ ნიადაგზე, ნაზღვილად კი ამ გაფიცვებს პოლიტიკური სარჩული ჰქონდა...“

სიტყვა „ბოლშევიკი“ მე მაშინ პირველად გავიგონე, ყველა ჩვენი ლიდერები თითქმის ქუთაისში იყვნენ, ჩამოვიდა კობაც (ანზნაგ სტალინის მაშინ ასეთი ფსევდონიმი ჰქონდა) მე მახსოვს კობას და ნოე ხომერიკის კამათი თეატრში.

ყველა რევოლუციონერები თეატრში იყრიდნენ თავს. თეატრი იყო მთავარი ბუდე რევოლუციონერებისა. აქ იმართებოდა ხშირი მალული მიტინგები და შეხლა-შემოხლა. ზესხიშვილი სარგებლობს ხალხის რევოლუციონური განწყობილებით და სდგამს იმ დროს რევოლუციონურ პიესას „კაიუს გრაეხუსს“.

ბათუმიდან როტშილდის ქარხნის მუშებმაც კი დეკემბრით დაიკვეთეს 40 ბილეთი ამ პიესისათვის და მთელი მარჯვენა მხრის ლოკები მათ ჰქონდათ დათმობილი... რადგან პიესა აუარებელ ხალხს იზიდავდა, ამ მდგომარეობას მიაქცია ყურადღება მეფის ხელისუფლებამ და ყოველ წარმოდგენაზე ყაზახთა რაზმი გარს უწვლიდა თეატრს.¹

თეატრში ვრცელდებოდა უამრავი ბოლშევიკური პროკლამაცია, რომელსაც ხარბად კითხულობდნენ და აფრცელებდნენ მოსახლეობაში.

პეტერბურგის ბოლშევიკური გაზეთი „ვპერიოდი“ ქუთაისის თეატრზე წერდა: „თეატრში გავრცელებული იქმნა უამრავი პროკლამაცია, რომელსაც დახარბებით კითხულობდნენ“.²

ქუთაისის მოსწავლე ვაჟები და გოგონები, ანთებულნი თეატრში მოსმენილით, ნანახითა და წაქითხულით, თეატრიდან გაძოსვლისას ენერგიულად უტევდნენ ყაზახთა რაზმსა და

¹ გაზ. „საბკოთა ნურალი“, 1933, № 9.

² გაზ. „Вперед“, 1905, № 14.

პოლიციას. მსახიობი ბარბარე მესხიშვილი ამ პერიოდს იგონებს და მოგვითხრობს:

„1905 წელს სასწავლებელთა ღართელოება და პოლიცია არ უშვებდა თეატრში ახალგაზრდობას, აქ იყრებოდნენ პროკლამაციები: „გაუმარჯოს რევოლუციას“. ფოიეში ეწყობოდა სახელდახელო შეკრებები, მოგონებები. თეატრის რეპერტუარში იყო: „კაიუს გრაქუსი“, „ჟანი და მადლენა“, „ფეიქრები“, „ლუი ბლანი“. თეატრიდან გამოსვლისას ახალგაზრდობა მიიწევდა ყაზახებსა და პოლიციელებზე. ეს შეჯახებანი მთავრდებოდნენ მოსწავლეების გალახვით“.¹

რევოლუციურ მოძრაობას ერთსულოვნად გაჰყვნენ ქუთაისელი მოსწავლეებიც. ბოლშევიკური გაზეთი „პროლეტარი“ აღნიშნავდა, რომ ქუთაისის რევოლუციონურ კომიტეტს პროპაგანდისტებად ჰყაზდა „გაფიცული მოსწავლე ახალგაზრდებიც“.²

საერთო გაფიცვებს დაემატა ქუთაისის სასწავლებლების მოწაფე ვაჟთა და ქალთა გაფიცვებიც. იზარებოდა მიტინგები, კრებები, დემონსტრაციები, მღეროდნენ ქართულ და რუსულ რევოლუციურ სიმღერებს. მათ შორის იროდიონ ევლოშვილის ლექსს „მეგობრებო წინ, წინ გასწით“.

ქუთაისის ქალთა ეპარქიალური სასწავლებლების მოსწავლე გოგონებიც აქტიურად მონაწილეობდნენ ამ შეკრებებსა და დემონსტრაციებში.

7. ბოდბის მონასტრის ქალთა სასწავლებლის პედაგოგიური განწყობილება

ბოდბის „წმიდა ნინოს დედათა მონასტერთან“ არსებული ქალთა სკოლა 1889 წელს, საეკლესიო-სამრევლო სასწავლებელთა 1884 წლის წესების მიხედვით, ქალთა საეკლესიო-სამრევლო ერთკლასიან სასწავლებლად, პანსიონად, გადაკეთდა. სწავლების კურსი 3-წლიანი იყო.

1897 წელს ბოდბის ქალთა საეკლესიო-სამრევლო სას-

¹ „Маяковский в Грузии“, 1938, стр. 191.

² გაზ. „Пролетарий“, 1905, 20 ივლისი.

წავლებელს დაემატა ორი კლასი და სწავლების კურსი 5-წლიანი გახდა. იმავე წელს ამ სასწავლებელთან, როგორც მისი გაგრძელება, შეიქმნა „საპედაგოგო განყოფილება“. ორწლიანი კურსით, რომელიც დაწყებითი სკოლებს წასწავლებლებს ამზადებდა.

ბოდბის ქალთა საეკლესიო-სამრევლო სასწავლებელში ლებულობდნენ ყველა წოდებისა და მართლმადიდებელი სარწმუნოების გოგონებს: ქართველებს, რუსებს, ბერძნებს, აისორებს და სხვებს.

სწავლა-განათლების მოთხოვნების ზრდასთან ერთად იზრდებოდა ბოდბის ქალთა სასწავლებლის მოსწავლეთა რიცხვიც. არსებული სასკოლო შენობა ვერ აკმაყოფილებდა სასწავლებლის მოთხოვნილებებს. ამიტომ იუვენალია მეორემ (თამარ ზარჯანიშვილმა) აღძრა შეამდგომლობა ახალი შენობისათვის სათანადო თანხის გამოყოფის შესახებ. მალე სასულიერო უწყებებისაგან მან მიიღო 2.500 ზანეთი და ამ თანხით აავო სამსართულიანი სასკოლო შენობა.

ბოდბის წმიდა ნინოს სახელობის ქალთა სასწავლებელში უმთავრესად ქართველი ქალიშვილები სწავლობდნენ, რომელთაც რუსული ენის დაძლევა უქნელდებოდათ. მათთვის დამატებითი კლასის გასახსნელად თამარ ზარჯანიშვილმა 500 ზანეთი მოითხოვა და სულ მალე კიდევ გაიხსნა მესამე კლასი. ამით სწავლების კურსი ბოდბის ქალთა სასწავლებელში 6 წლით განისაზღვრა.

ბოდბის წმიდა ნინოს სახელობის ქალთა სასწავლებელი ჩვეულებრივი საეკლესიო-სამრევლო სასწავლებელთა გეგმით მუშაობდა. ხოლო ამასთან ერთად ნოსწავლე გოგონები სწავლობდნენ ბელსაქმეს, ხატვასა და ხაზვას. მუსიკას. „საპედაგოგო განყოფილებაში“ დამატებით ასწავლიდნენ დაწყებით სკოლებში სწავლების მეთოდებს.

მონასტერთან არსებობდა ერთკლასიანი საეკლესიო-სამრევლო სკოლა, რომელიც იმყოფებოდა გალაგნის გარეთ სამონასტრო შენობაში. ამ სკოლაში სწავლობდნენ აბლო-მახ-

ლო მდებარე სოფლის ქალიშვილები. სკოლაში სწავლება უფა-
სო იყო. ასწავლიდა ორი მასწავლებელი.

„ეს სკოლა, — წერდა ალ. ჯორჯაძე, — სამეცადინოა, სამო-
ნასტრო სკოლის მაღალი კლასების მოწაფენი აქ ვარჯი-
შობენ. გაკვეთილებს აქ აძლევენ. საზოგადო სწავლება ამ
სკოლაში ქართულ ენაზე სწარმოებს და რუსულ ენას ასწავ-
ლიან როგორც საგანს“.¹

მოსწავლე ქალები ეუფლებოდნენ მეურნეობას, მოჰყავ-
დათ ბოსტნეული, სწავლობდნენ მეფუტკრეობას, მეაბრეშუმე-
ობას, ხალიჩა-ფარდაგების ქსოვას. სკოლის ახლო მეაბრეშუ-
მეობის გასავეითარებლად დარგულ იქნა რამდენიმე ათასი თუ-
თის ხე. 1909 წელს ბოდბის მონასტრიდან თბილისის მეა-
ბრეშუმეობის სადგურში გაიგზავნა რამდენიმე მონაზონი მეა-
ბრეშუმეობის შესასწავლად.

1897 წლიდან ბოდბის ქალთა სკოლის პედაგოგიური
განყოფილება პირველდაწყებითი მასწავლებლის ხარისხით დაა-
მთავრა 175 მოწაფემ, რომელთაგან ქართველი იყო 125, რუ-
სი—33, უდი—7, ოსი—5, ბერძენი—3, აისორი—2. აქედან
სასულიერო წოდებიდან—59, გლეხთაგან—55, აზნაურთაგან—
42 და მოქალაქეები—19.

1910 წელს სკოლაში 129 მოწაფე სწავლობდა. ქართვე-
ლი—88, რუსი—19, ბერძენი—14, თავის ხარჯზე—43 და კავ-
კასიაში მართლმადიდებლობის აღმდგენელი საზოგადოების
ხარჯით—15.

გარედან მოსიარულე მოწაფეები სკოლას არ ჰყავდა,
ყველანი პანსიონში ცხოვრობდნენ, თავის ხარჯზე მყოფნი
წლიურად 100 ზანეთს იხდიდნენ.

დასახელებულ სკოლაში ცხრა მასწავლებელი ასწავლიდა,
ამათგან 6 ქართველი და 3 რუსი.

ამას გარდა ბოდბის წმიდა ნინოს სახელობის ქალთა
სასწავლებელმა თავისი არსებობის მანძილზე საეკლესიო-სამ-
რევლო სკოლის რამდენიმე ასეული მასწავლებელი ქალი
აღზარდა.

¹ „სახალხო გაზეთის სურათებიანი დამატება“, 1910, №6—6,

მე-19 საუკუნის 70-იანი წლებიდან უმაღლესი განათლებისათვის მებრძოლ ქართველ ინტელიგენციას მიემატა მოწინავე ქალთა ჯგუფი, რომელიც განსაკუთრებულ მისწრაფებას იჩენდა უმაღლესი განათლებისადმი.

ქალთა უმაღლესი განათლების საჭიროება უმთავრესად გამოწვეული იყო საქართველოს ქალთა საშუალო სკოლების მასწავლებელთა სიმცირით. ცნობილია, რომ საშუალო სკოლაში მასწავლებლობის უფლება ეძლეოდა უმაღლესი განათლების მქონე პირებს. ასეთების რიცხვი გასული საუკუნის 70-იანი წლების საქართველოში, უმაღლეს სასწავლებელთა უქონლობის გამო, ძალიან მცირე იყო საერთოდ, ხოლო მათ შორის ქალები თითქმის არ მოიაპოვებოდნენ. ამიტომ, ბუნებრივი იყო ქართველ ქალთა მისწრაფება უმაღლესი განათლებისაკენ. მაგრამ რამდენადაც რუსეთის უმაღლეს სკოლებში ქალთა მიღების საქმეს მე-19 საუკუნის 70—80-იან წლებში ძალიან ბევრი ფორმალური და არსებითი დაბრკოლებები ელობებოდა. ქართველი ქალები იძულებული ხდებოდნენ დასავლეთ ევროპის უმაღლესი სასწავლებლებისათვის მიემართათ.

ქართველ ქალთა პირველი გამგზავრება დასავლეთ ევროპის უმაღლეს სასწავლებლებში მეცბრამეტე საუკუნის საზოცდაათიანი წლების დამდეგს მოხდა.

ამ საქმეს ერთგვარი ბიძგი მისცა პროფ. ივანე თარხნიშვილის ლექციებმა, რომლებიც წაკითხული იქნა 1871 წელს თბილისის ფართო საზოგადოებაში საჯარო მოხსენებების სახით.

ცნობილი მწერალი გიორგი წერეთელი ამის შესახებ წერდა: „1871 წელს ივ. თარხნიშვილი ჩამოვიდა თბილისში და აქ რამდენიმე პუბლიკური ლექცია წაკითხა კრუეოკის დარბაზში, ექსპერიმენტალურ ფიზიოლოგიაზე. კრუეოკის დარბაზში ტევა აღარ იყო მაყურებელისაგან. განსაკუთრებით საინტერესოთ მიაჩნდათ ეს ლექციები მაშინდელ მანდილოსნებს. საოცარი მჭერმეტყველებით ჰყენდა ნათელს ახალგაზ-

და პროფესორი ი. თარხნიშვილი ყოველნაირს ფიზიოლოგიურ ფუნქციების განმარტებას. ამ დროს იმ ხანებში მთელ თბილისის საზოგადოებას მხოლოდ აბალგაზრდა პროფესორის ნიჭიერებაზე ჰქონდა ლაპარაკი და უნდა ვთქვათ, რომ იმან კიდევ შეჰქმნა მთელი ეპოქა მიძინებულ თბილისის საზოგადოებაში.

იმან აღძრა უმაღლესი სწავლის სურვილი მთელს აბალგაზრდობაში, განსაკუთრებით დედათა სქესში. უმეტეს ნაწილად თ. ივ. თარხნიშვილის მჭერნეტყველებას და ცოცხალ ნეცნიერულ სიტყვას უნდა დაბრალდეს ის მოძრაობა, რომელიც აღმოჩნდა 1873 წელს თბილისის აბალგაზრდობაში. პირველი მაგალითი იყო რომ ამ წელს ერთმა გუნდმა აბალგაზრდა ინსტიტუტ-ზავედენია დასრულებულმა ქალებმა ნონდომეს საზღვარგარეთ წასვლა უმაღლეს სწავლა-ნეცნიერების ნისაღებად¹.

ქართველ ქალთა ერთი ჯგუფის განზრახვას უმაღლესი განათლების ნისაღებად საზღვარგარეთ წასვლის შესახებ კონსერვატორთა ნითქნა-მოთქნა და უკმაყოფილება გამოუწვევია.

1872 წლის გაზეთი „დროება“ წერდა:

„ამბობენ, რომ ჩვენი საზოგადოება ძალიან განზე უყურებდა იმ თითო-ორილა ყნაწვილ კაცებს, რომელთაც ამ ოცი-ოცდაათი წლის წინათ განაცხადეს სურვილი უმაღლეს სწავლის მიღების და რუსეთის უნივერსიტეტებში წავიდნენ, ნაშინდელ ჩვენს ნამებს არ მოსწონდათ რომ მათი შვილები არ სჯერდებოდნენ იმ სწავლას, რომლის მიღება მაშინ აქაურ სასწავლებლებში შეეძლოთ, „რა გამოვა ბატონო, იმათი სწავლით. წავლენ, რალაც აჭია-ბაჭიას ისწავლიან და ჩვენ ოჯახს კი აღარ გამოადგებიანო! ჩვენ თუ რალაც ნივერსტეტში არ გვისწავლია. რა გვიშავსო!“. ასე ამბობდნენ მაშინ ჩვენი მამები, მაგრამ შეზღვევი, როდესაც დარწმუნდნენ, რომ ამ „ნივერსიტეტ-დამ“ გამოსული ზოგიერთი ყმაწვილები ცოტა

¹ თურნ. „კვალი“, 1895, № 12.

არ იყოს გამოსადეგნი შეიქმნენ ოჯახისათვის; იმათ ცოტ-ცოტარათ შეიცვალეს თავისი აზრი. დროებამ და გამოცდილებამ თავის გაელენა იქონია ჩვენს საზოგადოებაზე და ახლა ძნელად თუ ნახავთ ისეთს ზაძას, როელიც თუ შეძლება აქვს, არ სცდილობდეს თავის შეილის უნივერსიტეტში გამოზრდასა.

ამნაირათ ზოდის ახლა ჩვენი ახალგაზრდა ქალების უმაღლესი განათლებას საქმეც. ამ ერთი წლის წინათ ჩვენს საზოგადოებაში დაიწყეს ლაპარაკი, რომ რამდენიმე ჩვენებური ახალგაზრდა ქალი სამზღვარ გარეთ აპირებს წასვლას, უმაღლესი განათლების მისაღებათ. რადგანაც რუსეთში და ჩვენში საზოგადოთ ქალებს უმაღლესი განათლების გზა სულ არა აქვთ, ამის გამო რუსეთის და სხვა ქვეყნების ქალების ზავალით, ციურიხში აპირებენ წასვლას, სადაც ქალებს უნივერსიტეტში შესვლის ნება აქვთ.

მის მაგივრათ, რომ ჩვენს საზოგადოებას თანაგრძნობითა და სიხარულით მიელო ეს ამბავი და წაეჭვებინა ჩვენი ახალგაზრდა ქალები ამ საქმეში, ჩვენ ყოველი მხრით გვესმოდა და ახლაც გვესმის ხან დაცინვით, ხან უკმაყოფილო ლაპარაკი და აზრი ამ საგანზე. „თბილისის ნიგილისტკებიო! მოდას აპყოლიანო“, ამბობდნენ ერთნი. „ეს რა ამბავი არას: ვინ ქალი და ვინ ექიმო? პანსიონი გაუთავებიათ, ქმარი შეირთონ და მოისვენონო“, ამბობდნენ მეორენი.¹

განზრახვამ მალე ფრთები შეისხა. 1872 წლის დასაწყისში უმაღლესი განათლების მისაღებად თბილისიდან საზღვარგარეთ გაემგზავრა ქართველი ქალი პელო ნაცვლიშვილი.

გაზეთი „დროება“ ასე გამოეხმაურა ამ სასიხარულო მოვლენას: „ამ ერთი თვის წინათ, — წერდა გაზეთი, — თბილისიდან ნაცვლოვის ქალი წავიდა ციურიხში უმაღლესი სწავლის მისაღებათ, და ჩვენ დარწმუნებით ვიცით, რომ ამავე გზაზე დადგომას რამოდენიმე სხვა ქართველი ქალიც აპირებს“.²

¹ გაზ. „დროება“. 1872, №32.

² იქვე.

ნაცვლიშვილის ქალს სხვა ქართველი ყმაწვილები და ქალებიც მიჰყვნენ და მალე ციურიხში ქართველთა პატარა კოლონია შეიქმნა. საექიმო ფაკულტეტზე სწავლობდნენ: პელო ნაცვლიშვილი, კეკე (ეკატერინე) მელიქიშვილისა, ვლ. ინანიშვილი, ივანე მესხი. ტექნიკურ კიმიას და მექანიკას სწავლობდნენ: დავით ქადაგიძე, ალ. სუმბათაშვილი. პედაგოგიკას სწავლობდა ოლიმპიადა ნიკოლაძე. აქვე სწავლობდნენ: ბოგომილა (ბოკია) გედეონის ასული ზემიანსკაია (გაქართველებული პოლონელი), კატო (ეკატერინე) ნიკოლაძე, ოლა გურამიშვილი, ხელთუბნიშვილის ქალი და სხვანი.

1873 წლის 3 მარტს ციურიხში მცხოვრებმა ქართველმა სტუდენტებმა, როგორც ვწერდით, დააარსეს საზოგადოება „უღელი“. მის წევრებად ითვლებოდნენ ოლა გურამიშვილი, პელაგია ნაცვლიშვილი. ეკატერინე ნიკოლაძე, ბოგომილა ზემიანსკაია, ვლადიმერ ინანიშვილი, პავლე იზმაილოვი დავით ქადაგიძე, ალექსანდრე სუმბათაშვილი და ივანე მესხი.

საზოგადოება „უღელის“ მიზანდასახულების შესახებ 1873 წლის 3 მარტის სხდომის ოქმში შემდეგს ვკითხულობთ: „ჩვენებურ ყმაწვილებს, რომელნიც სამზღვარგარეთ მოდიან სწავლის მისაღებათ, საზოგადოთ ძლიერ შევიწროვებულ მდგომარეობა ხედებათ, როგორც სწავლის მისაღებ ასპირენტზე, აგრეთვე მატერიალურის მხრითაც. იმათ თითქმის ყოველთვის ეკარგებათ სამშობლოსთან შემაერთებელი კავშირი, რომლითაც შესაძლებელია ერთის მხრით სამშობლოდან დახმარების და ხელის მოწყობის მიღება. და მეორეს მხრით იმ ხალხისა და ქვეყნის ვაცნობა, რომელშიაც იმათ სწავლის დასრულების შემდეგ მოქმედება და ცხოვრება დასჭირდებათ.

ამასთანვე იმათ ურთიერთშორის საკმაო მსვლელობა და დაახლოვება არა აქვთ, ერთმანეთზე საკმაო გავლენა ვერ მოუპოვებიათ, რომ ერთმა მეორეს სწავლის მიღება და გონების გახსნა გაუადვილოს რჩევით, წყაროების ჩვენებით, ერთმანეთის დახმარებით და სხე...

ეს აბალგაზრდები ჰფიქრობენ, რომ სასურველი იქნება იმათ შუა ისეთი საზოგადოების. დაარსება, რომელშიაც თითოეულ წევრს ერთი რომელიმე სწავლის ან განყოფილების წითვესება შეეძლოს და დანარჩენი წევრებისათვის არჩეულ საგანზე თავისი ცოდნის და შექმნილი ცნობების გარდაცემა. რაკი ეს დანარჩენი წევრები მის ნაწარმოებს განზილავენ და თავის მართ შეაფასებენ და შეასწორებენ—ეს ნაწარმოებები თბილისში გაიგზავნება ქართული გამოცემების რედაქციამ ანდა ცალკე წიგნებათ დასაბეჭდავათ...

ამნაირი შეერთებული შრომისათვის საჭიროა ისეთი საშუალებების შექმნა, რომლებითაც შრომა აღვილდება და შესაძლებელი ხდება—ესე იგი ბიბლიოთეკის და კასისა...¹

ციურიანის ქართველ სტუდენტთა საზოგადოება „უღელმა“ საკმაოდ მნიშვნელოვანი როლი ითამაშა ქართველ სტუდენტთა მატერიალური ხელისშეწყობისა და გონებრივად განვითარების საქმეში.

ციურიანის ქართული საზოგადოება „უღელის“ წევრებს კავშირი ჰქონდათ რუსების კოლონიასთან, სადაც ზოხსენებებით გამოდიოდნენ ცნობილი რუსი ემიგრანტები: ლაფროვი და სხვები.

1873 წლის ზაფხულში რუსეთის ხელისუფლების მიერ გამოცა ბრძანება, რომლის ძალით ქალებს უნდა დაეტოვებინათ უნივერსიტეტის კედლები. იმანად ციურიანში მოსწავლე ცნობილი ქალი ვერა ფიგნეზი წერს:

„В самый разгар цюрихской жизни, летом 73 года, вышел правительственный Указ, приказывавший студентам оставить Цюрихский университет под угрозой, в случае ослушания, не допускать к экзаменам в России. Все были поражены неожиданностью этого распоряжения. В мотивировке Указа упоминалось увлечение социалистическими идеями, но кроме того, был пункт, который задевал в высшей степени всех женщин: Этот пункт гласил, что под по-

¹ ს. მესხი, წერილები, 1950. გვ. 243-444.

კროვომ ზანაჲთჳ ნაუკოჲ რუსსკიე ჯენსინი ადუტ ზაგრაიწუ
ჭთობჳ ბესპრეჲატსტვენო პრედავათჳსჳ უთეხამ „სვობოდნოი
ლუბვი“. კლევეტა ბჳლა ნაგლჳ. ონა პოველა კ თოჲ; ჭთო ინიე,
ინოსტრანცჳ სტალი სმორეტჳ ნა ნას, კაკ ნა ჯენსინი ლეგ-
კოგო პოვედენია“.¹

სხვა გზა არ იყო, ქართველი სტუდენტი ქალებიც ცი-
ურბინიდან ენევაში გადავიდნენ.

ენევაში გადასულ ქართველ ქალებს ეკატერინე მელი-
ქიშვილის სახელზე სერგეი მესხის გამამხნევებელი ბარათი
მოუვიდათ. ამ წერილში სერგეი მესხი ასე მიმართავდა მათ:
„თუ თქვენ მოინდომებთ. თქვენი საქმე ენევაში ყველაფრით
კარგათ წავა. აკადემია იმდენ სწავლას მოგცემსთ ბუნების სა-
გნებში, რამდენიც თქვენთვის, თუ კეთილსინდისიერათ ისწავ-
ლით, სრულებით საკმარისი იქნება. ცხოვრება მანდ ძვირათ
არა ღირს. პროფესორები და სტუდენტები ჯერ-ჯერობით
ძალიან კარგის თვალით გიყურებენ და შემდეგში თქვენზე
ჰკიდია თუ სახელს არ გაიფუჭებთ. სხვა მეტი. რა გინდათ?
გაუყარეთ ერთმანეთს მკლავი მკლავში. დაიდევით წინ თქვე-
ნი ქიშია, ფიზიკა და სხვა სახელმძღვანელო წიგნები და გაზე-
თები და იკითხეთ, ისწავლეთ“.²

— საქართველოში მოუთმენლად ელოდნენ საზღვარგარეთ
მყოფ სტუდენტ-ქალთა ჩამოსვლას.

სერგეი მესხი სწერდა ეკატერინე მელიქიშვილს: „წარ-
მოიდგინე ის დრო, როდესაც ჩვენ ერთად, როგორც ორნი
ერთაზროვანი და ერთსულოვანი პირნი შევეუდგებით იმ ჩვენს
საქმეს. რომელსაც ასე სჭირია ყოველი კაცური კაცის, და ქა-
ლური ქალის დახმარება და ხელის მომართვა. ეს საქმე კეკე
ხომ შენც იცი რა არის: მამულის სამსახური... ეს დრო კარ-
გი დრო იქნება და მე მოუთმენლად მოველი იმას, თუ ღმერთმა
და ბედმა ოდესმე მომასწრო“.³

¹ В. Фигнер, Запечатленный Труд, 1932, т. 1, стр. 84.

² ს. მესხი, წერილები, 1950, გვ. 76.

³ იქვე, გვ. 1—2.

ეს დროც მალე დაუდგა ქართველ საზოგადოებას: ქართველი ქალები, რომელთაც უცხოეთში მიიღეს უმაღლესი განათლება, დაბრუნდნენ საქართველოში და დაუცხრომლად შეუდგნენ კულტურულ და საგანმანათლებლო მუშაობას.

*

მას შემდეგ, რაც რუსეთის უმაღლესი ტიპის სასწავლებლებში დაიწყეს ქალების მიღება, საქართველოდან პეტერბურგში გაემართა ქართველი ქალების ახალი წყება. მათ შორის იყვნენ ეფემია და ელისაბედ ხელთუბნიშვილები.

ღები მოეწყვენენ პეტერბურგის ქალთა პედაგოგიურ უმაღლეს კურსებზე. ე. წ. „ბესტუჟევის კურსებზე“.

აღნიშნული კურსები გახსნილ იქნა 1878 წ. პეტერბურგის მოწინავე ინტელიგენციის, — კერძოდ, პროფესორ ა. ნ. ბეკეტოვის ინიციატივით. სახალხო განათლების სამინისტრომ კურსების გახსნას დართო რა ნება, მოითხოვა, რომ ამ კურსების ხელმძღვანელი ყოფილიყო კ. ნ. ბესტუჟევი-რიუმინი, რომლის სახელწოდებასაც ატარებდა ეს კურსები.

ქალთა უმაღლეს კურსებზე იყო სიტყვიერებისა და ისტორიის. ფიზიკა-მათემატიკის ფაკულტეტები.

ღები ხელთუბნიშვილები პეტერბურგის ქალთა უმაღლეს კურსებზე მეცადინეობისას ჩაებნენ რევოლუციურ მუშაობაში და, ერთხელ, რევოლუციური პროპაგანდისათვის სასამართლოზე იყვნენ გადაცემულნი. დასახელებული კურსების დამთავრების შემდეგ ისინი პედაგოგიურ მოღვაწეობას ეწეოდნენ ქუთაისის ეპარქიალურ სასწავლებელში და მონაწილეობდნენ „ქართული ბიბლიოთეკის“ საქმიანობაში.

* *

მე-19 ს. უკანასკნელ წლებში უმაღლესი განათლების მქონე იმ ქართველ ქალთაგან, რომლებიც დაუღალავ პედაგოგიურ და საგანმანათლებლო მუშაობას ეწეოდნენ საქართ-

ველოში, ცალკე უნდა აღინიშნოს ოლღა გურამიშვილი, ეკატერინე ნიკოლაძე და ეკატერინე ნელიქიშვილი,

ოლღა გურამიშვილი (1855 — 1940) ქართველ რევოლუციონერ ქალთა პირველი საუკეთესო წარმონაღვრელი იყო. მან 1871 წელს დაამთავრა ანიერკავკასიის ქალთა ინსტიტუტი. ხალხოსან-რევოლუციონერ მ. ნადეჟდინის მემკვიდრეობით ის 1871 წელსვე ჩაება რევოლუციურ მუშაობაში. ორი წლის შემდეგ ოლღა გურამიშვილი, მშობლების სასტიკი წინააღმდეგობის მიუხედავად, გიორგი წერეთლისა და ნიკო ნიკოლაძის დახმარებით, საზღვარგარეთ წავიდა.

ამის გაძო აი რას სწერდა ბარბარე თუმანიშვილი თავის ძმას გიორგის 1873 წლის 16 თებერვალს:

„რომ იცოდე, რა შემთხვევა მოხდა აქ. ოლიკო გურამიშვილი ციურისს წავიდა, ეს არავის შეატყობინა—არც დედას, არც ძმას და რასაკვირველია, არც ბიძას (ალექსანდრე გურამიშვილს—რ. ს.). ნიკოლაძემ აიღო პასპორტი თავის დებისათვის, ზაგრამ წასვლით ნარტო ერთი წავიდა, ხოლო ნეორისის სახელით ოლიკო გაემგზავრა. ახლა რასაკვირველია ყველაფერი უშოვეს—პასპორტიც, მოწმობაც. ყველაზე უფრო ბიძია ალექსანდრე ცხარობდა. ვერ წარმოიდგენ როგორ იყო აღელვებული. როგორ გვიანობდა და ჩვენ როგორ ვხარხარობდით“¹.

აკადემიკოს ნ. ა. მოროზოვს თავის მოგონებებში მოკყავს ოლღა გურამიშვილის ნაამბობი საზღვარგარეთ გაპარვის შესაებ.

— „А я, сказала Гурамова своим музыкальным голо-
сом, даже просто убежала из дому, меня ни за что не хотели
пускать, меня пустили проводить их до парохода и не дали
заграничного паспорта. Мне было очень горько видеть как
они перешли через мостики, а я осталась на набережной
смотреть на них, казавшимся мне такими счастливыми.
Но тут вдруг раздался крик: человек упал в воду. Жандар-

¹ აკად. ს. ჯანაშიას სახელობის საქართველოს სახელმწიფო მუზეუმი
გ. თენანიშვილის პირადი საარქივო ფონდი.

მყ, სთყვშიე ნა მოსტიკაჲ ი ლე პროსუკაჲშიე ნიჲოთ ნა
პაროჲოდე ბეზ ჲაგრანიჲნიჲ პასპორტოჲ. ბროსიჲსიჲ ვითასკი-
ნაჲთ ეო, ა ი თემ ვრემეჲმ პერებეჲჲალა ჲერეზ მოსტიკაჲ ი
სპრიათალაჲს ვ კაიოთე პაროჲოდა, დო ეო ოთჲოდა. ა ბოლშე
უჲე ნიღდე ნე სპრიაჲვალე პასპორტოჲ“.¹

მართლაცდა, უსაზღვროდ დიდი უნდა ყოფილიყო სწრაფ-
ეა უნაღლეჲსი განათლებეჲსათეჲს, რომ იმ პერიოდში ქართველ
ქალს ასეთი გაბედული ნაბიჲი გადაედგა.

ციურიხში ჩასული ოღლა გურამიშვილი აქტიურ მონა-
წილეობას ლებულობდა 1873 წელს დაარსებულ ქართველ
სტუდენტთა საზოგადოება „უღელში“. მას ახლო კავშირი
ჰქონდა იქ მყოფ რუსი ემიგრაციის საუკეთესო წარმომად-
გენელებთან — ტკაჩოვთან, ვერა ფიგნერთან, ნ. მოროზოვთან
და ფრანგ კომუნისტ ლეფრასესთან და სხვებთან.

1873 წლის ბოლო რიცხვებში ციურიხში ჩასულმა გიორ-
გი წერეთელმა მოინახულა ქართველი სტუდენტები. ოღლა
გურამიშვილის შესახებ იგი კერძო ბარათში ნიკო ნიკოლა-
ძეს სწერდა:

„გურამოვა, გურამოვა?... ოჲ რა არსებდა. მე მარტო პი-
რველ ნახეაზე წარმომიდგა მისი ზღვასავით მოაუღვეველი ქარ-
გი თვისებები. ორჯერ სამჯერ იმას წარბებს და თვალებს.
იმის გაბუშტულს ცხვირს შევებდე და იცი ვისი სახე წარმო-
მიდგა? როდესაც ვეფუსვი (B A P C) პირველ გამოვა სანადი-
როთ და ყოველ ბუჩქს დაწვრილებით გადაავლებს თავის თვა-
ლის შუქს, რომ არა გამოეპაროს რა. რომ თავის მსხვერპლი
ბელითგან არ წაუფიდეს, სწორედ ამგვარივე შთაბეჭდილება
ჰქონდა ჩემზე გურამიშვილის ქალს; მე ვფიქრობ, თუ ნორმა-
ლურად წავიდა იმისი გონებეჲს წკრთნა, ის უნდა გაბდეს რა-
მე კარგათ მოზრდილ საქმეში მოთაჲეთ და ძალის შემაერთებ-
ლად. ამასთან რა გულჩვილია და მხურვალე გრძნობის არის,
ამასთან რა გამბედავი და თავგამეტებით ხელ ამღებია იმაზე,
ვისაც სცნობს“.²

¹ Н. А. Морозов, Повести моей жизни. 1947, т. I. стр.
449.

² ჟურ, „მნათობი“, 1929, № 11—12.

როცა ქართველი სტუდენტი ქალები ციურხიდან ენე-
ვაში გადავიდნენ სასწავლებლად, მათ თან გადაჰყვა ოლლა
გურამიშვილიც. ენევაში ის მონაწილეობდა ფედერაციული
ინტერნაციონალის კრებებში და სხვ.

უზალღესგანათლებამიღებულ იოლა გურამიშვილი 1876
წელს საქართველოში დაბრუნდა და იაკობ გოგებაშვილის მი-
წვევით თბილისის სათავადაზნაურო გიმნაზიის მოსამზადებე-
ლი კლასის მასწავლებლად დაიწყო მუშაობა.

კავკასიის სასწავლო ოლქის მზუნველი—იანოესკი წინა-
აღმდეგი ყოფილა ოლლა გურამიშვილის, როგორც ქალის
მასწავლებლობისა ვაჟთა სკოლაში, მაგრამ როცა დასწრებია
მის გაკვეთილებს, აღტაცებული დარჩენილა, დაუტოვებია იგი
და სხვა მასწავლებლებიც მიუმაგრებია პრაქტიკისათვის.

აღნიშნულ თანამდებობაზე ოლლა გურამიშვილმა 1876
წლიდან—1881 წლამდე იმუშავა. ამავე ხანებში იგი ახლო
მონაწილეობას იღებდა გაზეთ „ობზორის“ საქმეებში, რომელ-
საც მისი მეუღლე—ცნობილი ჟურნალისტი და საზოგადო მო-
ღვაწე ნიკო ნიკოლაძე (1843—1928) რედაქტორობდა.

გაზეთ „ობზორის“ დახურვის და მისი რედაქტორის ქ.
სტავროპოლში 1880 წელს გადასახლების დღიდან, ოლლა გუ-
რამიშვილი პეტერბურგში იმყოფებოდა და სისტემატურად
ესწრებოდა ნ. კ. მიხაილოესკის კონსპირაციულ ბინაზე მოწ-
ყობილ კრებებს. აქ შეხვდა იგი საბლინს, ვისთანაც მზადდე-
ბოდა მეფე ალექსანდრე მეორის მკვლელობა.

მკვლელობის შემდეგ ოლლა გურამიშვილი ორჯერ დაჰ-
კითხა ლორისმელიქოვმა და პეტერბურგიდან სამშობლოში
გამოაძევა.

1882 წელს ოლლა გურამიშვილი ნიკო ნიკოლაძესთან
ერთად ისევ ჩადის პეტერბურგში და ხდება იმ პროგრესულ
მწერალთა წრის წევრი, რომლებიც ჟურნალ „ოტჩინესტვენნიე
ზაპისკი“-ს სცემდნენ.

1884 წლიდან ოლლა ალექსანდრეს ასული მეუღლესთან
ერთად საქართველოშია. რევოლუციურ მუშაობაში ჩაბმის
დღიდან ოლლა გურამიშვილი თუმცა ჟანდარმერიის საიდუმლო

მეთვალყურეობის ქვეშ იმყოფებოდა, მაგრამ მიუხედავად ამისა, ის მაინც ენერგიულად განაგრძობდა თავის საქმიანობას, მონაწილეობდა ყველა ქართულ საზოგადოებრივ საქმეში და ხელს უწყობდა წარსული საუკუნის მეორე ნახევარში ნაციონალ-რევოლუციური მოძრაობის გაღვივებას.

ეკატერინე ნიკოლაძე (1854—1931). მეცხრამეტე საუკუნის მეორე ნახევრის ქართველ მოღვაწე ქალთა შორის ერთ-ერთი საპატიო ადგილი უჭირავს ეკატერინე იაკობის ასულ ნიკოლაძეს.

1871 წელს ეკატერინემ თბილისში დაასრულა ამიერკავკასიის კეთილშობილ ქალთა ინსტიტუტი.

„ეს ცნობილი და დიდად პატივცემული პიროვნება შეუდგა საზოგადო მოღვაწეობას ძალიან ახალგაზრდობიდან. ამას ხელს უწყობდა ის გარემოება, რომ ეკატერინეს მამის, იაკობ ნიკოლაძის ოჯახი კულტურისა და განათლების მძლავრი კერა იყო ქუთაისში... ნიკოლაძის ოჯახში მუდამ თავს იყრიდა მაშინდელი ხელოსნები, მოწინავე საზოგადოება. ნიკოლაძის ოჯახი იყო ცენტრი და იშვიათი დასაყრდენი ბაზა ახალ იდეებისა... აი ასეთ ნათელ კერაში აღიზარდა შემდეგის საზოგადო მოღვაწე და იშვიათი ქველ-მოქმედი — ეკატერინე იაკობის ასული. მისი, ნიჭით და ტალანტით სავსე, მკვირცხლი ბუნება ვერ დაკმაყოფილდა საშუალო განათლებით, რომელიც მან სამშობლოში მიიღო, რადგან გულთთ სწყუროდა ევროპული განათლება, გაცნობა და შესწავლა იმ მოწინავე ქვეყნისა, რომელიც იყო ბუდე ფილოსოფიისა და მეცნიერებისა იმ ქვეყნისა, საიდანაც მიწას ეფინებოდა სოციალური იდეები“.¹

1871 წელს ეკატერინე წავიდა ციურიხში უმაღლესი განათლების მისაღებად. 1873 წლის დასასრულს ციურიხში ჩასული გიორგი წერეთელი ნიკო ნიკოლაძისადმი მიმართულ ბარათში შემდეგს წერდა ეკატერინეს შესახებ: „ვერ წარმო-

¹ საქართ. კ. მარქსის სახელობის საჯარო ბიბლიოთეკაში დაცული ნ. ნიკოლაძის პირადი არქივი, საქმე № 38. (გ. ბოკორიას მიერ ეკატერინე ნიკოლაძის დასაფლავებაზე წარმოდგენილი სიტყვიდან).

იღვენ კატო როგორ გაიოცვლილა, გაკეთებულა, იმას საკვირ-
ველად ეტყობა ჭაბუკობის ცეცხლი აღიმული და ის გაუხ-
რელი სულის ღონე, რომელიც ყოველ დღიურს გაჭირებას.
დიდ შევიწროებას, ხითხითით დასცინის თითქოს ამისთანა
გაჭირება სულაც არაფრად გამევირსო“.¹

საზღვარგარეთ ეკატერინე ნიკოლაძე სხვა ქართველ
სტუდენტებთან ერთად დაუახლოვდა რუს და ევროპელ რე-
ვოლუციონერებს, განსაკუთრებით ვერა ფიგნერს და აქტიურ
მონაწილეობას იღებდა ქართველი ახალგაზრდობის მიერ და-
არსებულ საზოგადოება „უღელში“.

მან „პირველმა მოაწერა ხელი იმ პირობაზე, რომელიც
დაიდო ქართველ და სომეხ საზღვარგარეთელ ჯგუფს შორის
ერთად მუშაობისა და საერთო ძალით იმპერიალისტურ
ტანჯვის უღლიდან განთავისუფლების მიზნით, და რომელზე-
დაც გიორგი წერეთელს საკუთარ სისხლში ამოწებულ კალ-
მით ჰქონდა ხელი მოწერილი“.²

1876 წელს სამშობლოში დაბრუნებულმა ეკატერინე ნი-
კოლაძემ ხელი მიჰყო პედაგოგიურ მოღვაწეობას, ლიტერა-
ტურულ საქმიანობასა და სხვადასხვა საქველმოქმედო საქმეს.

პროფ. რუსუდან ნიკოლაძე ასე ახასიათებს მას:

„დაუცხრომელი ენერგიით სავსე, მოუსვენარი მუშაკი
და ახალ-ახალი საქმეების წამომწყები, მამიდა კატო ბუნებით
პოწოდებული საზოგადო მოღვაწე იყო და ამავე დროს თა-
კისი ოჯახისა და პანსიონის ენტუზიასტიც.

ქუთაისში მამიდა კატო არცერთ საზოგადო საქმეს აო-
აკლდებოდა. თითქმის ყველგან იგი ერთ-ერთი და მთავარი
ანიციატორი იყო და წამოწყების სული და გული. ქართუ-
ლი თეატრი, თარგმანები და გამომცემლობა, მუშებისათვის
აფეთქისიან წარმოდგენების მოწყობა, სახალხო უნივერსიტე-

¹ ჟურ. „მნათობი“, 1929 წ. 11—12.

² საქართ. კ. მარქსის სახელობის საჯარო ბიბლიოთეკაში დაცული
ნიკო ნიკოლაძის პირადი არქივი, საქმე № 38 (მ. ბოკერიას მიერ ეკატე-
რინე ნიკოლაძის დასაფლავებისას წარმოთქმული სიტყვიდან).

ტის დაარსება და ხელმძღვანელობა, სტიპენდიები „საიზედო ახალგაზრდობის და დევნილების დახმარება. სად არ შევხედვ-ბოდით მას ქუთაისში 40-50 წლის მანძილზე 70-იან წლები-დან 1920-მდე. ყველა ეს ქუთაისის ქალთა წრის საქმე იყო, რომლის სულსა და გულს წამიდა კატო შეადგენდა რამდენი-მე თავის ზეგობართან ერთად. რომელთა შორის 90-იან წლებ-ში ყველაზე უკეთ მახსოვს მელ. გველესიანი. ელ. ხელთუბნი-შვილი და ნიტა წერეთელი“¹.

მეცხრანეტე საუჯუნის ოთხმოცდაათიან წლებში ქუთაი-სის ქალთა წრის საქმიანობაში დაუცხრომელ მუშაობას ეწე-ოდნენ აკაკი წერეთელი და ლადო მესხიშვილი თავისი თე-ატრით.

პროფ. რუსუდან ნიკოლაძე იგონებს:

„ჩემ დროს, 90-იან წლების მეორე ნახევარში, ქალთა წრე ყოველკვირეულად იკრიბებოდა ჩვენსას, დილაობით მარქსის „კაპიტალის“ მკითხველთა წრე იკრიბებოდა, გიორგი ზდანოვიჩის ხელმძღვანელობით. საღამოობით კი „მონწყობი“ ქალები იყრიდნენ თავს: წარმოდგენების, სხვადასხვა სალა-მოების, ლექციების, ლატარეების და სხვ. ხშირად ნატო გა-ბუნია და აკაკი გვესტუმრებოდნენ ტფილისიდან...

ყველაზე უკეთ მახსოვს ამ წრის ის პერიოდი, რომელ-შიაც მუშებისათვის დაიწყეს იათასიანი წარმოდგენების მო-წყობა მამიდამ, მელ. გველესიანმა, ელ. ხელთუბნიშვილმა და სხვებმა. აკაკის ძალიან უყვარდა ასეთი შეკრებები. ხან ოხუნ-ჯობით გაამხიარულებდა ყველას, ხან კიდევ ინდროინდელ თავის გატაცებაზე ჩამოაგდებდა ლაპარაკს — „ვეფხის ტყა-ოსანზე“, რომლის ირგვლივ იგი იმ დროს ლექციებსაც კით-ხულობდა“².

ეკატერინე ნიკოლაძე დაუცხრომელ რევოლუციურ და ათეისტურ აგიტაციას ეწეოდა.

ეკატერინე ნიკოლაძის დასაფლავებისას-გ. ბოკერიაშვილმა სთქვა:

¹ „ლიტერატურის მატრიცე“. 1912, №3—4, გვ. 106.

² იქვე, გვ. 114.

„დამშეულ სოფელთათვის საზრდოს და ფულის მიწოდება, სხვადასხვა კულტურულ წრეების განმგებლობა, მოწაფეთა მოსამზადებელი პანსიონის წინძლოლა და თავისუფალი აღზრდის წესების ცხოვრებაში უნაკლოდ გატარება, რის შემდეგ მისი ხელიდან სამშობლოს გამრეზარდა არა მცირე რიცხვი სახელოვან რევოლუციონერთა. როგორც გვაგონდება, ყველაზე პირველად ეკ. ნიკოლაძემ დაიძახა, რომ მოწამეთის დავით და კონსტანტინეს ნეშთი სხვა არა იყორა თუ არ უბრალო ძვლები, თაფლის სანთელ გადაკრული...

1905 წლის რეაქციონურ ცეცხლის და ვარვარა ტყვიების წინააღმდეგ თავისი რევოლუციონერ შეგირდებით ქუთაისის ქუჩებზე ეკატერინემ უშიშრად აღმართა ბარიკადები სხვათა გასამხნევებლად. ქუთაისში არ ყოფილა არც ერთი კულტურული საქმე, საქველმოქმედო საღამოები თუ სხვადასხვა კრებები და მსჯელობანი, რომელშიაც ეკატერინეს მხურვალე მონაწილეობა არ მიეღოს, თაონობა არ გაეწიოს და თავისი უკანასკნელი გროში საზოგადო საქმეზედ არ გადაეგოს. ეს იყო ღერძი, რომლის გარშემო ტრიალებდნენ ქუთაისის კულტურულად მოაზროვნე და მომქმედნი მოწინავენი. ეს იყო მათი ტონის მიმცემი“¹.

ყველა ამის გამო ცარისტული ხელისუფლება აღმაცერად უყურებდა ეკატერინე ნიკოლაძეს და ის ფარული მეთვალყურეობის ქვეშ ჰყავდა.

საქართველოში საბჭოთა ხელისუფლების დამყარებას ეკატერინე ნიკოლაძე გულმხურვალედ შეხვდა. ეკატ. ნიკოლაძე ერთ-ერთი პირველი ქართველ ქალთაგანი იყო მეცხრამეტე საუკუნის მეორე ნახევარში, რომელმაც მთელი თავისი სიცოცხლე პედაგოგიურ მოღვაწეობას და კულტურულ-საგანმანათლებლო საქმეს შესწირა.

ეკატერინე მელიქიშვილი (1854—1928). მეცხრამეტე საუკუნის პირველ ნახევარში პედაგოგიურ ასპარეზზე და კულტურის სხვა სფეროებში არა ერთი ქართველი ქალი

¹ საქართ. კ. მარქსის სახელობის საჯარო ბიბლიოთეკაში დაცულ

მოღვაწეობდა, მაგრამ ნაციონალურ პრესაში ქართველ ქალთა მონაწილეობა იშვიათი იყო.

1842 წელს, როცა საქართველოში ეურნალ „სინათლის“ გამოცემის იდეა ჩაისახა, ამ წამოწყებაში სამმა ქართველმა ქალმა მოინდომა მონაწილეობის მიღება. ესენი იყვნენ: ქეთევან მაჩაბელი, თინათინ ციციშვილი და ელისაბედ ჯაბახიშვილი.

აღნიშნული ეურნალის გამოცემა: სამწუხაროდ, ვერ განხორციელდა და აქ დასახელებულ ქალთა სამწერლო ინტერესები გამოუვლინებელი დარჩა.

ქართველ ქალთა პირველი მონაწილეობა ნაციონალურ ეურნალისტიკაში მოხდა ივანე კერესელიძის მიერ განახლებულ ეურნალ „ცისქარში“, სადაც ბეჭდავდნენ როგორც ორიგინალურ, ისე თარგმნილ მხატვრული ლიტერატურის ნიმუშებს და კრიტიკულ წერილებს: ეკატერინე ერისთავი, მარიამ ერისთავი, ბარბარე ჯორჯაძე, ნინო ორბელიანი და სხვები.

1866 წელს, როცა თბილისში გიორგი წერეთლის რედაქტორობით (გამომცემელი სტეფანე გიორგისძე მელიქიშვილი) ქართული პერიოდული გაზეთი „დროება“ გამოვიდა, გამომცემლობის საქმეში მონაწილეობას იღებდა მაშინ სრულიად ახალგაზრდა ეკატერინე (ქეკე) გიორგის ასული მელიქიშვილიც.

ეკატერინე მელიქიშვილი იყო ერთ-ერთი ინიციატორი „ქართველ მთარგმნელ ქალთა ამხანაგობისა“.

1872 წელს თბილისში სტეფანე მელიქიშვილის სტამბაში დაიბეჭდა „თარგმანი საამო საკითხაეთა თხზულებათა გამოცემული ქართველი ქალებისაგან. წიგნი პირველი“.

აღმანახის წინასიტყვაობაში აღნიშნულია, რომ უცხოეთიდან თარგმნილი ძეგლებით ქართველი საზოგადოება გაიცნობს დაწინაურებული ქვეყნების ცხოვრებას. „იმათ აზრს, გონების მიმართულებას და წადილს“.

აღმანახის პირველ წიგნში მოთავსებული იყო: ეკატერინე გაბაშვილის მიერ ვიქტორ ჰიუგოს „საბრალოიდგან“

თარგმნილი ნაწყვეტი „პარიზელი ბიჭი“, ეკატერინე მელიქიშვილის მიერ თარგმნილი „ანეროცელი ქალები XVIII საუკუნისა“, ელენე ყიფიანის, ეკატერინე მელიქიშვილის და ეკატერინე გაბაშვილის მიერ თარგმნილი „ეჟულტარნო“ და ელენე ყიფიანის მიერ თარგმნილი ნ. როსელის „უკანასკნელი ღღენი“.

ასეთი სახის აღმანახების გამოცემით ქართველ მთარგმნელ ქალთა ჯგუფს სურდა შეეკროვებინა თანაა, როგორც ისინი ეძახდნენ „სასიამოვნო საკითხავი წიგნების გამოსაცემად“.

1873 წელს ეკატერინე მელიქიშვილი, თავისი ძმის, ცნობილი ქართველი მეცნიერის პეტრე მელიქიშვილის წინააღმდეგობის მიუხედავად, საზღვარგარეთ წავიდა უმაღლესი განათლების მისაღებად. სულ მალე ის ციურიხის ქართველ სტუდენტთა წრის „უღელის“ ერთ-ერთი აქტიური წევრი გახდა.

დასახელებულ საზოგადოებაში ეკატერინეს მიერ წაკითხული ერთ-ერთი მოხსენების გამო გიორგი წერეთელი 1873 წლის დასასრულს ციურიხიდან ნიკო ნიკოლაძეს სწერდა:

„გუშინ სალამოს შეკრებილებაში (საზოგადოება „უღელი“-ს კრებაზეა საუბარი — რ. ს.) კეკემ წოიტანა ქართული პოლიტიკური განხილვა საფრანგეთზე. დაწერილი კარგად იყო, მაგრამ შინ არ წაეკითხა და ამისათვის ჩქარა ვერ წაიკითხა. მე შევნიშნე და შენც მისწერე რომ რაც დასწეროს იმის კითხვაც კარგათ ისწავლოს, მართლაც რომ ამ მხრით ჩვენი საქმეები კარგათ წავა“.¹

საზღვარგარეთ უმაღლესკურსდასრულებული ეკატერინე მელიქიშვილი საქართველოში ჩამოსვლის შემდეგ ცნობილი ქართველი ჟურნალისტის სერგეი მესიის მეუღლე გახდა და აქტიურ მონაწილეობას იღებდა საყმაწვილო ჟურნალ „ჯე-ჯილში“, სადაც ათავსებდა როგორც ორიგინალურ, ისე ფრანგულიდან თარგმნილ მასალას.

¹ ჟურნ. „მნათობი“, 1929. № 11--12.

9. სასწავლო გეგმები, პროგრამები და სახელმძღვანელოები

მე-19 საუკუნის მეორე ნახევრის ქალთა პედაგოგიური განათლების დაწესებულებათა სასწავლო მუშაობის შინაარსის განმსაზღვრელი დოკუმენტებიდან (სასწავლო გეგმები, პროგრამები, სახელმძღვანელოები) შედარებით უფრო მეტად არის ცნობილი სასწავლო გეგმები. აღნიშნულ დაწესებულებათა დაარსების შესახებ ლაპარაკის დროს ჩვენ ნაწილობრივად უკვე შევეხეთ მათ სასწავლო გეგმებსაც. აქ საჭიროდ მიგვაჩნია ვცადოთ მათი მოკლე დახასიათება.

გასული საუკუნის 60-იან წლებში თბილისის ქალთა პირველი თანრიგის სასწავლებლის სპეციალური პედაგოგიური ციკლი, რომელიც, როგორც აღვნიშნეთ, ამ სასწავლებლის შესაბამე საფეხურს წარმოადგენდა, ორ უკანასკნელ (5-6) კლასს შეიცავდა. ამ საფეხურზე ანუ უკანასკნელი ორი კლასის სასწავლო გეგმაში შედიოდა:

ზოგადი განათლების საგნებიდან:

1. საღვთო სჯული,
2. რუსული ენა და სიტყვიერება,
3. ისტორია.
4. გეოგრაფია,
5. მათემატიკური საგნები,
6. ფილოსოფიური პრობლემეტიკა.
7. მშობლიური ენა (მსურველთათვის).

სპეციალური (პედაგოგიური) განათლების საგნებიდან:

1. პედაგოგიკა.
2. კერძო მეთოდოლოგიები (რუსული ენის, არითმეტიკის, გეოგრაფიისა და ისტორიის სწავლების მეთოდები).
3. პედაგოგიური პრაქტიკა.¹

ზოგადი განათლების საგნებში, როგორც ვხედავთ, არ ყოფილა არც ერთი ახალი საგანი, რომელიც არ ისწავლებოდა წინა (მეორე) საფეხურზე. აქ, შესაბამე საფეხურზე, გადიოდნენ აღნიშნული საგნების გაღრმავებულ კურსს, რაც არსე-

¹ Циркуляр по печ. КУО. IX—X стр. 28.

ითად მათ განმეორებას წარმოადგენდა, სპეციალური პედაგოგიური ციკლის საგნები, ცხადია, ახალი იყო თბილისის 1-ლი თანრიგის ქალთა სასწავლებლისათვის, მაგრამ მათი ხვედრითი წონა ძალიან მცირე იყო ამ დაწესებულების სასწავლო გეგმაში. ეს გარემოება გამოწვეული იყო არა დროის უქონლობის ანუ გეგმის გადატვირთვის გამო, არამედ თვით პედაგოგიურ-მეთოდური საგნების პროგრამის სიმცირე-სიღარიბით.

70-იანი წლებიდან ქალთა გიმნაზიებს შვიდ (1-7) კლასში ერთნაირი, ტიპიური სასწავლო გეგმები იყო შემოღებული. ამ გეგმებში ძირითადად შედიოდა ქვემოჩამოთვლილი საგნები შემდეგი ცხრილით:

სავალდებულო საგნები	კლასები							სულ
	1	2	3	4	5	6	7	
1. საღვთო სჯული	2	2	2	2	2	2	2	14
2. რუსული ენა და სიტყვიერება	4	4	3	3	3	3	3	29
3. მათემატიკა	3	3	3	3	3	4	4	23
4. გეოგრაფია	2	2	2	2	2	—	—	10
5. ისტორია	—	—	2	2	3	3	2	12
6. ბუნებისმეტყველება და ფიზიკა	—	—	—	2	2	3	3	10
7. სუფთა წერა	3	2	1	1	—	—	—	6
8. ხელგარჯილობა	—	—	2	2	2	2	1	9

არასავალდებულო საგნები	კლასები							სულ
	1	2	3	4	5	6	7	
9. გერმანული ენა	5	5	4	3	4	3	2	26
10. ფრანგული ენა	5	5	4	3	4	3	2	26
11. ხატვა	2	2	2	2	2	2	2	14
12. პედაგოგია	—	—	—	—	—	—	2	2

კლასიკური განხრის მქონე ქალთა გიმნაზიაში აქ მოყვანილი არასავალდებულო საგნების ნაცვლად შეიძლება

ესწავლებინათ ერთი ახალი ენა და ძველი ენები ლათინური და ბერძნული.¹

ქალთა გიმნაზიების მე-8, პედაგოგიურ კლასში შემდეგი სავალდებულო საგნები ისწავლებოდა:

1. პედაგოგია და დიდაქტიკა,
2. რუსული ენა (საეკლესიო-სლავეურით) და სიტყვიერება,
3. მათემატიკა,
4. ისტორია,
5. გეოგრაფია.²

კერძო მეთოდნიკები (რუსული ენისა და სიტყვიერების, მათემატიკის, ისტორიის, გეოგრაფიის სწავლებას მეთოდნიკები) ქალთა გიმნაზიების მე-8 კლასებში ისწავლებოდა პედაგოგიის კურსთან. თუ გავიხსენებთ, რომ პედაგოგიკას (დიდაქტიკით) დათმობილი ჰქონდა კვირაში 2 საათი, ადგილი წარმოსადგენია ის უმნიშვნელო ადგილი, რომელიც პედაგოგიურ დისციპლინებს ეჭირა ქალთა გიმნაზიების მე-8, პედაგოგიურ კლასში. ასევე უმნიშვნელო იყო პედაგოგიური დისციპლინები წმიდა ნინოს სახელობის ქალთა სასწავლებელთა უკანასკნელ კლასებში და ქალთა განათლების ყველა იმ დაწესებულებების სასწავლო გეგმებში, რომლებიც ამზადებდნენ მასწავლებლებს დაწყებითი სკოლებისათვის.

პედაგოგიური დისციპლინების—პედაგოგიკის, პედაგოგიკის ისტორიის, კერძო მეთოდნიკების სტრუქტურა არ იყო ჩამოყალიბებული მე-19 ს. მეორე ნახევარში. ის ფაქტი, რომ ყველა პედაგოგიური სასწავლებლის სასწავლო გეგმებში პედაგოგია იწოდებოდა „პედაგოგია დიდაქტიკით“ ან „პედაგოგია და დიდაქტიკა“ მოწმობს იმას, რომ დიდაქტიკა არ მიაჩნდათ პედაგოგიკის ორგანულ ნაწილად და სპეციალური შინაშენის გარეშე მასში (პედაგოგიაში) ვერ გულისხმობდნენ. კერძო მეთოდნიკები კი,—პირიქით, არ ითვლებოდა და-

¹ Д. Кузменько, Сборник постановлений и распоряжений по женск. гимназ. и прогимназиях, 1874, стр. 129.

² იქვე, გვ. 146.

მოუკიდებელ სასწავლო საგნებად და, როგორც აღვნიშნეთ, პედაგოგიკის კურსთან. ზოგჯერ კი შესატყვისი საგნის კურსთან აერთიანებდნენ. ამ კერძო მეთოდოლოგიებს პედაგოგიკის ან სათანადო საერთო-საგანმანათლებლო საგნების მასწავლებლები ასწავლიდნენ, რომლებმაც კერძო მეთოდოლოგიები არ იცოდნენ. პედაგოგიკის კურსში შექპონდათ აგრეთვე პედაგოგიკის ისტორიის მასალაც, რომელიც პედაგოგიკის კლასიკოსების მოკლე ბიოგრაფიებით იფარგლებოდა. ცხადია, პედაგოგიკის კურსის ასეთი გაფართოების შემთხვევაში მისთვის დათმობილი 2 საათი კვირაში, სრულებით არ იყო საკმარისი ერთი წლის განმავლობაში გადაეცათ ან შეესწავლათ ეს საგანი სათანადო სიღრმითა და სისრულით. რამდენადაც გასული საუკუნის მეორე ნახევრის განმავლობაში ქალთა პედაგოგიურ სასწავლებლებში პედაგოგიური დისციპლინების სწავლება არ იდგა თავის სიმალლეზე არც თავისი შინაარსით, არც მათთვის დათმობილი დროისა და არც მათ მასწავლებლთა სპეციალური კვალიფიკაციის მიხედვით. იმდენად ადვილი წარმოსადგენია იმ მასწავლებელ-ქალთა პედაგოგიურ-მეთოდოლოგიური მომზადების ხარისხი, რომლებიც აღნიშნული პერიოდის ქალთა პედაგოგიური განათლების სასწავლებლებს ამთავრებდნენ.

გადავიდეთ პროგრამების საკითხზე.

პედაგოგიკისა და კერძო მეთოდოლოგიის პროგრამები მე-19 ს. მეორე ნახევრის ქალთა პედაგოგიურ სასწავლებელთათვის და მათი მოკლე სქემები, რომლებიც ერთგვარ წარმოდგენას გვაძლევენ პედაგოგიკის კურსის შინაარსის შესახებ. საკმაოდ მოგვეპოვება: ამ საბედნიერო შემთხვევით მთელი რუსეთისა და მის იმპერიაში შემავალი ქვეყნების სახალხო განათლების ისტორია დიდად არის დავალებული რუსეთის პედაგოგიკის კლასიკოსის კ. დ. უშინსკისაგან, ხოლო საქართველოს მე-19 ს. მეორე ნახევრის სახალხო განათლება კერძოდ

პედაგოგიური განათლება, გარდა კ. უშინსკისა დავალებულია მისი მოწაფეების — ლ. მოძალევსკის, დ. სემიონოვისა და ქართველი საზოგადო მოღვაწისა და პედაგოგის ბეს. ლოლობერიძისაგან.

კონსტანტინე უშინსკი, გასული საუკუნის 60-იანი წლების დამდეგს, გამოდიოდა რა იმ ფაქტიდან, რომ ქალთა პედაგოგიური განათლების სასწავლებლებს, არ მოეპოვებოდათ პედაგოგიკის კურსის პროგრამა. თვითონ შეადგინა ის ორ ვარიანტად 1869 წელს. ერთი ვარიანტი განკუთვნილი იყო ქალთა სასწავლებლებს სპეციალური პედაგოგიური კლასებისათვის („Программа педагогики для специальных классов женских учебных заведений“)¹, ხოლო მეორე — ქალთა იმ სასწავლებლების საერთო განათლების ორი უკანასკნელი კლასებისათვის, რომლებშიც პედაგოგიკა დაწყებითი სკოლების მასწავლებელთა მომზადების მიზნით ისწავლებოდა. „Программа педагогического курса для двух старших общих классов женских учебных заведений“².

კ. უშინსკის პროგრამის ორივე ვარიანტი მოწონებულ იქნა განათლების სამინისტროს მიერ და გაეგზავნა ქალთა პედაგოგიური განათლების სასწავლებლებს სახელმძღვანელოდ.

პროგრამის ის ვარიანტი, რომელიც განკუთვნილი იყო ქალთა სასწავლებელთა (უმთავრესად 1-ლი თანრიგის სასწავლებელთა)³ სპეციალური პედაგოგიური კლასებისათვის, შეიცავდა შესავალს, წინასწარ ცნებებსა და პედაგოგიკის ორ ნაწილს: ფიზიკურ აღზრდას და გონებრივ-ხელობრივ აღზრდას. შესავალში კ. უშინსკი არკვევდა პედაგოგიკის სწავლების მიზანს ქალთა სასწავლებლების სპეციალურ კლასებში. იგი აღნიშნავდა, რომ პედაგოგიკა უდიდესი მოცულობის საგანია და ქალთა სასწავლებლების სპეციალურ კლასებში, უკანასკნელთა ამოცანების მიხედვით, საჭირო იქნება ამ მოცულობიდან

¹ К. Д. Ушинский, Соч. т. 10. стр. 31-43.

² იქვე, გვ. 43-49.

ისინი 1870 წლიდან ქალთა გიმნაზიებად ვ. დაკეთდა.

მხოლოდ ისეთი მასალის წინდახედული შერჩევა, რომელიც საშუალებას მისცემს მოსწავლეს შეითვისოს მეცნიერული პედაგოგიური განათლების საფუძვლები იმდენად, რომ მას შეეძლოს პედაგოგიური თხზულებების გაგება და დამოუკიდებლად განვითარება. მეორე მხრივ, ქალთა სასწავლებლებში პედაგოგიკის სწავლების პრაქტიკული ამოცანა, კ. უშინსკის აზრით, უნდა გამოიხატოს იმაში, რომ მოსწავლე ქალიშვილებმა სწავლის კურსის დასრულების შემდეგ „წარმატებით, მძიმე ცდებისა და შეცდომების გარეშე აწარმოონ ბავშვთა აღზრდა და პირველდაწყებითი სწავლება“¹. პედაგოგიკის კურსის კარგად შეთვისების მიზნით კ. უშინსკის საჭიროდ მიაჩნია, მოსწავლეებმა წინასწარ იცოდნენ ფიზიოლოგიისა და ფსიქოლოგიის სათანადო საწყისები. ფიზიოლოგიის ელემენტარულ ცნობებს მოსწავლეები იძენენ სასწავლებლის ზოგადსაგანმანათლებლო კურსიდან, ხოლო აუცილებელი ცნობები ფსიქოლოგიიდან, რომელიც არ ისწავლებოდა საშუალო სასწავლებლებში, უნდა მიეწოდებინა მსმენელთათვის პედაგოგიკის მასწავლებელს ამ კურსის სწავლების პროცესში.

პროგრამის „წინასწარ ცნობებში“ უშინსკი არკვევდა სააღმზრდელო მოღვაწეობის საგანს, ამოცანასა და საშუალებებს. სააღმზრდელო მოღვაწეობის საგანში იგი ისეთი ცნებების გარკვევას გულისხმობდა, როგორიცაა: აღზრდა და მისი გაძოყენება მხოლოდ ორგანიზმების მიმართ, განვითარება, პიროვნების აღზრდა, ინდივიდუალური და საზოგადოებრივი აღზრდა, თვითშეგნება ანუ გონი, ნებისყოფა, ადამიანის განვითარების პერიოდები: ყრმობა, ბავშვობა, სიჭაბუკე, სიყმაწვილე და მოწიფულობა და სხვა ცნებები. პროგრამის ამავდენაწილში უშინსკი იშველიებდა რა არისტოტელის ცნებებს, აღნიშნავდა: „პედაგოგიკის საგნად ითვლება ადამიანის ორგანიზმის სწორი განვითარება მთელი მისი სირთულით, მის მცენარეულ, ცხოველურ და წმინდა ადამიანურ პროცესებში“¹. აღმზრდელობითი მოღვაწეობის ამოცანაში უშინსკი

¹ К. Д. У ш и н с к и й., Соч. т. 10, стр. 33.

აღზრდის ამოცანის ორ სახეს არჩევდა: ინდივიდის აღზრდას თავისთავისათვის და ინდივიდისაგან საზოგადოების წევრის აღზრდას. აღმზრდელობითი მოღვაწეობის ყველაზე ძლიერ საშუალებებად მას მიაჩნდა: სწავლა (სწავლება), რომელიც თავისი მნიშვნელობით, სიფართოვით და წესების მრავალმხრიობით შედის დიდაქტიკაში ანუ სწავლების თეორიაში. აქედან უშინსკი ასკვნია, რომ პედაგოგია ორ ნაწილად იყოფა: საკუთრივ პედაგოგია და დიდაქტიკა.

პედაგოგიის პირველ ნაწილში — ფიზიკურ აღზრდაში უშინსკი, ფიზიკური აღზრდის ცნებისა და მისი მნიშვნელობის გარდა, აღნიშნავდა ადამიანის მცენარეული ცხოვრების ორგანოებს და პროცესებს. განსაკუთრებით კვების პროცესს, კვების სახეებს, ჰაერს, ტემპერატურას, სინათლეს და ცხოველური ცხოვრების ორგანოებსა და პროცესებს: კუნთებს, გრძნობის ორგანოებს, ნერვულ სისტემას. მეორე ნაწილში. გონებრივ-ზნეობრივ აღზრდაში. ავტორს შეაქვს ფსიქიურისა და ფიზიკური მოვლენების განსხვავება, სხეულისა და სულის ურთიერთზემოქმედება და გამოყოფს ფსიქიური მოვლენების ორ სახეს: დაბალი რიგის ფსიქიური მოვლენები და მაღალი რიგის ფსიქიური მოვლენები. დაბალი რიგის ფსიქიური მოვლენებში, რომელიც ადამიანს საერთო აქვთ ცხოველებთან, უშინსკი გულისხმობდა შემეცნების ისეთ პროცესებს, როგორიცაა: აღქმა, მიხსიერება, წარმოსახვა, განსჯა და აგრეთვე შინაგანი გრძნობები და ნებისყოფის მოვლენები. მაღალი რიგის ფსიქიურ მოვლენებში, რომლებიც მხოლოდ ადამიანს ახასიათებს, უშინსკის შექმონდა: მეტყუელების ნიჭი, მხატვრული გრძნობა, ზნეობრივი გრძნობა (ინდივიდუალური და საზოგადოებრივი) და რელიგიური გრძნობა.

პედაგოგიის მეორე ნაწილად კ. უშინსკი დიდაქტიკას თვლიდა, რომელსაც ის ორ ნაწილად ყოფდა: ზოგადი და კერძო დიდაქტიკა. ზოგად დიდაქტიკაში მას შექმონდა სწავლების წესები, საერთო ყველა საგნისათვის, სწავლების პირობები, ორგანიზაცია, ზეთოდები და ხერხები. კერძო დიდაქტიკაში — ცალკეული საგნების სწავლების წესები, სახელდობრ:

წერა-კითხვის, მშობლიური ენისა და მისი გრამატიკის, პირველდაწყებითი არითმეტიკისა და გეომეტრიის, ბუნებისმეტყველების, გეოგრაფიის, ისტორიის, სუფთა წერის, ხატვის, მუსიკისა და სიმღერის (გალობის) სწავლების ხერხები და საშუალებანი.

კ. უშინსკის პროგრამის მეორე ვარიანტი, განკუთვნილი ქალთა იმ სასწავლებლების ორი უკანასკნელი კლასისათვის, რომლებიც ამზადებდა დაწყებითი სკოლების მასწავლებლებს, წარმოადგენდა პირველი ვარიანტის მოკლე რედაქციას.

გასული საუკუნის 60-იანი წლების დასასრულს კ. დ. უშინსკის მიერ ქალთა პედაგოგიურ სასწავლებელთათვის შედგენილი პედაგოგიკის პროგრამა მკაფიოდ ასახავდა იმდროინდელი რუსული პედაგოგიკის მდგომარეობას, რომელიც, იმავე უშინსკის გამოთქმით, მაშინ „სავსებით ჭაბუკი იყო, არა მარტო ჩვენში, არამედ ყველგან“¹. სწორედ პედაგოგიკური მეცნიერების სიჭაბუკითა და მისი მოუწიფებლობით აიხსნება ის ნაკლიც, რომელიც უშინსკის ზემოაღნიშნულ პროგრამას ახასიათებდა. პირველ ყოვლისა, აღსანიშნავია, რომ ეს პროგრამა ავტორს, როგორც ჩანს, შეუდგენია თავისი დიდი ნაშრომის— „ანთროპოლოგიის“ („Человек как предмет воспитания“) სტრუქტურის მიხედვით და რამდენადაც ამ ნაშრომის პირველი ორი ნაწილი, რომლებშიც განხილულია პედაგოგიკის ფიზიოლოგიური და ფსიქოლოგიური წინამძღვრები, 1869 წლისათვის უკვე დასრულებული ჰქონდა, იმდენად პროგრამის ფიზიოლოგიური და ფსიქოლოგიური მასალა საკმაოდ სისრულითა და საჭირო თანამიმდევრობით არის მასში წარმოდგენილი. „ანთროპოლოგიის“ მესამე ნაწილი, რომელშიც საკუთრივ პედაგოგიკას საკითხები უნდა ყოფილიყო განხილული, ავტორმა ვეღარ მოასწრო დაეწერა და, ამდენად, მის ზემოხსენებულ პროგრამაში პედაგოგიკის საკითხები არ არის წარმოდგენილი სრულად და პედაგოგიკის სტრუქტურისათვის დამახასიათებელი თანამიმდევრობით. პედაგოგიკის მთელი რიგი საკითხები მასში სრულებით არ არის (განათლების სისტემა, სკოლა,

¹ К. Д. Ушинский, Соч. т. 8, стр. 23.

მასწავლებელი, მოსწავლეთა გაერთიანებანი და სხვ.), ხოლო ზოგი საკითხი. და მათ შორის დიდაქტიკა. მოკლედ და მეტად სქემატურად არის წარმოდგენილი.

ზიუხედავად მნიშვნელოვანი ნაკლისა, რომლითაც უშინსკის მიერ 1869 წელს შედგენილი პედაგოგიკის პროგრამა ხასიათდებოდა. მან მაინც დიდი სამსახური გაუწია ქალთა სასწავლებლებს. მე-19 საუკუნის 60-70-იან წლებში მის მიხედვით ასწავლიდნენ პედაგოგიკას. ხშირად ამოკლებდნენ მას. ცვლიდნენ მისი საკითხების თანამიზღვევრობას, უმატებდნენ ზოგიერთ მასალას. მაგრამ არსებითად მის ნიადაგზე რჩებოდნენ. თბილისის ქალთა სკოლებში უშინსკის პროგრამით ასწავლიდნენ პედაგოგიკას ნისი მოწაფე ლ. მოძალვესკი და ბეს. ლოლობერიძე. რომლებიც უმთავრესად პროგრამის მეორე. შემოკლებული ვარიანტით ხელმძღვანელობდნენ.

რუსეთის იმპერიის ქალთა პედაგოგიურ სასწავლებლებში კ. დ. უშინსკის პროგრამის გამოყენების პრაქტიკამ პირველ წლებშივე ნათელი გახადა. რომ ეს პროგრამა. დიდ მოცულობის გამო. ვერ ეტეოდა მისი სწავლებისათვის დათმობილ დროში. მისი ამოწურვა შეუძლებელი ხდებოდა როგორც მე-8. პედაგოგიურ კლასში. ისე საერთო განათლების ქალთა სასწავლებლების ორ უკანასკნელ კლასში. რომლებშიც პედაგოგიკა ისწავლებოდა. ამის გამო რუსეთის სახალხო განათლების სამინისტრომ 1874 წელს ქალთა სასწავლებლებს დაუგზავნა სათანადო მითითება პედაგოგიკის პროგრამისა და მისი კურსის შემოკლების შესახებ¹.

ეს მითითება მოითხოვდა პედაგოგიკის კურსის სამი ძირითადი ნაწილიდან — ზოგადი პედაგოგიკიდან. დიდაქტიკიდან და კერძო მეთოდებიდან ესწავლებინათ მხოლოდ ძირითადი საკითხები. სახელდობრ: ფიზიკური აღზრდიდან: მოსწავლის ჰიგიენა. ბავშვის კვება. სუფთა ჰაერის მნიშვნელობა ბავშვის ჯანმრთელობისათვის, ბავშვთა ჩვეულებრივი (გავრცელებული)

¹ Сборник Постановлений и Распоряжений по женским гимназиям и прогимназиям, МНП за 1870—1905, стр. 201.

ავადმყოფობანი და სხვ. გონებრივი აღზრდიდან: ფსიქოლო-
გიისა და ლოგიკის საკითხების გაშუქებისას გამოეყენებინათ
მაგალითები აღზრდის პრაქტიკიდან და შეხედულებები პედა-
გოგიკის ძველი და ახალი წარმომადგენლებისა; მეთოდებიდან:
წერა-კითხვის მეთოდების სწავლების დროს გარკვეულიყო,
რა მეთოდებით იყო შედგენილი რუსეთის იმპერიაში ყველაზე
უფრო გავრცელებული საანბანო წიგნები კ. უშინსკისა, პაულ-
სონისა, კორფისა, აგრეთვე გლავინსკისა და ნიკოლსკისა.
პედაგოგიკის სახელმძღვანელოდ რეკომენდებული იყო რომ-
ჩინის წიგნი, რომელსაც ქვევით შევხებით.

80-იანი წლების დასაწყისში კ. უშინსკის მოწაფემ დ.
სემიონოვმა (1834—1902) გორის სამასწავლებლო სემინარიის
დირექტორის თანამდებობაზე ყოფნის დროს (1878 — 1884)
შემოიღო პედაგოგიკის ახალი პროგრამა, რომელიც მან შეად-
გინა ყუბანის სამასწავლებლო სემინარიის დირექტორად ყოფ-
ნის დროს (1870—1878)¹. ეს პროგრამა, მართალია, შემოღე-
ბული იყო გორის სამასწავლებლო სემინარიისათვის, მაგრამ ის
ჩქარა გავრცელდა თბილისის ქალთა პედაგოგიურ სასწავლებ-
ლებშიც. ამ პროგრამის ტექსტის შედარებამ უშინსკის პროგ-
რამასთან დაგვარწმუნა, რომ დ. სემიონოვს ფართოდ უსარგებ-
ლია უშინსკის პროგრამით. მთელ რიგ შემთხვევებში სემიონოვი
იმეორებს უშინსკის პროგრამის ამა თუ იმ ადგილს და ცნებებს.
სტრუქტურაც უმთავრესად უშინსკიდან აქვს აღებული. მას
ცვლილებები უფრო მეტად დიდაქტიკურ და მეთოდურ ნა-
წილში შეუტანია. სემიონოვის პროგრამაში გათვალისწინებუ-
ლია ადგილობრივი პირობები, უფრო ფართოდაა წარმოდგე-
ნილი კერძო მეთოდების შინაარსი და პედაგოგიური პრაქ-

¹ Д. Д. Семенов, Избр. пед. соч. 1953, стр. 334—350. ცსა,
ს. 121, ფ. 39—57.

მ. კეკელიძე, დ. სემიონოვის პედაგოგიური მოღვაწეობა საქართ-
ველოში, 1954. დამატებანი, 75—87.

ტიკის გეგმა. დამატებულია თავი: „დიდი პედაგოგების ბიოგრაფიები“, რომელიც პედაგოგიკის ისტორიის მაგიერობას ეწეოდა. ამ უპირატესობათა გამო სემიონოვის პროგრამამ 80-იან წლებში საკმაო პოპულარობა მოიპოვა საქართველოს პედაგოგიური განათლების ქალთა სასწავლებლებში და პედაგოგიურ კურსებზე.

არ შეიძლება არ აღინიშნოს, რომ ზოგიერთი მასწავლებელი პედაგოგიკას სახელმძღვანელოების სარჩევების (თავებისა და ქვეთავების) მიხედვით ასწავლიდა. ეს სარჩევები, რომლებიც პროგრამის სქემას მოგვაგონებს, იზიდავდა მათ უფრო იმიტომ, რომ თვით სახელმძღვანელოებიც ამ სქემით იყო შედგენილი და ეს მასწავლებლებს ძალიან უადვილებდა პედაგოგიკის კურსის კითხვას. მიუხედავად იმისა, რომ დაბალ მეცნიერულ დონეზე მდგარი პედაგოგიკის სახელმძღვანელოების სარჩევები სუსტ და ხშირად არასწორ წარმოდგენას აძლევდა მკითხველებს პედაგოგიკის სხვადასხვა საკითხზე. ასეთ პრაქტიკას ადგილი ჰქონდა თითქმის საუკუნის დამლევამდე.

*
*
*

საქართველოს მე-19 ს. 60-იან წლების პედაგოგიური განათლების სასწავლებლებს თავიდანვე, ცხადია, არ მოეპოვებოდა პედაგოგიკის სახელმძღვანელოები. მოსწავლეები მხოლოდ კონსპექტებს ანუ ჩანაწერებს (Записки) ადგენდნენ და ამით სწავლობდნენ პედაგოგიკის კურსს. წლის დამლევს მასწავლებელი ამოარჩევდა უფრო უკეთეს კონსპექტს, ასწორებდა მას და მთელ ჯგუფს აძლევდა, რომ ამით მოემზადებინა ჩასაბარებელი კურსი.

არსებული ცნობების მიხედვით პედაგოგიკის სახელმძღვანელო თბილისის ქალთა გიმნაზიის მე-8, პედაგოგიური კლასისათვის პირველად შემოღებულ იქნა 1871 წელს. ეს იყო პ. როშჩინის წიგნი: „ნარკვევი პედაგოგიკის, დიდაქტიკისა და დაწყებითი განათლების სასწავლო საგნებისადმი შე-

ფარდებული მეთოდის უნთავრესი პრაქტიკული დებულებებისა¹. წიგნი რეკომენდებული იყო რუსეთის სახალხო განათლების სამინისტროს მიერ. როგორც სახელმძღვანელო ქალთა გიმნაზიებისა და სამასწავლებლო სემინარიებისათვის.

პ. როშინის წიგნის წინასიტყვაობაში მისი შემდგენელი იმ ფაქტიდან გამოდიოდა, რომ დაწყებითი სკოლების მასწავლებელთა დიდმა უზრავლესობამ არ იცოდა პედაგოგია სამასწავლებლო სემინარიების სიმციროს გამო. თვით დებულებაც მასწავლებლის წოდების მინიჭების შესახებ მოითხოვდა მომავალ მასწავლებელთაგან მხოლოდ იმ სპეციალური საგნის ცოდნას. რომელიც მათ უნდა ესწავლებინათ. ხოლო პედაგოგიკის ან მეთოდის ცოდნა მათთვის სავალდებულოდ არ ითვლებოდა. ეს გარემოება პ. როშინის საზართლიანი შენიშვნით. გადაუდებელ აუცილებლობად აყენებდა პედაგოგია-მეთოდის სახელმძღვანელოს გამოცემას, რომ აღნიშნულ მასწავლებლებს რამდენადმე მაინც გაადვილებოდა პრაქტიკული მუშაობა მათ წინაშე მდგარი მძიმე ამოცანების განსახორციელებლად. შემდგენელი წერდა, რომ სახელმძღვანელოს მიზანი მიღწეულად ჩაითვლება, თუ ის გაურკვევს დამწყებ მოსწავლეებს აღზრდისა და სწავლების თუნდაც ზოგიერთ საკითხს და ხერხს და აღუძრავს მათ სხვა პედაგოგიური თხზულებების უფრო საფუძელიანად შესწავლის სურვილს.

პ. როშინის წიგნი 3 ნაწილისაგან შედგებოდა: ზოგადი პედაგოგია, დიდაქტიკა და მეთოდისა. ზოგად პედაგოგიაში განხილული იყო აღზრდის კანონები და წესები, პედაგოგიკის განმარტება და მისი სტრუქტურა, ფიზიკური აღზრდა, შემეცნების ნიჭის განვითარების პროცესი გრძნობის ორგანოების საშუალებით და ამ გრძნობების აღზრდა. ბავშვთა გონებრივი აღზრდა, ყურადღებისა და მეხსიერების აღზრდა, მნემონიკა, წარმოსახვა და ფანტაზია. ზნეობრივი აღ-

¹ Очерк главнейших практических положений педагогики, дидактики и методики, примененной к учебным предметам начального образования, сост. П. Рошин, Москва, 1874.

ზრდა, გარემოს აღმზრდელობითი მნიშვნელობა. ბავშვის სოციალური მისწრაფებანი, რელიგიური აღზრდა, ესთეტიკური აღზრდა, ბავშვთა სათანადოების აღმზრდელობითი და საგანმანათლებლო მნიშვნელობა და სხვა საკითხები. დიდაქტიკაში განხილული იყო: სწავლების ამოცანები და საშუალებანი, ცოდნა-ჩვევები, სწავლების მეთოდები, სწავლების კერძო მეთოდები. სასწავლო გეგმები, გაკვეთილების განაწილება, მასწავლებლის დახელოვნება და მისი პიროვნების წინმშეობა სწავლების დროს, დისციპლინა და წესრიგი სწავლების დროს, სწავლების დრო და ადგილი (გაკვეთილი) და სხვა საკითხები. მეთოდთაში განხილული იყო: რუსული წერა-კითხვის სწავლების მეთოდები, არითმეტიკის სწავლების მეთოდები, ხაზვის მეთოდები, გეოგრაფიისა და ისტორიის სწავლების მეთოდები, საღეთო სჯულის სწავლების პროგრამა, თვალსაჩინო ხელსაწყოები დაწყებით სკოლაში, ჩანაწერების ნიმუშები და სხვა საკითხები.

როშინის სახელმძღვანელო უშინსკის პროგრამის მიხედვით, მაგრამ მთელი რიგი საკითხების გამოკლებითაა შედგენილი. დიდაქტიკისა და კერძო მეთოდთა ნაწილი მეტად მოკლედ და სქემატურადაა განხილული, ის უფრო ინსტრუქციებისა და რეცეპტების კრებულს წააგავს, ვიდრე ზათ ნარკვევს. ცნებებიც განყენებულადაა განმარტებული. მაგალითად, აღზრდის მიზნით აღიარებულია: „შესაძლო ადამიანური სრულყოფის მიღწევა“ ჰარმონიული განვითარების საშუალებით. პედაგოგია, ავტორის განმარტებით: გვაცნობს ადამიანის ფიზიკური, გონებრივი და ზნეობრივი აღზრდის წესებს“. წიგნი არ არის ასახული მასწავლებელთა გამოცდილება, არ არის მაგალითები და პრაქტიკულ დაკვირვებათა შედეგები. მიუხედავად ამისა, როშინის სახელმძღვანელო მაშინდელ პირობებში მაინც სასარგებლო წიგნად ითვლებოდა და მრავალჯერ იქნა გამოცემული.

80-იანი წლების დასაწყისში თბილისის ქალთა გიმნაზიის მე-8, პედაგოგიურ კლასში, თბილისის და ქუთაისის წმიდა ნინოს სახელობის ქალთა სასწავლებლების უკანასკნელ კლასებში პედაგოგიკას ასწავლიდნენ ი. სკვორცოვის მიერ შედგენილ

პედაგოგიკის სახელმძღვანელოთი: „ჩანაწერები პედაგოგიკაში ქალთა გიმნაზიებისა და მარიამ დედოფლის სახელობის დაწესებულებათა უწყების ინსტიტუტების პედაგოგიკის პროგრამის შესაფარდისად“¹. წიგნი ორი ნაწილისაგან შედგება. პირველ ნაწილში წარმოდგენილია „ზოგადი პედაგოგიკა, რომელშიც განხილულია აღზრდის ორი მხარე: ფიზიკური აღზრდა და სულიერი აღზრდა. სახელმძღვანელოს წამძღვარებელი აქვს მოკლე წინასიტყვაობა და შესავალი. წინასიტყვაობაში ავტორი ლაპარაკობს, რომ პედაგოგიკა ფსიქოლოგიასა და ლოგიკას უნდა ეყრდნობოდეს. პირველი არის პედაგოგიკის ფუნდამენტი. მეორე კი ცემენტი. რომელიც ერთმანეთთან აკავშირებს პედაგოგიკის ყველა ნაწილს. შესავალში განმარტებულია ცნება აღზრდის შესახებ და ტერმინი „პედაგოგიკა“. მითითებულია პედაგოგიკის შემადგენელი ნაწილები. ზოგადი პედაგოგიკის საგნად ავტორს „აღამიანის ფიზიკური და სულიერი ძალების თანდათანობითი და სწორი აღზრდის ზოგადი კანონებისა და პირობების გამომოცემა მიაჩნია“. დიდაქტიკაში ორ მხარეს არჩევს: ზოგად დიდაქტიკას და კერძო დიდაქტიკას. პირველი შეიცავს სწავლების საერთო კანონებსა და წესებს, მეორე—საერთო დიდაქტიკური წესების გამოყენებას ცალკეული საგნების სწავლებაში და სხვადასხვა კერძო მეთოდებსა და ხერხებს. ფიზიკურ აღზრდაში სკეორცოვი განიხილავს ისეთ საკითხებს, როგორცაა: ბავშვის კვება, ძისი ტანსაცმელი, საწოლი, ძილი, სიარული, სუფთა ჰაერისა და ტემპერატურის მნიშვნელობა, კბილების ამოსვლა და სხვა, სულიერ აღზრდაში: შეგრძნებანი, ყურადღება, წარმოდგენები, ასოციაციები, მეხსიერება, წარმოსახვა, აზროვნება, მეტყველება, გრძნობები, ნებისყოფა, შეგნება და თვითშეგნება.

¹ Записки по педагогике „Применительно к программе педагогики в женских гимназиях и институтах ведомства учреждения Императрицы Марии“, Составил И. В. Скворцов, часть первая, Общая педагогика, 1885.

აღნიშნული სახელმძღვანელოს გაცნობით ნათელი ხდება, რომ ის შედგენილია უშინსკის პროგრამის მიხედვით. სკოორცოვი სარგებლობს ამ პროგრამაში გათვალისწინებული სტრუქტურით: ცნებებითა და განმარტებებით. დიდაქტიკას მართებულად თვლის პედაგოგიკის განსაკუთრებულ ნაწილად. ამასთან გადატვირთულია ფსიქოლოგიისა და ლოგიკის მასალით, რომელიც ორგანულად არ არის დაკავშირებული აღზრდის საკითხებთან. ბავშვის სულიერი აღზრდის საკითხებში სრულებით არ არის გათვალისწინებული მისი გონებრივი განვითარების საკითხები. ზნეობრივ და ესთეტიკურ აღზრდას წიგნში სულ 10 გვერდი აქვს დათმობილი და ეს უმნიშვნელო ადგილი კი არ არის გამოყენებული აღზრდის ამ ძირითადი ნაწილების რომელიმე არსებითი საკითხის განსახილველად ზნეობრივი აღზრდის „მძლავრ დასაყრდენად“ აღიარებულია რელიგია.

90-იან წლებში თბილისის ქალთა სასწავლებლებში პედაგოგიკის სახელმძღვანელოდ იყენებდნენ აგრეთვე კ. ელნიცკის „ზოგად პედაგოგიკას“¹ და დიდაქტიკას. ეს წიგნები თავისი სტრუქტურით და შინაარსის ძირითადი საკითხებით ბევრად არ განსხვავდებოდა პედაგოგიკის ჩვენ მიერ უკვე განხილულ სახელმძღვანელოებისაგან. ელნიცკი პედაგოგიკას ორ ნაწილად ყოფდა: 1) ზოგადი პედაგოგიკა, რომელიც განიხილავს „ადამიანის სულიერი და ფიზიკური ძალების თანდათანობითი აღზრდის კანონებს“, 2) დიდაქტიკა, რომლის საგანსაც წარმოადგენს „იმ პედაგოგიური დებულებების განხილვა, რომლებიც გონების განათლებას ანუ სწავლებას ეწევიან“, 3) მეთოდოლოგია, ანუ „დიდაქტიკური დებულებების გამოყენება ამა თუ იმ სასწავლო საგნისადმი (მაგ. არითმეტიკის ან მშობლიური ენისადმი)“ და 4) პედაგოგიკის ისტორია, რომელიც ავტორის აზრით, სწავლობს პედაგოგიურ დებულებათა თანა-

¹ Общая педагогика. Пособие для учебных заведений, в которых преподается педагогика, и для занимающихся воспитанием и обучением детей.

ნიმდევრობით განვითარებას. წიგნის პირველ ნაწილში ზოგადი პედაგოგიკის კურსის დაწყებამდე, ელნიცკი ეხება ადამიანის განვითარების ასაკებს და შემდეგ დაწვრილებით განიხილავს ფიზიკური და სულიერი აღზრდის საკითხებს. თავისი სახელმძღვანელოს მეორე ნაწილი ელნიცკის მიძღვნილი ჰქონდა დიდაქტიკისადმი.

სხვა სახელმძღვანელოებთან შედარებით ელნიცკის წიგნში უფრო მეტად არის წარმოდგენილი საილუსტრაციო მაგალითები და სხვადასხვა ფსიქიკური პროცესების თუ მოვლენების აღზრდის გზები და საშუალებანი: მასწავლებლის გამოცდილება არც ამ წიგნშია გამოყენებული, მაგრამ პრაქტიკული მითითებანი მასში ბლომად მოიპოვება, რაც წიგნის მნიშვნელოვან ღირსებას წარმოადგენს.

გასული საუკუნის მეორე ნახევარში საქართველოს ქალთა პედაგოგიური განათლების სასწავლებლებში პედაგოგიკისა და კერძო მეთოდოდიკების სახელმძღვანელოებად ხმარობდნენ აგრეთვე დი ტესის „პრაქტიკული პედაგოგიკის ნარკვევს“, სპენსერის წიგნს „გონებრივი, ზნეობრივი და ფიზიკური აღზრდა“¹, ერისმანის „სასკოლო ჰიგიენას“ და სხვა პედაგოგიურ ლიტერატურას.

მეთოდოლოგიურად, აღნიშნული სახელმძღვანელოები, ცხადია, მე-19 საუკუნის ბურჟუაზიული პედაგოგიკის თვალსაზრისზე იდგა. ისინი ბევრ მოძველებულ და მეცნიერულად ყალბ „თეორიებს“ შეიცავდნენ. ეს განსაკუთრებით ითქმის იმ სახელმძღვანელოების ფსიქოლოგიურ და ფილოსოფიურ (ლოგიკის) დებულებებზე და აღზრდის თეორიის იმ ნაწილებზე, სადაც განხილულია მეშვეიდრეობის, აზროვნების, ძორა-

¹ აღსანიშნავია, რომ სპენსერის „გონებრივი, ზნეობრივი და ფიზიკური აღზრდა“ ყველაზე უფრო მეტი უპირატესობით და პოპულარობით სარგებლობდა ქუთაისის ქალთა გიმნაზიაში. თუ მხედველობაში მივიღებთ, რომ ეს წიგნი, მართლაც, აღემატება თავისი მეცნიერული ღირსებით სხვა, ზემოაღნიშნულ, წიგნებს, შეიძლება დავასკვნათ, რომ ქუთაისის ქალთა გიმნაზიაში უფრო სერიოზულად ჰქიდებოდნენ ზოგადი პედაგოგიკის სწავლებას, ვიდრე იმ სასწავლებლებში, სადაც ამ წიგნს არ იყენებდნენ.

ლური და რელიგიური აღზრდის საკითხები. ბუნებრივია, რომ ხსენებული სახელმძღვანელოები ვერ აიარაღებდნენ მომავალ მასწავლებელ ქალებს მოწინავე პედაგოგიური თეორიით, ვერ აძლევდნენ მათ აღზრდის ფიზიოლოგიური და ფსიქოლოგიური საფუძვლების მტკიცე, მეცნიერულ ცოდნას და მათი დანიშნულების შესათერის მეთოდოლოგიურ დახელოვნებას. მიუხედავად ამისა, ეს სახელმძღვანელოები თავისი ფაქტობრივი წინაარსით მაინც აწვდიდნენ მკითხველებს პედაგოგიურ-მეთოდოლოგიური ცოდნის იმ მინიმუმს, რომლის გარეშეც შეუძლებელი იქნებოდა მათი მუშაობა დაწყებით სკოლებში.

* * *

დასასრულ, თუ შევეცდებით გავითვალისწინოთ ქალთა პედაგოგიური განათლების ინტორია მე-19 საუკუნის საქართველოში, დავრწმუნდებით, რომ აღნიშნული პერიოდის მანძილზე მისი განვითარება საგრძნობლად ჩამორჩებოდა დაწყებითი სკოლებისათვის მასწავლებელთა მომზადების ამოცანებს. ქალთა პედაგოგიურ სასწავლებლებსა და სხვა დაწესებულებებში აღზრდილი პედაგოგი ქალები. მართალია, წინშეწევნულთა ვან ძალას წარმოადგენდნენ განათლების მუშაკთა ფრონტზე, მაგრამ მათი ზოგადი სპეციალური მომზადება ვერ უზრუნველყოფდა მეთოდოლოგიურ დახელოვნებას და ამიტომ მათი მუშაობის ხარისხი, როგორც წესი, დაბალი იყო.

ამის მთავარი მიზეზი იმაში მდგომარეობდა, რომ ქალთა პედაგოგიური განათლების სასწავლებლებს არ გააჩნდა კვალიფიციურ ხელმძღვანელთა კადრები, არ ჰქონდა შესაფერისი სახელმძღვანელოები და დამამარე ლიტერატურა პედაგოგიური ციკლის საგნებში. სასწავლო დრო არ იყო საკმარისი (მაგალითად, მე-8, პედაგოგიური კლასები და საგანგებო კურსები) სასწავლო გეგმით გათვალისწინებული საგნების ღრმად შესწავლისათვის და არც პედაგოგიური პრაქტიკა იყო დაყენებული საჭირო სიმაღლეზე.

ქალთა პედაგოგიური განათლების ნელი ტემპი მე-19

საუკუნის საქართველოში იმით აიხსნება, რომ მთავრობა და სასულიერო წოდება ნაკლებად ეხმაურებოდა დაწყებითი სკოლების მზარდი ქსელის მოთხოვნილებებს მასწავლებელთა კადრების დარგში. ხოლო კერძო და ცალკეული საზოგადოებრივი წრეების ინიციატივა დაწყებითი სკოლებისათვის მასწავლებელ-ქალების მოსამზადებლად უმნიშვნელო შედეგს აღწევდა. ეს მდგომარეობა არსებითად არ შეცვლილა არც შემდეგ. მთელ რევოლუციამდელ პერიოდში, მიუხედავად ქალთა დაწყებითი სკოლების რიცხვის გაზრდისა და კერძო საოჯახო სწავლების პრაქტიკის გაფართოებისა.

აღსანიშნავია აგრეთვე ისიც, რომ პედაგოგიური განათლება მოსახლეობის არისტოკრატიულ წრეებში არ სარგებლობდა შესაფერისი ავტორიტეტით. ამ წრეებიდან გამოსული ქალიშვილები ნაკლებად ეტანებოდნენ პედაგოგიურ განათლებას და უფრო ნაკლებად — სამასწავლებლო თანამდებობებს, სამაგიეროდ სისტემატურად იზრდებოდა დემოკრატიული ფენებიდან გამოსულ მოსწავლეთა რიცხვი. მე-19 საუკუნის საქართველოს ქალთა პედაგოგიურ სასწავლებლებში და კურსის დამთავრების შემდეგ სოფლის სკოლებშიც დაუზარებლად მიემართებოდნენ ისინი პედაგოგიური და კულტურულ-საგანმანათლებლო მუშაობისათვის.

მ ი ნ ა ე რ ს ი

წინასიტყვაობა

3

ნაწილი პირველი

მასწავლებელ ქალთა მომზადების პირობები და წესები მე-19 საუკუნის პირველ ნახევარში	7
ქალთა კულტურულ-საგანმანათლებლო მუშაობა ძველ საქართველოში	9
საეკლესიო-სამონასტრო და საშინაო სკოლები	15
ქალთა კერძო პანსიონები მე-19 საუკუნის პირველი ნახევრის საქართველოში	23
ა) აივერდოვას პანსიონი	25
ბ) კასტელას, ელიქსის, დანილევინ-მორდვინოვას და პერეირას პანსიონები	28
გ) ფაჟრის პანსიონი	30
ამიერკავკასიის კეთილშობილ ქალთა ინსტიტუტი	38
წმიდა ნინოს სახელობის ქალთა სასწავლებლები	45
ა) თბილისის წმიდა ნინოს სახელობის ქალთა სასწავლებელი	46
ბ) წმიდა ნინოს სახელობის ქუთაისის და თელავის ქალთა სასწავლებლები	52

ნაწილი მეორე

ქალთა პედაგოგიური განათლება მე-19 საუკუნის მეორე ნახევარში	56
ქალთა აღზრდის ახალი მიზნები და ამოცანები	57
პედაგოგიური განათლება 60—70-იან წლებში	69
პედაგოგიური კურსები	78
თბილისის ქალთა პირველი თანრიგის სასწავლებელი	80
თბილისის ქალთა პედაგოგიური კურსები	36

ქალთა გიმნაზიების მე-8 პედაგოგიური კლასები	90
ა) თბილისის ქალთა გიმნაზიის მე-8 პედაგოგიური კლასი	96
ბ) ქუთაისის ქალთა გიმნაზიის მე-8 პედაგოგიური კლასი.	102
მასწავლებელთა მომზადება ქალთა სასულიერო განათლების სისტემაში.	107
ა) თბილისის ქალთა ეპარქიალური სასწავლებელი.	112
ბ) ქუთაისის ქალთა ეპარქიალური სასწავლებელი	121
ბოღბის მონახტრის ქალთა სასწავლებლის პედაგოგიური განყოფილება	124
ბრძოლა ქალთა უმადლესი განათლებისათვის 70—80-იან წლებში.	127
სასწავლო გეგმები, პროგრამები და სახელმძღვანელოები.	143

